
民國叢書

第五編

· 73 ·

歷史 · 地理類

東洋史

王桐齡著

上海書店

王桐齡著

東
洋
史

目錄

序論

第一章 定義

第一節 歷史與各種學術之關係

第二節 政治史與文化史之區別

第三節 國史與萬國史之區別

第四節 萬國史與非萬國史之區別

第五節 世界史之二部

第六節 東洋史研究之必要

第二章 東洋史上之人種

第一節 亞洲民族之分布

目錄

第二節 歷史的民族與非歷史的民族之區別·····	九
--------------------------	---

第三章 東洋史上之地理·····	一二
------------------	----

第一節 亞洲形勢之區分·····	一三
------------------	----

第二節 亞洲地勢大略·····	一四
-----------------	----

第三節 亞洲地理之缺點·····	一九
------------------	----

第四章 中國史概略·····	二七
----------------	----

第五章 東洋史時代之區分·····	三四
-------------------	----

第六章 東洋史研究上之補助學科·····	三七
----------------------	----

第七章 東洋史之參考書·····	三九
------------------	----

本論·····	四一
---------	----

第一編 上古史 漢族萌芽時代·····	四一
---------------------	----

第一期 漢族苗族對峙時代·····	四一
-------------------	----

第二期	漢族休養時代·····	四一
第三期	西北民族第一次侵入中原時代·····	四一
第一章	漢族與交趾支那民族之關係·····	四一
第一節	上古交趾支那民族之勢力範圍及其生活狀態·····	四一
第二節	漢族文化之東下·····	四二
第三節	漢族與苗族之衝突·····	四三
第二章	漢族與西北民族之關係·····	五〇
第一節	北方民族之出現·····	五一
第二節	西方民族之出現·····	五二
第三節	戎狄之猖獗·····	五三
第四節	霸者之尊攘政策·····	五五
第三章	漢族勢力之東南發展·····	五七
第一節	南方民族之叛服·····	五七
第二節	東方民族之叛服·····	五八

第三節 東南民族之漢化·····	五九
------------------	----

第四章 漢族勢力之西北發展·····	六七
--------------------	----

第一節 趙之北伐·····	六七
---------------	----

第二節 秦人之西略·····	六九
----------------	----

第三節 萬里長城之起原·····	六九
------------------	----

第二編 中古史 漢族全盛時代·····	七一
---------------------	----

第一期 漢族第一次大一統時代·····	七一
---------------------	----

第一章 匈奴之勃興及其對漢室之衝突·····	七一
------------------------	----

第一節 匈奴之民族風俗法制及冒頓單于之家世·····	七二
----------------------------	----

第二節 平城之役·····	七五
---------------	----

第三節 劉敬之和親政策·····	七六
------------------	----

第四節 和親後匈奴之態度·····	七七
-------------------	----

第二章 古朝鮮之興亡及其對中國之關係·····	七九
-------------------------	----

第一節 朝鮮太古之神話·····	八〇
------------------	----

第二節	古朝鮮之版圖民族及風俗·····	八一
第三節	箕氏朝鮮之興亡·····	八三
第四節	衛氏朝鮮之興亡·····	八五
第五節	三韓之建國·····	八七
第三章	張騫奉使以前西亞諸國形勢之變化·····	八九
第一節	西亞文化之發源地·····	九〇
第二節	亞述帝國之勃興及其分裂·····	九三
第三節	波斯帝國之勃興與西亞之一統·····	九四
第四節	希臘二大民族之對峙與歐洲東南部之開化·····	九五
第五節	波斯希臘之衝突與西力東漸之嚆矢·····	九六
第六節	馬其頓之勃興與波斯之顛覆·····	九八
第七節	敘里亞王國之創立及其分裂·····	九九
第八節	安息大夏之建國·····	一〇〇
第四章	張騫奉使以前印度諸國形勢之變化·····	一〇一

第一節	印度文化之發源地·····	一〇二
第二節	印度太古之民族·····	一〇三
第三節	阿利安民族之南遷及其所創之文化·····	一〇四
第四節	釋迦牟尼之降世與佛教之創立·····	一〇七
第五節	孔雀王朝勃興以前印度諸國分立之狀況·····	一一一
第六節	孔雀王朝之勃興與佛教之弘布·····	一一五
第五章	大月氏之西遷與佛教文明之膨脹·····	一一八
第六章	張騫奉使以前西域諸國之形勢·····	一二〇
第七章	張騫奉使之成功與東西交通之開始·····	一二二
第一節	第一次奉使事蹟·····	一二四
第二節	第二次奉使事蹟·····	一二七
第三節	第三次奉使事蹟·····	一二八
第八章	烏孫之分合·····	一二九
第九章	西域諸國對漢之關係·····	一三四

第一節	西域諸國之交通路·····	一三四
第二節	樓蘭之征伐·····	一三五
第三節	大宛之征伐·····	一三六
第四節	車師樓蘭境內漢與匈奴勢力之消長·····	一三七
第十章	匈奴之末路·····	一三九
第一節	軍臣單于時代·····	一四〇
第二節	伊稚斜單于時代·····	一四一
第三節	烏維單于時代·····	一四三
第四節	兒單于時代·····	一四三
第五節	且鞮侯單于時代·····	一四四
第六節	狐鹿姑單于時代·····	一四四
第七節	壺衍鞬單于時代·····	一四五
第八節	五單于爭立時代·····	一四六
第九節	呼韓邪郅支對峙時代·····	一四八

第十節	南北匈奴分裂時代·····	一五〇
第十一章	佛教之東漸·····	一五五
第十二章	安息羅馬之競爭及其對漢之關係·····	一五六
第二期	西北民族第二次侵入中原時代·····	一六〇
第二期	漢族與西北民族第一次對峙時代·····	一六〇
第一章	東胡民族之復活·····	一六〇
第一節	烏桓鮮卑之風俗·····	一六一
第二節	烏桓之叛服·····	一六二
第三節	鮮卑之猖獗·····	一六四
第二章	匈奴餘燼之復熾·····	一六五
第一節	南匈奴之南侵與西晉之淪滅·····	一六六
第二節	北匈奴之西遷與四羅馬帝國之顛覆·····	一七〇
第三章	氐羌二族勢力之膨脹·····	一七四
第一節	氐羌之民族及風俗·····	一七四

第二節 先零羌與燒當羌之猖獗……………一七五

第三節 氏羌二族全盛時代……………一七八

第四章 朝鮮三國之對峙……………一七八

第一節 新羅之建國……………一七九

第二節 高句麗初年漢領四郡形勢之變化……………一八〇

第三節 高句麗之勃興與漢領四郡之淪沒……………一八一

第四節 百濟之勃興與箕氏馬韓之淪滅……………一八三

第五節 任那之建國……………一八四

第六節 高麗百濟內部之競爭及其對中國之關係……………一八五

第七節 中國文明與佛教文明之東漸……………一八六

第八節 三國內部之和戰與日本勢力之侵入……………一八七

第五章 日本之勃興及其對朝鮮半島之關係……………一九四

第一節 日本太古之神話……………一九五

第二節 神武天皇之東征與景行天皇之西伐……………一九八

第三節	神功皇后之西征與中國文明之東渡·····	二〇〇
第六章	後魏與柔然之對峙·····	二〇七
第一節	後魏之家世·····	二〇七
第二節	柔然之家世·····	二〇八
第三節	西域諸國對魏之關係·····	二〇九
第七章	吐谷渾之勃興及其對中國之關係·····	二一二
第一節	吐谷渾之建國·····	二一三
第二節	吐谷渾之中衰·····	二一三
第三節	吐谷渾之復盛·····	二一四
第四節	吐谷渾之文化·····	二一六
第五節	夸呂之外交·····	二一六
第八章	突厥勃興以前西方諸國形勢之變化·····	二一八
第一節	波斯之勃興與安息之覆滅·····	二一八
第二節	大月氏之衰亡與嚙噠之隆盛·····	二一九

第九章	柔然之衰亡與突厥之強盛·····	一二三
第一節	柔然之末路·····	一二三
第二節	突厥之家世·····	一二六
第三節	突厥之風俗及文化·····	一二七
第四期	漢族第二次大一統時代·····	一二九
第一章	突厥之衰亡與內外蒙古之內屬·····	一二九
第一節	東突厥之末路·····	一二〇
第二節	薛延陀回紇之爭霸·····	一二五
第三節	西突厥之衰亡·····	一二六
第二章	高麗百濟之衰亡與新羅之一統·····	一二九
第一節	高麗與隋之衝突·····	二四〇
第二節	高麗與唐之衝突·····	二四三
第三節	百濟之衰亡及日本與唐之衝突·····	二四四
第四節	高麗之衰亡·····	二四六

第五節	新羅之統一與唐室朝鮮半島霸權之喪失·····	二四七
第三章	大食勃興以前中亞諸國之形勢·····	二四九
第一節	高昌之內亂·····	二五〇
第二節	龜茲之內亂·····	二五二
第三節	吐火羅之內亂·····	二五二
第四節	昭武九姓諸國之內亂·····	二五三
第四章	大食之勃興與波斯薩贊王朝之淪滅·····	二五四
第一節	波斯薩贊王朝之末路·····	二五四
第二節	穆罕默德之家世·····	二五五
第三節	薩拉森之侵略·····	二五七
第五章	吐谷渾之衰亡與吐蕃之強盛·····	二五八
第一節	吐蕃之民族風俗及物產·····	二五九
第二節	贊普之家世·····	二六〇
第三節	吐谷渾之內亂·····	二六一

第四節	党項之內屬……………	二六三
第五節	吐蕃之東侵與吐谷渾之淪滅……………	二六三
第六節	吐蕃對唐室之衝突……………	二六四
第六章	印度笈多烏菴兩王朝之迭興及其對中國之關係……………	二六六
第一節	笈多王朝之興亡……………	二六七
第二節	烏菴王朝之興亡……………	二六八
第七章	日本之開化及其對中國之關係……………	二七二
第一節	中國文明之東渡……………	二七二
第二節	佛教文明之東渡……………	二七四
第三節	遣唐使與留學生之西來……………	二七五
第八章	回紇之勃興與外蒙古羈縻權之喪失……………	二八六
第一節	突厥餘燼之復熾……………	二八六
第二節	回紇之家世……………	二八九
第九章	契丹之勃興與內蒙古東部羈縻權之喪失……………	二九〇

第十章 渤海之勃興與滿洲羈縻權之喪失……………二九一

第一節 渤海之民族及風俗……………二九二

第二節 大氏之家世及其建國事略……………二九三

第十一章 唐室屬地管轄法……………二九五

第十二章 唐代之東西交通……………二九八

第十三章 西方宗教之東漸與佛教回教之隆盛……………三〇二

第一節 祆教……………三〇二

第二節 摩尼教……………三〇三

第三節 景教……………三〇三

第四節 回教……………三〇四

第五節 佛教……………三〇五

第三編 近古史……………三〇九

第一期 西北民族第三次侵入中原時代……………三〇九

第一章	回紇之衰亡與黠戛斯之強盛·····	三〇九
第一節	回紇全盛時代·····	三一〇
第二節	回紇衰亡時代·····	三一一
第三節	黠戛斯之民族風俗及物產·····	三一二
第四節	黠戛斯之勃興與回紇之淪滅·····	三一三
第二章	吐蕃之末路·····	三一七
第一節	吐蕃全盛時代·····	三一八
第二節	安西北庭之淪陷·····	三二〇
第三節	吐蕃衰亂時代·····	三二一
第三章	南詔之勃興及其對中國吐蕃之關係·····	三二四
第一節	南詔之文化·····	三二四
第二節	對唐恭順時代·····	三二七
第三節	對唐跋扈時代·····	三三〇
第四章	沙陀之歸化·····	三三二

第五章 契丹之勃興與渤海之淪滅……………三二四

第一節 耶律氏勃興以前契丹內部形勢之變化……………三三五

第二節 契丹內部之統一……………三三七

第三節 契丹外部之征伐……………三三八

第四節 契丹之內亂及其中衰……………三四〇

第六章 新羅之衰亡與後高麗之建國……………三四五

第一節 新羅之盛世……………三四五

第二節 新羅之末運……………三四八

第三節 摩震後百濟之競爭與後高麗之建國……………三五〇

第四節 新羅後百濟之衰亡與後高麗之一統……………三五一

第七章 後印度半島諸國之迭興與安南之獨立……………三五三

第一節 林邑之勃興與占城之續統……………三五四

第二節 扶南真臘之迭興……………三五五

第三節 驃國之建國……………三五七

第四節	海南諸國·····	三五八
第五節	交趾之獨立·····	三五八
第八章	南詔之衰亡與大理之建國·····	二六二
第一節	南詔之末路·····	三六三
第二節	長和之興亡·····	三六三
第三節	天興義寧之遞嬗·····	三六四
第四節	段氏之家世及其建國事略·····	三六四
第二期	漢族與西北民族第二次對峙時代·····	二六六
第三期	通古斯族強盛時代·····	二六六
第一章	西夏之勃興及其對宋遼之關係·····	二六六
第一節	西夏之民族及家世·····	三六七
第二節	西夏之建國·····	三六八
第三節	遼室之中興與宋遼之和戰·····	三七〇
第四節	遼夏之衝突與宋夏之構和·····	三七二

第五節	宋夏之衝突與宋遼之構和·····	三七三
第二章	後高麗對宋遼之關係·····	三七六
第一節	後高麗初年之外交·····	三七六
第二節	成宗之內政·····	三七六
第三節	成宗之外交·····	三七七
第四節	顯宗時代之外交·····	三七八
第五節	德宗文宗之外交·····	三七九
第三章	大理之衰亡與後理之建國·····	三八二
第一節	大理之盛衰·····	三八二
第二節	大中之迭興與後理之紹統·····	三八三
第四章	女真之勃興與遼室之顛覆·····	二八五
第一節	契丹之漢化·····	三八六
第二節	女真之起源·····	三八七
第三節	阿古達之舉兵與遼之敗北·····	三八九

第四節	宋金之聯合與遼之滅亡·····	三九一
第五章	後高麗對宋金之關係·····	三九五
第四期	蒙古族大一統時代·····	三九七
第一章	女真党項之衰微與蒙古之崛起·····	三九七
第一節	成吉思汗之家世·····	三九八
第二節	蒙古勃興以前四國諸國之形勢·····	三九九
第三節	蒙古內部之統一·····	四〇〇
第四節	党項之漢化·····	四〇一
第五節	女真之漢化·····	四〇一
第六節	成吉思汗之南侵與金室西北州郡之淪沒·····	四〇六
第二章	蒙古西征以前大食帝國形勢之變化·····	四〇八
第一節	穆罕默德正統之盛衰·····	四〇九
第二節	奧瑪耶朝之興亡·····	四一〇
第三節	阿拔斯朝之隆盛·····	四一一

第四節	奧瑪耶朝之西遷與法提瑪朝之隆盛·····	四一三
第三章	蒙古西征以前中亞及波斯諸國形勢之變化·····	四一五
第一節	泰黑耳蘇法爾薩曼那及布耶王朝之迭興與東大食帝國之瓦解·····	四一六
第二節	伽色尼王朝之興亡·····	四一七
第三節	塞爾柱王朝之興亡·····	四一九
第四節	西遼之興亡·····	四二〇
第五節	花刺子模之建國·····	四二二
第四章	蒙古西征以前印度半島形勢之變化·····	四二六
第一節	伽色尼王朝勢力之侵入·····	四二六
第二節	高爾王朝之興亡·····	四二七
第三節	奴隸王朝之興亡·····	四二九
第五章	成吉思汗之西征與花刺子模之顛覆·····	四三〇
第一節	奈曼之衰亡·····	四三〇
第二節	花刺子模全盛時代·····	四三一

第三節	蒙古與花剌子模衝突之遠因	成吉思汗之大舉西上	四三二
第四節	布哈爾撒馬爾罕玉龍傑赤之陷落	穆罕默德之走死	四三四
第五節	哥刺森伽色尼黑拉特之陷落	札蘭丁之出奔	四三五
第六章	哲伯蘇布特之西征與東歐諸國之降附		四三七
第一節	奇卜察克阿速奇加賽斯等部之陷落		四三七
第二節	俄羅斯諸王侯之敗沒		四三九
第三節	康里之破滅		四四〇
第七章	蒙古之南侵與夏金之淪滅		四四〇
第一節	金與西夏及宋之互訐		四四〇
第二節	夏之衰亡		四四一
第三節	金之衰亡		四四一
第八章	綽馬兒罕之西征與札蘭丁恢復策之失敗		四四三
第九章	巴圖之西征與奇卜察克汗國之創立		四四七
第一節	不里阿耳之破滅		四四七

第二節	俄羅斯諸部之陷落	攸利二世之戰死	四四八
第三節	佛雷斯達德之戰		四四九
第四節	滿寧河之戰		四四九
第十章	呼必贊之南征	後理之衰亡與吐蕃安南之降附	四五一
第一節	後理之盛衰		四五二
第二節	吐蕃之降附		四五四
第三節	西南諸蠻部之降附		四五四
第四節	大越李氏之衰亡與安南陳氏之建國		四五五
第十一章	轄魯之西征與伊兒汗國之創立		四五七
第一節	西征之動機		四五七
第二節	木剌夷之破滅		四五六
第三節	薩刺森東帝國之破滅		四五六
第四節	敘里亞小亞細亞諸國之征服		四六〇
第十二章	蒙古東征以前後高麗內政之變化		四六一

第一節	橫臣之跋扈·····	四六一
第二節	武人之專橫·····	四六二
第十三章	蒙古之東征與後高麗之降附·····	四六六
第一節	契丹與東眞之騷擾·····	四六六
第二節	薩里台之役·····	四六七
第三節	也厲車羅大之役·····	四六七
第十四章	蒙古勃興之原因·····	四六八
第十五章	元初之分國制度·····	四七一
第十六章	元初之東西交通·····	四七九
第十七章	元世祖東征以前日本政體之變化·····	四八一
第一節	皇權時代·····	四八一
第二節	藤原氏專政時代·····	四九三
第三節	院政時代·····	五〇二
第四節	平氏專政時代·····	五〇四

第五節 鎌倉幕府時代·····	五〇八
第六節 北條執權時代·····	五一二
第十八章 元世祖之東征與倭寇之猖獗·····	五一六
第一節 黑的殷弘之奉使·····	五一六
第二節 趙良弼之奉使·····	五一六
第三節 錫都之役·····	五一七
第四節 范文虎之役·····	五一七
第十九章 元世祖之南征與海南諸國之內屬·····	五一九
第一節 緬之征伐·····	五一九
第二節 占城安南之征伐·····	五二一
第三節 海外諸番國之征伐·····	五二三
第五期 漢族勢力恢復時代·····	五二五
第一章 宗室諸王之構兵與蒙古大帝國之瓦解·····	五二五
第一節 蒙古內亂之遠因·····	五二六

第二節	阿里克布克之亂……………	五二七
第三節	海都之亂錫喇勒濟之亂與納延之亂……………	五二八
第四節	奇卜察克汗國之向背及其對於歐洲諸國之關係……………	五三三
第五節	察罕臺汗國之向背……………	五三五
第六節	伊兒汗國之向背及其對於四方諸國之關係……………	五三六
第二章	元室之衰亡與韃靼衛拉特之內訌……………	五四二
第一節	韃靼衛拉特之起原……………	五四三
第二節	烏梁海桑顏三衛之起原……………	五四六
第三節	韃靼之中衰與衛拉特之強盛……………	五四七
第四節	哈密土魯番之交涉……………	五四九
第五節	韃靼之復興與內外蒙古諸部之創立……………	五五〇
第三章	察罕臺汗國之衰微與帖木兒帝國之創立……………	五五三
第一節	察罕臺汗國之末路……………	五五四
第二節	帖木兒幼年事蹟……………	五五六

第四章	帖木兒之勢力擴張與伊兒汗國之淪滅……………	五五九
第一節	喀什噶爾與花剌子模之降附……………	五五九
第二節	伊兒汗國歷代之內亂……………	五五九
第三節	合贊與埃及之競爭……………	五六三
第四節	合兒班答之對外交涉……………	五六七
第五節	伊兒汗國之末路……………	五七〇
第五章	帖木兒之西侵與奇卜察克汗國之瓦解……………	五七三
第一節	奇卜察克汗國之盛世……………	五七三
第二節	奇卜察克汗國之末路……………	五七五
第六章	帖木兒之南征與印度圖格拉克王朝之顛覆……………	五七九
第一節	帖木兒南征以前印度形勢之變化……………	五八〇
第二節	特里之戰……………	五八一
第七章	帖木兒之西征與土耳其之敗北……………	五八四
第八章	帖木兒對明室之外交……………	五八五

第九章	帖木兒帝國之衰亡與西方之瓦解·····	五八六
第十章	波斯西格索比王朝之勃興與基華布哈拉之建國·····	五八八
第一節	西格索比王朝之勃興·····	五八九
第二節	基華之建國·····	五九〇
第三節	布哈拉之建國·····	五九〇
第十一章	巴拜爾之南征與蒙兀爾帝國之創立·····	五九〇
第一節	巴拜爾之建國·····	五九〇
第二節	弗馬暗之中衰及其復國·····	五九一
第三節	亞格伯之內治·····	五九二
第四節	亞格伯之外征·····	五九三
第十二章	後高麗之衰亡與後朝鮮之建國·····	五九四
第一節	後高麗中葉以後對元室之關係·····	五九四
第二節	後高麗末年對元室之關係·····	五九七
第三節	洪倫之弑逆 辛禔之篡位·····	五九九

第四節	後高麗末年對明室之關係·····	六〇〇
第五節	後高麗末年對日本之關係·····	六〇二
第六節	李成桂之篡·····	六〇四
第十三章	安南陳氏之衰亡與黎氏之建國·····	六〇六
第一節	安南之盛世·····	六〇六
第二節	黎季犛之篡·····	六〇七
第三節	簡定與陳季擴之亂·····	六〇八
第四節	大越黎氏之建國·····	六〇九
第十四章	占城之衰亡與安南之分裂·····	六一一
第一節	黎氏之初政·····	六一一
第二節	占城之興亡·····	六一一
第三節	莫登庸之亂·····	六一二
第十五章	緬甸暹羅之對峙·····	六一三
第一節	緬甸之坐大·····	六一三

第一節 暹羅之勃興……………六一四

第十六章 豐臣秀吉西侵以前日本內政之變化……………六一五

第一節 皇室兩統之迭立……………六一六

第二節 建武之中興與北條氏之顛覆……………六一八

第三節 足利尊氏之背叛與南北朝之分立……………六一九

第四節 室町幕府之統一與南朝恢復策之失敗……………六二一

第五節 室町幕府之衰亡與羣雄之割據……………六二五

第六節 織田氏之勃興與豐臣氏之一統……………六二九

第十七章 倭寇與朝鮮之役……………六三三

第一節 倭寇之猖獗……………六三五

第二節 後朝鮮初年之內政……………六三七

第三節 後朝鮮初年之外患……………六四〇

第四節 豐臣秀吉西侵之役……………六四二

第十八章 明代之東西交通……………六四三

第一節 鄭和之遠征·····	六四四
第二節 歐力之東漸·····	六五四
第三節 耶教之輸入·····	六五七
第四節 明世海外殖民事業·····	六六二

新著東洋史

序論

第一章 定義

第一節 歷史與各種學術之關係

我中國今日競言變法。談政治則效法西洋。談法律則效法西洋。顧何以西洋行之而日富以強者。中國效之而日貧以弱。則以凡事必有基礎。基礎不同。則全體動搖。效法人國者。不探討其精神。徒規規於形式。即使摹倣近似。而僞孟衣冠。適增其醜。儒夫舉鼎。只以取絕續之禍而已。楚辭云。「圓枘而方鑿兮。知齟齬而難入。」中國今日之效法西洋近之矣。

個人有個人之精神。社會及國家有社會及國家之精神。而此精神者。須用記憶力以貫注之。個人之精神不貫注。則舉動言語。前後不一致。是之謂狂人。社會及國家亦然。道德、宗教、法律、政治、文學、美術乃至風俗習慣。

等。社會及國家之精神也。而此精神亦須有記憶力以貫注之。代表此記憶力者爲歷史。歷史者。合道德、宗教、法律、政治、文學、美術、風俗、習慣等組織而成。各種學術之基礎也。故欲研究其國之學術者。不可不識其國之歷史。欲取人國學術之所長。以補我國之所短者。不可不比較研究兩國之歷史。

說者謂歷史爲文科大學之一門。對於各種科學。無十分關係。非也。歷史爲各種科學之基礎。故教授商業。必兼授商業史。教授工業。必兼授工業史。推之農林、醫藥、美術、音樂等。無不皆然。而法律政治爲尤甚。法政者。現在之歷史。歷史者。過去之法政。法政者。生存之歷史。歷史者。死去之法政。研究法政而不知歷史。猶之不通國文而學西文。不通算術而學代數。躑躅等而進。隔靴搔癢。未有能成功者也。

第二節 政治史與文化史之區別

然則歷史之性質如何。曰。歷史者。表明社會及國家進步或退步經過之階級者也。而歷史又分爲二類。一文化史。研究社會之狀態者也。凡教育、宗教、文學、美術、經濟、風俗乃至各種實業等史。隸之。二政治史。研究國家之狀態者也。凡外交、內政、立法、司法、財政、軍事等史。隸之。本編爲師範諸君說法。故折衷於政治史文化史之間。爲一種大普通歷史。

第三節 國史與萬國史之區別

記載一團體內部之事蹟者曰國史。如中國史、大和民族史之類是也。記載二團體以上關係之事蹟者曰萬

國史。如西洋史。歐洲民族史之類是也。本編定名曰東洋史。屬於第二類。故其內容。詳於國與國之關係。而於一國內部之狀況從略焉。

第四節 萬國史與非萬國史之區別

記載二團體以上關係之事蹟者曰萬國史。記載二團體以上內部之事蹟而無國際關係者曰非萬國史。國際關係。乃歷史上陳述。論史者不能以己意造成。聚兩無關係之國。而強爲捏合之。是直成爲各國史而非萬國史。日本史學家阪本健一氏之世界史。松村介石氏之歐洲近世史。往往蹈此弊。我國近年新出版之歷史教科書。又從尤而效之。大不可也。

第五節 世界史之二部

上節所稱之萬國史。普通名之曰世界史。世界史者。研究地球上各民族。自古迄今。互相競爭。互相融合。演成今日之社會狀態。所經過之階級者也。而世界史又分爲二部。一東洋史。以漢民族爲主。而滿蒙、西藏、朝鮮、日本、安南、暹羅、緬甸、印度、中央亞細亞各民族輔之。二西洋史。以歐洲民族爲主。而亞洲之西非洲之北及美洲民族皆附屬焉。故西洋史占世界史上一大部分。東洋史僅占一小部分。

西洋史學家。動謂西洋史爲世界史。其說非也。西洋史者。除去亞東一部分不計外。實包含世界全部有史之種族組織而成。在世界史上。最占重要位置。然亞東民族。在歷史上。綽有價值。歐人一筆抹殺之。大不可也。

然則合東洋西洋各民族之歷史。組織成一世界史可乎。曰。不可。世界史者。研究全世界國與國之關係者也。東洋各國。孤立東亞。與西洋各國關係絕少。或竟絕無焉。欲合一爐而陶鑄之。恐無水乳交融之望也。

第六節 東洋史研究之必要

我國今日競言變法。凡百事務。皆以歐美爲模範。埃及 (Egypt) 美索不達米亞 (Mesopotamia) 之文化。希臘 (Greece) 羅馬 (Rome) 之政治。亞歷山大大王 (Alexander the Great) 愷撒 (Caesar) 大帝之武功。士大夫借爲口頭禪。中學校師範學校之學生。稍具普通知識者。無不耳其事實。顧明於遠而暗於近。環顧我國四鄰民族。伊古以來。曰獯狁。曰獯鬻。曰匈奴。曰東胡。曰柔然。曰突厥。曰吐蕃。曰契丹。曰女真。曰蒙古。其中與我有密切關係者。不知凡幾。在世界史上占重要位置者。不知若干。而我國士大夫。醉心漢族文化。久狃於自大。以爲他族皆不如吾族遠甚。概以蠻夷戎狄目之。國祚綿延若朝鮮。文化發達若日本。與我僅隔一衣帶水。問其歷史何若。瞪目無以答也。出洋留學之青年。研究歷史者絕少。研究東洋史者幾無。試問東亞三國。歷史上有何種關係。大抵莫明其妙。至於日本之國體何若。朝鮮之國體何若。更非所知矣。本編定名曰東洋史。爲中國史之補助學科。以中國爲主。而與中國有關係之國皆附入。詳述其間國與國之關係。俾研究世界史者。藉以知東方形勢之大略焉。

第二章 東洋史上之人種

第一節 亞洲民族之分布

歷史必具三要素。一種族。(Race) 二區域。(Land) 三年代。(Time) 歷史者。一種族或數種族。在一時代或數時代。一區域或數區域內。所活動之陳迹是也。試以戲劇譬之。種族者脚色。區域者舞臺。時代則其齣幕也。是故欲述其國之歷史。不可不知其國之種族。

廣義之東洋。指亞洲大陸而言。幅員既廣。人種亦甚複雜。就歷史上現出之人種觀之。大略可分爲二。一爲黃色人種。(Mongoloid) 一爲白色人種。(Caucasus) 此二人種自有史以前。即互相競爭。至今日爲尤烈。亞洲歷史。實以此二大人種競爭相融合而成者也。此二人種之滋生地。無一定境界線。大體劃分之。則以葱嶺爲界。以東爲黃人滋生地。以西爲白人滋生地。再細分之。則葱嶺以東之黃人。以西之白人。仍各分南北二部。南方之黃人。約分爲三族。

第一漢族。(Chinese) 滋生於中國本部。(China) 蔓延於滿洲。(Manchuria) 朝鮮。(Korea) 及安南。(Annam) 等地。東洋史上最重要之民族也。此族於太古時。從西方移居中國內地。棲止於黃河兩岸。浸假

而蕃殖於四方。遂開東亞文化之先聲。

第二交趾支那族。(Indo-Chinese) 此族舊居中國本部。爲漢族所驅。移入西南深山中。蔓延於湖南、廣西、雲南、貴州、及安南、暹羅、(Siam) 馬來半島 (Malay Peninsula) 等地。唐虞時代之三苗。周之荆蠻。三國六朝時代之林邑、扶南、真臘。晉之成李氏。唐之南詔、占城。明之暹羅。皆屬此族。其文化及政治上勢力。遠不如漢族。在東洋史上無重要關係。

第三西藏族。(Tibets) 蔓延於青海、(Koko Nor) 西藏、(Tibet) 克什米爾、(Kashmir) 尼泊爾、(Nepal) 不丹、(Bhutan) 及緬甸 (Burma) 一帶地。秦漢以前之氐羌。兩晉時代之前秦苻氏、後秦姚氏、後涼呂氏、仇池楊氏、諸國。唐時之吐蕃。宋時之西夏。元時之緬國。清時之大小金川。皆屬此族。

以上三族之特色。語言皆單音。(Monosyllabic) 文字多衍形。北方之黃人。約分爲五族。

第一通古斯族。(Tunguse) 舊滋生於烏蘇里江 (Ussuri R.) 松花江 (Sungari R.) 流域。蔓延於滿洲全部。朝鮮北部。及黑龍江 (Amur R.) 濱。秦時之東胡。漢時之烏桓。鮮卑。兩晉時代之前燕、後燕、西燕、南燕、西秦、南涼、諸小國。南北朝時代之高句驪、百濟、柔然、吐谷渾。北魏、北周、北齊之帝室。隋唐時代之靺鞨、渤海、奚、契丹。宋時之遼金。前清之帝室。大半屬此族。

第二、蒙古族。(Mongol) 舊滋生於貝加爾湖 (L. Baical) 東偏。其後南下。蔓延於內外蒙古 (Inner and Outer Mongolia) 黃河套及天山北路 (Tien-Shan-Pe-Lu) 等地。三代時代之獵狁、獯鬻。秦漢時代之匈奴。兩晉時代之前趙劉氏、後趙石氏、北涼沮渠氏、夏赫連氏、諸小國。有元之帝室、與奇卜察克、察罕臺、窩闊臺、伊兒汗等四大汗國。(Kiptchacs, Tchagatai, Ogatai, Ilkhan) 明時之韃靼 (Tatar) 衛拉特 (Oirat) 帖木兒帝國 (Timor Empire) 莫臥兒帝國 (Moghul Empire) 現代內外蒙古、與俄領中亞諸部、(Russian Central Asia) 及歐洲之匈牙利王國 (Hungarian Kingdom) 大半屬此族。

第三、突厥族。(Turke) 舊滋生於阿爾泰山系 (Altai Mountains) 蔓延於西伯利亞 (Siberia) 以南、天山南北路、及中亞一帶地。秦漢時代之丁零、月氏、烏孫。南北朝時代之高車、鐵勒。隋唐時代之突厥、回紇、薛延陀、沙陀、後唐、後晉、後漢、(後五代之劉氏) 之帝室。蒙古西征以前之伽色尼 (Ghazni) 塞爾柱克 (Seljuks) 花刺子模 (Khorazm) 諸王朝。現代歐洲之土耳其帝國 (Turkey Empire) 皆屬此族。

以上三族之特色。語言多複音。文字多衍聲。

第四、Samoyed 族。

第五、Fino-Ugor 族。

以上五族中。除 Samoyed Fino-Ugor 二族。在歷史上無甚重要關係外。其通古斯、蒙古、突厥、三族。實占

東洋史上大部分。中國漢學家顧稱以北狄卑之爲無足道。大非也。

大和民族 (Japanese) 蕃殖於日本 (Japan) 三韓民族 (Korean) 蕃殖於朝鮮。在東洋史上實占重要位置。此二民族血統最近。就體格與言語上觀之。有種種類似之點。然畢竟屬於南方系統。抑屬於北方系統。現今猶無積極之證據。顧以言語之組織觀之。知其不類南方。姑且假定爲北方系統。

葱嶺以西之白人。亦分爲二部。在南方者有二族。一曰含族 (Hamitic Races) 起原於西亞 (Western Asia) 散布於非洲 (Africa) 之尼羅河 (Nile R.) 流域及地中海 (Mediterranean Sea) 南岸。上古之埃及、黎比亞 (Libia) 兩國屬之。二曰閃族 (Semitic Races) 起原於歐夫拉底士河 (Euphrates R.) 及底格里斯河 (Tigris R.) 流域。散布於裏海 (Caspian Sea) 南岸、阿剌伯 (Arabia) 小亞細亞 (Asia Minor) 各地。上古之巴比倫尼亞 (Babylonia) 亞述 (Assyria) 腓尼西亞 (Phoenicia) 希伯來 (Hebrew) 及中古之大食 (Tadjiks) 等國屬之。在北方者曰阿利安族 (Aryan Races) 此族又分爲二派。一亞洲派 (Asian Aryan Races) 起原於西爾河 (Sir Daria R.) 阿母河 (Amu Daria R.) 流域。散布於中央亞細亞 (Central Asia) 印度 (India) 阿富汗 (Afghanistan) 俾路支 (Baluchistan) 波斯 (Persia) 各地。上古之米底亞 (Media) 及上古、中古、近古、現代之波斯、安息 (Parthia) 印度等民族屬之。二歐洲派 (European Aryan Races) 起原於高加索山 (Caucasus Mountains) 附近。


散布於亞洲之西。繁殖於歐洲。(Europe)移植於美洲、(America)非洲、澳洲、(Australia)及南洋各島。近來勢力日益膨脹。駸駸囊括亞洲矣。上古之希臘、羅馬。及中古、近古、近世、現代歐美各強國。皆屬於此族。以上黃白兩人種。以黃色人種爲東洋史之主人翁。其白色人種。則因有特別關係。時時連類及之而已。亞洲人種以膚色劃分之。則東方爲黃色人種。西方爲白色人種。以文化劃分之。則南方爲開明民族。北方爲野蠻民族。南方多居國。有城郭。有文字。以耕耘爲業。北方多行國。無居室。無文化。以游牧爲業。是故等是黃色人種也。而南方漢族之生活狀態。與北方之蒙古民族異。等是白色人種也。而南方含族、閃族之生活狀態。與北方之阿利安民族異。


第二節 歷史的民族與非歷史的民族之區別

等是人類也。有與世界史有密切關係者。是爲歷史的民族。(Historical Races)如中國之漢族、日本之大和民族等類是也。亦有與世界史絕無關係者。是爲非歷史的民族。(Non-historical Races)如中國之苗族、(Miao)日本之蝦夷(Ezo)民族等類是也。歷史家以研究人類進化之事實爲目的。故詳於歷史的民族。而非歷史的民族從略焉。


歐人自高位置。謂阿利安民族以外無歷史的人種。其說非也。西洋史範圍最廣。雖以白色人種爲主人翁。而與黃色人種、黑色人種(Negros)銅色人種(Indians)皆有直接關係。在世界史上實占重要位置。然謂

阿利安民族史以外無世界史。將亞東民族史一筆抹殺。亦適見其眼孔小而已矣。本編定名曰東洋史。詳敘東亞民族事蹟。而西亞、北亞、南亞、各民族史。其與東亞民族有關係者則敘入之。無則闕焉。故即謂之東亞民族史亦無不可。茲試列人種表於左。以供參考。





〔歐洲派〕



三 黑色人種 非洲生存之蠻族

四 銅色人種 美洲殘餘之土人

以上所列表內。白色人種全部，及黃色人種一大部分。爲歷史的民族。黑色人種、銅色人種、及黃色人種一小部分。爲非歷史的民族。

第三章 東洋史上之地理

第一節 亞洲形勢之區分

就亞洲山川形勢而區分之。大略可分爲五部。

第一、東亞。(Eastern Asia) 南以喜馬拉雅山脈、(Himalaya Mountains) 西以葱嶺山脈。北以黑龍江、貝加爾湖、及阿爾泰山山脈爲界。中國、朝鮮、俄領東海濱省屬之。越海而日本亦屬焉。

第二、南亞。(Southern Asia) 橫亘於喜馬拉雅山脈之南。東以印度支那山脈爲界。西以蘇里曼山脈(Sulaiman Mountains) 爲界。印度半島 (Indian Peninsula) 及印度支那半島 (Indo-China Peninsula) 屬之。

第三、中亞。(Central Asia) 葱嶺以西。喜馬拉雅、興都庫什 (Hindu-Kush Mountains) 兩山脈以北。西爾河以南。今俄屬土耳其斯坦 (Russian Turkestan) 地方。

第四、西亞。(Western Asia) 蘇里曼山以西。興都庫什山脈西南。阿母河及鹹海 (Aral Sea) 裏海。高加索山、黑海 (Black Sea) 以南。阿剌伯海 (Arabian Sea) 波斯灣 (Persian Gulf) 紅海 (Red Sea) 以北。今阿富汗、俾路芝、波斯、阿剌伯、小亞細亞等地屬之。

第五、北亞。(Northern Asia) 比令海峽 (Bering Strait) 及鄂霍次克海 (Sea of Okhotsk) 以西。烏拉爾山 (Ural Mountains) 烏拉爾河 (Ural River) 以東。黑龍江、貝加爾湖、阿爾泰山脈、及西爾河、

鹹海以北。今俄領西伯利亞地方。

第二節 亞洲地勢大略

歷史與地理有密切關係。將欲述東洋史系中列國之盛衰興亡。不可不粗述亞洲地勢之大略。

一 山脈

葱嶺山脈。爲東亞中亞分界處。地學家稱其附近一帶爲帕米爾 (Pamir) 高原。實亞洲大陸之脊。諸山脈之本幹也。葱嶺爲南北山脈。由此分支東行。爲東西山脈。計有四大支線。

最南一支。名喜馬拉雅山脈。爲西藏與印度分界處。迤邐東下。折而南。斜入暹羅、緬甸、境內。名印度支那山脈。爲中國與印度支那半島分界處。

稍北一支。與喜馬拉雅平行者。名崑崙山脈 (Kuen-Lun Mountains) 爲西藏與天山南路 (Tien-Shan Nan-Lu) 分界處。迤邐東下。抵青海。遂分爲二。一支東南行。名巴顏哈喇山。爲西藏與青海分界處。折而東。入中國本部。緣四川之西邊。蔓延於雲南、廣西、廣東、福建、北境。至浙東海岸而止。是爲南嶺。所謂雲嶺、五嶺、仙霞嶺者。皆其一部分之別名。一支東行。曰祁連山。爲青海之北境。自此東行。更分二支。一傍黃河北趨。爲賀蘭山 (Ho Lan Shan) 陰山 (In Shan) 訖於興安嶺 (Khingan Mountains) 以縱貫蒙古之東部。入於西伯利亞。一支東行。爲秦嶺山脈。從渭水上流。蔓延於陝西、河南之間。迄安徽西界而止。是爲北嶺。

再北一支。與崑崙山脈平行者。爲天山脈 (Tien-Shan Mountains) 橫絕新疆全省。迄蒙古西境而止。爲天山南北路之分界處。

最北一支。名阿爾泰山脈。西起烏梁海科布多。迤邐東北行。斜入西伯利亞東南境。爲中俄兩國分界處。蔥嶺之西。傍帕米爾高原。南折而西走者。曰興都庫什山脈。爲英屬國阿富汗與俄領土耳其斯坦分界處。稍西之連山名耶爾布爾斯山脈 (Elburz Mountains) 爲波斯與俄領土耳其斯坦分界處。再西爲桃爾斯山脈 (Taurus Mountains) 橫亘於小亞細亞。至達達尼爾海峽 (Dardanelles Strait) 爲止。興都庫什山之東。帕米爾高原西南。分支南下者。曰蘇里曼山脈。爲印度與阿富汗、俾路芝分界處。折而西北行。沿波斯南方。至亞美尼亞 (Armenia) 高原。與耶爾布爾斯山脈合。包圍波斯三面。

二 河流

亞洲河流。大都發源於帕米爾高原左右。黃河 (Hwang-Ho River or Yellow River) 揚子江 (Yang-Tsi Kiang River) 發源於崑崙山脈。東流至中國入海。湄公河 (Mekong River) 湄南河 (Menam River) 伊勒瓦第江 (Irawadi River) 發源於印度支那山脈。南流至印度支那半島入海。雅魯藏布江 (Brahmaputra River) 恆河 (Ganges River) 印度河 (Indus River) 發源於喜馬拉雅山脈。南流至印度入海。阿母河、西爾河。發源於蔥嶺山脈。西流至俄領中亞入鹹海。

北亞河流發源地。俱在蒙古高原左右。一黑龍江。發源於興安嶺山麓。東流至俄領東海濱省入海。二勒拿河。(Iena River) 三葉尼塞河。(Yenisei River) 四鄂畢河。(Obi River) 俱發源於阿爾泰山脈。北流經西伯利亞入海。

以上諸河流。俱發源於中亞山脈。分流向四方入海。規則截然不紊。其稍屬例外者。僅有二處。一爲烏拉爾河。發源於烏拉爾山脈。南流入裏海。爲歐亞兩洲分界處。一爲底格里士河。歐夫拉底士河。兩河俱發源於桃爾斯山脈。東南流至波斯灣入海。

三 國別

亞洲山川形勢。上文已舉大略。茲更述其國別如左。

亞洲大陸之東偏。有朝鮮半島。舊爲韓國。其王李姓。漢族。舊爲中國藩屬。清宣統二年。爲日本所滅。夷爲朝鮮總督府。其南境僅隔一衣帶水。與日本相望。其西境以圖門江。(Tumen River) 鴨綠江。(Yalu River) 長白山。(Changbo Shan Mountains) 與中國之東三省分界。其內地有南北山脈。分割爲東西二部。西部土地肥沃。饒於水利。常爲異族之角逐場。

朝鮮之東大海中有四大島。南北相接。綿延數千里。勢如長蛇。是爲日本。朝鮮之西。亞洲東南部之大國。曰中國。中國地勢大略可分爲五部。

直朝鮮之西。當中國本部東北境者。曰東三省。東北以烏蘇里江。與俄領東海濱省分界。北以黑龍江。與俄領阿穆爾(Amur)省分界。西以興安嶺。與內外蒙古分界。其西南遼河以西各縣。與內蒙古之東南部。中國本部之東北部毗連。其間地勢平坦。無高山大川爲之限。故東三省一有變動。恆由此方面波及於中國內地。東三省之西曰蒙古。南望長城。與中國本部接壤。北抵貝加爾湖。與俄領西伯利亞比鄰。中間有大沙漠。劃分其境爲二。漠南稱內蒙古。漠北稱外蒙古。地脈磽瘠。不宜耕種。故由來居此地者恆事遊牧。大抵以杭愛山麓(Khangai Mountains)圖拉(Tola River)鄂爾渾(Orchon River)俱在庫倫之西。兩河間爲王庭。以其富於水草故也。此類游牧種人。時乘機南下。侵略中國本部。及天山南路。

蒙古之西中國本部之西北。爲新疆省。天山橫貫其中央。南曰天山南路。回教徒多居之。又稱回疆。北曰天山北路。蒙古之別種厄魯特人居之。又稱伊犁。新疆東偏。與蒙古接壤。無高山大川爲界限。故其地之事變。恆隨蒙古爲轉移。地多沙漠。惟南路有塔里木河。(Tarim River)北路有伊犁河。(Iri River)足資灌溉。視蒙古地差勝。南路西偏之高山曰葱嶺。爲古來東西交通孔道。居民多土著。以農爲業。

新疆之東南。中國本部之西。曰青海。界居崑崙山脈之祁連山與巴顏哈喇山之間。青海之西南曰西藏。界居崑崙山脈。與喜馬拉雅山脈之間。兩處皆高原。四圍重山峻嶺。頗具獨立之姿。其與中國本部歷史上之關係。恆自黃河上游起。

東三省之西南。蒙古之南。新疆、青海、西藏之東。即中國本部。西北兩面皆大陸。爲漢族與通古斯族、蒙古族、突厥族、西藏族之競爭場。西南多山地。爲漢族與交趾支那族之競爭場。東南兩面臨海。爲漢族與大和民族、三韓民族、及遠洋各民族之競爭場。南北二嶺。橫絕域中。劃爲三帶。黃河、揚子江、西江。三大河流貫其間。號稱三大流域。北嶺以北曰北帶。是爲黃河流域。北嶺、南嶺之間曰中帶。是爲揚子江流域。南嶺以南曰南帶。是爲西江流域。

中國西南濱海地方。爲印度支那半島。地分三部。最東富良江 (Red River) 及湄公河流域。爲法領安南。中央湄南河流域爲暹羅。最西伊勒瓦底江流域爲英領緬甸。三部舊皆隸中國。現則中央暹羅一部。離中國獨立。東西安南、緬甸、二部。已夷爲歐人皂隸矣。地勢華離破碎。自來有割據。無統一。於亘古角逐場中。不占重要位置。

印度支那半島之西。越雅魯藏布江。即爲英領印度半島。中央有濱地亞山脈。 (Indore Vindhya Hills) 橫分其境爲二。北部皆平原。有雅魯藏布江、恆河、斯特雷去河。 (Sutlej River) 印度河等大河流灌溉於東西。與海路交通甚便。南部皆高原。有東高止、 (Eastern Ghats) 西高止、 (Western Ghats) 等大連山阻隔於東西。與海路交通爲艱。故二部歷史上之發達迥殊。古來統一全印度之大國絕少。其北爲喜馬拉雅連山。杜絕印藏之交通路。亘古無大國興於其東方者。故其國之變動。恆從西北方起。其與中亞西亞民族歷

史上之關係。皆從印度河流域方面來。

印度之西北。斯來曼山脈之西。爲阿富汗。阿富汗之南濱海地方。爲俾路芝。兩國爲印度、波斯、及中亞之競爭點。屢爲異族所征服。現爲英人勢力範圍。

阿富汗、俾路芝之西。裏海之南。爲波斯。號稱獨立。實爲英俄兩國勢力範圍地。再西爲小亞細亞。係土耳其領土。小亞細亞之南爲阿剌伯。舊屬土耳其。今亦入英人勢力範圍內。三國之政治文化。在世界史上極有價值。但以系統言之。當屬西洋史範圍內。故東洋史從略焉。

帕米爾高原以西。俄領土耳其斯坦地方。位於亞洲之中央。爲東西交通孔道。東西兩方面。有大帝國起。必被征服。東北之游牧種族。爲強國所驅。往往移居此地。建立城郭之國。日久濡染習俗。漸流於懦弱。復爲後至之他游牧種族所驅。或南奔印度。或西竄西亞。輾轉相沿。爲歷史上事變最劇烈之角逐場。

俄領西伯利亞。位於亞洲北方。氣候嚴寒。土產絕少。劣等民族居之。自古至今。文明迄未發達。與世界史絕無關係。有之自近年俄國東方侵略始。

第三節 亞洲地理之缺點

亞洲爲自古文明發源地。最古之文明國。皆起於亞洲。然迄今式微已甚。除日本以外。幾無一完全獨立國。其大多數已夷爲歐人皂隸者。則亞洲之歷史。有以釀成之。歷史基於地理。亞洲之歷史。所以生此結果者。亦亞

洲地理之缺點使之然也。

亞洲地勢。形如覆盆。中央高。四方下。卽南起喜馬拉雅山。經過西藏。天山南北路。俄領中央亞細亞。直抵西伯利亞南部。成爲一大高原。喜馬拉雅山最高。由此漸北漸低。至西伯利亞南部而止。亞洲中央有此大障礙。交通阻絕。於是東亞中國之文明。西亞波斯、美索不達米亞之文明。南亞印度之文明。在歷史上各具獨立之觀。無交換之機會。假令此大高原。北高南下。其害猶可稍減。不幸南高北下。於是印度洋之水蒸氣。順南風北來者。概爲喜馬拉雅連山所阻絕。落於山巔。化爲積雪。北來之風無水蒸氣。亞洲中央。終年不見雨。積久則土脈乾燥。化爲流沙。西起天山南路。東抵大興安嶺。綿延數千里。皆爲流沙所浸沒。號稱戈壁（Gobi）於是亞洲東西之交通路。爲中亞高原所阻絕者。南北之交通路。復爲流沙所阻絕。

地勢既中央高。四方下。水脈亦皆發源於中央。向四方分流。東亞之河皆東流。黑龍江、黃河、揚子江、西江之類是也。南亞之河皆南流。湄公河、湄南河、伊勒瓦底江、雅魯藏布江、恆河、印度河之類是也。北亞之河皆北流。鄂畢河、葉尼塞河、勒拿河之類是也。西亞地勢稍複雜。不似他三方之規則。然阿母河、西爾河。流入鹹海。亦皆由東向西者也。是故亞洲河流。雖能發生一部分文明。而於全部交通上。無絲毫之便利。

再進而觀之。亞洲地理。凡可以阻絕交通之條件。無不具備。海岸線皆爲圓弧形。少港灣。少曲折。俄領東海濱省之海岸。朝鮮之海岸。中國、印度、波斯之海岸皆然。而阿刺伯尤甚。是故沿海岸民族之交通。亦遠不如亞洲

之繁盛。

諺云。水使人交通。山使人阻絕。水勢使人合。山勢使人離。亞洲之水勢既如此矣。亞洲內地之形勢如何。東亞文明。肇於中國。中國西南爲西藏高原。夏積冰。冬浸雪。故與印度交通之路杜絕。西北爲大戈壁。無人烟。無水草。故與中亞西亞交通之路亦異常困難。內蒙古之北皆沙漠。故與北方種族之交通不便。中國雖爲東亞一部分。而實自成爲一小天地。中國古來文化。所以不能光被四表者。職是之由。

南亞文化始於印度。印度之北有喜馬拉雅山。故與北方民族交通之路絕。西有斯來曼山。故與西方民族之交通亦不便。其對外唯一不二之交通路。則由印度西北。溯印度河上流。經加布爾河（Kabul River）流域之低地。而至阿富汗之東。由此西行。可通西亞。由此北行。至帕米爾高原。始能通至東亞。交通之困難如此。故印度雖爲南亞一大半島。而亦自成爲一小天地。

西亞之波斯。亦具獨立形勢。其東西南北四面。各有連山阻絕。對外交通路。故美索不達米亞各文明國。其勢力範圍。不能逾底格里士河。歐夫拉底士河。而東。羅馬帝國全盛時代。亦不能逾安息而東。下者。職是之由。朝鮮亦然。朝鮮爲東亞半島。北有長白山。與大陸阻絕。內地亦有山脈。東西隔離爲二部。故亘古以來。往往數國對立。外族從無征服朝鮮半島全部者。有之自近年日本始。

印度支那半島形勢亦如此。地勢山嶺重疊。宜於割據。不宜於統一。歷來爲中國所羈縻。中國盛時則內屬。中

國勢衰則獨立。因其地勢本具有獨立之形勢故也。

亞洲東南各島。皆具獨立形勢。日本無論矣。琉球、台灣、呂宋、婆羅洲、蘇門答臘、皆如此。因島內物產豐富。營養力不假外求。故百年以前。西力東漸未盛之時。各島皆具獨立之規模。

此外小亞細亞亦然。阿剌伯亦然。亞洲南面各國。皆具有獨立形勢。地勢阻絕交通。故中國文化、印度文化、美索不達米亞文化、無法混合。而各國皆氣候和暖。物產豐富。不假外力。自能發生文明者也。

埃及爲上古文明國。其地勢古代附屬於亞洲。亦具有獨立形勢。

北方之形勢。與南方大異。南方多山。故中國、印度、美索不達米亞、文明各具獨立形勢。北方多平原。東起黑龍江流域。西抵歐俄。除蔥嶺及阿爾泰山外。幾不見有山脈。故北方民族。多乘勢西下。由滿洲至匈牙利。得以自由騎馬往來。種族大遷移時代。亞洲民族多由此侵入歐洲。顛覆西羅馬帝國。

北方地勢如此。故天產物大抵相似。民族之生活狀態亦同。游牧爲業。不事耕耘。所住之地。概在高原之斜坡。沙漠之沿邊。及山中之有草地。幕氈席皮。肉食酪漿。性勇鷙悍。喜爭鬪。好殺伐。富於破壞力。有大英雄起。因地勢之便利。糾合各族。建立一大帝國。亦甚易。論史者顧目以北狄。輕蔑視之。大非也。北方民族與南方各文明國有密切關係。中國、印度、波斯、美索不達米亞、無一不受其蹂躪。是故以北方民族爲線索。以聯絡南方。南方各國始有間接關係。若棄却北方。專講南方。則中國、印度、波斯等。各各獨立。國與國無關係。亞洲歷史。

支離破碎。不成其爲東洋史矣。

南方之地勢人種及生活狀態甚複雜。北方皆單純。故亞洲地理。現出二元之現象。亞洲歷史。亦成爲二元之關係。所謂亞洲歷史者。卽上下四千年南北二民族之爭是也。

歐洲地勢與亞洲異。交通便利。而天產物缺乏。故歐人多利用交通機關。以求餬口於四方。其所以富於活潑進取之氣象者。職此之由。

梁任公新民叢報第一編第四號。有「亞洲地理大勢論」一編。頗能發揮亞洲地理特色。茲節錄於左。以供參考。

大哉亞細亞。問其面積。則占全世界陸地三分之一也。問其人口。則居全世界生靈一半有奇也。以地勢論。則其在陸土者。有全世界第一之高山。喜馬拉雅山脈第一之高原。西藏第一之平原。西伯利亞第一之湖水。裏海第一之流域。土耳其第一之低地。敘利亞其在陸土以外。有全世界第一之水面。太平洋全世界第一之深淵。日本海凡極風、變風、貿易風、恆風、颶風、之區域。無所不備。以人類論。則有黃人、白人、馬來人之各種。世界三大言語系統。皆由此起焉。以生物論。則如象、如虎、如獅、如犀。物類之最龐大而猛烈者。皆於此生焉。語其歷史。則距今二十五萬年前。世界最初之人類。實發育於其大陸之中部。爾來絕代之偉人。如釋迦。如孔子。如耶穌。如

作樂阿士打。(Zoroaster)

波斯之教主生於西歷紀元前千四百年頃。如摩訶末。即回教教主或譯爲摩哈默。相接出現於此。

士。全世界所有之宗教。如婆羅門教。如佛教。如儒教。如祆教。即作樂阿士打之教也。名見唐書。如基督教。如回教。如馬尼教。

(Manicheism)

亦波斯教之一種也。

等。無一非此土之產物也。號稱世界最古之國。如印度。如中華。如猶太。如敘利

亞。(Assyria)無一非此土之肇建也。而泰西一切文學、哲學、美術、工藝。其淵源大率自印度、中華、敘利亞、

巴比倫尼亞(Babylonia)腓尼西亞(Phoenicia)波斯、阿剌伯等國而來。無一非此土之子孫也。又豈

惟古代而已。卽洎近世。而亞細亞人。實兩度根據此大陸。以造全世界第一大帝國。則成吉思汗。帖木兒其

人也。大哉亞細亞。大哉亞細亞。自地勢上觀之。自歷史上觀之。彼歐羅巴、亞非利加之二洲。實不過亞細亞

洲之一附庸耳。昔基約博士嘗講述歐洲之風土。以謂歐洲發達之原因。全由於其地勢之Permeability。

易透達之義。

而因以頌揚歐陸構造之佳妙。沾沾自喜焉。殊不知凡物之易於透達者。適足以見其物體之小而


已。質而言之。則歐洲之結構也。規模淺小。尋常人類。易擎舉而易指揮之。此其所以速進文明之原因也。亞

洲則不然。其規模絕大。其器量深宏。淵淵浩浩而不可測焉。亞洲之所以爲亞洲者。不在現在而在未來也。

(中略)

亞細亞之規模。既絕大而不可測。故欲講其山河之形勢。氣候之程度。生物之分布。人情、風俗、宗教之起源

成立。其事固非易易。卽勉強記憶。亦不移時而遺忘焉。今以簡要之法敘述其大體如下。




第一。欲知亞洲之地勢。山河之形狀。則可爲一略圖。如甲乙丙丁。而甲乙線爲北冰洋瀕海之記號。甲丙線爲太平洋瀕海之記號。丙丁線爲印度洋瀕海之記號。乙丁線爲毗連大陸歐洲之記號。再記其山脈。以(戊)戊爲興都庫什(Hindukush)及崑崙山脈之記號。以(己)己爲阿爾泰山脈之記號。以(庚)庚爲喜馬拉雅(Himalaya)山脈之記號。但觀此。則亞細亞洲中央之地勢甚高崇。自可想見矣。而全洲水河之源。必由此高地而起。亦可想見矣。明此形勢。則可以悟(戊)(己)(庚)庚間之川河。必流注於甲乙線之北冰洋。(己)(庚)庚間之川河。必流注於甲丙線之太平洋。庚(庚)(戊)以南之川河。必流注於丙丁線之印度洋。勢所必然矣。然後取地圖以對照參觀之。則知勒拿(Lena)河、葉尼塞(Yenisei)河、鄂畢((bi)河、即恆印度河、等之南流。皆有非偶然者。若河等之北流。黑龍江、黃河、揚子江、等之東流。宛伽(Ganges)河、熱察諸大河系之流域。則可悟亞細亞大陸。實以三大平原與一大高原而成。三大平原者一、圖中之(子)。

即己(己)(戊)以北一帶。西伯利亞平原是也。二、圖中之(丑)即己(己)庚以東一帶。中國平原是也。三、圖中之(寅)即庚(庚)(戊)以南一帶。印度平原是也。一大高原者。圖中之(卯)即(戊)以西一帶。伊蘭(Iran)高原是也。即波斯及突厥亞屬之一部於是乎全洲之地勢山河之大體。皆可以一目瞭然矣。復次言其氣候。則(子)西伯利亞部。寒冷也。(丑)中國部。溫暖也。(寅)印度部。炎熱也。(卯)伊蘭部。寒熱皆達於極端也。於是各部動植物之差異。及各部之物產。與其人民職業之差異。亦以推定。次考亞細亞洲之人種。則(一)爲西伯利亞部。劣等黃人種居之。(二)爲中國部。高等黃人種居之。(三)爲印度部。高加索人種居之。(四)爲伊蘭部。黃人種與高加索人種雜居之。其人種之分布。亦與其地勢之區別。悉相比附。有如此者。

次考亞細亞洲人民之宗教。則(一)西伯利亞部人民。所奉者沙瑪尼教也。其附近中國之部分或奉佛教。其附近俄國之部分或奉希臘(二)中國部人民。兼中國蒙古西藏朝鮮日本所奉者佛教也。我孔子非宗教家。余別有論詳言之。吾國人所有迷信思想。皆受佛教之影響(三)印度部人民。所奉者婆羅門教也。其中亦有奉佛教者。然(四)伊蘭部人民。兼中亞細亞諸國如阿富汗斯坦波斯阿剌伯及亞屬突厥諸國民言之。所奉者回教也。其所以生此區別者。亦非偶然。又以各部之地勢、氣候、生物、民業、人種、宗教之差別。對照比較。則可知其各部特別開化之由來。(一)西伯利亞之劣等文明也。(二)中國之文明。即起於中國。擴布於蒙古、西藏、朝鮮、日本、安南、暹羅、緬甸。諸國

者也。(三)印度之文明。即桑士格列之文明也。(四)波斯、阿剌伯。即伊蘭部之文明。即回教的文明也。其所
以發生之由。亦皆可以地理之勢測定之矣。



(子)恆河之溪谷也。第二、如圖(丑)哥達維利山與高止山之間也。用此符號記之。則開卷瞭然矣。

用此方法。不徒可以考一洲之地理而已。即講各國之地理。亦當如是也。試以印度之一理為例。先畫定印度之形狀。為甲乙丙丁記號。如第二圖。丙丁線則瀕於孟加拉灣(Bay of Bengal)者也。乙丁線則瀕於阿剌伯海者也。其所有諸山脈。則如圖中所示喜馬拉耶山、興都庫什山、溫的耶(Windy)山、西高止(Ghats)山、東高止山之位置。由是其國內諸河。如印度河、踢梯(Taptee)河、哥達維利(Godavari)河、恆河、等之水源灌域、及其所流注之尾閭。皆可以悟出。又可見印度之國。由兩大平原結構而成。第一、如圖

第四章 中國史概略

廣義之東洋。指亞洲大陸全部而言。然亞洲各國。各具獨立之形勢。其歷史不相聯屬也。故歐人講東洋史者。多以美索不達米亞、小亞細亞、爲中心點。而漸及於東方。我輩講東洋史者。自當以中國爲中心點。而漸及於西方。茲先述中國史大要。以爲東洋史之基礎。

中國者。合六大族組織而成。中國之歷史。實六大族相競爭相融合之歷史也。此六大族中。現於中原者曰漢族。現於南方者曰苗族。卽交趾支那族現於東北方者曰通古斯族。現於正北方者曰蒙古族。現於西北方者曰突厥族。現於西方者曰西藏族。漢族以文化勝。他族以武力勝。他族以武力壓倒漢族者。漢族以文化制服之。故每一競爭。而漢族勢力一膨脹。其終也。他族自忘其爲他族。相率融合於漢族之中。遂合多數人民。鑄成今日龐大之中國。

距今四千餘年前。漢族滋生於黃河流域。以耕耘爲業。同時有苗族者。據有揚子江流域。與之對抗。虞帝舜倦勤。大禹攝政。自將以征之。三旬弗克。是爲漢苗衝突時代。其終也。班師振旅。誕敷文德而苗降。頑梗者竄之三危。柔順者留居故土。於是漢族勢力一膨脹。是爲有史以前之事蹟。

中國確史。始於春秋。春秋之時。漢族勢力範圍最狹。所謂中原者。不過河南全省、及陝西、山西、直隸、山東、安徽、湖北、一部分而已。環漢族周圍而居者。曰東夷、西戎、南蠻、北狄。東夷、南蠻。雜居於山東、江蘇、安徽、江西、浙江、湖北、湖南、等省。土著而居。以耕耘爲業。其生活狀態。略如漢族。其後東夷併於齊。南蠻入於楚。漢族文化所及。東

跨海抵朝鮮。南越揚子江。迄五嶺。舊時苗族領域。大半入漢族勢力範圍矣。

當是時。西北二方有異民族出現。以牧畜爲業。逐水草而居。性質慍悍。喜爭鬪。好殺伐。其現於西方者曰戎。陷長安。滅西周。略取陝西、甘肅。一大部分。是爲有史以來漢族與西藏族衝突之始。現於北方者曰狄。現於東方者曰山戎。侵衛。滅邢。攻燕。略取山西、直隸。一大部分。焚掠及於大河以北。是爲有史以來漢族與通古斯族及蒙古族衝突之始。幸而齊以山東兵救燕。擊破山戎。於是通古斯族氣燄稍息。其後秦起陝西。破戎。復長安。晉起山西。燕起直隸。蠶食狄國。略盡狄人。大半北竄。僅少許遺留者。亦被同化於漢族。於是今日長城以南各地。悉入漢族勢力範圍。漢族勢力再膨脹。

當是時。周室已衰。漢族各國。大者不過數百里。小者不及數十里。形勢渙散。如一團散沙。異族有豪傑如冒頓、苻堅、忽必烈者起。略而取之至易也。幸也戎狄二族。其渙散與漢族等。漢族有大英雄曰管仲。崛起山東。相齊桓公。糾合漢族各小國。擊退異族。於是中原得安枕者垂二百年。而變爲戰國之世。

戰國之時。漢族益強。合衆小國爲七大國。而通古斯族、蒙古族之勢力亦盛。所謂東胡、林胡、匈奴等部落。時常南下牧馬。濱北方秦、趙、燕、三國。乃築長城以拒之。始皇勃興。併吞六國。統一中原。同時冒頓崛起匈奴。亦征服東胡、林胡。統一北方各國。漢族之秦。與蒙古族之匈奴。南北對峙。形勢皆甚發展。是爲東亞史上一大變動。始皇崩。中原亂。漢族內訌。不暇對外。冒頓南侵。漢高帝禦之。敗於白登。匈奴勢強。漢族屢受其侮。文景之世。養

精蓄銳。汲汲謀自保。武宣之世。乘匈奴內亂。一舉破之。呼韓邪款關內附。處之五原塞下。匈奴勢衰。漢族勢力益膨脹。北抵貝加爾湖。西踰葱嶺。皆爲漢族勢力範圍。是爲漢族第一次大一統時代。

當是時。通古斯蒙古混血族之鮮卑。出現於東北方。據有遼河上流地。後漢末年。略取匈奴故地。與漢族南北對峙。同時西藏族之氐羌。現於西方。侵略四川、陝西、甘肅境。匈奴遺族據有山西北境。亦蠢蠢欲動。漢族中衰。代表漢族之司馬晉。南遷揚子江流域。黃河流域上流。爲氐羌所據。中流、下流。爲匈奴、鮮卑所據。是爲西北民族第二次侵入中原時代。

當是時。西藏族英雄有苻堅者。崛起陝西。統一揚子江上流及黃河流域全土。略取中國本部十分之八。惜也好大喜功。知攘外不知治內。淝水一役。爲晉所敗。全國土崩瓦解。身死敵手。爲天下笑。西藏族之勢力驟衰。繼起之英雄曰拓跋珪。系出鮮卑。爲通古斯蒙古之混血族。崛起山西北境。統一黃河流域。國號魏。與代表漢族之劉宋。南北對峙。是爲南北朝時代。

當是時。漢族文明漸漬於南方。舉凡昔日之東越、閩越、南越、斷髮文身之族。悉被漢化。而固有之中原。反爲異族所據。同時鮮卑據有中原。亦棄其固有之風俗習慣。而同化於漢族。後魏孝文帝時。遷都洛陽。禁胡服。冠姓氏。凡百舉措。皆以漢族固有文化爲標準。冥冥之中。已自忘其爲異族。隋室勃興。合漢族、通古斯族、蒙古族、西藏族。鑄成一大帝國。是爲漢族第二次大一統時代。而突厥族之突厥。勃起於西北方。據有漠南、漠北。及天山

南北路爲隋室大患。通古斯族之高麗勃起於東方。據有朝鮮西北及奉天東南境。亦與隋爲敵。唐室繼隋而興。北滅突厥。東滅高麗。通古斯族突厥族始服屬於中國。漢南漠北無王庭焉。而突厥族之同紇勃起於西北方。西藏族之吐蕃勃起於西方。苗族之南詔勃起於南方。終唐之世爲邊患。

以上有史以來千餘年六大民族之競爭。爲漢族優勝時代。雖有時異族侵入中原或占領之者。大抵爲漢族所擊退。或融合之使同化於漢族。強大如苻秦。綿延如元魏。奄有中原。聲施爛焉。其終也如朝露之花。忽焉溘逝。遺族服漢衣。用漢語。冠漢姓。不自知其爲異族也。曾幾何時。唐室驟衰。漢族內訌。突厥族之沙陀。通古斯蒙古混血族之契丹。更迭雲擾中原。黃河流域主權。爲二族所攘奪。漢族各小國。苟延殘喘於南方。党項遺族跼拔氏乘勢占領夏州。略取河套地。開異日西夏之基礎。黃河流域上流。復爲西藏族所據。是爲西北民族第三次侵入中原時代。

周室勃興。代沙陀劉氏爲君主。黃河流域主權復歸於漢族。宋室繼之。剪除羣雄。統一中國。而奉天全省。及直隸。山西北境。爲契丹所據。陝西。甘肅。北境。爲西夏所據。終北宋之世不能復。三國鼎峙者百餘年。雖時有戰爭。漢族大半敗衄。幅隕縮小。無復漢唐時舊觀也。

金興。率猛鷲慄悍之通古斯族南下。滅遼。服夏。敗北宋兵。略取直隸。山東。山西。河南。陝西。甘肅。及安徽。江蘇。之淮北地。盡有黃河流域。是爲異族第四次侵入中原時代。代表漢族之南宋。竄居江左。稱臣納貢。苟且以求自

保。不敢與之抗也。

元起漠北。滅夏、滅金、滅宋。統一中國本部。遣兵四出。略取亞洲大半及歐洲東北境。黃禍之聲。嚶喧於白色人種耳鼓。是爲蒙古族大一統時代。奈長於外攻者。短於內治。種族龐雜。則易啓紛爭。幅隕遼闊。則難於統一。不得已。分國爲五。以皇子皇孫領之。而宗族內訌。時常構兵。未及百年。土崩瓦解。明太祖起長淮流域。遂蒙古而代之。中原復歸於漢族。然壤地偏小。聲靈遠不及漢唐。漠北蒙古遺族若韃靼、衛拉特等。又時常內犯。明廷苦之。清室勃起滿洲。乘明室之衰而滅之。略取中國本部、蒙古、青海、西藏、及天山南北路、合漢族、苗族、通古斯族、蒙古族、突厥族、西藏族、爲一大帝國。鴨綠江以西、葱嶺以東、貝加爾湖以南、交趾以北、悉內屬。幅隕之廣。逾於漢唐。是爲通古斯族大一統時代。惜也。清廷內政。專注意於防家賊。以科舉牢籠漢人。以宗教愚弄蒙藏。其終也。國民腦力日趨於愚昧。體力日趨於懦弱。歐人東漸。無力抵抗。國勢日削。國民之發憤求自強者。起而議改革。清廷復不能因勢利導之。國民乃訴之於干戈。清帝退位。一變而爲共和之世。

以上中國有史以來數千年間。六大民族所創立之帝國。王國不知凡幾。以幅隕之廣狹言之。則蒙古民族之元爲最。通古斯民族之清、漢民族之漢、唐、次之。西藏民族之苻秦。突厥民族之後唐、後晉、後漢。雖一時奄有黃河流域。蔚爲大國。不得廁於其列也。以國祚之修短言之。則漢民族之漢。享國四百餘年者爲最久。起西歷紀元前二〇六年終西歷紀元二六三年共四六九年中國漢民族之唐。起西歷紀元六一九年終宋。起西歷紀元七九九年共三一九九年。餘去新莽即位十五年不計外共得四九四年。

明、起一三六八年終一六〇一年共二九三年通古斯民族之遼、起九一六年終一二二五年清、起一六六一年終一八九五年享國三百年上下者次之。西藏民族之西夏、起九九年終一二二七年共二二七年享國二百餘年者又次之。蒙古民族之元、起一三六八年終一三六九年享國僅百餘年。起一三六九年終一三六九年雖子孫綿延至今。猶爲民國貴族。然主權久不在握。不得與漢唐比隆也。間嘗考之。領土之廣狹。與國家武力之強弱爲正比例。國祚之修短。與主權者政治上能力之大小爲正比例。六大民族中。以武力論。當以蒙古民族爲第一。而其政治上能力。終不如漢族。故蒙古帝國。幅隕之廣。爲中國史上所僅見。然不旋踵瓦解雲散。不能追蹤漢唐也。通古斯族居二者之間。武力亞於蒙古。政治上能力亞於漢族。故所創立之帝國。政治文化。綽有可觀。不似蒙古帝國之短命也。突厥民族勢力雖膨脹於西方。然在中國史上。則關係較爲薄弱。西藏民族益甚。至於苗族勢力。則僅上古史上一現曇花。迄中古已烟消雲斂。現今已在若存若亡之間矣。

以上寥寥數頁。中國數千年來治亂興亡之迹。盡在是矣。中國歷史。自當以漢族爲主人翁。而東洋歷史。則通古斯族、蒙古族、突厥族、皆占重要位置。白色人種。及交趾支那民族。亦時有關係焉。大和民族、三韓民族。則近世史中重要脚色也。

第五章 東洋史時代之區分

歷史必具三要素。一民族。二區域。三時代。三者並重。不可偏廢。知種族而不知時代。則有珠無索。知區域而不知時代。則有緯無經。上古史神話時代。傳說時代。雖有史蹟。等於逸話。論史者不敢據爲事實。文獻之不足徵。以年代之無可考故也。是故欲述史蹟。必先區分時代。

廣義之東洋。指亞洲大陸全部而言。種族既複雜。時代之區分。亦言人人殊。不能一律。本編假定以中國爲主人翁。故時代亦名從主人。假定以中國史之時代。爲東洋史之時代。

第一編 上古史 漢族萌芽時代。

自太古至戰國末。共約二四九〇年。西歷紀元前二七一年至二二二年。漢族據有黃河流域。逐漸發展。經唐虞三代。中央集權漸固。秦始皇帝出。統一中國。漢族之勢力充滿。遂有經略塞外之事。漢族膨脹。實始於此時。此時代復約分爲三期。

第一期 漢族苗族對峙時代。唐虞以前。

第二期 漢族休養時代。夏商及周初。

第三期 西北民族第一次侵入中原時代。春秋戰國。

第二編 中古史 漢族全盛時代。

自秦統一中國至唐亡。共一一二七年。西歷紀元前二二一年至紀元九〇六年漢族內部充盈。遂以攘外爲務。西北民族多內屬。兩晉南北朝時代。漢族中衰。五胡十六國。更迭雲擾中原。黃河流域主權。爲異族所攘奪。然不旋踵漢族復興。其結果異族仍同化於漢族。隋唐相繼勃興。闢空前之大版圖。是爲有史以來漢族最強盛時代。此時代復約分爲四期。

第一期 漢族第一次大一統時代。秦漢。

第二期 西北民族第二次侵入中原時代。兩晉。

第三期 漢族與西北民族第一次對峙時代。南北朝。

第四期 漢族第二次大一統時代。隋唐。

第三編 近古史 漢族衰微時代。

自唐亡至明末。共七三七年。西歷紀元九〇七年至一六四四年漢族勢力衰微。中原之鹿爲西北民族所攘奪。沙陀先入。契丹、西夏繼之。女真之金。蒙古之元繼之。中華大陸卒入於蒙古人之手。遣兵西出。席捲亞洲。餘威振於歐土。帖木兒帝國興。併有葱嶺以西地。與漢族之明東西對峙。幅隕之廣。遠過於明。莫臥兒帝國興。統一印度及阿富汗。

俾路芝全土。其幅隕亦幾與中國相等。是爲蒙古族強盛時代。此時代約分爲五期。

第一期 西北民族第三次侵入中原時代。五代。

第二期 漢族與西北民族第二次對峙時代。宋遼西夏。

第三期 通古斯族強盛時代。南宋及金。

第四期 蒙古族大一統時代。元。

第五期 漢族勢力恢復時代。明。

第四編 近世史 歐人東漸時代。

自清初迄今。凡二八〇年。西歷紀元一六四五年至一九二五年近古末年。歐人發見東西航路。歐亞交通。逐漸頻繁。至近世益增劇。兩洋間政治上有密切關係。亞洲南部爲英法所蠶食。中部北部爲俄人所鯨吞。東部之中國亦爲歐人所左右。日本勃起東瀛。猶保持獨立國態度。然事實上亦不敢與歐人抗也。此時代復約分爲三期。

第一期 通古斯族大一統時代。鴉片戰爭以前之清室。

第二期 通古斯族衰微時代。鴉片戰爭以後之清室。

第三期 漢族勢力第二次恢復時代。中華民國。

第六章 東洋史研究上之補助學科

歷史範圍極廣。與各種學術皆有關係。故研究上所需之材料亦多。古文書學、考古學、言語學、地理學、年代學、人類學、古泉學、系圖學、徽章學、皆爲研究歷史者必不可少之參考品。法律學、地質學、詩歌學、亦時時有關係。普通稱此種學問爲歷史之補助學科。就中古文書學一科。爲研究史料之根本。十七世紀之中葉。法國學者 Jean Mabillon 始創此科。其門弟子大成之。近世史家之泰斗 Lanke 利用古文書學。編成世界史。考據鴻富。爲一時之鉅作。然而東洋史上之大國。若匈奴。若鮮卑。若柔然。若突厥。其國本來無文字。更從何處能覓古文書。於是史學家乃不得不應用考古學、言語學、爲研究歷史之補助。考古學者。就其地方古代遺留之建築物、或器具裝飾品、而比較研究之。可以推測其地方當年之社會狀態。言語學者。就其地方現存之地名而比較研究之。可以推測其地方之人民屬何系統。並可推知當時之文化範圍。擴張至何地。地理學亦重要之補助學科。就中歷史地理學一門。研究古代地勢之變遷。可以推定其地方當年產出之大英雄勢力發展之次第。且實地調查古戰場古城址之形勢。可以證明古記錄古傳說之錯誤。普通地理教科書所研究者。爲政治地理學。政治地理學者。研究現在之國家。係何種政體。行何種制度。其政治良善與否。其社會

之組織健全與否。其海陸軍、農、工、商業、發達與否。對於現在十分注意。對於過去無重要關係。系圖學者研究歷代各世族譜牒。可以證明當時之主權者。或偉人豪傑所自出。就其相續之次序適當與否。可以推測當時之國家或地方狀態。古泉學者研究古代之貨幣。古貨幣之表裏兩面。往往詳載當時君主之肖像尊號及年代。古文書古記錄缺乏時。可藉以供史料。且因其鑄造之材料及形式。可以推測當時美術、工藝、進步之程度。

以上所述各學科。為研究歷史之專門家必不可缺之品。若就普通教育方面觀之。則年代學、地理學二種。與歷史關係尤為密切。歷史者。人類之活劇。此活劇實在宇宙內演成。上下數千年。縱橫幾萬里。其中榛榛而居、狉狉而遊、日出而作、日入而息、之最高等動物。不知凡幾。每一分鐘一秒鐘內。所活動之事蹟。不知若干。時過境遷。則化為陳迹。此陳迹傳之後世。則成為歷史。歷史上之事蹟。實不知其為幾千萬億最高等動物所演成。論史者以管中窺豹之筆。坐井觀天之眼。撫今思昔。由後溯前。蠻觸之爭鬪。滄桑之變遷。調查考據。蒼萃成書。良非易易。苟時間空間稍有顛倒錯亂。則甲地之事蹟。誤記入乙地。丙年之事蹟。誤混入丁年。鏡花水月。無處捉摩。讀史者有亥豕魯魚之歎矣。讀者諸君研究歷史。宜左覽地圖。以確定空間之觀念。右顧年表。以確定時間之觀念。偶遇一史蹟。必沈潛反復。細考其發生於何地何時。則事蹟信而有徵。無捕風捉影之談矣。

第七章 東洋史之參考書

西洋民族以文化勝。東洋民族以武力勝。西洋古國。若埃及。若美索不達米亞。若波斯。若希臘。若羅馬。皆能自創文學。其石碑及陶器。流傳至今。爲古文書學。考古學者所寶貴。東洋古國。若獬狁。若匈奴。若鮮卑。若柔然。其國本無文字。雖一時縱橫跋扈。武功震耀寰區。及其衰也。形消影滅。一片之碑。一尺之簡。無復流傳人間者。史料之缺乏可知也。西洋中古之國。若大食。若東羅馬。若神聖羅馬帝國。其古文書。古記錄。流傳至今。人能誦之。東洋中古之國。若遼。若金。若西夏。雖有文字。亦無人能識之也。西洋近世各國。若英。若法。若德。若俄。學術異常發達。其文字流行五洲。爲研究科學者之指南針。東洋近世各國。除日本不計外。朝鮮。越南。粗有書籍。所流行者漢字。其土語土字。外人莫能識也。我國之滿洲。蒙古。西藏。民族。雖有文字。而書籍缺乏。外人研究之者絕少。其甚者則彼本族相互間。亦未常流行也。暹羅。勃興。始創文字。流行未久。於研究歷史毫無關係也。是故西洋史料異常豐富。東洋史料異常缺乏。西洋史料苦於選擇。東洋史料艱於搜求。不得已而思變通。只能以中國史爲根據。太平洋以西。裏海。鹹海。以東。貝加爾湖以南。印度洋以北。各民族。歷史上之國家社會的組織及其生活狀態。大抵散見於中國歷代史四夷傳。印度號稱最古文明國。然其民族思想。重視未來。輕視現在。故哲

學宗教學思想異常發達。史學政治學思想異常薄弱。自開國迄今垂五千年。竟無一部完全歷史。西歷紀元前第一世紀起。至紀元後第三世紀止。四百年間之印度史蹟。不得不以漢書爲考證之資。此外若北魏法顯之佛國記。唐玄奘之西域記。亦爲研究印度古代史及地理者必不可缺之品。日本雖有史書。然創國未久。於古代史絕無關係。其餘他民族更無論矣。本編於困難之中。籌變通之計。仍以中國史爲根據。參以日本、朝鮮、安南、印度等國史籍。薈萃成篇。述者固未嘗滿意。訂正增補。俟之將來。

本論

第一編 上古史 漢族萌芽時代

第一期 漢族苗族對峙時代

第二期 漢族休養時代

第三期 西北民族第一次侵入中原時代

以上三期事蹟較簡。并作一期說明之。

第一章 漢族與交趾支那民族之關係

第一節 上古交趾支那民族之勢力範圍及其生活狀態

現今交趾支那民族。蜷伏於西南深山中。體格短小。皮膚黃色。髮黑而直。面扁平。眼黑褐色。唇厚、眉濃、而鬚極

少。上身長。下身短。頗似日本人。椎髻跣足。男穿長衣。女以布圍腰際。下體不著褲。亦近日本風。好弄樂器。喜歌舞。每年暮春之際。天氣晴明之夕。選擇綠野。青年男女。攜手跳舞。名曰跳月。頗類西人之 Dance。及日本之素人踊。以耕耘爲業。食稻與玉蜀黍。養雞豚。食肉與卵。其生活狀態。差近漢族。不過言語不通。婚姻不通。服飾詭奇。風俗怪誕。爲奇異耳。其分布地。以貴州爲中心點。蔓延於四川、雲南、廣西、湖南之邊境。有生苗、熟苗之別。生苗僻處深山中。自成一種小社會。熟苗與漢族雜處。或習漢語。服漢服。通婚姻焉。其政治上之統治權。直接受治於漢官吏或土司。而間接受治於中國政府。此族土人。現今無偉大人物。在政治上毫無勢力。願在上古時代。則一時極其強盛。與漢族對抗。論史者不敢一筆抹殺也。此族在歷史上之名稱。有猺 (Yao) 獞 (Tung) 獞 (Yas) 獞 (Lias) 黎 (Li) 苗 (Miao) 等之區別。概係部落制度。不成爲具體的國家。其在上古史上稍具國家形勢者有二。一曰九黎。一曰三苗。其根據地在今湖南、湖北、江西、安徽等省。最強盛時。勢力範圍。直抵中國北境。性情殘忍。頗有法律思想。相傳剝鼻黥面等肉刑。實爲其族所創。又發明武器。創造甲冑弓矢刀戟大弩。又發明鬼神教。迷信思想頗深。喜詛咒。崇拜巫覡。現今猶存其遺風焉。其民族多釐姓允姓。其後允姓移居甘肅之西境云。

第二節 漢族文化之東下

世界文化發源地有六。一爲尼羅河流域之埃及文化。二爲歐夫拉底士河底格里士河流域之美索波達米

亞文化。三爲恆河、印度河流域之印度文化。四爲黃河、揚子江流域之中國文化。五爲北美(North America)之墨西哥(Mexico)文化。六爲南美(South America)之祕魯(Peru)文化是也。墨西哥、祕魯、僻處西半球。與東洋史絕無關係。其餘四國。皆在東半球。相傳東半球人類。始於亞洲。亞洲人類。始於帕米爾高原。自此分道四下。其西下者爲埃及。爲美索波達米亞。南下者爲印度。東下者爲中國。中國民族。由帕米爾高原移至青海。自此分爲二路。南路由揚子江順流而下。抵四川。東阻於三峽。不得至湖北。北阻於秦嶺。不得至陝西。乃蟠據揚子江上流。滋生繁盛。建國號曰蜀。至周慎靚王五年。西歷紀元前三一六年爲秦所滅。始與北方漢族合。北路由黃河而下。滋生於陝西、山西、河南、直隸、山東境內。是爲漢族文明創始者。

第三節 漢族與苗族之衝突

相傳距今四五千年前。哈母民族繁殖於埃及。塞母民族繁殖於美索波達米亞。阿利安民族繁殖於印度時。漢民族亦據有黃河流域。繁殖於中國北部。同時交趾支那民族之苗族。亦據有揚子江中流下流流域。與漢族對抗。其族有強國曰九黎。其君主曰蚩尤。有野心。乘炎帝榆罔之衰。聯絡各苗族。進兵北向。略取中原大半。將有驅逐漢族出塞之勢。漢族諸侯有熊國之君公孫軒轅者。糾合漢族各小部落。與蚩尤戰於涿鹿。破斬之。恢復黃河流域。卽帝位。是爲黃帝。苗族退處於江南。少皞之衰。九黎亂德。顓頊卽位。征克之。舜攝政時。三苗復作亂。竄其頑梗者於三危。禹攝政時。復自將征有苗。苗降。舜之晚年。南巡狩。崩於蒼梧之野。今湖南衡陽道寧遠縣卽故永州府

寧遠縣亦以自將勦撫三苗故也。自是以後。苗族衰退。竄居湖南廣西境內。蓋前後競爭垂千年。勝負始決。黃河流域之漢族。始得高枕而臥矣。

癸卯新民叢報載有蔣觀雲「中國上古舊民族之史影」一篇。引日本「田能村梅士」論上古苗族亦有文明。且其發見早於漢族。其言頗有見解。茲節錄於左。以供參考。

支那之文明。濫觴者爲何地乎。今之舉者。羣不待疑問。而謂支那之文明。則濫觴於黃河之流域是也。雖然。余不敢苟同其說。而欲提議一疑問題。卽支那文明之濫觴。果從何地是也。論羅馬之文明者。必謂濫觴於帶伊白河。凡一國之文明。必由水之源流而發生者。此一定之理勢也。支那之文明。其不能外此理勢無疑。雖然。謂支那之文明濫觴於黃河者。其於事實誠不謬。然祇就支那之北部而言之耳。若論支那之全域。則南方文明。實濫觴於揚子江。且其文明之發生。亦早於北方。（中略）

據支那古史所記載。古代之文明。似專局於北方之一部。而南方一帶。全在野蠻蒙昧之境。雖然。太古之人類。從氣候寒冷地味薄瘠之處。而漸聚於氣候溫暖地味肥饒之處。而文明之趨勢。亦必先發生於人口稠密之處。雖發生之後。欲維持以臻於完成之域。南方溫暖渙散之處。或不如北方寒冷凝固之處爲適宜。然文明最初之發生。多在溫暖炎熱之區。如印度如埃及之事例可徵。蓋文明之麴蘖。不依暖熱之空氣。則到底有不能發酵者。試問江河二水。爲誰適於培養文明乎。彼河水者。以黃河爲名。已顯示以常泥濁而不澄。

清之意。且其河流屈折。流勢奔放。動則增激氾濫。頗不適於利用。往往至爲大患者。古來蓋不知其幾何。若江水者反是。水質澄湛。流勢穩靜。除上流有峻湍之區。其餘大致千里一碧。汪汪漾漾。無氾濫之憂。而有易親易狎之狀。患害甚稀。而適於利用。然則無敵天然力之智能。如上古人類者。謂必聚合於黃河者多。而聚合於江水者少。此吾人所不能信之事實也。

又以地味之關係論之。當時記地味之肥瘠者。惟尙書禹貢一篇。依禹貢所記。而案其地味之等級。雍州第一。徐州第二。青州第三。豫州第四。冀州第五。兗州第六。梁州第七。荊州第八。揚州第九。其大概均以北方爲上。南方爲下。似當日南方之地味反薄瘠。而北方之地味反肥饒者。雖然。禹貢記事。有可否認者三焉。(甲)禹貢記事。全與近世之實狀相反。夫地味厚薄。容或有因時變遷之故。然全部面積。古今乃大相反。殆無此事理也。(乙)禹以北人。按禹爲黃帝之子。昌意之裔。孫昌意降居若水。若水在蜀。故禹生石紐。惟禹事業之發端。皆在北方。故謂之北人亦宜。其觀察南方之事。對之冷淡。或有不如北方之事之親切者。雖大賢或不能免此人情。且南人當日屬要服荒服中。地勢僻處。爲北方王化所不及。故北人視之。全若夷狄者然。或不免有先入爲主之過誤。又禹貢九州。其地當今支那本土十八省中之十三省。面積廣大。以當日時勢度之。或有視察不及精密之處。且即欲詳晰視察。而當日視察者之人之智識上。或不能得正確之結果。此亦事理之所或有也。(丙)要當日視察之結果。有一全可反對之事。蓋當日北方之人民。常食黍稷。而米非其所用。遂至貴黍稷而賤米。貴旱田而賤水田。南方多水。

田之處。映於北人當日之眼簾。不免概置爲劣等。遂至分地味之等級。乃與當日之南人及今人竟至相反。此三者予於禹貢之記載爲否認。而不敢堅信當日地味北肥南瘠者也。

無論氣候也。水流也。地味也。皆南優而北劣。則支那之文明。謂南方較早於北方者。吾人蓋不憂其乏論據也。

且歷史上之事。亦可得左證焉。從來歷史之通病。戰敗者之事迹。多湮沒不傳。卽傳亦傳其野蠻惡逆之行而已。蓋歷史之成。多出於戰勝者之手。支那史蓋亦不免此病。故據其古史。可以考見北方之事。而不能考見南方之事。其記南方民族如三苗者。亦祇傳其野蠻惡逆之名而已。被三苗者。其果爲惡逆之蠻民乎。抑爲有智能之良民也。是實無由懸斷。雖然。三苗文明之發生。實有較早於北方者。此尙不乏考證之資。無他。卽一部之尙書也。

尙書者。北人所記錄。不僅記載堯舜以下之美德懿行。而兼載文物制度。然其中言法制者。皆在舜攝位以後。而堯以前之事無聞。或以爲孔子之所刪削。近時世界有論孔子之刪詩書爲歷史上之大罪人者然亦因其事或有不可信者。而三苗之有刑法。則已見於尙書。如尙書一二卷。周書二九篇呂刑皆是。是實遺珠沙中。而可謂今日之至寶也。吾人得此。一則可看取當日南方文明之光輝。一則可想見南方法制已具之日。而北方則尙未十分成立也。

是故予於支那之文明。欲定爲南方早於北方。而南方實濫觴於江水之岸。蓋三苗者。支那固有人種之一。而三皇五帝之民族。屬外國人種。從支那之西北方侵入。展布於北方黃河附近之處。屢與土著人種相衝突。漸次伸張其勢力。故曾有一說。以黃帝爲亞西利亞人者。蓋亦近似之言。三苗人種者。其初或亦局於江水之南。以漸散入中部。至達於黃河附近之處。乃爲北人所摧敗。窘蹙而復歸於江以南歟。

然則南方文明。其後無所表見何也。曰。爲北人所征服。而日蹙蹙故也。黃帝者。以善戰征爲天子。與炎帝戰而勝。與蚩尤戰而勝。遂挾其戰勝之餘威。平定四方。史記稱黃帝「披山通道。未嘗寧居。東至於海。登丸山。及岱宗。西至於崆峒。登雞頭。南至於江。登熊湘。北逐葷粥。合符釜山。遷徙往來無常處。以師兵與營衛」云云。其四方往來。必非無意味之巡遊。於其所謂以師兵爲營衛者。可想見當日往來。無非征罰戰討之事。所謂登熊湘者。熊湘二山名。在今長沙附近。當日三苗之首府。在洞庭彭蠡之間。距今長沙不遠。黃帝南伐。渡江水。因登二山。以爲用兵之所取道歟。當是時南方各部。殆亦漸盡爲北方黃帝之所征服也。

由來支那國內用武之事。南方人每爲北方人所勝。南方之文明。雖已發生。而一至以干戈相見。遂不免爲北方之強者所敗。是實累伐支那歷史之成案。太古民族。或亦不能異此例也。

至舜卽位。而三苗又被竄。蓋三苗者。一經黃帝之征伐。勢不復振。至是稍欲試其跳梁。而其力脆薄。不足以當戰伐。卒罹投竄三危之刑。尙書記其事曰。「四罪而天下咸服。」蓋北方統一支那之勢。至是而已略定。

者也。（後略）

民國二年庸言報第七八號。載有吳貫因君「五族同化論」一篇。其論苗族處。頗有特別見解。茲節錄於左。以供參考。

按今之言融和種族感情者。動稱五族平等。無論五族之名詞。不得成立也。即使果可分爲漢、滿、蒙、回、藏諸族。而現在中國之人民。尙有苗族在。固屬六族。而非五族也。且苗族之在中國。實有大功。苟以崇德報功之典論之。其位置當在滿、蒙、回、藏諸族之上。而乃置之不論不議之列。不令其得與五族平等。果何理耶。然則苗族之功何在。今試爲舉之。一曰發明刑法。中國古無刑法也。其始發明者。實惟苗族。書呂刑。「苗民弗用靈。制以刑。惟作五虐之刑曰法。」夫既命之曰法。意其時不徒發明五種之刑也。必更編有法典在焉。故自苗族發明之後。我族襲而用之。至漢文帝時。苗族所傳之五刑。始稍有改變。苗族所發明之五刑。卽劓、剕、梟、大辟是也。及漢文帝時。詔除肉刑。於是苗族傳來之五刑。始稍改變。而其發明之時代。據蔡氏沈之解呂刑。謂「苗民承蚩尤之暴。不用善而制以刑。」果爾。則在蚩尤之後。卽當軒轅時代。其發明蓋甚古矣。此其有功於中國者一也。二曰發明戰爭武器。中國古代戰爭之器具。皆極拙劣。及蚩尤之興。乃有器利出焉。而其戰爭之利器。計有二種。一曰干戈。史稱「蚩尤好兵喜亂。作刀戟大弩。」又山海經云。「蚩尤作兵伐黃帝。」管子地數篇云。「蚩尤受金作兵。」由上觀之。則刀戟大弩兵戈。皆作自蚩尤。此其所發明之武器一也。一曰甲冑。史記五帝紀。正義引龍魚河圖曰。

「蚩尤兄弟八十一人。並鑄頭鐵額。」使蚩尤而果銅頭鐵額也。黃帝安能擒而殺之。意其時蚩尤必戴甲冑。而我族因未有此物。驟見蚩尤之甲冑。遂疑其銅頭鐵額矣。此其所發明之武器二也。蚩尤發明此二種之武器。用能自南而北。逐帝榆罔而自立。及蚩尤敗亡。此等武器。歸於我族。我族遂亦能做造矣。此其有功於中國者二也。三曰發明鬼神之教。上古之世。吾族之教重術數。苗族之教重鬼神。上文既嘗言之矣。今試稽當時苗族所奉之教。楚語曰。「少皞之衰。九黎亂德。」按九黎蚩尤皆屬苗族。上文既詳言之。民神雜糅。不可方物。夫人作享。家爲巫史。無有要質。民匱於祀。」由是觀之。則當時苗族。蓋以奉神信巫。爲其教義焉。而吾族因重術數而輕鬼神。故嘗思撲滅其教義。呂氏春秋召類篇。「堯戰於丹水之浦。以服南蠻。舜却苗民。更易其俗。禹攻曹魏。屈驚有扈。以行其教。」此蓋欲使之更易其俗。而從吾族之教也。然虞夏以前。吾族雖不信鬼神。及周以降。則術數與鬼神並重矣。夫迷信神道。由今日觀之。固無足取。然在上世民無智識。借之以勸善警惡。未始無所裨益焉。此其有功於中國者三也。夫苗族之在中國。既有此三大功。且依近世學者之說。謂中國原始之住民。實爲苗族。而我族則由西方遷徙而來者。誠如是也。我族既占據苗族之土地。吸收苗族之文明。而乃驅之於貴州、雲南之深山谿谷間。至今共和告成。日以權利平等之名詞。號召天下。而苗族獨不得廁於五族之列。所謂共和者。果如是乎。故我以為不舉種族之名則已耳。苟言及種族。則必曰六族共和。六族平等。不得僅以五族稱也。雖然。五族之名詞。今後既不能適用矣。故我以為欲統一國民之心志。當曰全國共

和全國平等。以國民爲範圍。而不以種族爲範圍。其庶幾於義有合也。

梁任公飲冰室全集。載有歷史上中國民族之觀察一篇。其中解晰蜀族。頗有獨到見解。茲節錄於左。以供參考。

（前略）中國歷史。皆有同一神話。惟蜀獨異。其古昔名王。有若蠶叢。若柏灌。若魚鳧。若杜宇。李白所謂開國茫然。四萬八千歲。不與秦塞通人烟者也。說文巴下云。虫也。象形。蜀下云。桑中蟲也。象形。爾雅釋文引巴蜀本蟲名。今變爲地名者。殆與閩同例。初轉爲種族名。古代言異族皆不齒人類別以惡名加之觀上所引說文可見更以名其種族所居之地也。夫蜀天府膏腴。其面積足當今之日本。有岷涪諸江。華離錯綜。灌域甚廣。又適當溫帶。最宜於初民發生之地。而陸有劍閣。水有瞿塘。重險隴區。天下稱最。古代戰術未精。他族之侵入不易。則其間有一獨立之民族。自固其所。此族之被知於我族。當與苗族同時。黃帝元子昌意。降居若水。娶蜀山氏女。生高陽。旣交通焉。唐虞以還。無復黃帝之遠略。自爾不相聞問者。且二千年。逮秦惠王用司馬錯伐蜀。滅之。其地始合併於中原。歷兩漢三國。同化殆盡。（後略）

第二章 漢族與西北民族之關係

中國歷史上有一種特別現象。曰漢族與西北民族之關係而已。西方民族。古書稱之曰戎。北方民族。古書稱之曰狄。戎狄二族。有時僻處遠方。有時雜居內地。強則侵略漢族。弱則降附於漢族。其間時分時合。錯綜變化。不可思議。東亞數千年歷史。實以此種循環現象演成。卒之中華民國成立。五族平等。共享共和幸福。本期一合而不復分。而外蒙西藏。潛謀獨立。又大有由合而趨於分之勢。將來之結果。非吾人所能豫知。而過去情形。當利用東洋史之時間。與諸君一道及。茲試開宗明義。先述漢族與西北民族關係之由來。次遵照歷史年代之先後。循序講解。以供研究時局者之參考。

第一節 北方民族之出現

北方民族有三。曰通古斯族、蒙古族、突厥族。突厥族之出現。始於前漢時之大月氏、烏孫。通古斯族、蒙古族之出現。則遠在有史以前。時代莫可考也。蒙古民族之起源地。在今蒙古杭愛山麓。通古斯民族之起源地。在今烏蘇里江流域。兩地皆苦寒。農產物缺乏。兩民族爲天然現象所驅。常思逐漸南下。積之數千百年。遂移至今日萬里長城近傍。血統逐漸混合。成爲一種特別民族。代表此民族之最大部落曰葷粥。史稱黃帝「北逐葷粥。合符釜山。」是爲北方民族見於傳記之始。釜山在今察哈爾涿鹿縣。則當時葷粥之勢力。已侵入塞內矣。其後歷唐虞三代。葷粥勢頗猖獗。古書或作獯豸。或作獯鬻。是一是二。疑莫能明也。商之末年。獯鬻寇掠陝西。攻豳。今陝西枸邑縣卽邠。故邠州三水縣。豳之君主古公亶父徙居岐山之下。今岐山縣卽故鳳翔府岐山縣。是爲漢民族避寇南下之始。帝乙

在位。命南仲城朔方。命西伯昌備獫狁。是爲漢民族對北方民族設防之始。後十餘年。西伯伐翟。此獫狁獯鬻與翟。畢竟係何民族。現在無積極之證據。據史記匈奴列傳所載。其風俗習慣。與今日蒙古無異。當係蒙古族無疑。其中亦有少數之通古斯族與雜居。積久遂混爲一族。其純粹之通古斯族曰息慎。或作肅慎。史稱虞帝舜二十五年。息慎氏來朝。貢弓矢。周武王十五年。肅慎氏來賓。貢楛矢石砮。肅慎氏建國之地。在今吉林以東。朝鮮半島以北。烏蘇里江流域。僻處遠方。對於中國素表恭順。國際上只有平和關係。與獫狁獯鬻終年以寇掠爲事。對於漢族。常爲北方之邊患者異矣。

第二節 西方民族之出現

西方民族概爲圖伯特族。其中有戎、氐、羌等之區別。戎族之中。又有西戎、犬戎等諸區別。據竹書紀年所記載。「帝堯七十六年。司空伐曹魏之戎。克之。」是爲西方民族記於紀載之始。「夏帝癸三年。畎夷人於岐以叛。」畎夷或謂爲卽周時之犬戎。是爲有史以來西方民族稱兵之始。「商湯十九年。氐羌來貢。」是爲氐羌二族與漢族平和交通之始。「太戊二十六年。西戎來賓。」是爲戎族與漢族平和交通之始。同年。「王使王孟聘西戎。」是爲漢族對於西方民族報聘之始。「陽甲三年。西征丹山戎。」是爲漢民族西方遠征之始。所謂氐羌、畎夷、西戎。皆爲圖伯特族。氐羌僻處青海。去中國懸遠。故對於漢族。國際上只有平和關係。畎夷西戎雜居陝甘內地。故對於漢族時起衝突。常有軍事上之關係也。周室勃興。略定西土。據竹書紀年所載。「武乙三十

年。周師伐義渠。獲其君以歸。」「三十五年。周公季歷伐西落鬼戎。」「文丁元年。周公季歷伐燕京之戎。」「四年。伐余無之戎。」「七年。伐始吁之戎。」「十一年。伐翳徒之戎。」蓋周起西方。有剪商之志。先征服其近傍圖伯特族各小部落。以除腹背之患。始能東征也。「帝乙三年。命南仲西拒昆夷。城朔方。」斷西方民族與北方民族之交通路。防蒙古族與圖伯特族聯兵入寇。與後世漢武帝之取河西地。置張掖、酒泉、燉煌、武威四郡。斷匈奴與西羌往來要道者。同一計劃也。「帝辛三十四年。昆夷侵周。」「三十六年。西伯伐昆夷。」顏師古謂昆夷卽犬戎。是爲周與犬戎稱兵之始。「周穆王十二年。伐犬戎。」「十三年。王西征。」蓋至是戎禍漸亟。「十七年。遷戎於太原。」而戎且雜居內地矣。

第三節 戎狄之猖獗

戎人既移居山陝。與漢族雜處。漸有連雞不同棲之勢。然漢族聲靈猶振。戎人不敢生心也。穆王在位。喜征伐。西征犬戎。得四白狼、四白鹿以歸。自是荒服者不至。懿王七年。西戎侵鎬。十三年。翟人侵岐。十五年。王自宗周遷於槐里。蓋是時周室衰微。王靈不振。戎狄之禍日亟。天子至遷都以避其鋒。夷王時。太原之戎作亂。命虢公討破之。內徙之戎。至是漸呈不穩之狀。與西晉初年鮮卑、匈奴、西羌雜居內地。時起變亂。戕殺漢官吏。江統作徙戎論。主張移西北民族出居塞外之時代情形。前後如出一轍也。厲王時。外患日亟。西戎寇犬丘。獫狁擾宗周西鄙。京師以外。皆爲異族蹂躪之場。漢族之勢力益不振。宣王卽位。政治修明。王綱一振。命尹吉甫伐獫狁。

擊走之。追至太原而還。命秦仲伐西戎。敗沒。其子莊公代掌兵柄。大破戎兵。戎狄之勢一戢。尋伐太原之戎。不克。復伐姜氏之戎。戰於千畝。王師敗績。戎人之勢復振。乘勝滅姜。王崩。子幽王立。嬖褒姒。不理國政。犬戎人寇。弑王於驪山下。在今臨潼縣即故西安府臨潼縣西周亡。時幽王十一年。西歷紀元前七十七年也。

平王東遷。陝西悉委於敵。命秦仲之孫襄公爲諸侯。賜以岐豐之地。使伐戎。襄公卒於軍。子文公嗣立。爲戎所逼。東徙汧渭之間。休養十年。始大舉西伐。大敗戎師。收岐西之地爲己有。以岐東地獻之王。西方漢族始能自保。

當是時。王室播遷。中原無主。狄人乘勢南下。伐翼。至於晉郊。攻黎。黎侯棄國奔衛。伐衛。戰於熒澤。大破衛兵。殺衛懿公。遂滅衛。復伐邢。覆其都。邢人南竄。同時東北方面之山戎。亦乘勢南下。圍燕。周襄王弟王子帶與王有隙。復引揚拒泉皐之戎寇京師。入王城。焚東門。欲因己篡位。東西南北同時告警。漢族之危。等於累卵矣。

當是時。王室聲靈。不及於四方。河北、關西。悉委於異族。自隴山以東。直抵伊洛。皆成戎人勢力範圍。其著名者爲犬戎、驪戎、義渠、大荔等。犬戎以陝西故鳳翔府爲根據地。驪戎當其左。蔓延於故西安府以東。義渠大荔均在渭水北。蟠據於漆沮二水之間。此外陝西故延安府有大戎。甘肅故肅州有小戎。後遷於伊川。爲陸渾之戎。今河南嵩縣之北伊洛之間。有揚拒泉皐之戎。濱汝而居者有蠻氏之戎。今河南臨汝縣西南境河南故陝州有茅戎。是爲圖伯特族之雜居內地者。同時狄人侵入北方。其勢大熾。有白狄者。蔓延於河北、山西、陝西之間。其勢力

範圍。東起故正定府。西抵榆林南部。其部落有鮮虞、肥、鼓、三國。俱在故正定府之地境。有赤狄者。蔓延於山西。故潞安府沿太行山。分布於河北境內。其部落有東山皋落氏。今山西新絳縣。即故絳州。唐咎如潞氏。今山西潞城縣。即潞安府潞城縣。甲氏。今潞安府潞縣。即故潞安府。留吁。今山西屯留縣。即潞安府。潞辰。故潞安府。等名號。有鄭瞞者。國於山東。故濟南府北境。其人體魄偉大。號爲長狄。有山戎者。國於河北。故永平府境。有無終者。與山戎同族。國於玉田縣。故遼化州。玉田縣。是爲蒙古及通古斯族之雜居內地者。

第四節 霸者之尊攘政策

當是時周室已衰。天王守府。無實權。政治上之主權者。實際已不存在。漢族各小國。大者不過數百里。小者不及數十里。勢力範圍。僅抵今之一縣。雜居戎狄之間。苟延殘喘。時被侵掠。無抗拒之能力。漢族英雄。乃提倡攻守同盟政策。糾合漢族各小國。與異族抗。首倡此說者曰管仲。起家平民。持富強政策。相齊桓公。以山東爲根據地。籍鹽鐵。定兵制。有教士三萬。齊以富強。乃尊王室爲宗主。糾合淮北、山東、河南、河北各小國。結爲一大團體。宋、魯、陳、蔡、鄭、曹、許等國皆與盟。伐山戎。克之。至於孤竹而還。以其地與燕。燕由是在東北方大起疆土。復率諸侯救邢。逐狄人。遷邢於夷儀。封衛於楚丘。以避狄患。於是北方民族兵鋒稍戢。尋遣諸侯之聯軍戍周。拒退戎兵。於是戎禍稍戢。已而王子帶復引狄人入寇京師。王師敗績。王出居於鄭。王子帶僭位。居於溫。當是時。齊桓公已薨。國多內亂。無暇顧及王室。漢族勤王派之大諸侯。只餘秦晉二國。王乃遣使告難於秦晉。

秦穆公師於河上。將納王。晉大夫狐偃勸晉文公先舉兵。從之。遣右師圍溫。左師逆王。誅王子帶。奉王還洛陽。於是霸權歸於晉。

文公薨。襄公、景公、悼公相繼在位。累世能世其業。蠶食河北、山西、境內狄國。襄公時敗狄於箕。卻缺獲白狄子。於是白狄始弱。而赤狄猶強。屢寇晉北鄙。景公卽位。以卻缺爲相。缺用離間策。求成於衆狄。衆狄疾赤狄之役。遂服於晉。於是赤狄勢孤。尋遣荀林父敗狄於曲梁。滅潞。獲長狄焚如。鄭瞞之族遂亡。景公復自將治兵於稷。以略狄土。立黎侯而還。於是黎國絕而復嗣。尋遣士會率師滅赤狄甲氏及留吁、鐸辰。復遣卻克伐厲。咎如。厲咎如潰。於是赤狄諸國皆亡。其地悉入於晉。惟白狄諸國猶時常入寇。悼公卽位。使魏絳和戎翟。戎翟朝晉。一時兵戈稍息。北鄙小康。平公時。山戎族之無終與羣狄聯兵侵晉。晉荀吳率師與戰於太原。用魏舒計。毀車爲行以擊之。大破其兵。是爲中國用步卒得利之始。復僞爲會齊師者。假道於鮮虞。遂入昔陽。肥都乘勢滅肥。以肥子綿臯歸。尋復率師圍鼓。以鼓子戴悅全韃反歸。與議和。遣還。已而鼓復叛。荀吳襲滅之。於是白狄諸國多入與晉。唯鮮虞不下。河北山西境內北方民族各部落除鮮虞以外皆同化於漢族矣。當是時戎人勢猶猖獗。陝西、甘肅、河南各地皆爲所割據。晉荀吳旣滅鼓。遂乘勢滅陸渾之戎。河南之戎燄稍息。秦穆公勃興於西方。用戎人由余爲謀主。滅戎國二十。開地千里。受王命爲西方諸侯伯。關西漢族聲靈始振。西方民族之雜居內地者多同化於漢族。

大抵尊攘及糾合政策。倡始於管仲。而齊桓公實行之。當時周室已衰。政治上無中心點。漢族小國林立。無一能自立者。非聯合不足以禦外族。糾合政策。實過渡時代之唯一不二法門。欲實行糾合。必先提倡尊攘。否則名不正。言不順。雖提倡糾合。亦無人贊成。管仲當國時代。糾合與尊攘並行者。勢使然也。其後晉起河北。秦起陝西。各以實力蠶食戎狄。不必假他國之援助。於是糾合政策。成爲具文。尊攘政策。乃盡力發揮。不留餘地。蓋秦晉武力。猶在齊以上也。然平王東遷以降。漢族衰微達於極點。使無齊桓公糾合於先。則秦晉未勃興以前。漢族亡滅已久。五胡亂華之禍。不待西晉時始見也。故孔子曰。『管仲相桓公。霸諸侯。一匡天下。民到於今受其賜。微管仲。吾其被髮左衽矣。』誠哉是言。

第三章 漢族勢力之東南發展

第一節 南方民族之叛服

先是唐堯五載。今法領越南中部越裳氏上交趾支那地重譯來朝。獻大龜。周成王六年。復重三譯來朝。獻白雉。是爲印度支那半島之交趾支那民族與中國平和交通之始。而最近揚子江流域之交趾支那民族。其跋扈自若也。虞舜晚年。苗族敗退。竄居江南。黃河流域漢族始得安堵無恐。夏禹八載。王巡狩江南。大會諸侯於會稽。今浙江紹興縣卽故

紹興防風氏國於今浙江武康縣後至。戮之。是爲有史以來江南部落酋長受誅之始。王綱一振。漢民族勢力。發駿渡江而南。其後王室衰微。江南諸族多叛。殷高宗三十二祀。王自將伐鬼方。即荆楚今湖南湖北地荆楚好鬼舊多淫祠故謂之鬼三年克之。江南復服。周室衰微。江南復叛。昭王五十一年。王南征。敗績。返濟漢。漢濱之人以膠船進。王至中流。膠液船解。王溺死。南方之人。竟敢公然謀大逆。其勢之猖獗可知矣。穆王之時。荆人入徐。王自將南征。大起九師。架鼉鼉以爲梁。逐伐越。至于紆。荆人畏懼入貢。王崩。復叛。宣王卽位。命方叔征之。蓋幾經勘定。卒未心服也。

第二節 東方民族之叛服

先是漢民族東下。建國黃河流域。太古時代。歷代君主多奠都於東方。黃河流域下流。似已入漢族勢力範圍內。至唐虞夏三代。都城移至黃河中流流域。而黃河下流流域及長淮流域。半爲夷人之巢窟。據禹貢所載。冀州有島夷。青州有嵎夷萊夷。徐州有淮夷。揚州有島夷。其勢力範圍地。略可推測。此夷人係何民族。現在無積極證據。以生活狀態觀之。與漢民族無甚出入。或者本係土人。而首先同化於漢族者。未可知也。據史書所載。「夏后少康四十歲。方夷來賓。」是爲東方民族與中國平和交通之始。「后杼五歲。征東海。伐三壽。獲九尾狐。」是爲漢民族東方遠征之始。「后槐三歲。東方九夷來賓。」「后泄元歲。六夷來賓。始加爵命。」是爲夷族受中國冊封之始。所謂九夷六夷。是一是二。疑莫能明也。其後歷商及周。夷族事蹟不見史傳。以意度

之。或者當時對漢民族。無甚重要關係。概可知也。周室勃興於西方。奄有黃河流域。東方民族多不服。成王三年。商之遺族武庚作亂。淮夷淮南淮北近海之夷徐戎在淮夷之西今安徽泗州江蘇故徐州府等地蜂起應之。周公東征。殺武庚。命魯侯伯禽帥師征徐戎。平之。而淮夷終不下。四年。王自將征淮夷。平之。於是東方民族始羈縻於周室。而時叛時服。並非心悅誠服也。穆王之時。徐戎益強。其酋長徐子誕處潢池東。地方五百里。行仁義。陸地而朝者三十六國。穆王錫命爲伯。使主東方諸侯。穆王西征犬戎。徐子誕作亂。僭號自稱偃王。通溝陳蔡之間。欲舟行上國。率九夷伐宗周。西至河上。穆王長驅還救。使楚人伐徐。徐子不忍鬪其民。北走彭城而死。於是長淮流域。復爲周所羈縻。而淮夷恃其險遠。仍時常蠢動。厲王十一年。淮夷入寇。命虢仲征之。不克。徐戎亦乘勢作亂。宣王卽位。命召公虎征淮夷。王自將征徐戎。皆克之。於是東方形勢略定。

第三節 東南民族之漢化

自來經略新領土。必實行殖民政策。始能使異族同化。否則被征服者。時叛時服。弱則降附。強則變亂。主國累世用兵。疲於奔命。老師費財。終無勝算。漢族對東南民族。歷夏、商、周、三代迄無成功者。職此之由。商之末年。周公奭父長子泰伯。次子仲雍。以讓國故。逃之荆楚。荆人義之。從者日衆。東至海上。得千餘家。遂爲國。自號勾吳。是爲漢民族君臨揚子江下流流域之始。泰伯薨。無子。仲雍嗣位。周武王有天下。求泰伯仲雍後。得仲雍之曾孫周章。因其舊域。封爲吳伯。同時封文王傳鬻熊之曾孫熊繹爲楚子。國於丹陽。今湖北秭歸縣。故宜昌府歸州。於是揚

于江中流域始奉漢族爲君主。封夏后少康後於越。今浙江紹興府山陰縣於是錢塘江流域亦奉漢族爲君主。封太公於齊。今山東臨淄縣周公子伯禽於魯。今山東曲阜縣以經略東方。於是山東半島夷族始被中國文化。其後歷成康昭穆。楚勢漸張。助穆王討徐戎有功。日益強大。至夷王時。楚子熊渠伐庸。今湖北竹山縣揚粵。在東地無可考遂至於鄂。立其三公子爲王。分處江上。於是漢水流域半入於楚。其後歷代多英主。略取揚子江中流流域。南蠻各部落。若盧戎。今湖北即故襄陽府南漳縣若羣蠻。今湖南即故辰州沅州一府境若百濮。今湖南武陵道西南部辰州府境皆入於楚。吳越勃興於東方。統一揚子江下流流域。吳起爲楚將。復征服百越。江南苗族多同化於漢族。少數之不同化者。皆奔避五嶺以南。嶺北悉入於漢族。同時吳楚二國更迭北上。蠶食淮上各小國。淮夷徐戎舊地。皆折入於吳楚。山東半島各夷族。若介。今山東膠縣附若葉。今山東北部若根牟。今山東沂水縣皆折入於齊魯。於是東夷各部落。皆被同化於漢族。戰國之時秦楚日張。南滅巴。今四川西南部蜀。今四川西南部揚子江上流流域。始與北方漢族合。

梁任公飲冰室全集「歷史上中國民族之觀察」一篇。敘述東南民族事蹟頗詳。茲節錄於左。以供參考。

（前略）（四）徐淮族 亦稱東夷族。但此所謂東夷。與秦漢時所謂東胡異。彼在域外。而此居域中也。其住地約當前明鳳陽巡撫所治全境。今江南之淮安府、徐州府、廬州府、山東之曹州府、河南之歸德府一帶。而復沿山東半島之海岸線。歷黃海方面之莒州膠州。至渤海方面之登州、萊州。皆其族之散布地。

也。夫初民之起。必沿河岸。淮水爲四瀆之一。其在古代。獨自出海。未嘗與江河合流。其間有特別之民族起焉。無足怪者。徵其歷史。則夏太康有夷人之亂。殷仲丁有藍夷之寇。俱見通典及於周初。管蔡武庚挾以抗王室。周公東征三年。克奄。遷其君於蒲姑。今亳魯公伯禽之世。徐淮交起。俱見通典是以有費誓之作。書序泊穆王時。而徐特盛。徐偃王朝三十六國焉。見韓非子穆王使楚伐之。未能克也。見通典宣王時。復大有事於徐淮。詩所謂「率彼淮浦。省此徐土。」又曰。「徐方繹騷。震驚徐方。」又曰。「鋪敦淮墳。截彼淮浦。」又曰。「徐方既同。徐方來庭。」又曰。「淮夷來求。」皆極力鋪揚我軍容之盛。比例推之。則敵之強亦可見也。蓋以周初之盛。封建之廣。能越江以樹吳國。不能沿淮以奠徐夷。自戰國以前。徐淮一甌脫地。未嘗一受治於華族主權下也。史記稱「太公初封營丘。萊夷卽與之爭國。」齊世家春秋僖三十年。「介人侵蕭。」介在今膠州。蕭在今徐州。以區區小國。能越千里而侵人者。其所經地。皆我族勢力範圍外也。爾後其在山東半島者。見併於齊。其在鳳陽一帶者。見併於楚。至秦壹天下。東夷乃漸同化矣。而其遺俗之強武。數千年來。猶爛然有聲於國史。劉漢之興以淮泗。朱明之興以鳳穎。其他各時代。每天下有事。此族必歸然爲重於方。或且動全國。太平寰宇記云。「淮南之地人多躁急。剽悍勇氣輕進。斯地氣之使然也。」其民族之特色滋顯著矣。若最近之李鴻章、苗沛霖、袁世凱。其代表也。

又案此族在古代。其勢力蓋甚強。殆奄有山東省之全境。左傳昭二十年。晏子語齊景公曰。「昔爽鳩氏

始居此地。季荊因之。有逢伯陵因之。蒲姑氏因之。然後太公因之。」所謂爽鳩季荊有逢伯陵姑蒲者。未知屬何族。但觀周公克奄。遷其君於蒲姑。則此族與奄必有關係可知。合諸齊世家萊夷爭國之文。則徐奄淮萊殆同族歟。又史記五帝本紀。稱「神農時有夙沙氏煮海爲鹽。不用帝命。其民叛之而歸炎帝。」而左傳襄十七十八年。兩記齊臣夙沙氏之事。是夙沙之裔。至春秋之季而猶盛也。然則夙沙氏或卽爲此族最初之聞人矣乎。

(五) 吳越族 吳越與徐淮地雖接近。而大江界之。徐淮自古爲華族勢力所不及。吳越則夏周時通焉。其最初民族非同源甚明。史稱「秦伯逃之荊蠻。」其稱號與苗種頗相混。雖然。此族與他族。有一最顯著之異點焉。曰斷髮。史記吳世家。稱「秦伯文身斷髮。示不可用。以避季歷。」漢書地理志。「越人文身斷髮。以避蛟龍之害。」苗族以髮爲飾。觀最重之具。束之卷之。滋惜焉。按曰人鳥居氏所說也。凡野蠻最矣。必無或斷之明矣。赤縣神州中斷髮之族。舍此亦更無他也。西人之斷髮亦近今百餘年間耳。前此雖人之遺像可見也。然則全地球斷髮之俗。或以夫沼澤與河流。皆於初民之發生最適焉。太湖及錢塘江。吳越人爲始亦未可知。今考據未周不敢確言。沿岸有一種特別之民族也。亦宜。漢書地理志又云「吳越之君皆好勇。故其民至今好用劍。輕死易發。」隋書地理志稱「蘇州俗以五月五日爲鬪力之戲。各料強相敵。事類講武。」然則其族之本性。蓋甚尙武焉。今則惟浙東一帶。此風尙見一二。餘地率與漢隋志所記成反此例。此其中殆有別原因焉。下方更

論之。

(六)閩族 周官職方氏掌四夷、八蠻、七閩、九貉、五狄、六狄之人民。則閩爲一大族。由來久矣。其形從蟲。其聲與苗蠻皆相近。其與苗族有血緣與否。今不可確指。但至今日。而其語系猶劃然異於他省。則其爲特別種族。殆可推見。鳥居氏調查苗族與臺灣生番相似之點甚多。果爾則閩之與苗必有關係矣。但吾終疑古昔之苗族未必能廣殖於今之福建也。若兩族果同源則其相緣者必又不止此兩族矣。史記稱「漢武帝平閩越。徙其人於江淮間。盡墟其地。後有遁逃山谷者頗出。」然則此族受創夷。蓋特甚焉。魏晉以後。有所謂泉郎者。今泉州府之住民。史稱爲盧循海賊。晉末爲劉裕所滅者。之餘燼。想亦七閩之一支派也。

(七)百粵族 附蠻族 五嶺以外。古稱百粵。以其族繁多。不能指名也。通典云。「五嶺之南。人雜夷獠。不知教義。以富爲雄。鑄銅爲大鼓。初成。縣於庭中。置酒以招同類。人多構讎怨。欲相攻擊。則鳴此鼓。有鼓者號爲都老。」廣東通志。銅鼓山條。下文略同。山在今文昌縣。以土中掘出大銅鼓得名也。余案此數語者。於人種之研究。大有價值。近數年來。西人往往於「印度支那」安南暹羅緬甸諸地總名。及南洋巫來由羣島得銅鼓。其模範款識。與吾國所記悉脗合。宋去非嶺外代答云。廣西土中銅鼓。耕者屢上之。其製正圓而平。其面曲。其腰面有五蟾分據。其得蟾皆累踞一大一小相負也。周圖款識其圓紋爲古錢。其方紋如織簾。各以其成章。合其衆紋。大類細畫圖陣之形。今日本之帝國博物館。在東京上野。藏有銅鼓三。一爲在廣東所得者。一爲在爪哇國所得者。一爲暹羅王室所贈者。其模範款識皆若與周去非所記無纖毫異。近世史家。以此物爲研究南亞諸民族之關繫一大要具焉。其言謂今印度支那及巫來由島民皆以此物爲宗教品。極重。

視之云。余按日本博物館所藏暹羅贈品。乃其王贈與日皇者。其必爲至貴品。可推見周去非記又云。交趾人往往私買以歸。復埋於山。未知其何義也。此亦可爲此物含宗教性質之證。通典稱有鼓者。號爲都老。然則亦非盡人所能有也。粵人與南亞諸族。既大率自貴州之南部。廣西至西南部。廣東之全部。以及同有此物。其用法亦同。則其人種必有關係可證。

安南、暹羅、緬甸、南掌、下逮南洋英屬荷屬羣島。乃至南印度之一小部分。爲同一民族所占地域。

明人某所著八

十一。蠻略記云。此據哈上所引不著作者姓名。今無從指出。廣順安順興義各屬蠻每歲首擊銅鼓。禮棚地得鼓則富。者出重價爭購。余按廣順安順興義等在黔省南部。經廣西之西隆。雲南之廣南等地。以迄安南其道甚近。彼諸府已在苗族勢力範圍外。必與百粵族有瓜葛矣。其某地爲最初發生。某地爲後起移殖。則今尙未有定論。要之與

中華民族及其他腹地諸族絕不相蒙。可斷言也。又通典所謂好構讐怨。常相攻擊。此風至今不衰焉。

蜚族者。亦有研究之價值者也。至今此族尙繁。殆不下百萬。我族莫肯與通婚姻。但其人皆居水中。以船爲家焉。夫人民必與土地相附。此通則也。若蜚族者。絕無寸土。誠爲全球獨一無二之怪現象。吾粵人習見之。而莫能言其所自來。今按蜚爲種族之稱。已見說文。則其起源甚古可知。隋書南蠻傳云。一與華人雜處。曰蜚曰俚。韓文公房公墓誌云。林蠻洞蜚。然則蜚族昔固洞居。而與華人雜居者也。其由陸入水。不知仿自何時。要之爲我族所逼。不能自存於陸地。是以及此。抑亦其自入水後。與我無爭。故能閱數千年。傳其種以迄今日。古百粵之族。其畱純粹之血統。以供我輩學術上研究之資料者。惟此而已。

(八) 百濮族 書牧誓。微盧彭濮人。左傳文十六年。百濮聚於選。昭九年。巴濮楚鄧。吾南土也。昭十九年。楚子爲舟師以伐濮。所謂濮者何族。其所居何地。此人種學研究之一要點也。杜預

春秋釋列云。「建寧郡南有濮夷。無君長。各以邑落自聚。故稱百濮。」案晉建寧郡。在今雲南界。其族在建寧南。則爲雲南境內可知也。吾欲以今之獯獯當之。請述其論據。疇昔學者。往往以獯獯爲苗之別種。而雲貴人久與相習者。皆能言其異點。近者日人鳥居龍藏實歷調查。益言其間劃然爲一鴻溝。兩族世爲仇讎。競爭至今尙劇。獯獯所居地域。則自雲南全部。北至四川之會理州。寧遠府。皆極盛。東北至嘉定。敘州。亦間有焉。南則散及安南之東京。東則至貴州之安順府止焉。而滇黔交界地。則畢節。威寧。鎮雄。昭通間。實苗獯衝突之燒點也。其言此兩族骨格上。習俗上。文明上。皆有絕異之處。文多不具徵。其支那苗族之地理學的分布及其現況見地學雜誌第一百七十四卷今以其說爲假定前提。按諸地理。則惟古百濮當之也。通典邊防典。有尾濮。木綿濮。通文面濮。折腰濮。赤口濮。諸名。尾濮在興古郡。今雲南府西南千五百餘里。赤口濮在永昌。今永昌府沿襲濮名之種。見於秦漢後古籍者僅此。讀史方輿紀要雲南鎮南州條下云。「濮落蠻所居。」巨津洲條下云。「唐時爲濮獯蠻所居。」楚雄府條下云。「漢後爲雜蠻耕牧地。蠻名義碌。」趙州。大理府屬條下云。「後爲羅落蠻所居。」永昌府條下云。「古哀牢國。」又四川馬湖府。鎮雄軍民府。烏蒙軍民府。東川軍民府。天全六番招討使司。西陽宣撫司。四川行都指揮使司諸條下。皆言爲蠻獯所居。又稱元置羅羅斯宣慰司於建昌路。今寧遠府冕寧縣也以上諸名。其羅羅斯與獯獯。卽爲同一譯語。盡人能知。羅落亦極相近。至易見者。其他濮落。(Plo) 濮獯。(Peou) 義碌。(Glok) 哀牢。(Glon) 獯。(Leau) 其族名皆以「發音。或加

PC爲助音。

Butsugis 吾國譯爲鄂羅斯俄羅斯等名亦加一C字助音然則猓獯族有峨碌哀牢等名無足怪者

而其所在之地。又與古之濮今之猓獯正

相合。然則撫拾彼諸族之片影於舊史。會通而論之。雖不中當不遠矣。史記西南夷傳。區其域爲五大部。曰「西南夷君長以十數。夜郎最大。其西靡莫之屬以十數。滇最大。自滇以北。君長十數。邛都最大。自越嶲東北。君長以十數。笮都最大。自笮以北。君長十數。冉駹最大。」除冉駹北邛漢中。爲氏羌部落外。自餘則皆濮族也。夜郎有今貴州之故安順府。雲南之故昭通府。廣西之故興義府地。滇有今雲南之故雲南府。故楚雄府地。邛都有今四川之故寧遠府地。笮都有今四川之故嘉定府邊地。又自葉榆。約當雲南之姚州鎮南以外。至於昆明。今洱海地方數千里。無君長。則今大理、永昌、邊徼地也。其服飾上之區別。夜郎、滇、邛、笮皆椎髻。笮則被髮。昆明以外則辮髮。其社會組織上之區別。夜郎、滇、邛、笮皆居國。昆明以外則行國。然則其種族固自有差異焉。但其大體當出於一。故統謂之濮。而概以百也。今猓獯所分別種亦繁自楚莊躋漢唐蒙司馬相如後。此族漸通上國。然數千年來。同化於我者。不過一部分。至今猶悍然爲梗於一方。其在蜀之會理寧遠。越嶲外徼者。往往販吾民爲奴隸。殘暴滋甚云。亦鳥居氏所述

又今雲南之北部。有一種族名磨些者。其俗亦頗與猓獯異。猓獯磨些皆有文字。猓獯文頗肖日本之假名。磨些文則酷類埃及之象形字。此兩族之關係若何。今難確言。但其文明似較苗族略爲優勝。殆其天然之質性。有以踰於苗乎。又此族與綿亘兩廣之獠族異同之點何在。不能確指。或謂其關係甚密切者。

果爾。則百粵百濮之血緣。必有期功之親矣。其審定俟諸異日。

第四章 漢族勢力之西北發展

春秋之時。漢族各國。強吞弱。大併小。至戰國時。只餘七大國。卽齊、楚、韓、魏、燕、趙、秦。是也。燕、趙、秦。邊於北方。與戎狄接壤。燕有遼寧及河北東部北境。而其北有東胡。趙有河北西部及山西北境。而其東有中山。北有東胡、林胡、匈奴、稽檻、樓煩等部落。秦有陝西、甘肅北境。而其西有義渠。北有匈奴等部落。皆戎狄雜居之場。三國競以武力。蠶食塞內諸小國。復整軍北伐。與塞外各部落戰。大啓疆土。是爲漢族對北方民族勢力發展之始。茲述其概略於左。

第一節 趙之北伐

自來漢民族好保守。憚更改。故商鞅變法。秦人誅之。王安石行新法。宋人嫉之。康有爲提倡改革。清人逐之。老師宿儒。動云則古稱先。而以用夷變夏爲戒。英主賢相。苟有效法外人。變更祖制。以求自強者。未有不遭若輩反對者也。其有能排除俗說。孤行己志。用夷變夏。卒能成功者。則自趙武靈王始。

由來漢族民好以車戰。蒙古民族好以馬戰。蒙古高原。實馬之主要生產地。蒙古語謂馬曰 *Mori*。曰 *Morin*。

又曰 *Ming* 傳至朝鮮。名爲 *Ming*。傳至中國。名爲馬。皆由蒙古語變化而出者也。蒙古人以馬爲生命。男女老幼皆善馭馬。南掠中國。概用騎兵。勝則趨利。敗則遠竄。輕悍慄疾。捷如鷹隼。漢民族以車爲戰。迂緩笨重。進退不能自如。與騎兵遇。動輒失敗。牧束多峨冠博帶。不宜於運動。甲冑笨重。不適於用。趙武靈王在位。始效法蒙古民族。胡服習騎射。當時廷臣及王族多反對者。王毅然不撓。卒下變法之令。趙用以強。

先是白狄諸國。鮮虞爲大。據有今河北。故定州及正定府附近等地。晉人蠶食白狄。屢攻鮮虞。反爲所敗。其後更名中山。至周威烈王十二年。西歷紀元前四一四年中山武公初立。國勢益強。遂建國。備諸侯之制。由部落制度變爲

國家制度。於是北方民族一進化。武公居顧。同時其同族桓公分國居靈壽。縣名。舊隸正定府。與晉人疆域犬牙相錯。

三晉瓜分晉國。趙魏與中山比鄰。臥榻之側。不容他人鼾睡。魏文侯在位。遣樂羊伐顧之中山。克之。以封其子

釐。而靈壽之中山無恙也。趙人屢攻中山。不克。武靈王卽位。始胡服習騎射。趙日以強大。周赧王八年。北略中

山。至房子。故趙州臨城縣東北。尋復略中山地。至寧葭。西略胡地。至榆中。塞外諸國震懼。林胡王獻馬。十年。十四年。復兩

次攻中山。擴地北至燕代。卽故宣化府人同府北境。西至雲中。今綏九原縣。綏遠五原縣以南。於是山西北境塞外之地皆入於趙。尋

傳國於惠文王。自號主父。行新地。遂出代。西遇樓煩王於西河而致其兵。尋滅中山。遷其王於膚施。於是塞南

狄國皆入於漢族。塞外諸國震懼。不敢南下牧馬。惟匈奴爲北方大國。崛強如故。屢寇趙邊。孝成王時。西歷紀元前二

六五年至二四五年李牧爲將。守代郡雁門。備匈奴。持持重主義。厚遇士卒。習騎射。謹烽火。多間諜。匈奴入寇。輒堅壁清

野。收入自保。不與之戰。如是數歲。無所亡失。匈奴皆以爲怯。牧乃選車騎習戰。大縱畜牧。人民滿野。以誘匈奴。匈奴小入。佯北。以數十人委之。單于聞之。大率衆入。牧乃多爲奇陣。張左右翼擊之。大破匈奴兵。殺十餘萬騎。乘勢北伐。滅僭號。破東胡。降林胡。單于奔走。十餘歲不敢近趙邊。是爲漢民族大創北狄之始。

第二節 秦人之西略

先是秦穆公在位。蠶食西戎二十國。陝甘邊地半入於秦。惟義渠今甘肅故慶陽府附近爲西戎大國。不下。復築城郭以自守。與秦人相拒。是爲西方民族效法漢族設防之始。其後秦惠文王在位。攻義渠。得二十五城。義渠始弱。昭襄王在位。義渠戎王與宣太后亂。有二子。宣太后詐殺之於甘泉。遂起兵伐義渠。滅之。於是內地雜居之戎國皆盡。

第三節 萬里長城之起原

先是北方民族。雜居內地。北方無險要可守。動輒擾及河上。秦滅義渠。始於隴西今甘肅故蘭州府鞏昌府秦州階州等地。北地今肅故慶陽平涼等府涇州上郡。今陝西故延安府榆林府綏德州鄜州等地。築長城以拒胡。趙破林胡樓煩。築長城。自代並陰山下固原州及寧夏府等地。至高闕塞名在山西大同縣西北四百二十里。爲塞。而置雲中今山西故大同府朔州府北境及綏遠。雁門今山西故代州府北境及朔州府。代郡故大同府北境及宣化。府之蔚州懷來萬全兩縣。其後燕有賢將秦開。爲質於胡。胡甚信之。歸而襲破走東胡。東胡却地千餘里。亦築長城。自造陽故宣化至襄平。遼寧遼陽縣置上谷。故保定宣化二府南境。漁陽今天津平谷縣。右北平今河北故永遼西熱。府北境。至襄平。即故遼陽州。置上谷。二州及順天府之南境。漁陽。天府東路縣。右北平。平府遵化州。遼西。熱

河遼寧等處卽故直隸承德府朝陽府赤峯州內蒙古科
爾沁旗奉天省錦州府新民府昌圖府西境及法庫門遼東郡。
府今遼寧故奉天府海龍府興地是爲異日萬
里長城之基礎。中國北境始有險可扼守。

第二編 中古史 漢族全盛時代

第一期 漢族第一次大一統時代

第一章 匈奴之勃興及其對漢室之衝突

當秦始皇勃起於西方。憑藉陝西爲根據地。滅韓、趙、魏、燕、齊、楚等國。統一中國時。匈奴冒頓單于亦勃起於北方。憑藉外蒙古之中部爲根據地。東滅東胡。西走月氏。南并樓煩、白羊王。北服渾庾、屈射、丁零、鬲昆、薪犂之屬。統一漠南漠北。漢民族與蒙古民族。同時各產出一大帝國。南北對峙。爲有史以來所創見。假令此兩大英雄。統率兩大民族。以干戈相見於疆場。必聚全副精神。於鎗林箭雨之中。決一大勝負。東洋民族史、政治史、戰爭史、外交史上。將受非常影響。不幸秦始皇早逝十餘年。冒頓晚出四五年。遂使平城之役。漢民族無力以解圍。蒙恬出師。蒙古民族不敢南下而牧馬。兩雄對壘。兩民族決戰之機。失之交臂。東洋史上虎跳龍拏之活劇。有烟消雲斂之觀。論史者殊嫌寂寞矣。然事機爲天運所湊合。時勢非人力所造成。天不欲以南北統一之大業。

付之秦始皇。而故遺此艱難叢錯之問題。留待後人解決。於是以匈奴對秦之關係。一變而爲匈奴對漢之關係。爲平城之難作矣。茲先敘上古匈奴之勢力範圍。及其生活狀態。次及冒頓之家世。與其幼年之歷史。再敘匈奴之統一塞外情形。與其內部之組織。然後敘匈奴對漢之關係。以爲漢民族侵略塞外之前提。

第一節 匈奴之民族風俗法制及冒頓單于之家世

匈奴者。多數之蒙古及少數之通古斯之混血族。史稱其先夏后氏之苗裔曰淳維。唐虞以上有山戎。獫狁。葷粥。居北邊。隨畜牧而轉移。其畜之所多。則馬牛羊。其奇畜則橐駝、驢、羸之屬。逐水草遷徙。無城郭常居耕田之業。然亦各有分地。無文書。以言語爲約束。兒能騎羊引弓射鳥鼠。少長則射狐兔。用爲食。士力能彎弓。盡爲甲騎。其俗寬則隨畜。因射獵禽獸爲生業。急則人習戰攻以侵伐。其天性也。其長兵則弓矢。短兵則刀鋌。把音延。短音鐵。利則進。不利則退。不羞遁走。苟利所在。不知禮義。自君王以下。咸食畜肉。衣其皮革。被旃裘。壯者食肥美。老者食其餘。貴壯健。賤老弱。父死妻其後母。兄弟死皆取其妻妻之。其俗有名不諱而無字。其君主曰單于。其都曰庭。單于者。成吉思之轉音。廣大之義也。其單于姓攢鞬氏。其國稱之曰撐犁孤塗單于。撐犁者。蒙古語 *Tengri* 之譯音。Heaven 之義也。孤塗者。通古斯語 *Hulto* 之譯音。Son 之義也。撐犁孤塗。以漢語直譯之。則天子之義也。自淳維傳千餘歲至頭曼。頭曼之時。東有東胡。西有月氏。皆爲匈奴強敵。秦將軍蒙恬收河南地。斥逐匈奴。頭曼不勝。北徙者十餘年。始皇崩。二世立。蒙恬見殺。諸侯畔秦。中國內亂。諸秦所徙謫戍邊者皆復去。於

是匈奴得寬。復稍渡河南。與中國界於故塞。單于有太子名冒頓。後有所愛閼氏。生少子。單于欲廢冒頓。立少子。乃使冒頓質於月氏。頭曼急擊月氏。月氏欲殺冒頓。冒頓盜其善馬。騎之亡歸。頭曼以爲壯。令將萬騎。冒頓乃作鳴鏑。習勒其騎射。令曰。「鳴鏑所射而不悉射者。斬之。」行獵鳥獸。有不射鳴鏑所射者。輒斬之。已而冒頓以鳴鏑自射其善馬。左右或不敢射。冒頓立斬之。居頃之。復以鳴鏑自射其愛妻。左右或頗恐。不敢射。冒頓又復斬之。居頃之。冒頓出獵。以鳴鏑射單于善馬。左右皆射之。於是冒頓知其左右皆可用。從其父單于頭曼獵。以鳴鏑射頭曼。其左右亦皆隨鳴鏑而射。殺單于頭曼。遂盡誅其後母與弟及大臣不聽從者。冒頓自立爲單于。是時東胡彊盛。聞冒頓殺父自立。乃使使謂冒頓。欲得頭曼時有千里馬。冒頓問羣臣。羣臣皆曰。「千里馬匈奴寶馬也。勿與。」冒頓曰。「奈何與人鄰國而愛一馬乎。」遂與之。居頃之。東胡以爲冒頓畏之。乃使使謂冒頓。欲得單于一閼氏。冒頓復問左右。左右皆怒曰。「東胡無道。乃求閼氏。請擊之。」冒頓曰。「奈何與人鄰國愛一女子乎。」遂取所愛閼氏與東胡。東胡王愈益驕。東胡與匈奴間。中有棄地莫居千餘里。各居其邊爲甌脫。東胡使使謂冒頓曰。「匈奴所與我界甌脫外棄地。匈奴非能至也。吾欲有之。」冒頓問羣臣。羣臣或曰。「此棄地。予之亦可。勿予亦可。」於是冒頓大怒曰。「地者國之本也。奈何予之。」諸言予之者皆斬之。遂上馬。令國中有後者斬。東擊襲東胡。東胡初輕冒頓不爲備。及冒頓以兵至。大破之。滅東胡。殺其王。虜其民人及畜產而歸。復西擊走月氏。南併樓煩。胡國在今山西崞縣白羊。匈奴別種在朔方郡黃河之南今寧夏境內河南王。悉復收秦時蒙恬

所奪故地。與漢關故河南塞。至朝那膚施。遂侵燕代。是時漢兵與項羽相拒。中國疲於兵革。以故冒頓得自彊。控弦之士三十餘萬。

自淳維以至頭曼。千有餘歲。時大時小。其世傳不可得而次。至冒頓而匈奴最彊大。盡服從北夷。南與中國爲敵國。其國制度。自單于以下。置左右賢王。左右谷蠡王。左右大將。左右大都尉。左右大當戶。左右骨都侯。匈奴謂賢曰屠耆。故常以太子爲左屠耆王。自如左右賢王以下至當戶。大者萬騎。小者數千。凡二十四長。立號曰萬騎。諸大臣皆世官。呼衍氏、蘭氏、須卜氏、其貴種也。諸左方王將居東方。直上谷以往者。東接濊貉朝鮮。右方王將居西方。直上郡以西。接月氏氏羌。而單于之庭。直代雲中。各有分地。逐水草移徙。左右賢王。左右谷蠡王。最爲大國。左右骨都侯。輔政諸二十四長。亦各自置千長百長什長裨小王。相將都尉當戶。且渠之屬。歲正月。諸長小會單于庭。祠五月。大會龍城。祭其先天地鬼神。秋高馬肥。大會蹕林。課校人畜計。其法拔刀尺者死。坐盜者沒入其家。有罪小者軋。大者死。獄久者不過十日。一國之囚。不過數人。單于朝出營。拜日之始生。夕拜月。其坐長左而北嚮。目上戊己。其送死。有棺槨金銀衣裘。而無封樹喪服。近幸臣妾從死者。多至數十百人。舉事而候星月。月盛壯則攻戰。月虧則退兵。其攻戰。斬首虜。賜一卮酒。所得鹵獲。因以予之。得人以爲奴婢。故其戰人人自爲趣利。善爲誘兵以冒敵。見敵則逐利。如鳥之集。其困敗則瓦解雲散矣。戰而扶輿死者。盡得死者家財。後北服渾庾。屈射丁靈。鬲昆。薪犂之國。於是匈奴貴人大臣皆服。以冒頓單于爲賢。

第二節 平城之役

自來北方民族對於漢民族。強則侵侮。弱則奔竄。再弱則降附。匈奴之對漢之關係。自不能出此慣例。冒頓既統一北方。令行禁止。國勢強盛。乃南侵中國。圍馬邑。是時漢初定中國。徙韓王信於代。都馬邑。力不能敵匈奴。使使求和解。漢疑信有二心。使人讓之。信恐誅。以馬邑降匈奴。匈奴以信爲嚮導。引兵南踰句注。山名在代縣西北攻太原。至晉陽城下。高帝自將擊信。破其軍。信亡走匈奴。白土。在今鄂爾多斯右翼中旗南人曼丘臣、王黃、趙利等。收信兵。謀攻漢。匈奴使左右賢王將萬騎與俱。南至晉陽。漢擊之。輒伴敗走。已復屯聚。漢兵乘勝追之。會天大寒。雨雪。士卒墮指者什二三。上聞冒頓居代谷。在今山西朔州句注塞之北使人覘之。冒頓匿其壯士肥牛馬。但見老弱羸畜。使者十輩來。皆言匈奴可擊。上復使劉敬往覘。未還。悉兵三十二萬。多步兵北逐之。敬還具述。兩國相擊。此宜矜誇見所長。今匈奴徒見老弱羸疾。此必欲見短。伏奇兵以爭利。云云。以沮上。上以爲沮軍心。械繫敬廣武。遂先至平城。平城在今山西大同縣。即故大同府城東五里。步兵未盡到。冒頓縱精兵三十餘萬騎。圍高帝於白登。山名。上有白登壑。在平城東七里。七日。漢兵中外不得相救餉。匈奴騎其西方盡白馬。東方盡青駝馬。北方盡烏驪馬。南方盡騂馬。高帝乃用陳平祕計。遣間使厚遺閼氏。閼氏乃謂冒頓曰。「兩王不相困。今得漢地而單于終非能居之也。且漢主亦有神單于察之。」會冒頓與韓王信將王黃趙利期。黃利之兵不來。疑其與漢有謀。乃從閼氏言。解圍之一角。於是高帝令士皆持滿。傳矢外嚮。從解角直出。竟與大軍合。冒頓遂引兵去。漢亦罷兵歸。時漢高帝七年。西歷紀元

前二〇〇年也。

第三節 劉敬之和親政策

中國外交史上有最不名譽者一事。卽和親政策是也。和親政策。與結婚政策有異。結婚政策者。積極之政策。對於鄰國或屬國用之。其香車寶扇。實干戈戎馬之急先鋒。受其病者。宴安之禍。逾於鴆毒。此鬼蜮爲心。狐媚以壞人家國事者也。君子惡之。和親政策者。消極之政策。對於異族或讎敵之國用之。以搖尾乞憐狀態。苟安旦夕。其百輛盈門。實穹室氈廬之乞和使。此廉恥道喪。與肉袒牽羊以請盟於城下者無以異也。君子羞之。自古帝王之御夷狄。服則懷之以德。叛則震之以威。未聞有以和親爲政策者也。有之則自漢高帝時劉敬之奉使始。

劉敬者。齊人。本姓婁氏。戍隴西。過洛陽。謁高帝。說上以西都長安之利。上悅。從之。拜敬郎中。號奉春君。賜姓劉氏。由是知名。平城之役。上使敬往覘匈奴軍。敬具報匈奴誘敵之情形。以沮上。上不從而至敗。深慰勞之。已而匈奴數苦北邊。上患之。劉敬曰。「天下初定。士卒疲於兵。未可以武服也。冒頓殺父妻母。以力以威。未可以仁義說也。獨可以計久遠。子孫爲臣耳。陛下誠以嫡長公主妻之。彼必慕以爲閼氏。生子必爲太子。歲時問遺。諭以禮節。冒頓在固爲子壻。死則外孫爲單于。可無戰以漸臣也。」帝曰。「善。」欲遣長公主。呂后不可。乃取家人子宮中女名官名爲長公主。以妻單于。使劉敬往結和親之約。

第四節 和親後匈奴之態度

自來北方民族。慍悍猛鷙。喜爭鬪。惡安靜。可以武力服。難以文德懷。冒頓殺父妻母。以力爲威。何有於婚姻。曷言乎招撫。劉敬乃欲以和親政策柔服之。此所謂揖讓而救火也。是故和親以後。匈奴之態度如故。韓王信爲匈奴將。及趙利王黃等。數背約侵盜代。雲中。代。相國陳豨反。又與信合攻擊代。漢使樊噲往擊之。恢復代。雁門。雲中。塞內郡縣。而塞外仍爲所據。冒頓常用漢降將爲嚮導。往來侵盜代地。帝患之。使劉敬奉宗室女翁主爲單于閼氏。歲奉匈奴絮繒酒米食物各有數。約爲昆弟以和親。匈奴之侵寇稍止。後燕王盧綰反。率其黨數千人降匈奴。往來苦上谷以東。終高帝世。高帝崩。惠帝卽位。呂太后專政。匈奴益驕。乃爲書使遺高后。詞極褻慢。后大怒。召大臣議發兵擊之。樊噲主戰。季布以力不足主和。后從之。復書遜謝。遣以車馬。冒頓復遣使來謝。因獻馬。遂和親。文帝卽位。復修和親。其三年夏。匈奴右賢王入居河南地爲寇。詔發邊吏車騎八萬人。詣高奴。遣丞相灌嬰將兵擊之。右賢王走出塞。漢兵罷歸。已而右賢王移兵西下。擊滅月氏。降樓蘭。烏孫。呼揭。及其傍二十六國。盡取甘肅西部及天山南北路。於是匈奴疆域。東界朝鮮。西界青海。西藏。南至長城。北至貝加爾湖。皆爲所有。幅隕之廣。逾於西漢。國勢益張。尋遣使來求和親。書詞甚倨。詔廷臣議和戰得失。大臣無主戰者。乃報書許之。使使報聘。六年。西歷紀元前一七四年冒頓殂。子稽粥立。是爲老上單于。文帝踵前政策。以宗室女翁主妻之。使宦者燕人中行說爲傳。說不欲行。彊使之。既至。遂降單于。甚親幸。先是匈奴好漢繒絮食物。說乃說單于。

提倡國粹主意。得漢食物衣服皆棄之。防人民同化於漢族。日流於文弱。匈奴舊無文字。說復輸入中國文字。教單于左右疏記。以計課其人民畜產。遺漢書牘及印封。皆令長大倨傲。其辭自稱天地所生日月所置。匈奴大單于。漢使至匈奴。說數叱責之。日夜教單于侯利害處。文帝十一年。匈奴寇狄道。今甘肅狄道縣用太子家令鼂錯議。實行屯田及保甲法。募民徙塞下以備之。漢廷對於匈奴。向來行消極之敷衍政策。以和親爲唯一不二法門。至是始行積極之防禦政策。十四年。老上自將十四萬騎入朝。故城在今甘肅平涼府西北。蕭關。在今甘肅固原縣。即故平涼府西北。蕭關。南殺北地都尉。虜人民畜產甚多。遂至彭陽。使騎兵入燒回中宮。候騎至雍甘泉。詔發車千乘。騎卒十萬。以中尉周舍郎中令張武爲將軍。軍長安。旁以備胡。而遣張相等五將軍。大發車騎。分里出戰。單于留塞內月餘。乃去。漢逐出塞。即還。不能有所殺傷。匈奴益驕。歲入邊。殺略人民畜產甚多。雲中、遼東、代郡、被禍尤甚。上患之。後二年夏。復使使遺匈奴書。單于亦使當戶報謝。復言和親事。邊患少紓。後三年。西歷紀元前一六一年老上殂。子軍臣單于立。和議中絕。六年。寇上郡、雲中。殺略甚衆。烽火通於甘泉、長安。詔將軍周亞夫等六人分道禦之。數月。漢兵至邊。匈奴亦遠塞。漢兵亦罷。文帝崩。景帝即位。七國反時。趙王遂陰使於匈奴。欲合謀攻漢。會趙敗滅。匈奴亦止。自是以後。景帝復與匈奴和親。通關市。給遺單于。遺翁主如故。終景帝世。時小入盜邊。無大寇。蓋自漢興以來。六十餘年。對於匈奴。如飼猛虎。如奉驕子。汲汲以買其歡心爲目的。不敢與之抗也。

第二章 古朝鮮之興亡及其對中國之關係

自來漢族對外策有三。曰和、曰守、曰戰。內力不充足，不足以言戰。漢初所以隱忍乞和者，職是之由。乞和以後，國家閑暇，偷安旦夕，宴居宮闈，歌舞湖山，此李煜趙構之所爲。漢高英主，文景明君，豈肯出此。是故乞和以後，乃亟亟求自強策，剪除強藩，以絕內患，力行節儉，以養成富力，提倡教育，以養成人才，養精蓄銳，垂八十年，至武帝之時，內力充盈，乃躍躍欲試矣。

漢初大問題有二。對內曰強諸侯，對外曰匈奴。強諸侯者，楚漢戰爭之際，高帝裂土以封功臣，又恐其強大難制，乃大封同姓以抵制之。其大者跨州連郡，勢力與漢相伯仲，不受中央政府節制。其中若韓王信、代相國陳豨、燕王盧綰等，往往與匈奴聯絡爲漢室患。高帝乃極力剪除之。及其末年，異姓諸侯夷滅殆盡，而同姓諸侯如故也。文景之世，尾大不掉，同姓諸侯驕恣專橫，其中若濟北王興居、趙王遂等，亦思聯絡匈奴以抗漢室。謀臣賈誼上治安策，鼂錯上削藩書，謀逐漸消弭之事，不成而有七國之變。天下騷動，朝廷至殺大臣以謝之。假令漢兵戰敗，則諸侯兩不相下，各自稱雄，天下豆剖瓜分，匈奴乘勢南侵，將演成東周初年西晉末年局面。幸而太尉周亞夫善用兵，大破吳楚軍，七國相繼剪滅，諸侯斂手削地，朝廷始尊，內地政權一致。於是第一問題

解決。

內患既平。始得以全力對外。然當時鴨綠江流域。西江流域。揚子江上流流域。以及天山南北路。列國林立。大者跨州連郡。不受朝廷節制。動輒伺隙而動。漢未敢悉師北伐也。武帝既位。乃用遠交近攻策。分兵經略南方。以絕後顧之患。擊併朝鮮。以牽掣匈奴左方。通西域以斷匈奴右臂。計劃得手。著著成功。漢族聲靈始張。匈奴勢力日削矣。其原因結果。下依次序論之。

第一節 朝鮮太古之神話

朝鮮半島地方。爲三韓民族起原地。相傳當中國唐虞之時。有神人降於太白山。平安道妙香山檀木之下。有聖道。撫育國人。遂君臨其地。是爲檀君。國號朝鮮。定都平壤。檀君姓桓。名王儉。因以王名名其都城。復徙都白岳。即太白山當中國殷高宗武丁之時。檀君得道。隱居阿斯達山爲神。享國一千零四十八年。或云檀君傳國共一千零四十八年是爲朝鮮太古之神話。日本古代神話稱素盞鳴尊。既定出雲。日本古國名今山陰道島根縣松江一郡後率其子五十猛命。至根之國。居曾尸茂梨。後復遣五十猛命歸出雲。齋樹木之種子。播種於紀伊國云云。說者謂朝鮮初民。與日本同族。日本自稱其本國爲瑞穗之國。則根之國當指大陸而言。朝鮮半島亦包括於其內。五十猛命。卽檀君。曾尸茂梨者。韓語牛頭之意。指江原道春川之牛頭山而言。現代日本政治家。利用此學說。標榜日韓同祖。以期朝鮮人易於同化。大抵太古時代。漢民族文化未至朝鮮以前。半島東部江原道一帶之初民。與日

本西境山陰道之土民。海上頗交通。輸出日用必需之要品於日本。故兩國神話。頗有類似者。要皆臆度之說。未可盡信也。有史以來。朝鮮具體之國家。則自漢民族箕氏之王國始。

第二節 古朝鮮之版圖民族及風俗

古朝鮮之版圖。與後世朝鮮異。概指鴨綠江流域而言。卽西起遼東。包有中國奉天省之東南境。及朝鮮半島之西北境。史稱朝鮮始祖爲箕子。箕子者。殷王紂之諸父。姓子氏。民須叟。爲紂太師。紂無道。微子去之。比干諫而死。箕子乃被髮佯狂爲奴。以自晦。周武王滅殷。箕子恥臣周室。率國人五千。避地朝鮮。詩書禮樂醫巫陰陽卜筮之流。百工技藝皆從。遂王其地。定都平壤。周武王因而封之。是爲漢民族君臨朝鮮之始。箕子教民以禮義田蠶。又設八條之禁令。相殺者以當時償殺。相傷者以穀償。相盜者男沒入其家爲奴。女子爲婢。欲自贖者人五十萬。雖免爲民。俗猶羞之。嫁娶無售者。以故其人終不相盜。無門戶之閉。婦人貞信不淫辟。飲食用籩豆。有仁賢之化。是爲漢民族文化輸入朝鮮之始。附會其說者。謂平壤因山爲城。東距大同江。西至普通江。地勢險要。宜於建都。其中沃野。縱橫各數十里。井田之遺制猶存。其狀東西爲經。南北爲緯。道路平直。溝洫分明。規畫整然。一絲不紊。城之西北有箕林。古木蒼鬱。箕子之遺墓在焉。俗禁樵採。朝鮮人尊之爲聖地。顧朝鮮之名。古來不見經傳。至列子始有之。箕子君臨朝鮮事蹟。至尙書大傳史記始載之。列子爲戰國時人著作。尙書大傳史記爲西漢時人著作。朝鮮古國。歷周秦至漢。傳世幾及千載。顧何以春秋以前之簡冊。朝鮮二字。乃竟寂

寂無聞也。據日本白鳥博士所推測。朝鮮建國。實始於戰國時。列國對峙。互尋干戈。民不聊生。燕齊之有志者。乃相率避地。浮海而東。其經路或由山東半島東北下。直抵朝鮮。抑或由山東半島北向。經由遼東半島折而東。始向朝鮮。現在無積極之證據。可以考證。顧以理想推之。燕人往者。大概經由遼東。齊人往者。未必經由遼東也。此二處流民。組織成一大團體。略取平安道。黃海道附近。建立王國。定都平壤。在平安道南是爲朝鮮建國之始。其全盛時代。疆域南至京畿道。西至鳳凰城。跨鴨綠江立國。而半島東北之咸鏡、江原二道。爲通古斯民族勢力範圍。半島南部之忠清、南北。慶尙、南北。全羅、南北。六道。爲三韓民族勢力範圍。不受漢族統轄也。當時之通古斯族。史稱爲濊貊。其後發展至三國六朝時。而爲百濟、高句驪、一名高麗等國。韓民族史稱爲辰韓、弁韓、馬韓。其後發展至三國六朝時。而爲新羅、任那等國。大抵朝鮮半島土著人民。本爲韓民族。性情良懦。不喜爭戰。春秋末年。漢族遊民由西北侵入。占領鴨綠江流域。同時通古斯族由東北侵入。占領圖門江。一名蓋江流域。韓民族受逼。蜷伏南方。朝鮮半島遂成三族逐鹿之場。大有喧賓奪主之勢矣。

古韓民族與濊貊風俗。散見於後漢書東夷傳。據後漢書所載。濊貊北與高句驪沃沮。南與辰韓接。東窮大海。西至樂浪。其人愚慥。寡嗜慾。不請句。男女皆衣曲領。其俗重山川。山川各有部界。不得妄相干涉。同姓不婚。多所忌諱。疾病死亡。輒捐棄舊宅。更造新居。知種麻養蠶。作棉布。曉候星宿。預知年歲豐約。常以十月祭天。晝夜飲酒歌舞。名之曰舞天。又祠虎以爲神。邑落有相侵犯者。輒相罰。責牲口牛馬。名之曰責禍。殺人者償死。少寇

盜能步戰。作矛長三丈。或數人共持之。土產有樂浪之擅弓。動物有文豹。果下馬。海產有斑魚。所謂果下馬者。高三尺。乘之可以行於果樹之下。故名。現今慶尙道及濟州島所產之小馬。卽其遺種。此民族舊蟠據於江原、咸鏡、平安等道。其後漢族東下。遂逐漸同化於漢族。

韓民族舊分無數小部落。知田蠶。作棉布。出大粟如梨。有長尾雞。尾長五尺。邑落雜居。亦無城郭。作土室。形如冢。開戶在上。不知跪拜。無長幼男女之別。不貴金寶錦園。不知騎乘牛馬。唯重瓔珠。以綴衣爲飾。或懸頸垂耳。大率皆魁頭露紒。音計布袍草履。其人壯勇。少年有築室作力者。輒以繩貫脊皮。縋以大木。嚙呼爲健。常以五月田。竟祭鬼神。晝夜酒會。羣聚歌舞。舞輒數十人相隨。踢地爲節。十月農功畢。亦復如之。諸國邑各以一人主祭天神。號爲天君。又立蘇塗。魏志曰諸國各有別邑爲蘇塗諸逃亡建大木以懸鈴鼓事鬼神其南界近倭亦有文身者。

第三節 箕氏朝鮮之興亡

大抵朝鮮半島當太古之時。雖有居民。並無文化。半島之開化。實始於漢民族之箕氏朝鮮。箕氏朝鮮之始祖。史稱爲箕子。箕子者。中國歷史上之大人。物論語尙書多稱讚其爲人。周易明夷卦亦云。「利艱貞。晦其明也。內難而能正其志。箕子以之。」又云。「箕子之明夷。利貞。」蓋君子之義。危邦不入。亂邦不居。天下有道則見。無道則隱。箕子之進退大節。合於聖賢出處之道。朝鮮創業君主。耳食其名已久。崇拜箕子之人格。又以箕子

境遇頗與自己相似。故由同病相憐之故。崇拜之心益深。推爲始祖。以誇耀其系統所自出。且以天文之方向言之。朝鮮之分野爲箕尾。朝鮮創國時代。中國天文學說已輸入半島。故由名詞上類似之聯絡。而思出箕子奉爲始祖。未必實有其事也。大抵朝鮮之人。善讀周易。十二屬相思想亦發達。故箕氏之王。明曰箕否。其東方之地。名曰臨屯。皆取周易卦名爲名也。衛氏朝鮮時代之都城名曰王險。高句驪時代之鎮。名曰公險。取周易王公設險以守其國之義也。箕氏朝鮮時代。有地名曰玄菟。菟者兔之轉音。當十二支之卯。東方之義也。其南方之部落曰辰韓、弁韓、馬韓。辰朝鮮語讀爲 *Chin*。當十二屬相之龍。東偏南方之義也。弁讀如 *Pen*。漢語譯爲蛇。當十二支之巳。南偏東方之義也。馬讀爲 *Ma*。當十二支之午。南方之義也。據現今歷史地理學者所考證。玄菟在半島東北。辰韓在東南。弁韓在正南。馬韓在西南。其位置及方向。與其命名之取義。頗不脛合。據吾人所推測。古朝鮮之平壤都城。在今平安南道西偏。南臨大同江。西面黃海。位置在朝鮮半島西北隅。玄菟在其東。適當卯方。辰韓在其東南。適當辰方。弁韓在其南偏東。適當巳方。馬韓在其正南。適當午方。故臨屯、玄菟、辰韓、弁韓、馬韓等名。乃古朝鮮人以己國都城爲中心點。據六十四卦及十二支之方向而命名者。本非其地固有之名。漢取朝鮮。因朝鮮人所命名之而名之。亦非漢廷所創造也。史稱箕子後裔。襲封朝鮮侯。戰國之時。燕人稱王。欲東侵朝鮮。朝鮮侯怒。欲伐燕。其臣禮諫之而止。復自至燕。說以利害。燕人亦罷兵。是爲朝鮮對中國外交上關係之始。已而朝鮮漸驕。自稱王。邊境復不設備。燕將秦開敗匈奴。乘勝攻朝鮮西境。取地二

千餘里。至滿潘汗爲境。是爲中國對朝鮮軍事上關係之始。滿潘汗者。或謂爲遼河。或謂爲摩天嶺。其畢竟爲現今何處。無確鑿證據也。朝鮮君主姓名。始見於載籍。有事蹟可徵者。曰箕否。史稱其上溯箕子凡四十代。其事實然否。疑莫能明也。箕氏全盛時代。適當戰國末年。朝鮮勢力範圍。直抵遼東。與燕以柳條邊爲界。秦始皇統一中國。略取鴨綠江西岸。朝鮮退守江東。岸傍遺空地若干里。在今義州作爲中立地。以免兩國之衝突。秦亡。中原大亂。燕齊之民多奔朝鮮。時朝鮮王箕否已卒。其子準在位。收納亡人。勢頗振。已而漢高帝統一中國。使盧綰王燕。與朝鮮以沮水今之鴨綠江爲界。盧綰叛漢。亡入匈奴。燕人衛滿亡命。聚黨千餘人。椎結夷服。東渡沮水。請於朝鮮。願永居西界爲藩屏。準信之。使居西界舊空地。滿誘亡命之士。據蓋牟遼寧省蓋平城。詐告準曰。『漢廷將舉兵來侵。願率兵入宿衛。』準許之。滿窺其無備。襲破朝鮮。自立爲王。奠都王險。即平壤改名箕準航海南走馬韓。於是箕氏之國南遷。衛氏朝鮮王國成立。

第四節 衛氏朝鮮之興亡

衛氏朝鮮建國。適當漢惠帝元年。紀元前九四年一時天下初定。漢廷取保守主義。不勤遠略。遼東太守乃約衛滿爲外臣。保塞外蠻夷。無使盜邊。諸蠻夷君長。欲入見天子。勿得禁止。滿因以兵威財力。侵降其傍小邑。眞番臨屯。皆來服屬。於是現今咸鏡、平安、江原、黃海、京畿等道。皆爲所有。地方數千里。傳子至孫。右渠。所誘漢亡人滋多。又未嘗入見。眞番辰國即辰韓欲上書見天子。又阻遏之不使通。武帝使涉何諭之。右渠不奉詔。何歸至鴨綠江。

使馭刺殺朝鮮送何者。朝鮮裨王長。卽渡江。馳入塞。遂歸報天子。自稱殺朝鮮將。上爲其名美。弗詰。拜何爲遼東東部都尉。朝鮮怨何。發兵攻襲殺之。天子募罪人擊朝鮮。元封二年冬。遣樓船將軍楊僕從齊浮渤海。左將軍荀彘出遼東。分道伐朝鮮。朝鮮王右渠發兵距險。僕將齊兵七千人先至王險。右渠城守。窺知漢兵少。出城擊僕。僕兵敗。遁山中十餘日。稍收散卒復聚。荀彘擊朝鮮。沮水西軍亦未能破。上以兩將未有利。乃使衛山因兵威往諭右渠。右渠頓首請降。遣太子入謝。人衆萬餘。持兵方渡沮水。山與彘疑其爲變。諭令人勿持兵。太子疑。遂不渡沮水。復引歸。山還報。上乃誅山。已彘破沮水上軍。乃前至城下圍其西北。僕亦往會居城南。數月未下。彘所將燕代卒。勁悍。乘勝多驕。僕嘗敗亡。卒皆恐。將心慚。其圍右渠。僕常持和節。而彘急擊之。朝鮮大臣乃陰使人約降於僕。往來未決。彘使人降之。不從。又數與僕期戰。僕欲就其約。不會。彘意僕前失軍。今與朝鮮私善。疑有反計。未敢發。以故兩將不相得。上以兩將乖異。兵久不決。使濟南太守公孫遂往正之。有便宜得以從事。遂至。彘具以素所意告之。遂亦以爲然。乃以節召僕入彘營計事。因執僕。并其軍。遂還報。上誅遂。彘擊朝鮮益急。朝鮮尼谿_{名地}相參等使人殺其王右渠以降。朝鮮平。時武帝元封三年。西歷紀元前一〇八年也。

先是朝鮮王右渠暴虐。陵轢濊貊諸部。元朔元年秋。_{歲與濊同}君南閭等率其衆二十八萬人降漢。詔以其地爲蒼海郡。尋用公孫弘議。罷之。至是朝鮮已平。濊貊諸部皆內屬。詔分其地爲四郡。以鴨綠江以南。漢江以北。單于大嶺以西。黃海以東。箕氏朝鮮舊領域。爲樂浪郡。約當今之平安南北道。黃海道。及京畿道之北部。治朝鮮

縣。卽平壤舊都。其東北濊貊人舊領域爲玄菟郡。約當今之咸鏡南道。治高句驪縣。玄菟之南爲臨屯郡。約當今之江原道。治東肅縣。澮河以東、長白山以西、興京以南、鴨綠江以北之地爲眞番郡。約當今中國遼寧省之東部。治雪縣。於是朝鮮半島北部及遼寧東部悉入於漢。昭帝始元五年。罷臨屯、眞番郡。以其地併入樂浪、玄菟。於是半島北部只餘二郡。而幅隕之廣如故。其後東漢之時。烏桓、鮮卑、高句驪諸國相繼勃興。屢寇漢東北諸郡。半島形勢乃大變矣。

第五節 三韓之建國

朝鮮半島地方。爲三韓民族起原地。當通古斯民族之濊貊。漢民族之箕氏、衛氏兩朝鮮。侵入半島北部。建立王國時。半島南部。依然爲韓民族勢力範圍。分無數小部落。逐漸發達。蔚爲三國。西曰馬韓。有五十四部落。其地北接樂浪。南臨海。約當今之忠清道、全羅道及京畿道之南部。馬韓之東曰辰韓。有十二部落。其他約當今之慶尙北道。辰韓之南曰弁韓。亦有十二部落。其地約當今之慶尙南道。三韓共七十八部落。各部落大者萬餘戶。小者數千家。各在山海間。地方數千里。東西以海爲限。馬韓最大。共立其種爲辰王。都月支國。盡王三韓之地。其後秦之亡人。避秦虐政。徙居朝鮮。馬韓割東界地與之。是爲辰韓。創國之姓。其名國爲郡。馬爲弧。賊爲寇。行酒爲行解。相別爲徙。有似秦語。故或名之爲秦韓。有城柵屋室。諸小別邑各有渠帥。分爲五等。大者名臣智。次有儉側。次有樊軹。次有殺奚。次有邑偕。皆酋長職名也。土地肥美。宜五穀。知蠶桑。作縑布。乘駕牛馬。嫁

娶以禮。行者讓路。國出鐵。滅倭馬韓。並從市之。凡諸貿易。皆以鐵爲貨。俗喜歌舞。飲酒鼓瑟。兒生欲令其頭扁。皆壓之以石。有美洲銅色人種之風焉。其渠帥皆秦亡人。雖立爲國。不稱王號。無中央政府。故常羈縻於馬韓。其地東與日本相對。交通甚便。後爲新羅所滅。其民多航海東渡。故日本古代歸化之民。以秦漢爲最多。漢族文明。遂輸入三島矣。弁韓之創業者。史不詳其姓名。相傳齊東亡人。乘舟泛成山角。遭風漂着於朝鮮之南。登岸後創立弁韓國。理或然也。其民與辰韓雜居。城郭衣服皆同。言語風俗稍異。其人形皆長大。美髮。衣服潔清。而刑罰嚴峻。其國近倭。故頗有文身者。

先是朝鮮王箕準爲衛滿所攻。率其餘種數千人走入海。南攻馬韓。破之。自立其韓王。傳世二百年而絕。其後馬韓人復自立爲辰王云。

概而言之。朝鮮半島北部之四郡。直接受漢廷統轄時。半島南部之三韓。亦直接受漢民族支配。馬韓爲箕氏之根據地。辰韓、弁韓。爲中國流民所創。聲明文物。亞於中土。區區半島。遂爲東方文化之中心點。偉矣哉先民之殖民事業乎。吾輩安得不馨香崇拜之也。

自是以後。半島文化大起。日本與三韓接境。交涉逐漸頻繁。中國文明。間接輸入日本。東洋島國。逐漸開化。至東漢初年。日本九州境內酋長。遂有公然人貢於中國者矣。

韓民族與何族支派最近。現今無積極之證據。可以證明。但自語言系統上觀之。知其大概屬於烏拉爾阿爾

泰族。與大和民族血統較近。或謂其係通古斯族。顧通古斯族性情慍悍。韓民族性情懦弱。是又非淺學者所敢斷言者矣。

第三章 張騫奉使以前西亞諸國形勢之變化

西亞文化。始於埃及。(Egypt) 巴比倫 (Babylonia) 繼之。希伯來 (Hebrew) 腓尼西亞 (Phoenicia) 又繼之。亞述 (Assyria) 勃興。征服列國。統一西亞、東非。建空前之大帝國。於是西方文化。始爲第一次混合。是爲閃族 (Semitic races) 全盛時代。顧不久分裂。仍成列國對立之勢。米底亞 (Media) 呂底亞 (Lydia) 埃及、巴比倫、四國對峙。各有問鼎中原之意。波斯 (Persia) 勃起於東方。代表伊蘭 (Iran) 文化。併吞四國。席捲西亞、東非。進攻歐洲。將有統一三洲之勢。於是西方文化。始爲第二次混合。是爲亞洲阿利安民族 (Aryan races) 全盛時代。不幸爲希臘 (Greece) 人所擊退。英主大流士 (Darius) 憤死。亞人西下之勢頓挫。歐人東漸之局遂開。馬其頓 (Macedonia) 勃興。併吞希臘各國。率師東略。滅波斯。攻印度。建亘古未有之大帝國。於是西方文化。始爲第三次混合。是爲歐洲阿利安民族 (European Aryan races) 全盛時代。不幸英主亞歷山大大王 (Alexander the Great) 早逝。國內四分五裂。仍成列國對立之勢。大王

遣臣塞留哥。(Seleucus) 略取大王征服之亞洲領土全部。自立爲敘里亞 (Syria) 王。傳世二百餘年。希臘文化。殆徧及於西亞全土。敘里亞藩臣體我朶都。(Theodotus) 據烏濟河 (Oxus river) 流域。建立大夏 (Bactria) 王國。於是希臘文化。始扶殖於中亞。大月氏爲匈奴所逼。西竄至烏濟河流域。征服大夏爲藩臣。張騫奉使大月氏。始直接與大夏人交際。於是東西南大文化遂接觸。希臘文化。始輸入中國矣。茲爲研究上便利起見。先略述西方文化之由來。然後循序敘其東漸事蹟。以爲張騫奉使之前提。

第一節 西亞文化之發源地

自來人類社會之發達。必須經過三階級。一狩獵時代。二牧畜時代。三農業時代是也。狩獵牧畜時代。人民遂水草而居。無一定住所。終年營營於衣食。不暇他顧。故知識不發達。農業肇興。有一定住所。一定職業。歷年不變。就其所得之經驗。可以改良其事業。農業性質。宜於共同經營。不宜於單獨運動。可以養成人類社會之團結力。且三時勞動。一時休息。可以利用此閑暇經營他種事業。又三年耕必有一年之蓄。九年耕必有三年之蓄。可以養成勤儉貯蓄之風。是故農業勃興之國。社會文明。易於發達。西洋上古埃及、巴比倫、二國。皆以農立國。故文明發達最早。有強固之政府。實行君主專制政治。學術技藝蔚然可觀。實爲古代西洋文明之鼻祖。

(甲) 農業國之勃興

埃及居非洲東北。地處熱帶。尼羅河 (Nile river) 由南向北。流貫國內。下注地中海。每年河水定期氾濫。水

退。泥土淤積兩岸。成爲沃野。五穀豐稔。居民不施灌溉。不用肥料。坐享其成。且氣候炎熱。衣食住維持甚易。故戶口蕃殖。早進文明之域。其國王兼握政教兩大權。下分教師、武士、農、商、牧人、諸階級。美術工藝皆發達。建築物如金字塔、(Pyramid) 方尖碑、(Obelisk) 獅身人面像 (Sphinx) 等。迄今猶存。皆西歷紀元前二千五百年前約當中國黃帝時代物也。又依尼羅河水之定期氾濫。精細調查。知每年爲三百六十五日又四分日之一。因而創造太陽歷。(Solar calendar) 是爲當今世界流行太陽歷之嚆矢。又創造象形文字。頗類中國篆文。與埃及並峙者爲巴比倫。地處歐夫拉底士河、(Euphrates river) 底格里斯河 (Tigris river) 流域。建都巴比倫城。土壤肥沃。宜於農耕。故人民衣食豐足。樂於研究學術。西歷紀元前二千年約當中國夏時民長於歷學數學。創楔形文字。

(乙) 宗教國之勃興

繼埃及及巴比倫而開化者。爲希伯來王國。實爲猶太教 (Judaism) 之創始者。史稱上古東方諸國。率奉多神教。獨希伯來人崇拜上帝。(Jehovah) 不肯附和他教。紀元前二千年。避多神教徒之迫害。去美索不達米亞 (Mesopotamia) 故地。移居巴勒士登。(Palestine) 紀元前一五五〇年約當中國商初復移居埃及尼羅河口之哥森 (Goshen) 地方。受埃及王保護。歷二百年相安無事。

當時埃及十人。本奉多神教。與希伯來人時常齟齬。至埃及第十九朝興。侵略西亞。與西里亞之蠻族戰。使希

伯來人築城於蘇彝士 (Suez) 地峽。以禦蠻族。希伯來人苦之。紀元前一三二〇年。約當中國有商中葉其酋長摩西 (Moses) 率部族去埃及。歸巴勒士登。立猶太國。 (Judah, Judaea) 因故俗分國爲十二部。用聯邦體制。國勢不固。時常爭權內訌。紀元前一〇五五年。約當中國周初大主教薩姆耳 (Samuel) 倡議。改爲王國。國勢漸固。大闢 (David) 時。征伐異教。創設耶路撒冷 (Jerusalem) 府。文事武備皆修整。國勢益張。所羅門 (Solomon) 卽位。橫征暴斂。國民皆怨。北十部叛。自立爲以色列 (Israel) 王國。與南部互訌。以迄於亡。希伯來人實行宗教政治。建設政教一致之政府。奉教主爲君主。實具羅馬教皇、西藏達賴喇嘛、外蒙古哲卜尊丹巴胡士克圖小樣。其創設之宗教。實爲一神教之創始。所崇拜之上帝。實開歐洲耶教天主 (Hewyon, God) 之先聲。

(丙) 商業國之勃興

與希伯來同時開化者。爲腓尼西亞國。腓尼西亞地處地中海東。幅隕褊小。土壤礫薄。不宜耕作。國之東境有黎巴嫩 (Lebanon) 山。山產木材。宜於造船。西面地中海。岸旁島嶼相連。便於小船往來。國民性情。活潑勇敢。尤富於冒險。故航海殖民經商諸業。發達甚早。紀元前一千年。周穆王時初航行於塞浦路斯 (Cyprus) 羅得 (Rhodus) 干地亞 (Crete) 諸島。復沿小亞細亞 (Asia Minor) 海岸至希臘。尋復轉而西下。沿非洲北岸。建設迦太基 (Carthago) 等諸殖民地。復轉而北。至意大利 (Italy) 半島南方。略取西西里 (Sicily)

哥爾塞牙 (Corsica) 撒丁 (Sardinia) 諸島爲殖民地。尋復折而西。略取西班牙 (Spania) 沿岸爲殖民地。復出大西洋。往英倫島 (England) 購錫。更入波羅的海 (Baltic Sea) 向普魯士 (Prussia) 沿岸販鉛。復組織商隊。陸路往阿剌伯 (Arabia) 亞美尼亞 (Armenia) 等處經商。復於埃及之尼羅河口。建立一大殖民市。各市皆獨立自治。未能中央集權。故不得列於大國之內。然經濟界上握有實權。故能以一小國與諸大國對峙。其所創之諧聲文字。實開歐洲文化之先聲。其市府政治之發達。實爲歐洲地方團體自治制之權輿。

第二節 亞述帝國之勃興及其分裂

以上所舉埃及、巴比倫。爲農業發達最早之國。猶太爲宗教發達最早之國。腓尼西亞爲商業發達最早之國。四國對峙千有餘年。互尋干戈。西亞東非。呈割據之勢。及亞述帝國勃興。始統一於一主權者之下。亞述者。亦閃族。舊爲巴比倫屬部。居民剛勇。有膽略。善狩獵。善爭鬪。紀元前一三〇〇年。勃起於尼尼微 (Nineveh) 府。滅其主國巴比倫。遣兵四出。經略四方。征服美索不達米亞全土。腓尼西亞、以色列、猶太、埃及、諸國。皆相繼降附。是爲古代民族大侵略之始。其全盛時代。幅隕東至裏海南岸及波斯灣。西抵尼羅河流域。爲古來西方第一大帝國。亞述人性情殘忍刻薄。長於戰鬪。短於撫馭。虐待異族異教。被征服者皆怨之。以致內亂時起。紀元前七世紀時。春秋初年北方游牧民族之深米里亞 (Cimmeria) 族、塞克提 (Sycythia) 族、屢次入寇。亞述國勢

日衰。其屬國呂底亞、米底亞、遂乘勢獨立。巴比倫守將那布蒲 (Nabopolassar) 舉兵反。與二國連兵。圍尼微都城。紀元前六〇六年。東周定王元年克之。亞述帝國亡。埃及、猶太、腓尼西亞、等國。亦乘勢獨立。西亞形勢。復變爲列國對峙之局。

巴比倫王尼布薩 (Nebuchadnezzar) 英武善用兵。攻埃及。破之。略取其小亞細亞領土。尋征服猶太及腓尼西亞。有統一西亞之志。諸國極力抵抗之。會波斯勃興於東方。諸國相繼破滅。西亞復成爲一統之大帝國。於是含、閃、二族之勢力皆衰。阿利安民族之勢力始盛矣。

第三節 波斯帝國之勃興與西亞之一統

波斯者。阿利安民族。舊居中亞。後徙居裏海南方。隸屬米底亞王國。波斯王子居魯士 (Cyrus) 舊爲質子於米底亞。見其王昏庸。國勢日衰。知有隙可乘。逃歸本部。起兵攻之。紀元前五五八年。周靈王十四年滅米底亞。自立爲王。國號波斯。是爲古代波斯之祖。尋遣兵四出。經略西方。紀元前五四六年。周靈王十六年滅呂底亞。侵略小亞細亞沿岸之希臘殖民地。尋轉鋒南向。侵略巴比倫。紀元前五三八年。周景王七年滅之。復轉鋒北向。征討塞克提族。歿於陣。子岡比西 (Cambyses) 卽位。繼父志。西征腓尼西亞及塞浦路斯島。克之。乘勢侵入非洲。紀元前五二五年。周景王二十年滅埃及。尋進攻哀提伯 (Ethiopia) 不利。引還。殂於途。王族大流士卽位。改良內政。分全國爲十五省。省設長以理民政。劃一租稅。修善道路。整理郵政。設常備軍以備不虞。國內大治。復自將征印度。占

領印度河流域。發見金礦。財政日裕。尋轉鋒北向。侵入南俄。席卷狄拉西亞、(Thracia) 馬其頓地方。於是東自印度。西至狄薩利亞。(Thessalia) 南自非洲之哀提伯。北抵高加索山系。皆爲其領土。幅隕之廣。逾於亞述全盛時代。是爲古代西方第二大帝國。

第四節 希臘二大民族之對峙與歐洲東南部之開化

當波斯勃興於西亞。創建一統之大帝國時。希臘亦勃興於東歐。創建巴爾幹半島無數之小共和國。希臘者。巴爾幹半島南端之小半島國。幅隕狹小。僅抵日本六分之一。顧海岸線甚長。富於港灣。氣候溫暖。適於衛生。故文化發達甚早。土人係阿利安民族。自稱爲希臘。(Hellas) 其中勢力最強者有二族。一爲多利安 (Dorians) 族。二爲愛奧尼 (Ionians) 族。

(甲) 斯巴達 Sparta

多利安族。舊居狄薩利亞地方。其後避蠻族之侵害。移入南方。紀元前一〇四年。王時 侵入比羅奔尼蘇 (Peloponnesus) 半島。征服其東南部。建設斯巴達市。爲根據地。凡被征服之士民。悉降爲平民奴隸。復整軍經武。擴張勢力於四方。顧少數之征服者。壓制多數之被征服者。形勢頗爲困難。紀元前八三〇年。王時 周厲大政治家李考格 (Lycurgus) 當國。提倡尙武精神。實行軍國民教育。政府對於國民。純取干涉主義。嚴格以繩之。其結果則多利安族士民。人盡知兵。雖婦人孺子。皆樂於親上死長。國勢漸固。乃以兵力征服其鄰境。紀元

前六〇〇年春秋前後。掌握比羅奔尼蘇半島霸權。爲南方盟主。同時武斷專制教育施行之結果。學術不振。民權不發達。實權歸於少數貴族。成爲一種貴族專制政治。

(乙) 雅典 Athens

當是時愛奧尼族以雅典爲中心點。漸次擴張勢力於西方。斯巴達勃興。掌握比羅奔尼蘇半島霸權時。雅典亦征服中部希臘。自爲盟主。雅典人特性。極尙自由。與專制政體不相容。其國初爲王政。一變而爲貴族政治。再變而爲富人政治。三變而爲僭主政治。終變爲純粹之民主政治。國運日隆。

以上二市爲兩大民族之代表。其教育宗旨。與立國主義。全然反對。其愛國之精神則同。一有對外戰事起。人皆肯捨身衛國。故能以蕞爾小邦。戰勝一統之大帝國。

第五節 波斯希臘之衝突與西力東漸之嚆矢

以上所述之波斯、希臘二國。代表歐亞兩洲民族。波斯爲亞洲阿利安民族。其國爲君主政體。其人民忠勇果敢。富於服從性質。有親上死長氣概。而缺獨立不羈之風。希臘爲歐洲阿利安民族。其國爲民主政體。其人民好自由。重平等。富於獨立思想。而局量褊狹。愛鄉心重。富於割據之精神。而缺團結之精神。此二民族之性質。先天上既大相逕庭。加以希臘幅隕偏小。土產所入。不足以供國民之衣食住。素以航海殖民爲業。經略小亞細亞沿岸。獲得領土不少。屢與呂底亞人、腓尼西亞人衝突。波斯爲西方大帝國。素有混一歐亞之志。既滅呂

底亞。服腓尼西亞。席卷小亞細亞全土。遂以保護諸民族利益爲名。乘勢侵略小亞細亞沿岸之希臘殖民地。諸市多降。許以自治。認爲半獨立國。

紀元前五百年。周敬王二十年小亞細亞沿岸之米利都（Miletus）市。糾合希臘民族。率諸市以叛。乞援於母國。雅

典遣兵赴之。是爲波希開戰之張本。紀元前四九二年。周敬王二十八年波斯王大流士。起大軍伐希臘。陸軍至馬其

頓。敗績。海軍爲暴風所襲。覆沒。未至希臘之境而還。是爲第一次衝突。紀元前四九〇年。周敬王三十年復出師。戰於

馬來遜（Marathon）之平野。在雅典東北敗績。引還。是爲第二次衝突。大流士經兩度挫折。憤懣滋甚。復議出師。

未果而沒。嗣王薛西斯（Xerxes）繼父志。休養十年。紀元前四八〇年。周敬王四十年復自將出師。陸軍大破希臘

兵。殺斯巴達王。焚雅典市。海軍與雅典水師戰於薩拉米（Salamis）灣。敗績。王不得已。引還。是爲第三次

衝突。

以上三次衝突之結果。波斯全體失敗。自是以後。波斯威望日替。希臘威望日隆。乘勝侵略小亞細亞沿岸。大破波斯海軍。希臘諸殖民地復乘機獨立。紀元前四六〇年。周貞定王三年波斯及希臘平。亞人西下之勢漸衰。歐人東漸之勢始盛矣。

希臘擊退波斯大軍以後。雅典、斯巴達、底比斯（Thebes）諸市。迭握半島霸權。文化異常發達。政治上社會上勃然改觀。哲學、史學、文學、美術、及各種科學。舉凡現今歐美各國文明之基礎。皆肇於是。又工於通商航海

殖民政策。故文化之傳播亦易。顧希臘人度量褊小。規模狹隘。愛鄉心富於愛國心。往往專顧小團體之利害。忘却大團體之利害。內訌時常不絕。及馬其頓勃興。希臘半島諸國。遂同屈服於其主權之下矣。

第六節 馬其頓之勃興與波斯之顛覆

馬其頓者。巴爾幹半島北境之小國。南與希臘半島接壤。其王腓力(Philip)舊爲質於底比斯。受希臘之文明教育。歸國後。改良軍制。征服近鄰蠻族。乘希臘各國內訌。次第征服之。自爲盟主。掌握霸權。倡議征伐波斯。陽以復希臘歷代之仇。陰以殺希人反抗之念。未及出師。爲其下所暗殺。太子亞歷山大大王嗣位。紹述父志。紀元前三三四年。周顯王三十五年糾合各國聯軍。自將征波斯。大破其兵於格蘭尼古(Granicus)河畔。在小亞細亞

次年。復破波斯王大流士三世自將之兵於壹蘇(Teus)乘勢略定波斯西部諸省。紀元前三三二年。南侵埃及。克之。創立亞歷山大港於尼羅河口。復移師東下。大破大流士三世兵於底格里斯河畔。大流士走死。進克其都城蘇撒(Susa)國內諸省。次第皆下。於是波希衝突。始爲一大結束。時西歷紀元前三三〇年。中國周顯王三十八年也。

初。大王之東征也。純取復仇主義。虐待被征服者頗甚。及波斯已平。王之思想忽變。取帝國主義。實行統一政策。極力調和東西人種之感情。其方法列左。

一、實行結婚政策。納故波斯王大流士三世之女爲皇后。令部下將卒一萬人。各娶東方婦女。號爲國民

結婚。

二、實行信教自由主義。對於各民族舊宗教。與以平等待遇。各宗教所崇拜之神。皆列國家祀典。無畸輕畸重之處。

三、實行交換文明政策。對於馬其頓及希臘人。提倡忠君主義。朝廷之儀式。悉倣東方。對於波斯人。輸入西方之學問、美術、工藝。以引導其知識之所不及。

四、提倡波斯人對外之同仇敵愾心。以弭其反抗之意。由來波斯與印度比鄰。國民感情不睦。時起衝突。大王乃率波斯人東征。占領印度河流域。會本國將士。不堪炎熱。多愁怨思歸。大王不得已。班師。紀元前三二三年。周顯王四十六年。還至巴比倫城。以熱病歿。年僅三十三歲。

大王殂後。繼起者無大英雄。國內四分五裂。部下將校多擁土自王。其結果遂生出狄拉西亞、馬其頓、敘里亞、埃及、四大國。及狄拉西亞境內諸小國。歐亞、非三洲各民族。復成獨立之勢。及羅馬勃興。遂漸次折入羅馬矣。

第七節 敘里亞王國之創立及其分裂

敘里亞始祖塞留古斯。舊爲亞歷山大大王部將。鎮守巴比倫。王殂。子幼。國內亂。諸將各擁土自王。紀元前三一二年。周赧王三年。塞留古斯亦自稱王。與諸將互相攻讐。略取亞歷山大大王征服之亞細亞領土全部。建敘里亞王國。奠都巴比倫城。傳國二十有一代。二百五十餘年。西歷紀元前三一二年至紀元六五年。而爲羅馬所滅。其全盛時代之

疆域。東至印度河。西抵哈利斯河 (Haly River) 及地中海。南至阿剌伯海。北距黑海、裏海、及葑殺水河畔。 (Jaxartes River) 爲葱嶺以西第一大國。塞留古斯殂後。嗣立非人。變亂蜂起。屬部別伽摩 (Pergamus) 及帕提亞 (Parthia) 等相繼獨立。紀元前一九〇年。爲羅馬所敗。小亞細亞領土多陷。國勢日衰。內訌續出。歷代之王多被廢弑。屬地人民多叛。幅隕亦逐漸縮小。紀元前一〇〇年。安提亞 (Antiochus) 在位。王國版圖。僅北抵桃爾斯山 (Taurus Mountains) 南至巴勒士登。東距歐夫拉底士河。爲西亞一小國。王無治國能力。內訌時常不絕。國人怨之。已而羅馬以兵來攻。廢王而收其地爲屬部。尋立安提亞九世爲王。僅四年而廢。復收其地爲羅馬領土。敘里亞遂亡。時西歷紀元前六五年。中國漢宣帝元康元年也。

第八節 安息大夏之建國

亞歷山大大王殂後。西亞全土。爲敘里亞王國所有。敘里亞奠都巴比倫城。地處歐夫拉底士河上流。虎視西方。日與埃及、馬其頓等國構兵。無暇顧及中亞。且地勢距東方懸遠。政治上之勢力不及於東方。其實行培植希臘文化於中亞者。厥惟大夏。大夏始祖體我朶都。舊爲敘里亞藩臣。守巴克特里亞 (Bactria) 紀元前五六年。^{周赧王五十九年}敘里亞王安提亞遠征埃及。勞師於外。久而不歸。帕提亞人亞薩基 (Arsakes) 起兵作亂。殺其守將。據帕提亞。自立爲王。是爲亞薩基王朝 (Arsakidae) 漢書稱爲安息王國。安息者。本阿利安民族之游牧人種。舊名迭克 (Dake) 居裏海之東。稍遷至裏海南岸。隸屬敘里亞。乘敘里亞之衰。據波斯舊境而

獨立。其全盛時代。西境直抵歐夫拉底士河。與羅馬接境。傳國二百餘年。直至紀元二二六年。蜀漢後主建興四年始爲波斯薩山王朝 (Sassan Dynasty) 所滅。同時體我朶都聞安息獨立。亦據巴克特里亞。自立爲王。開大夏國之基礎。時西歷紀元前二五〇年。中國秦孝文王元年也。自大夏建國於阿母河流域。漢民族與希臘文化。始有直接接觸。自安息建國於伊蘭高原。漢民族與羅馬民族之交通。中間又生出許多障礙。其事蹟首尾。於後章依次序論之。

第四章 張騫奉使以前印度諸國形勢之變化

阿母 (Amu Daria River) 錫爾 (Syr Daria River) 兩河流域。爲阿利安民族故土。太古之時。分道南下。其西南下者。越耶爾布爾斯山脈 (Elburz Mountains) 繁殖於裏海南岸。是爲米底亞王國及波斯帝國前身。東向者。越興都庫什山 (Hindukush Mountains) 沿喀布爾河 (Kabur River) 東下。滋生於印度河 (Indus River) 流域。日久繁盛。漸移及恆河 (Ganges River) 流域。是爲印度帝國前身。相傳阿利安民族初入印度時。分無數小部落。無事則服農業。有事則卽戎役。各戴酋長。不相統屬。時常內訌。無暇傳布文明於四方。亞歷山大大王東征。占領印度河流域。征服西印度、北印度、全土。印度有大英雄名旃陀羅

笈多 (Chandra-Gupta) 者。爲大王所虜。王薨。國內亂。笈多逃歸。招集舊部。起兵驅逐馬其頓守兵。恢復舊境。自立爲王。奠都華氏城。一名巴蓮弗 Patna 在今 Calcutta 西北是爲孔雀 (Maurya) 王朝。於是印度始有大國出現。王久羈馬其頓軍中。通曉希臘文化。又與敍里亞結爲婚姻之國。交換公使。於是希臘文化、印度文化、始互相結合。傳子至孫阿輸迦。(Ajoka) 一名阿育王 又名無憂王國勢日張。幾統一印度全土。幅隕之廣。與後世蒙兀爾帝國 (Moghul Empire) 相伯仲。保護佛教 (Buddhism) 及婆羅門教 (Brahmanism) 輸出文化於四方。適值希臘民族之大夏建國。與印度比鄰。於是兩文化日益接近。

印度之地理人種及舊有之宗教。與文化均有密切關係。茲略舉於左以供參考。

第一節 印度文化之發源地

印度支那半島之西。中亞之南。有廣土突入南海。形如箕舌。所謂印度者是也。縱橫各約一千九百英里。全面積較中國本部差大。北以喜馬拉雅山 (Himalaya Mountains) 與中領西藏 (Tibet) 分界。西以蘇里曼山 (Suliman Mountains) 與英領阿富汗 (Afghanistan) 俾路芝 (Beluchistan) 分界。蘇里曼山之北。喜馬拉雅山西南。有喀布爾河流域低地。是爲印度對外唯一不二之交通路。境內大河有四。俱發源於喜馬拉雅山脈。東曰恆河。白雅魯藏布江 (Brahmaputra River) 合流入孟加拉海灣 (Bengal Bay) 西曰印度河。曰斯特雷去河 (Sutlyj River) 合流入阿刺伯海 (Arabian Sea) 就山川之自然形勢劃

分之。全境區域。可分爲四。

一、喜馬拉雅高原 在印度最北。與西藏爲鄰。地勢最高。終年積雪。人煙稀少。土產僅有森林野獸。

二、河畔平原 在喜馬拉雅高原之南。東起孟加拉海灣。西抵阿刺伯海東岸。凡恆河、印度河、流域皆是。

三、半島高原 在平原之南。伸入印度洋。爲三角形。北面有濱地亞山脈。(Vindhya Hills) 與平原分界。

濱地亞之兩端。爲東西二靈山。東端之靈山曰阿布。(Abu) 西端之靈山曰巴拉斯那。(Tārāsnāth)

俱以 Jian 之寺院著名。兩端相距約二千六百餘里。半島東西兩面各有山。阻絕赴海濱之交通路。名

曰 Gāht。東山脈稍低。平均拔海面約一千五百尺。西山脈較高。拔海自三千尺至四千五百尺。兩山脈

交合於半島之南隅。其最高處拔海八千餘尺。地勢斗出海中。四周山脈環繞。交通不便。森林猛獸極多。

農產亦繁殖。而文明不甚發達。

四、錫蘭 (Ceylon) 島 在南印度之南。印度洋中大島也。扼歐亞交通之孔路。其開化程度。與河畔平原

相伯仲。

以上四區域中。惟河畔平原爲印度境內最富庶之地。氣候溫暖。土脈豐腴。與埃及之尼羅河流域相似。而輻
隕遼闊。交通便利。則遠過之。故戶口易於蕃殖。物產易於豐饒。太古印度之文明。實起於此地。

第二節 印度太古之民族

相傳阿利安民族未入印度以前。印度固有之土人。約可分爲三族。

第一 Tibet 族。此族與西藏及緬甸人同族。越喜馬拉雅山。由東北方面而來者。現今分布於喜馬拉雅山麓。克什米爾、(Kashmir) 尼伯爾、(Nepal) 不丹、(Bhutan) 等國人民之大多數皆是也。

第二 Kolaria 族。此族亦由東北。逾峻嶺。移至印度之孟加拉平原。尋爲阿利安民族所逼。竄至中南印度之高原。現今猶分布於半島高原之東北山脈。

第三 Dravida 族。此族初由西北。逾峻嶺。移至印度河中流域之奔札比 (Punjab) 地方。尋爲阿利安民族所逼。竄至半島高原。現今猶滋生於南印度譚謨林 (Comoria) 岬兩旁之山地。

以上三族。大抵皆平額匾鼻。黑面青唇。骨格類蒙古民族。膚色類馬來民族。其本族間舊無文字。故無歷史可考。姑就語言系統。約略分之。未敢云確定也。阿利安民族最古之史詩。稱之曰達修斯 (Dasyus) 卽仇敵之義。或曰達薩斯 (Dasas) 卽奴隸之義也。此三族在有史以前。當石器時代時。爲阿利安民族征服。強悍者竄居深山。自成爲部落。柔順者留居故土。降爲阿利安民族奴隸。現今其殘餘苗裔。猶居印度。戶口與阿利安民族約略相等云。

第三節 阿利安民族之南遷及其所創之文化

印度史之主人公。實爲阿利安民族。阿利安民族者。卽印度日耳曼民族。與西洋上古之希臘、(Greece) 羅馬。

(Rome) 中古之諾爾曼(Norman) 法蘭克(Frank) 現今之英、法、德、奧、意等國同族。實世界史上最重要之民族也。相傳在西歷紀元前二千餘年。含民族創國於埃及。閃民族創國於美索不達米亞。漢民族創國於中國時。阿利安民族亦由中亞南下。越興都庫什山。沿喀布爾河東下。驅逐其地土人。占領印度河流域。分爲無數小部落。無事則務農業。有事則服兵役。各戴其酋長。戰時則奉爲元帥。祭時則奉爲祭司。初無種姓職業之別。至其宗教亦只崇拜自然之現象。如稱太空之神曰 Dyu。晝天之神曰蜜多羅(Mitra) 夜天之神曰婆樓那(Varuna) 雨天之神曰因陀羅(Indra) 太陽之神曰 Sūrya 火神曰 Agni 風神曰 Vāyu 其他列於祀典者。約共三十三神。皆宇宙間自然現象。與太古各民族間崇拜之物。無十分出入。其開化程度。亦由牧畜時代。漸進爲農業時代。到處斬伐森林。開闢阡陌。現今印度爲世界最大農業國者。實倡始於此時。社會組織。純爲單純之家族制度。一夫多妻制流行。與中國上古無異。葬送之式。初爲土葬。後改爲火葬。與現今日本風俗相近。亦有甲冑戈矛弓矢。與土人時常構兵。始創梵文。紀載史事。其最古之書曰韋陀經。(Rig Veda) 印度之詩史也。其貴人額塗日光花卉。或以粉點面如星。庶人額上刺紋。胸臂髀烙卦畫形。皆雕題遺俗也。男裸上體。耳掛環。下著圍裙。女加上衣。穿耳鼻掛環。臂脛俱帶釧鐲。後世諸佛菩薩羅漢繪塑之像。皆仍其古俗也。其後此族勢力。逐漸發展。相率東下。戰勝土人。占領恆河流域。紀元前千餘年。建立無數小王國。人口漸增。土地漸闢。祭事戰事不能兼營。政權教權。始爲各酋長所分任。分任既久。遂成世職。於是印度民族。始分四

級。第一級曰婆羅門。(Brahman)世掌宗教及祭祀。第二級曰刹帝利。(Kshatriya)世掌軍政民政。皆爲貴族。第三級曰吠舍。(Vaisia)世爲農工商。從事實業。是爲平民。皆阿利安民族也。而舊有之士人。列於第四級。稱之曰首陀羅。(Sudra)世執賤役。是爲奴隸。始創婆羅門教。其所崇拜之神曰婆羅門。(Brahma)譯云梵。爲宇內全智全能之神。卽梵天之謂也。其教義謂人類爲梵天所生。死後仍歸於梵天。是爲天堂說輪迴說之始。其教旨謂苦因能惹起樂果。故專重苦修。不避險阻艱難。其級多學者。精於哲學及宗教學。所著經典。深微奧妙。凡世界之真相。人生之旨歸。皆可由是推測其微義。其派別分數十。徧觀盡識。殊未易言。其中最進步者爲心理學與論理學。相傳紀元前七世紀。有迦比羅(Kapila)者。創立僧佉(Sāṅkhya)學派。講說心爲二元之關係。主張物質與靈魂一概不滅。是爲心理學之鼻祖。同時有巴丹札里(Patanjali)者。創立瑜迦(Yoga)學派。與之對抗。以宗教家之眼光。解釋心理。爲心理學說中別開一新生面。迦比羅卒後。經過百有餘年。北印度大哲學家喬答摩(Gautama)出世。創立尼夜耶(Nyāya)學派。是爲因明學之鼻祖。其論理方法。用五段演成。較之希臘大哲亞里士多德(Aristotle)之三段論法。形式差爲複雜。其後迦那陀(Kaṇāda)復創衛師世(Vāiśeṣika)學派。其說謂萬物之本體。由於微分子集合而成。微分子不生不滅。萬物之或生或滅。由於微分子之或分或合。以上四派。一時異常發達。保守學者。乃創立弭曼薩(Mīmāṃsā)與吠檀多(Vedānta)兩學派以抵制之。弭曼薩提倡古代韓陀經典之儀式。吠檀多主張宇宙靈魂之信仰。

是爲當時哲學派中之錚錚者。又精於數學、天文學、論理學、醫學。古印度文明發達最早。爲世界六大文明古國之一。婆羅門級握教權既久。遂生出一種驕傲習慣。謂自級清白。餘皆卑污。創立摩拏 (Manu) 法典。謂婆羅門生於梵天之首。刹帝利生於梵天之脅。吠舍生於梵天之股。首陀羅生於梵天之足。嚴定階級制度。各級不準互通婚姻。行之既久。流爲階級專制。他級有不服者。輒繩以苛法。他級積不能忍。遂釀爲階級之戰爭。紀元前六世紀。刹帝利族先起抗之。尋婆羅門級之哲學家。亦自反詆其歷來之學說。婆羅門教哲理。從根本搖動。佛教大哲學家之釋迦牟尼。乃應運而生矣。

第四節 釋迦牟尼之降世與佛教之創立

釋迦牟尼 (Sākya-muni) 者。佛教之祖師。姓喬答摩。 (Gautama) 一作瞿曇。名悉達。 (Siddhārtha) 後世稱之曰佛陀。 (Buddha) 中印度迦比羅衛城 (Kapilavastu) 今孟加拉國西北部哥魯克波爾附近 王之子也。生於周靈王

十五年。西歷紀元前五五七年 先孔子降生者五年。卒於周敬王四十三年。西歷紀元前四七七年 後孔子逝世者二年。年八十歲。


迦比羅衛者。恆河流域之一小國。面積雖狹。土地豐饒。王族釋迦 (Sākya) 氏。由印度河口之補多羅移來。民風強悍。國勢大興。介居摩揭陀 (Magadha) 橋薩羅 (Kosala) 諸強國之間。善保守其獨立。其王首頭檀那 (Suddhodana) 年老無子。深以相續爲憂。王后摩耶夫人 (Māyā) 生釋迦牟尼。王大喜。因命名曰悉達。取功名成就之義也。生後七日。摩耶夫人殂。育於姨母愛道夫人 (Trajāpati) 之手。七歲。就學於婆羅門教。

師跋陀羅門尼。通達諸種學藝。又精於武術。國人皆器重之。十八歲娶母舅善覺王 (Suprabuddha) 之女耶輸陀羅 (Yasodhara) 爲妃。耶輸陀羅者。當時絕代美人。又與釋迦爲中表兄妹。釋迦處此幸福境遇。時常鬱鬱不樂。見世間生老病死。人不能離。以此抱厭世主義。又惡婆羅門教壓制太甚。有矯正之志。婚後十年。年二十九歲生子羅喉羅 (Rāhula) 釋迦恐俗累牽纏。益增煩惱。是年十二月八日。辭父母。別妻子。棄宮庭之富貴。跨名馬乾陟。長驅出迦比羅衛城。次日凌晨。入跋迦仙人 (Bhagava) 所住之深林。脫寶冠錦衣。着婆羅門教徒所用之袈裟來求道。顧所談多不合。乃去之摩揭陀。當時摩揭陀王國。奠都王舍城 (Bājagriha) 今孟加拉部巴哈爾之西南。城之近旁有五山環繞。故稱五山城。五山洞穴之中。苦鍊精修。以教授後進爲業者不少。釋迦乃入深山。歷訪高人阿羅藍 (Ārāda) 鬱頭藍 (Udraka) 等求道。皆不合。乃去之東北方。入尼連禪河 (Niranjara) 畔之苦行林 (Uruvihsa) 求解脫之法。鍊修數年。大有所悟。遂渡河。至佛陀伽耶。休於菩提樹下。以三十五歲二月八日之凌晨。豁然開朗。遂創一宗教。其教旨以慈悲忍辱爲主。排斥階級制度。提倡平等主義。使人鍊心修行。脫死生輪迴之苦界。入寂滅無爲之妙境。以臻道德之圓滿。謂之涅槃 (Nirvana) 以爲苦行及祭神。俱非解脫之道。與婆羅門教旨相反。是爲佛教。從此以後。專以濟度衆生爲業。先至鹿野苑說法。聽衆皆悅服。復說降事奉外道之婆羅門教僧人摩訶迦葉 (Mahākāśyapa) 并其教徒千餘人以爲弟子。尋入王舍城。說法於竹林精舍。摩揭陀王頻毗沙羅 (Bimbisāra) 婆羅門教大師舍利弗 (Śāriputra)

及目犍連 (Māudgalyāpta) 等。皆北面稱弟子。復以父命故。還迦比羅衛城。說服親戚故舊不少。異母弟難陀 (Nanda) 從弟提婆達多 (Devadatta) 子羅喉羅。皆隨之出家。尋率領門弟子。周歷恆河流域。專以化導人民爲業。無男女老弱貴賤之別。凡說法四十餘年。感化力異常偉大。四種階級之人。大半皈依佛教。年八十餘。身體漸衰。自知死期將近。乃大會門人於毗舍離城 (Vaiśālī) 爲最後之說法。尋赴拘尸那揭羅城 (Kusinagara) 在路遇疾。以是年二月八日。說涅槃經於沙羅雙樹之下而入滅。其遺蹟俱載於佛本行集經。過去現在因果經。方廣大莊嚴經。普曜經。修行本起經。太子瑞應經。佛諸行讚等著述中。茲不具述。

釋迦入寂之年。其高弟摩訶迦葉。會佛弟子五百人於王舍城。編纂經典。是爲第一次三藏結集。其後有稍唱異說者。越百年。邪舍陀復會佛教徒七百人於毗舍離。今孟加拉部摩蘇佛普爾之西稍南七十里訂正經典。是爲教徒第二次結集。諸種姓爲婆羅門所屈辱者。皆欣然從之。釋迦入寂後二百年間。佛教流行於恆河流域。及紀元前四世紀末年。摩揭陀國之孔雀王朝勃興。佛教乃普及於全印度矣。


釋迦牟尼父系表



迦毘羅城

勝軍王 Jayasena

釋迦牟尼母系表



以上所列二表。一爲迦比羅衛城王室。係釋迦牟尼父系。一爲拘利城王室。係釋迦牟尼母系。皆姓釋迦。本宗人也。迦比羅衛城勝軍王之女華色。嫁拘利城主無能王。無能王之妹真金。復嫁勝軍王之子師子頗王。師子頗王之女甘露味。嫁無能王之子善覺王。善覺王之妹意愛道。復嫁師子頗王之子淨飯王。意生悉達多。復娶善覺王之女華色爲妃。悉達多卽釋迦牟尼俗名也。

第五節 孔雀王朝勃興以前印度諸國分立之狀況

以上所敘者。專爲文化方面事蹟。至於政治方面。則支離滅裂。不可思議。由來印度人歷史思想最不發達。故印度歷史最不完備。自阿利安民族南下以後。至西歷紀元前十四世紀以前。別無史書存在。其時唯一不二之歷史參考品。只有韋陀聖經。(Rig-Veda)史稱之曰韋陀時代。其時諸族散漫。純爲部落酋長制度。與中國唐虞以前無大異。其後人口漸增。勢力漸擴。各民族分據恆河流域。建立王國。於是古魯(Kuru)族奠都於海斯丁奈普拉。(Hastinapura) 奔查拉(Panchala)族奠都於喀比比耶。(Kampilva)與耶達瓦(Yadava)馬特斯耶。(Matsya)蘇拉西拿(Surasena)諸族。分據恆河上流地。科薩拉(Kosala)族奠都於亞約得耶。(Ayodhya)威得哈(Videha)族奠都於米提拉(Mithila)愷西(Kasi)族奠都於愷西(Kasi)分據恆河下流地。其時之史事。散見於夜珠韋陀(Yajur Veda)娑摩韋陀(Sama Veda)阿闍婆韋陀(Atharva)三種經典。及馬哈巴拉他(Mahabharata)拉馬耶拿(Ramayana)二種敘

詩事中。此外別無書籍可考證。史稱之曰史詩時代。其時諸國割據。壤地褊小。戰爭相尋。與中國春秋時代無大異。其後極拉斯達特 (Jarāndha) 族起而占領恆河南岸。建立摩揭陀 (Magadha) 王國。傳二十八王。是爲摩揭陀建國之始。於是印度始有大國出現。紀元前六〇〇年頃。司歇那 (Sisunāga) 王朝勃興。建立摩揭陀新王國。傳四世。至頻毘沙羅王。西歷紀元前五三至四八五年 賢明有仁德。國人懷之。適值釋迦族之大聖喬答摩悉多降生。創立佛教。爲印度史上留一大紀念。王薨。子阿闍世王 (Ajātsatru) 紀元前四八五至四五三年 立。征服恆河流域諸國。握有東印度霸權。國勢益張。優禮釋迦牟尼。佛教賴以傳播。王薨。傳四世。至紀元前三七〇年而亡。難陀朝 (Nanda) 繼之。傳九世。約五十年。而爲馬其頓王亞歷山大所滅。是時婆羅門教流行。學術異常發達。史書稱之曰理論時代。

以上三時代。約當中國唐虞三代之時。史料缺乏。事蹟不甚確鑿。至戰國末年。孔雀王朝勃興。印度史書始班班可考矣。

古魯 (Kuru) 族及科薩拉 (Kosala) 族事蹟。散見於馬哈巴拉他 (Mahalata) 及拉馬耶拿 (Rama-
Yana) 二詩中。茲節錄於左。以供參考。


馬哈巴拉他詩大略

古魯王世子德黎他拉希拉脫 (Dhritarashtra) 以盲目故。讓位於其弟盤都 (Pandu) 盤都殂。德黎他

拉希脫拉諸子逐王諸子。奉戴德黎他拉希脫拉爲王。其後王三子阿爾糾那 (Arjuna) 娶奔查拉 (Panchala) 公主斯娃耶母伐拉 (Swayam Vara) 爲婦。借岳家兵力。舉兵來爭。德黎他拉希脫拉乃分國處之。以朱木拿 (Jumna) 河畔之森林地。分與諸姪。建盤卡盤達伐 (Pancha Pandava) 王國。都於印度拉拍拉斯他 (Indraprastha) 長兄攸底斯提拉 (Yuhishthira) 爲王。好賭博。與德黎他拉希脫拉諸子博。將家族財產悉數輸與德黎他拉希脫拉諸子。乃退隱於肥拉塔 (Virata) 國爲侍臣。斯娃耶母伐拉公主亦爲其國王妃侍婢。閱十二年。舉兵恢復。諸國各助一方。全印度大亂。戰於古魯克西特拉 (Kurukshetra) 之野。在古魯都城北前後亘十八年。古魯軍大敗。武士多戰沒。攸底斯提拉乃踐王位云云。

據以上所載。加以推測。盤達伐 (Pāṇḍava) 王國。係奔查拉與盤都之混血族。此族漸強。略取古魯王國邊境朱木拿河畔之森林地。自立爲王國。其親族奔查拉王國助之。戰爭亘數十年。卒破古魯王國。史傳

Kuru王家世表



盤都之子阿爾糾那勇略天下無雙。必此戰之發起人也。

拉馬耶拿(Rāmāyana)詩大略

科薩拉王達薩拉他(Dasāratha)有三妃。生四子。長子拉馬(Rāma)敬虔。長於武事。王老。授爲監國。(Yuvārāja)副拉馬以戰事大會。引強弩占優勝故。得娶威得哈(Videha)王嘉拿加(Janaka)之女西他(Sita)爲妃。已而王信次妃之讒。廢拉馬。逐離國境十四年。而立次妃之子布哈拉他(Bharata)爲副王。拉馬孝。不忍拂父命。與妻西他及異母弟拉克司馬拿(Lakshmana)出奔中印度之荒野。王殂。布哈拉他自追其兄。至於荒野。邀之還亞約得耶(Ayodhya)都城嗣位。拉馬不忍背死父命。不聽。命布哈拉他歸國卽位。自己偕妻及異母弟。彷徨於丹達加(Dāndaka)之森林十三年。復溯流至哥達瓦里(Godavari)之水源。地。當時南印度全部。皆爲非阿利安民族所分據。詩中之猿猴熊羆。皆指土蕃而言。蘭喀(Lanka)卽今Ceylon)島之非阿利安人。詩中稱爲妖怪。蘭喀之妖怪王拉瓦拿(Ravana)聞西他美。乘拉馬不在。掠之歸國。拉馬歸舍。見闕無其人。大驚。種種詢問。始知顛末。乃與南印度之蕃人同盟。移岩石於海峽。造橋梁。進攻蘭喀。圍其都城。拉瓦拿屢戰輒敗。卒爲拉馬所殺。西他自投於火。不死。世稱爲節操不逾之鐵證。是時拉馬流落遠方。已滿十四年。乃歸國卽王位。疑西他不貞。逐之出都。西他往依當時隱君子衛爾密基(Vālmiki)舉雙子。長名拉瓦(Lava)次名古薩(Kusa)皆勇敢任俠。長於武藝。衛爾


密基作拉馬耶拿之詩。讚頌拉馬之功業。以教二子。二子故知其父爲何如人。已而拉馬舉行賽馬大會。一駿馬驚奔逸出場。侍臣追之。至衛爾密基之隱宅前。爲拉瓦及古薩二人所繫維而止。案之還。不許。歸訴於王。王親往尋之。適值二子讀拉馬耶拿之詩。始知二人爲己子。相抱而泣。攜之還宮。願仍不納西他。西他以不得於夫。飲恨而卒。後世祀之爲農神。代表田畝。

第六節 孔雀王朝之勃興與佛教之弘布

上節所敘諸國。概係部落或分據一方之小侯。不成其爲大帝國。印度有史以來。始創立大帝國者。厥惟孔雀王朝。孔雀王朝始祖。爲旃陀羅笈多。本印度土人。爲馬其頓王亞歷山大大將。乘時得位。創立大國。亦時勢所造之英雄也。茲述其事蹟如左。

先是紀元前五一八年。周敬王二年波斯王大流士在位。善用兵。經略四方。侵入印度。略取印度河流域。收其租稅以供軍餉。每年所得之額。將得波斯全國租稅總額三分之一。紀元前三三四年。周顯王十五年馬其頓王亞歷山大東征。滅波斯。乘勝攻印度。適摩揭陀國之難陀王朝衰微。部下英雄旃陀羅笈多作亂。通款於亞歷山

Kosala 王家世表



大大王。王率師趣之。滅難陀王朝。略取西北兩印度。乘勝欲進攻中印度。會天氣暑溼。士卒多病。王不得已。旋師還至巴比倫而殂。旃陀羅笈多有大志。逃歸本國。起兵驅逐馬其頓守兵。征服印度西北部。建立摩揭陀帝國。自立爲王。是爲孔雀王朝。相傳旃陀羅笈多本昆舍利王族之末裔。以戰功起家。不喜階級制度。侵略諸國。統一中北西三印度。擁兵六十萬。威振全印。敍里亞王塞留哥來侵。拒破其兵。與之和。納其女爲后。割其印度河東岸地。以擴張自己領土。設六部分理庶政。復設六官分理軍政。用心民事。修繕道路。通河流。劃一租稅及度量衡制度。提倡實業。在位二十四年。國內大治。保護佛教。佛教徒利用此機會。以波利語摩揭陀方言譯佛經。弘布大法。紀元前二九〇年。周赧王二十五年王殂。子頻頭沙羅(Bindusāra)立。在位三十年。殂。子阿輸迦立。英武有大略。征服東印度孟加拉等部。諸國多稱臣奉約束。摩揭陀帝國勢力日張。王賢明。施仁政。除刑殺之法。建病院及施醫局。以便貧民。植樹木於道傍。以便行旅。國人懷之。阿輸迦深信佛教。定佛教爲國教。會教徒千人於國都華氏城。開第三次結集。確定佛教宗旨。頒布告十四條。以佛教主義。徧諭國民。又分遣高僧傳教於外國。於是西自大夏。南至獅子國。舉印度全境。皆宗佛教。其傳教之僧人。西抵西里亞埃及。一時佛教之流行極盛。紀元前二二二年。王殂。諸子內訌。國尋亡。紀元前一八三年。大將普斯巴米他(Pushpamitra)自立爲王。傳國百餘年。而爲康維阿王朝。紀元前七一年至二六一年所滅。康維阿王朝傳國四十餘年。爲南印度之安度羅王朝(Andhra)所滅。摩揭陀帝國亡。印度之霸權。入於安度羅人手。

摩揭陀最後兩朝。皆崇拜佛教。保護教徒。佛教之流行範圍。漸及於中東西北各部。安度羅王朝勃興。統一南印度。乘勢北下。留取中印度。滅摩揭陀帝國。佛教徒失其保護。漸爲婆羅門教徒所壓迫。奔避西北兩印度。適大月氏南侵。占領印度河流域。保護佛教。佛教徒多往依之。於是西北兩印度。遂爲佛教之中樞。

以上所舉印度文明。頗與中國文明稍有出入。由來中國印度俱爲東洋大國。其立國之古同。傳世之久同。土地之廣博。人口之蕃衍。物產之豐饒。亦無一不同。顧國民性乃大異。印度爲理想之國民。中國爲實際之國民。印度宗教思想發達。凡事必尊重神權。一舉一動。聽命於宗教家。俗人不得作主。中國倫理思想發達。凡事必崇拜古人。一舉一動。則古稱先。時君亦不得自由變更。印度以少數之阿利安民族。制服大多數之土人。故創立階級制度。尊卑貴賤。定於有生以前。世人不得凌躐。中國以大多數之漢民族。同化少數之異民族。故提倡平等主義。打破階級制度。及種族界限。舜禹以匹夫而爲天子。伊尹、太公以農夫而爲宰相。世人不以爲怪。魏孝文帝、元世祖、清聖祖。以北方民族。入主中國。彼本族所神聖者。漢族亦從而神聖之。不以爲屈辱也。印度人注重未來。故幸福期之死後或來生。現世雖甘窮餓而不悔。中國人注重現在。死後及來生皆所不計。而惟取實利主義。滿足目前之慾望。溯其由來。則儒教與婆羅門教及佛教主張不同。推其結果。則兩民族政治上發展之勢力。及其經濟狀態發達之程度。亦不能無異也。

第五章 大月氏之西遷與佛教文明之膨脹

自來文化之傳播。必須以武力爲嚮導。印度人好文不好武。對內有創造文化之能力。對外無發展文化之能力。印度文化對外之發展。乃假手於大月氏人。大月氏者。本突厥族。與匈奴東胡同屬北方系統。當匈奴人闖入中國。殘殺焚掠。到處蹂躪之時。大月氏忽遷居中亞南方。征服大夏。建立王國。輸入希臘印度文化。開闢已族草昧。復交通中國。輸出希臘印度文化於東方。以白色人種文明民族創造之文化。忽借黃色人種野蠻民族之手。代爲發揮光大之。以慄悍猛鷙殘忍好殺之北方突厥民族。忽能代慈祥愷悌之南方阿利安民族傳播文化。亦歷史上古來未有之現象也。茲述其事蹟如左。

大月氏者。本突厥族。舊居阿爾泰山下。爲天然現象所驅。逐漸南下。移居甘肅西境。與烏孫比鄰。西漢初年。爲匈奴所破。走天山北路。逐塞人（Saka）據其地。尋爲烏孫所破。踰葱嶺。走阿母河流域。征服希臘人所建立之大夏王國。徙據其地。大夏餘衆南踰痕都古士山。侵入印度。據喀布爾河流域。建立高附國。與塞人所建之罽賓國。分割印度河流域。其留居故土者。分爲五小王國。一曰休密。二曰雙靡。三曰貴霜。四曰胘頓。五曰高附。號爲五翎侯。隸於大月氏。西漢末年。貴霜（Kusan）翎侯丘就卻（Kujura Kadphises）英武有大略。併吞

四翎侯國。起兵滅突厥王朝。取阿母河流域。自立爲大月氏王。是爲貴霜王朝。西破安息兵。南併高附國。復破罽賓國。國勢日張。王薨。子閼膏珍 (Hema Kudphises) 立。勇武亞於父。遂滅罽賓。併西北兩印度。其疆域北踰阿母河。至中亞。東踰葱嶺。至天山南路之西偏。與漢領之西域接境。東南踰印度河。占領西北兩印度。跨痕都古土山建國。都於乾達拉 (Gandhara) 城。在喀布爾河印度河合流處 爲南方第一大國。

當是時南印度之安度羅朝。已取中印度。滅摩揭陀帝國。婆羅門教復興。佛教徒失其保護。相率竄避。適大月氏王閼膏珍已取西北兩印度。閼膏珍殂。迦膩色迦 (Kaviska) 嗣立。皈依佛法。召集教徒五百人於罽賓。開第四次結集。高僧馬鳴等皆赴之。於是佛教徒羣集於西北兩印度。當時恆河以北非阿利安民族之佛教徒多來與會。人種複雜。語言不能統一。乃用古來公文上通行之梵語。編訂佛經。是爲當代流行東亞各國佛經之原本。迦膩色迦殂。嗣王亦獎勵佛教。供養萬僧於宮中者五年。是時大月氏領土。跨葱嶺與興都庫什山。除去地理上之障礙。於是東西南三方文化。薈萃於大月氏。大月氏遂爲亞洲文化之中心點。獨南方佛教。自成一派。不附屬大月氏。

先是摩揭陀孔雀王朝之阿輸迦王。獎勵佛教。皇室貴人多信仰之。第三次結集之翌年。皇長子摩晒陀 (Mahinda) 齋佛經渡海。至獅子國傳教。國王天愛帝須王崇拜之。一時全島風靡。建大寺於眉伽國。以處摩晒陀。西歷紀元前八八年。漢武帝後元元年 無畏王在位。復建無畏山寺。於是宗教漸分。八五年。漢昭帝始元二年 諸寺開三藏

結集。以期佛教統一。適西印度高僧龍樹至。大發揮大乘佛教特色。於是南方佛教集大成於獅子國。迦膩色迦王召集第四次結集時。南印度僧人不到會。由是佛教分爲二派。南派以獅子國爲根據。傳至後印度及南洋羣島諸國。北派以北印度爲根據。經中央亞細亞及葱嶺。而至天山南路諸國。其後至東漢明帝在位。銳意經略西域。東西交通逐漸頻繁。佛教遂乘機傳至中國。

大月氏自貴霜王朝建國後。國勢甚盛。東漢明帝永平末年。軍司馬班超將兵經略西域。征服鄯善、于寘、疏勒、車師、莎車等國。並招降烏孫。進兵攻龜茲。大月氏助漢擊車師有功。貢奉珍寶符拔獅子。因求尙漢公主。超拒還其使。月氏由是怨恨。和帝永元二年。西歷紀元九〇年遣其副王謝將兵七萬以攻超。超衆少。皆大恐。超誓軍士曰。「月氏兵雖多。然數千里踰葱嶺來。非有運輸。何足憂耶。但當收穀堅守。彼飢窮自降。不過數十日決矣。」謝遂前攻超。不下。抄掠無所得。超度其糧將盡。必從龜茲求救。乃遣兵數百於東界要之。謝果遣騎齎金銀珠玉以賂龜茲。超伏兵遮擊。盡殺之。持其使首以示謝。謝大驚。遣使請罪。願得生歸。超縱遣之。月氏大懼。由是歲奉貢獻。龜茲、姑墨、溫宿等國皆降。西域五十餘國悉納貢內屬。

第六章 張騫奉使以前西域諸國之形勢

據漢書所載。當時西方大國。最西爲條支。條支國城在山上。周圍四十餘里。臨西海。海水曲環其南及東北。三面路絕。唯西北隅通陸道。土地暑溼。出獅子、犀牛、封牛、孔雀、大雀。其卵如甕。轉北而東。復馬行六十餘日。至安息。其地約當今之阿剌伯半島。

安息 (Parthia) 之地。當今波斯。初與大夏結攻守同盟。屢破敝里亞。國勢日張。其疆域北負裏海。西至歐夫拉底斯河。爲西南大國。尋與大夏開釁。攻破之。大夏先曾征服北印度。至是國勢頓衰。旋爲大月氏所滅。

大月氏者。本突厥族。舊居敦煌。

今甘肅敦煌縣祁連山。即天山在今甘涼間。

秦漢之際。奄有河西地。爲強國。與匈奴爲敵。

冒頓單于攻破之。老上單于時。復大敗其衆。大月氏王戰死。餘衆西走天山北路。逐塞人。據其地。

塞人 (Saka) 者。亦阿利安族。與伊蘭 (Tsh) 人血統最近。

舊居葱嶺山麓。繁殖於天山北路。被逐於大

月氏。乃越興都庫什山。建罽賓國。

即北印度之克什米爾。

其疆域北負興都庫什山。東至印度河。西抵喀布爾河。爲三角

形。

當大月氏之雄據河西也。其西鄰有部落名烏孫者。屢爲所苦。大月氏西奔時。烏孫王昆莫修舊怨。借兵匈奴。

擊走大月氏。大月氏南奔阿母河流域。征服大夏。君臨其地。建大月氏王國。時漢武帝元朔元年也。

烏孫者亦突厥族。舊居甘肅西境。與大月氏爲鄰。匈奴攻殺昆莫父而收養之。及長。數將兵有功。復與以其父

故衆。昆莫能用其衆。逐漸強大。及擊走大月氏。乃徙據天山北路。不肯服屬匈奴。

綜計其時。葱嶺以西各國。最西爲條支。其東有安息。更東有大月氏。大月氏東南有罽賓。東有大宛。俄今屬費爾干省北有康居。今俄屬吉爾吉斯地康居西北有奄蔡。大宛之東。康居東南。卽烏孫。今天山南路烏孫東南。匈奴西偏。今天山南路小國棋布。凡三十餘國。其較大者有疏勒。今新疆疏勒縣于賓。今和闐縣溫宿。今阿克蘇縣龜茲。今庫車縣焉耆。今焉耆縣姑師。今吐魯番縣樓蘭。當今羅卜淖爾之南等國。皆服屬匈奴。匈奴置僮僕都尉以監之。庫車州故焉耆府附近當是時。葱嶺以西文化有四。一爲非洲北部尼羅河流域之埃及文化。二爲亞洲西部歐夫拉底士河底格里士河流域之美索不達米亞文化。三爲亞洲中部阿母河西南爾河流域之伊蘭文化。四爲亞洲南部恆河印度河流域之印度文化。此四文化自有史以來。卽互相競爭。互相融合。愈接愈厲。演成東西人種之衝突。終借亞歷山大大王之力以統一之。而薈萃其精華於大夏。大夏旋被大月氏所征服。及武帝之時。張騫出使大月氏。竟載之還中國矣。

第七章 張騫奉使之成功與東西交通之開始

相傳漢族母國。在帕米爾(Pamir)高原。自盤古至黃帝。經歷代英主。始漸移入黃河流域。東西交通之事。自上古已有之。九頭五龍等十紀之名稱。相傳與巴比倫古碑文所載洪水以前有十皇相繼之說符合。神農黃

帝等古帝名。相傳與加爾底亞(Chaldeas)歷代王名符合。周易八卦之原文。相傳卽巴比倫古字。爾雅十干十二支古語。相傳卽巴比倫語譯音。西洋史學家推測漢民族之起原。謂與巴比倫同族。語雖荒渺。非盡無稽也。周室勃興。仍以西方人種。移植東方。穆王好遊。乘八駿馬。徧遊天下。西征至於崑崙之丘。河伯無夷來朝。濟洋水。出崑崙山西北登羣玉之山。山海經云西王母所居者。北隅而東流。抵黑水。出崑崙山西北登羣玉之山。王母所居者。往復計程。凡三萬五千里。事載穆天子傳。周初東西交通之頻繁可知也。但上古事蹟。典籍殘缺。無文獻可徵。穆天子傳。係外傳體裁。所載之事。未敢盡信。大抵民間商業上交通之事。古來已有之。國際上交通之事。有史以來。其確鑿可信者。則以漢武帝時。張騫奉使之事爲始。武帝遣使。本爲聯絡大月氏以夾擊匈奴起見。事雖未成。而載西方文明。輸入中土。又招降天山南北路各國。使之內屬。藉以牽掣匈奴右臂。爲中國外交史。漢族文化史上。開一新生面。其功被於後世者不淺也。茲述其事蹟如左。

附錄一 爾雅釋天第八

太歲在甲曰闕謁逢。在乙曰旃蒙。在丙曰柔兆。在丁曰強圉。在戊曰著直略切雍。在己曰屠維。在庚曰上章。在辛曰重平聲光。在壬曰玄黓。亦在癸曰昭陽。

歲陽

太歲在寅曰攝提格。在卯曰單闕。在辰曰執徐。在巳曰太荒落。在午曰敦牂。臧在未曰協洽。夾在申曰涓

春灘。在酉曰作噩。在戌曰閹^掩茂。在亥曰大淵獻。在子曰困敦。在丑曰赤奮若。載歲也。夏曰歲。商曰祀。周曰季。唐虞曰載。

歲名

附錄二 穆天子傳

穆天子傳卷四曰。「庚辰天子大朝於宗周之廟。乃里西土之數。曰。自宗周灋水以西。至於河宗之邦。陽紆之山。三千有四百里。自陽紆西至於西夏氏。二千又五百里。自西夏至於珠余氏。及河首。千又五百里。自河首襄山以西。南至於春山珠澤昆崙之丘。七百里。自春山以西。至於赤鳥氏春山。三百里。東北還至於羣玉之山。截春山以北。自羣玉之山以西。至於西王母之邦。三千里。□自西王母之邦。北至於曠原之野。飛鳥之所解其羽。千有九百里。□宗周至於西北大曠原。萬四千里。乃還東南。復至於陽紆。七千里。還歸於周三千里。各行兼數。三萬有五千里。」

第一節 第一次奉使事蹟

當時匈奴領土。南抵長城。北抵貝加爾湖。(Baical Lake)東逾興安嶺。包有漠南漠北。爲亞洲第一大國。然地多沙漠。磽瘠荒寒。土產極少。不足以供衣食。而天山南路塔里木河(Tarim River)流域地肥饒。富於水草。環河而居者三十六國。皆城郭之國。人民土著。農業發達。物產豐足。匈奴涎其富饒。遣兵征服其地。置使監

護諸國。倚爲外府。征收租稅。餉源從此出焉。武帝經略匈奴。取遠交近攻策。離間其黨羽。解散其屬國。收撫西域諸小國。以斷匈奴糧道。招致諸大國。以夾擊匈奴。軍書旁午。奉使需才。而中國殖民史上第一大人物之張騫。乃出現於世界矣。

張騫者。漢中人。建元中爲郎。時匈奴降者。言大月氏故居燉煌祁連間。爲西方強國。與匈奴爲敵。匈奴攻破之。殺月氏王。以其頭爲飲器。餘衆逃遁遠去。怨匈奴。無與共擊之者。武帝聞其言。欣然欲招致月氏。以夾擊匈奴。而是時甘肅河西地。尙爲匈奴有。欲使月氏。必先經由其地。詔募能通使月氏者。張騫以郎應募。出隴西。經匈奴中。爲匈奴所得。傳致單于。留騫十餘年。予妻有子。然騫持漢節不失也。已而得間。與其屬西走。數十日。至大宛。大宛聞漢之饒財。欲通不得。見騫喜。問欲何之。騫曰。「爲漢使月氏。而爲匈奴所閉。道脫亡。惟王使人導送我。誠得至。反漢。漢之賂遺王財物。不可勝言。」大宛以爲然。爲發導譯。抵康居。傳致大月氏。大月氏太子爲王。旣臣大夏而君之。地肥饒。少寇。志安樂。又自以遠漢。殊無報胡之心。騫留歲餘。不得要領。乃還。經由南山。欲從羌中歸。復爲匈奴所得。會匈奴亂。騫乃逃歸。初行時百餘人。去十三歲。唯二人得還。以元朔三年西歷紀元前一二六年冬。還長安。詔拜騫太中大夫。從者堂邑氏之奴甘父爲奉使君。是爲張騫第一次奉使事蹟。六年。以校尉從大將軍衛青擊匈奴。以熟諳地形。知水草所在處。軍得以不乏。封博望侯。

張騫第一次奉使。本爲招撫大月氏以夾擊匈奴起見。政治上之目的。直接雖無成功。而間接則於東亞文化

之交通上頗有影響。當時大夏承襲希臘文明。大月氏征服大夏。與之同化。張騫還自大月氏。遂載希臘文明。輸入中國。計騫帶歸物質上之文明。至今猶爲日用必需之要品者。曰植物。騫帶歸之植物。種類甚多。其載於本草綱目。至今猶歷歷可徵者。有十種。

- (一)葡萄(Vitis Vinitera) (1)苜蓿(Medicago Sativa) (2)撒夫藍(Safran) (Crocus Satinus)
- (四)胡麻(Sesamum Orientale) (五)胡瓜(Cucumis Sativus) (六)胡豆(Faba Sativa) (七)胡葵(Cariandrum Sativum) (八)胡蒜(Allium Scorodoprsium) (九)胡桃(Juglans Regia) (十)安石榴(Punica Granatum)

所謂葡萄者。卽希臘語之(Batrus)之譯音。其餘九種。以字音推之。皆希臘植物。所謂胡麻、胡瓜、胡豆者。漢時外國匈奴爲大。故對於自外輸入物品。概冠以胡字。以與內地土產區別。非謂其真來自匈奴也。

植物以外。騫帶歸之文化。厥爲美術。漢以前之繪畫雕刻。簡單幼稚。其構思及體裁。雖莊重古雅。而粗樸怪奇。變化太少。往往陳陳相因。及武帝以後。美術界忽然大進步。古代朴陋生硬之風盡脫。漸臻自然精緻之域。往往發現漢代以前未曾有之新畫象。其至今尙遺存者。爲漢代之古青銅鏡。例如海馬蒲桃鏡。參觀日本東京帝國大學教授文學博士坪井九馬三著史學研究法第二二二頁以下。及山東嘉祥縣南紫雲山一名武宅山。又名武翟山。之漢武氏祠石之石刻畫象。其技術確有進步焉。是皆希臘文化輸入之影響也。

第二節 第二次奉使事蹟

張騫第一次奉使政治上之目的未達。乃經營第二次奉使。於是通使印度之議起。初中國人不知有印度也。張騫既至大宛。大月氏大夏康居。而傳聞其旁大國五六。具考其地形勢。及所有產物。歸報天子。且曰。「臣在大夏時。見叩竹杖蜀布。問安得此。曰市之身毒國。身毒國在大夏東南可數千里。其俗土著。與大夏同。而卑溼暑熱。其民乘象以戰。其國臨大水焉。以騫度之。大夏去漢萬二千里。居西南。今身毒國又居大夏東南數千里。有蜀物。此其去蜀不遠矣。今使大夏。從羌中險。少北則爲匈奴所得。從蜀宜徑。又無寇。」天子既聞大宛大夏安息之屬皆大國。多奇物。土著。頗與中國同俗。而兵弱。貴漢財物。其北則大月氏康居之屬。兵強。可以賂遺設利朝也。誠得而義屬之。則廣地萬里。重九譯。致殊俗。威德徧於四海。欣然以騫言爲然。元狩元年前西歷紀元前一二二年夏五月。命騫因蜀犍爲今四川故敘州府及嘉定府犍爲縣等地發間使。四道並出。求身毒國。各行一二千里。其北閉氏笮南閉年崑明西南夷二國名。後歸漢改爲越嶲郡。今四川故寧遠府附近。昆明今雲南故大理府附近。殺略漢使。終莫得通。於是始通滇國。復事西南夷。元鼎六年。紀元前一平西南夷。置五郡。元封二年。西歷紀元前九年。遣將軍郭昌發巴蜀兵。擊滅勞深靡莫。西南夷二小國與滇同姓。以兵臨滇。滇王降。以其地爲益州郡。今雲南故雲南府附近。賜滇王玉印。復長其民。元封六年。西歷紀元前五年。遣郭昌將兵伐昆明。大破其兵。昆明竟不下。通使身毒之路終不得達。而雲貴兩省境內各小國多內屬。身毒卽今印度。爲佛教祖國。佛教創始於東周中葉。漢初已輸入大月氏。張騫既身至大月氏。又倡議通使身

毒。遂開佛教東漸之路。印度文明之輸入中國。從此始矣。

第三節 第三次奉使事蹟

以上爲張騫第二次奉使之結果。中國西南境。藉以大啓疆土。又開中印交通之端緒。然政治上之目的仍未達也。於是求其可與夾擊匈奴者。乃舍大月氏而通好烏孫。烏孫王昆莫。舊居河西地。今甘肅西部。服屬匈奴。後兵稍強。徙據天山北路。漸謀獨立。匈奴攻之。不克。騫乃倡議。招以厚幣。使之東徙。還居故地。以斷匈奴右臂。烏孫既降附。則其餘西域諸小國。皆可招來使爲外臣。上以爲然。拜騫爲中郎將。將三百人。馬各二匹。牛羊以萬數。齎金帛值數千鉅萬。多持節副使。道可使遣之他旁國。騫既至烏孫。致賜諭指。未能得其要領。因分遣副使使大宛、康居、大月氏、大夏、安息、身毒、于闐、及諸旁國。烏孫發譯導送騫還漢。因遣使數十人。馬數十匹。隨騫報謝。因令窺漢。知其廣大。始有內屬之意。騫還拜爲大行。歲餘卒。後歲餘。其所遣副使通大夏之屬者。皆頗與其人俱來。於是西域諸國。始通於漢。其後使西域者。皆稱博望侯。以爲質於外國。外國由是信之。計騫所通西域諸國如下。

國名	距長安里程	今地名	張騫所經營
大宛	一二五五〇里	俄屬土耳其斯坦	初使大月氏時。道經其地。詳察其土俗。歸爲伐宛之基。
康居	一二三〇〇里	同上	使大月氏時。由大宛通此。

大月氏	一一六〇〇里	同上	擊匈奴使此國欲與聯盟夾
大夏	一一六〇〇里	同上	時已爲月氏所征服而還
烏孫	八九〇〇里	天山北路	至其地後爲通印度嚙矢
烏弋 山離	一二二〇〇里	阿富汗與波 斯交界地	塞建議結烏孫以斷匈
安息	一一六〇〇里	波斯及 俾路芝	塞始知其國後 遣副使通之
罽賓	一二二〇〇里	北印度	同上
奄察	一二二〇〇里	俄屬裏海傍	同上
身毒	一二二〇〇里	印度	塞始知其地 欲通之未果

第八章 烏孫之分合

是時西域諸國。烏孫爲大。烏孫國治赤谷城。去長安八千九百里。東與匈奴。西北與康居。西與大宛。南與城郭諸國相接。本塞地也。大月氏西破走塞王。塞王南越縣度。大月氏居其地。後烏孫昆莫擊破大月氏。大月氏西走大夏。昆莫徙居之。故烏孫民有塞種大月氏種。地莽平多雨。寒山多松櫟。不田作種樹。隨畜逐水草。與匈奴

同俗。國多馬。富人至四五千匹。民剛惡貪狠。無信。多寇盜。故服屬匈奴。後強盛。漸謀獨立。其王稱昆莫。名獵驕靡。有子十餘人。中子大祿強。善將。將衆萬餘騎別居。大祿之兄太子早夭。昆莫立太子之子岑陬爲嗣。大祿怒。乃收其昆弟。將衆衅。謀攻岑陬。昆莫與岑陬萬餘騎。令別居。昆莫亦自有萬餘騎。於是國分爲三。而總於昆莫。張騫旣至烏孫。謁昆莫。昆莫倨。見騫如單于禮。騫責之。乃拜賜。騫致賜諭指。烏孫自以遠漢。未知其大小。又近匈奴。服屬日久。其大臣皆不欲徙。昆莫年老。國分不能專制。乃遣使者隨騫入漢報聘。見漢廣大。歸報其國。其國乃益重漢。匈奴聞其與漢通。怒欲擊之。烏孫恐。使使願得尙漢公主爲昆弟。天子許之。元封六年。西歷紀元前一〇五年以江都王建女細君爲公主。往妻烏孫。昆莫以爲右夫人。於是漢與烏孫之關係。逐漸親密。匈奴亦遣女妻昆莫。以爲左夫人。公主自治宮室。居歲時。一再與昆莫會。置酒飲食。昆莫年老。言語不通。公主悲愁思歸。作黃鵠歌以自悼。其詞曰。

吾家嫁我兮天一方。

遠逝異國兮烏孫王。

穹廬爲室兮氈爲牆。

以肉爲食兮酪爲漿。

居常思土兮心內傷。

願爲黃鵠兮歸故鄉。

天子聞而憐之。閒歲遣使者以帷帳錦繡給遺焉。昆莫曰。「我老欲死。」命其孫岑陬尙公主。公主不聽。上書言狀。天子報曰。「從其國俗。」於是岑陬遂妻公主。昆莫殂。岑陬嗣立。

岑陬者。官號也。名軍須靡。卽位以後。稱昆彌。後遂以昆彌爲王號。岑陬尙江都公主。生一女。名少夫。公主卒。漢以復楚王戊之女孫解憂爲公主。妻岑陬。岑陬胡婦所生子曰泥靡。岑陬病篤。泥靡尙幼。以國與季父大祿子翁歸靡。曰。「泥靡大。以國歸之。」

翁歸靡旣立。號肥王。復尙楚主解憂。生三男兩女。長男曰元貴靡。次曰萬年。爲莎車王。次曰大樂。爲左大將。長女弟史。爲龜茲王絳賓妃。小女素光。爲若呼翎侯夫人。

自武帝元封六年。漢與烏孫和親後。匈奴與烏孫之國交漸離。時常率兵西上。侵擾烏孫。昭宣時代。翁歸靡與公主數上書求救。請連兵伐匈奴。會匈奴數擾漢邊。詔從其請。宣帝本始二年。西歷紀元前七二年秋。大發兵。遣田廣明

等五將軍。兵十六萬騎。分道北伐。以常惠爲校尉。持節護烏孫兵。共擊匈奴。匈奴聞漢兵大出。遂率衆北竄。田廣明逗遛不進。漢兵無功。翁歸靡自將萬騎。與常惠從西方入。大破匈奴兵。護名王騎將以下四萬級。馬牛羊驢七十餘萬頭。詔封惠爲長羅侯。廣明以罪下吏自殺。匈奴呼衍鞬單于自將數萬騎。擊烏孫以復仇。會天大雨雪。一日深丈餘。人畜凍死。還者不能什一。匈奴爲之衰耗。是爲和親以來收效果之始。

元康二年。西歷紀元前六四年翁歸靡上書。願以漢外孫元貴靡爲嗣。復尙公主。結婚重親。詔以解憂弟子相夫爲公主。往妻元貴靡。命常惠爲使者。送公主。至敦煌。開翁歸靡殂。烏孫貴人共從本約。立岑陬子泥靡。代爲昆彌。號狂王。惠上書奏聞。乃徵還相夫。解婚約。

狂王既立。復尙解憂。生一男。名鴟靡。不與主和。又暴惡失衆。甘露元年。西歷紀元前五三年漢使臣魏和意任昌。密與解憂謀殺狂王。不克。坐專擅誅。肥王翁歸靡胡婦子烏就屠。襲殺狂王。自立。漢欲討之。烏就屠恐。願得小號以自處。帝遣謁者立元貴靡爲大昆彌。烏就屠爲小昆彌。皆賜印綬。大昆彌戶六萬餘。小昆彌戶四萬餘。然衆心皆附於小昆彌。


已而大昆彌元貴靡歿。鴟靡亦卒。解憂年老思歸。上書陳請。天子憫而迎之。甘露三年。西歷紀元前五一年解憂還京師。後二歲卒。時年已七十餘。爲烏孫三代國母。操縱政柄數十年。卒成夾攻匈奴之績。女子犧牲身命以救家國。能收效果者。有史以來。一人而已。

元貴靡歿後。子星靡代爲大昆彌。弱。國多內亂。惟時西域都護韓宣。請廢星靡。立其季父左大將樂。朝廷不許。其後段會宗代爲都護。招還亡叛。以安定之。星靡歿。子雌栗靡代立。雄勇得衆心。小昆彌末振將忌之。傾軋復起。

先是小昆彌烏就屠歿。子拊離代立。爲弟日貳所弑。漢遣使者立拊離子安日爲小昆彌。日貳亡走康居。安日使貴人姑莫匿等三人。詐亡從日貳。刺殺之。

已而安日爲降民所殺。諸飭侯大亂。詔段會宗爲中郎將。使安集烏孫。立安日弟末振將爲小昆彌而還。時大昆彌雌栗靡勇健。末振將恐爲所併。使貴人烏日領詐降。刺殺之。漢欲以兵討之。而未能。遣段會宗持金幣。

匈奴女



第九章 西域諸國對漢之關係

第一節 西域諸國之交通路

據史書所載。當時西域凡三十六國。皆在匈奴之西。烏孫之南。其地南北有天山。中央有河。東西六千餘里。南北千餘里。東則接漢玉門。在今甘肅敦煌縣西陽關。在敦煌縣西南西則限以葱嶺。河有兩源。一出葱嶺。一出于閼。于閼在南山下。其河北流。與葱嶺河合。東注蒲昌海。蒲昌海一名鹽澤。去玉門陽關三百餘里。廣袤三百里。其水亭居。冬夏不增減。蒲昌海在今吐魯番西南俗名羅卜淖爾周五百里葱嶺東北之水皆入焉水經注云。沕澤水積鄯善之東北龍城之西南地廣千里皆爲鹽而堅剛故有鹽澤之稱自玉門陽關出西域。有兩道。從鄯善。舊名樓蘭治并泥城去長安六千一百里去陽關一千六百里傍南山北。循河西行至沙車。今新疆莎車縣俗名葉爾羌爲南道。自車師前王庭。即今新疆吐魯番縣隨北山。循河西行。至疏勒。今新疆疏勒縣爲北道。南道西踰葱嶺。則出大月氏安息。北道西踰葱嶺。則出大宛。康居奄蔡。西域諸國。大率土著。有城郭田畜。與匈奴烏孫異俗。故皆役屬匈奴。匈奴西邊日逐王。置僮僕都尉。使領西域。常居焉耆。今新疆焉耆縣危須尉犁。今新疆尉犁縣間賦稅諸國。取富給焉。

第二節 樓蘭之征伐

元鼎二年。西域始通。遣西方使者。一歲多至十餘輩。往來多經過樓蘭。樓蘭王姑師。數攻劫漢使。爲匈奴耳目。元封三年。西歷紀元前一〇八年遣將軍趙破奴伐之。破奴以七百騎深入。虜姑師。遂擊車師破之。因耀兵西域。以震烏孫。大宛等國。詔封破奴浞野侯。於是酒泉列亭障。至玉門關矣。

是時漢使西踰葱嶺抵安息。安息發使。以大鳥卵及黎軒善眩人獻於漢。諸小國皆隨漢使獻見天子。天子大悅。散財帛以賞賜。厚具以饒給之。以覽示漢富厚焉。大宛左右多葡萄。可以爲酒。多苜蓿。天馬嗜之。漢使采其

實以來。天子種之於離宮別館旁極望。然西域以近匈奴。常畏匈奴使。待之過於漢使焉。

第三節 大宛之征伐

當是時漢與大宛交通頻繁。大宛故產善馬。上得宛汗血馬。愛之。名曰天馬。使者相望於道以求之。會漢使入西域者。言宛有善馬。在貳師城。匿不肯與漢。上使壯士車令等持千金及金馬以請之。宛王不肯。漢使怒。搆金馬以去。宛貴人令其東邊屬國郁成王遮殺之。上大怒。諸嘗奉使者姚定漢等言「宛兵弱。誠以漢兵不過三千人。可盡虜矣。」上以爲然。太初元年西歷紀元前四十四年秋。拜李廣利爲貳師將軍。發屬國騎及郡國惡少年數萬人。伐宛。期至貳師城取善馬。廣利率師西上。過鹽澤。當道小國各城守。不給食。比至郁成。士不過數千。皆飢疲。不耐戰。攻郁成。敗績。二年秋。還至燉煌。上書乞休戰。上怒。命廣利留屯燉煌。公卿議者皆願罷兵。上以爲宛小國而不能下。則大夏之屬漸輕。漢不聽。赦囚徒發惡少年及邊騎。出燉煌者六萬人。負私從者不與。牛十萬頭。馬三萬匹。驢駱駝以萬數。齎糧。發天下吏有罪者。亡命者。及贅壻。賈人。故有市籍。父母大父母有市籍者。爲兵。及載糧。命廣利率之西上。沿路各小國。所至迎給。不下者攻屠之。三年春。圍宛。攻之四十餘日。宛貴人共殺其王毋寡以降。大出食犒漢軍。盡出善馬。令漢自擇。漢取其善馬數十匹。中馬三千匹。立宛貴人昧蔡爲王。與盟而罷兵。命搜粟都尉上官桀攻破郁成。郁成王走。追斬之。於是漢室兵威直抵帕米爾高原以西。今俄屬費爾干省廣利班師。所過小國聞宛破。皆使其子弟從入貢獻。因爲質焉。樓蘭爲匈奴耳目。候漢使後過者。欲絕勿通。軍正任

文補得生口。知狀以聞。上詔文引兵捕樓蘭王。將詣闕薄責。樓蘭王謝罪。釋之歸國。匈奴自是不甚親信樓蘭。於是自燉煌西至鹽澤。往往起亭。而輪臺西域地名在車師四渠犂。地名在輪臺東。皆有田卒數百人。置使者校尉領護。以給使外國者。廣利凱旋。獻上善馬。上大喜。作天馬歌以誌喜。其辭曰。

天馬徠 從西極 涉流沙 九夷服

天馬徠 出泉水 虎脊兩 化若鬼

天馬徠 歷無卑 徑千里 循東道

天馬徠 執徐時 將搖舉 誰與期

天馬徠 開遠門 竦予身 遊昆侖

天馬徠 龍之媒 遊閭闔 觀玉臺

其得意之情形可想矣。

第四節 車師樓蘭境內漢與匈奴勢力之消長

當是時天山南北兩路。逐漸折入漢族勢力範圍。然西域諸國。時叛時服。與匈奴交通自若。漢廷之憂未艾也。征和三年。西歷紀元前九〇年。發西域兵擊車師。虜其王。盡得其民衆而還。於是北道始通行無阻。而南道復梗。先是樓蘭王卒。匈奴先遣其質子安歸。歸得立爲王。漢召令入朝。辭不至。復爲匈奴反間。數遮殺漢使。昭帝元鳳四年。

西歷紀元前七七年大將軍霍光奏派駿馬監傳介子使西域。乘間襲樓蘭。介子齎金幣。揚言以賜外國爲名。至樓蘭。王貪漢財物。來見。介子與坐。飲醉。誘入帳中。壯士二人從後刺之。遂斬其首。馳傳詣闕。詔立其弟在漢者尉屠耆爲王。更名其國爲鄯善。尉屠耆請遣漢將屯田其國中。伊循城以爲聲援。詔從之。封介子爲義陽侯。於是南道始通行無阻。

當是時烏孫已與漢和親。天山南北路皆內屬。使者往來頻繁。漢兵屯田輪臺渠犂及伊循城。保護南北兩交通要道。車師王與匈奴結婚。教匈奴遮絕通路。劫漢使者。宣帝地節三年。西歷紀元前六七年侍郎鄭吉將免刑罪人。由渠犂發諸國兵與所將田士合萬餘人。擊車師。破之。車師王請降。尋奔烏孫。匈奴更以其王弟兜莫爲王。收其餘民東徙。鄭吉還屯渠犂。遣兵屯田車師。收其地爲漢有。於是北道要塞屬於漢。

宣帝元康元年。西歷紀元前六五年衛候馮奉世奉使西域。至伊循城。會故莎車王弟呼屠徵。與旁國共殺其王萬年。及漢使者自立爲王。攻略南道。劫諸小國。插盟叛漢。鄯善以西皆絕不通。奉世以爲不亟擊之。則莎車日強。其勢難制。必危西域。遂以節諭告諸國。發其兵。進擊莎車。攻拔其城。呼屠徵自殺。更立其他昆弟子爲王。諸國悉平。詔拜奉世光祿大夫。南道復通。

先是漢取車師。匈奴大臣以爲車師地肥美。使漢得之。多田積粟。必爲大患。不可不爭。數遣兵擊車師田者。鄭吉自渠犂將屯田卒救之。兵少。爲匈奴所圍。吉上書願益田卒。上與趙充國議。欲因匈奴衰弱。發兵擊其右地。

使不敢復擾西域。丞相魏相固諫。乃止。元康二年。西歷紀元前六十四年遣常惠將騎兵往車師。迎鄭吉吏士還渠犂。於是車師故地。復爲匈奴所據。北道復梗。

鄭吉還屯渠犂。積粟繕兵。鎮撫諸國。以爲恢復車師計。神爵二年。西歷紀元前六〇〇年匈奴內亂。西方部落酋長日逐王

先賢揮。率其衆降漢。遣使至渠犂。與鄭吉相聞。吉發諸國兵五萬迎之。遣詣京師。車師復歸於漢。吉威震西域。

詔封先賢揮歸德侯。拜鄭吉爲西域都護。兼護諸國。封安遠侯。都護之置自此始。吉中西域立幕府。治烏壘城。

去陽關二千七百三十八里。在渠犂北三百三十里。卽伊吾廬地。今新疆哈密縣。督察烏孫、康居等三十六國動靜。有變以聞。漢之號令班西域矣。元

帝初元元年。西歷紀元前四十八年置戊己校尉。屯田車師故地。助都護鎮撫西域。

自是以後。漢廷威震於西域者六十餘年。累代都護坐鎮西方。爲朝廷左右手。屢次發諸國兵攻擊匈奴。牽掣其南下之勢。漢廷北伐之師。因而獲利。匈奴衰弱。張博望之外交政策。至是卒大收其效云。

第十章 匈奴之末路

漢初大敵。是爲匈奴。武帝之東征西聘。皆爲經略匈奴作張本。將軍欲以巧勝人。盤馬彎弓故不發。非不欲急遽成功。勢將有所待也。及東西南三方各國皆內屬。漢與西域諸國。成輔車相依之勢。匈奴有進退維谷之憂。

遂用三面包圍陣法。驅逐匈奴於漠北。昭宣之世。匈奴內亂。漢廷乘勢。剿撫兼施。匈奴遂降爲屬國。受漢保護。漠南漠北。皆爲聲教所及。漢族威靈。於斯爲烈矣。其事之首尾。下依次序述之。

第一節 軍臣單于時代

先是文帝六年。西歷紀元前一七四年匈奴冒頓單于殂。子老上單于立。後三年。西歷紀元前一六一年老上殂。子軍臣單于立。國勢強盛。屢寇北方諸郡。殺略人畜無算。武帝卽位。仍陽與和親。以羈縻之。而陰修戰備。欲大張撻伐。以雪祖宗之恥。以絕子孫之患。元光二年。西歷紀元前一三三年用大行王恢計。以御史大夫韓安國等五人爲將軍。將車騎材官三十餘萬。圍馬邑。縣名屬故朔平府朔州旁谷中。陰使馬邑土豪聶壹亡入匈奴。誘單于入寇武州。漢名故城在今朔塞縣西一百五十里未至馬邑百餘里。見畜布遍野。而無人牧者。乃攻亭。得雁門尉史。知漢伏兵狀。單于大驚。遁還。漢兵追至塞。弗及。乃罷兵。恢以罪下吏自殺。

當是時。漢室疆域。北盡北地。甘肅慶陽及寧夏上郡。今陝西榆林而河南地。卽河套今蒙古鄂爾斯多旗爲匈奴所據。西盡安定。今甘肅平涼涇原等隴西。秦州鞏昌等地而河西地。今甘肅肅州爲匈奴所據。西北二邊。距匈奴太近。烽火動輒擾及甘泉。漢與西域交通之孔路。爲匈奴所中斷。匈奴得以自由出兵。壓制西域諸國。使附屬匈奴。且遮截漢使。不使西上。張騫輩奉使。所以屢經困難者。職是之由。元朔二年。西歷紀元前一二七年春。匈奴入寇。詔車騎將軍衛青等將兵擊走之。乘勝破其屬部樓煩白羊王於河南。斬首數千級。得牛羊百餘萬。遂取河南地。用主父偃議。以「河南地肥饒。利於屯田。外

阻河。有險可以扼守。城之以逼匈奴。可以省轉戍。廣中國。」乃置朔方郡。募民徙者十萬餘口。築城繕塞。因河爲固。尋以山東大水。徙貧民七十餘萬口於關西朔方。今河套及新秦中。今河套實行殖民政策。於是陝西北境始有險可守。匈奴兵不能直窺長安矣。

第二節 伊稚斜單于時代

元朔三年。西歷紀元前一二六匈奴軍臣單于殂。弟伊稚斜單于立。與漢交惡如故。屢寇北方諸郡。詔衛青率六將軍兵十餘萬。分出高闕。地名在今山西北四百二十里朔方、右北平、今熱河承德至河北沽之地擊之。大破右賢王兵。右賢王遁。虜其裨王十餘人。男女萬五千餘人。畜數十百萬。班師。詔以青爲大將軍。盡護諸軍。

自是以後。青與霍去病連年出塞。屢破匈奴兵。伊稚斜單于用降將趙信計。益北絕幕。以誘罷漢兵。漢亦欲乘勢大舉深入。以創匈奴。元狩二年春。以霍去病爲驃騎將軍。將萬騎出隴西。擊匈奴。歷五王國。轉戰六日。過焉支山。在今甘肅山丹縣千餘里。斬獲甚衆。收休屠王祭天金人。尋復將數萬騎出北地。深入二千餘里。逾居延澤。在今寧夏納旗過小月氏。至祁連山。斬首三萬。虜獲尤多。匈奴西方震懾。是年秋。匈奴西部酋長渾邪王降。置五屬國以處其衆。

先是河西地爲大月氏、烏孫所據。匈奴擊走大月氏。大月氏及烏孫先後徙居天山北路。於是河西地爲匈奴西方部落酋長渾邪王、休屠王所據。漢遣兵北伐。數破二王兵。殺虜且數萬人。單于怒。欲召誅之。二王恐。謀降

漢。漢使霍去病將兵迎之。休屠王後悔。渾邪王殺之。并其衆以降漢。凡四萬餘人。西歷紀元前二年秋。來

歸。詔分徙其衆於隴西、北地、上郡、朔方、雲中、五郡故塞外。因其故俗爲五屬國。於是金城今甘肅故蘭州府附近河西

並南山。指祁連山脈在青海北境爲青海與新疆分界處東出陝西是爲秦嶺至鹽澤。空無匈奴。滅隴西、北地、上郡、戍卒之半。元鼎元年。西歷紀元前一

一六張騫還自烏孫。西域始通於漢。乃於渾邪王故地。置酒泉郡。今甘肅故肅州附近稍發徙民以充實之。尋分置武威

郡。今甘肅故涼州府附近列兵置戍。以絕匈奴與羌之通路。其後使西域者漸多。匈奴時遣兵遮擊。元鼎六年。分武威酒

泉地。更置張掖。今甘肅故甘肅州附近燉煌。今甘肅故安西州附近二郡。於是甘肅西境。悉爲漢有。漢廷統治範圍。直抵玉門陽關

矣。

渾邪王既降。祁連焉支二山皆入於漢。祁連山旁。富於水草。頗宜畜牧。焉支山產紅藍染料。可以爲婦人妝飾品。匈奴既失二山。乃作歌曰。

亡我祁連山。

使我六畜不蕃息。

奪我焉支山。

使我婦女無顏色。

亦可知匈奴之苦痛矣。

自是以後。關中寇掠漸稀。而右北平、定襄、今山西至綏遠等郡。仍時常被侵掠。元鼎四年春。詔衛青、霍去病。各將五萬騎。分出定襄、代郡。大舉伐匈奴。而敢力戰深入之士。多屬去病。青出塞千餘里。度漠。與單于遇。擊其兵。

敗之。單于遁。捕斬萬九千級。遂至真顏山。趙信城。俱在略爾喀境內。燒其積粟而還。去病出代右北平二千餘里。絕大幕。直左方兵。斬首七萬級。封狼居胥山。禪於姑衍。北在漢境內。登臨瀚海而還。詔以青去病皆爲大司馬。是時漢所殺虜匈奴合八九萬。而漢士卒物故亦數萬。是後匈奴遠遁。幕南無王庭。漢度河自朔方以西。至今居。在今甘肅故涼州府平番縣。往往通渠。置田官。吏卒五六萬人。稍蠶食匈奴以北。匈奴用趙信計。遣使請和親。漢使任敞報之。單于留不遣。

第三節 烏維單于時代

元鼎三年。西歷紀元前一四四年。伊稚斜單于殂。子烏維單于立。國勢浸衰。而漢已滅南越、東越、閩越、平西羌、西南夷。復通西域。國勢張甚。元封元年冬。上自將閱邊。自雲陽。在今陝西故西安府涇陽縣西北。歷上郡、西河、五原。今河套北部。出長城。北登單于臺。至朔方。臨北河。勒兵十八萬騎。旌旗徑千餘里。遣使者郭吉告單于曰。「南越王頭已懸北闕。今單于能戰。天子自將待邊。不能。亟來臣服。何但亡匿幕北苦寒之地爲。」單于怒。斬主見客者。留吉。遷之北海上。而終不敢出兵。上乃罷兵還京。

自衛霍度幕以來。匈奴勢衰。稀復爲寇。遠徙北方。休養士馬。數使使求和親。漢使王烏窺之。單于卑辭請和。王烏信之。歸報漢。會匈奴使者至。漢病死。漢歸其喪。單于以爲漢殺其使者。復寇邊。和議中絕。

第四節 兒單于時代

六年。西歷紀元前一〇五年烏維單于殂。子烏師廬立。年少。號兒單于。好殺伐。國人不附。左大都尉謀殺單于以降漢。太初元年。詔公孫敖築受降城。在今吳喇旗北於塞外。屯兵遙爲之聲援。尋以趙破奴爲浚稽將軍。將二萬騎。期至浚稽山。在今喀爾喀土喇河鄂爾渾河之間以應之。既至。左大都尉欲發而覺。單于殺之。因發兵急擊破奴。虜之。全軍盡沒。乘勝攻受降城。不克而還。

第五節 且鞮侯單于時代

三年。西歷紀元前一〇二年春。兒單于殂。季父朐犂湖單于立。次年。西歷紀元前一〇一年殂。弟且鞮侯單于立。上欲因伐宛之威。遂困胡。且鞮侯恐。盡歸漢使之被留不降者。因遣使來貢獻。天漢元年三月。詔中郎將蘇武使匈奴以報之。會長水虞常等謀殺漢降人衛律。而劫單于母閼氏歸漢。謀洩。被執。辭連及武之副使張勝。單于怒留武。誘之降。不屈。因徙之北海。使牧羝以挫辱之。二年夏。詔將軍李廣利出酒泉。擊匈奴。勝負略相當。別遣騎都尉李陵出居延。至浚稽山。與單于值。衆寡不敵。敗沒。四年。復遣李廣利等四將軍。將步騎二十萬。分道出擊匈奴。匈奴聞之。悉遠其累重於余吾水。在浚稽山北而單于以兵十萬待水南。與廣利接戰。漢兵不利。引還。諸將皆無功。

第六節 狐鹿姑單于時代

太始元年。西歷紀元前九十六年匈奴且鞮侯單于殂。子狐鹿姑單于立。征和三年春。寇五原。今綏遠五原縣以南酒泉。詔李廣利

等三將軍。將兵十三萬。分道擊之。單于聞漢兵大至。悉徙其輜重於郅居水在漢北。自將屯姑且水南以待漢兵。廣利破其兵於夫羊句山。乘勝追北至范夫人城。在郅居水南今喀爾喀地會漢以他故。收廣利妻子下獄。廣利欲深入立功以贖罪。遂北至郅居水。大破匈奴兵。殺左大將。會軍心變。軍長史等謀執廣利以降匈奴。廣利不得已。誅長史。引兵還。至燕然山。今喀爾喀杭愛山單于自將五萬騎遮擊之。廣利力戰不得脫。遂降於匈奴。一軍盡沒。諸將皆無功而還。

計武帝在位五十四年。前後共伐匈奴十三次。初時漢兵多係被動。後乃爲主動。初時戰線僅及漠南。後乃深入窮追至漠北。初用衛青。霍去病。爲大將。漢兵多勝。後用李廣利爲大將。漢兵多失利。然約計之。勝負亦略相當。計漢戰沒士卒不下十餘萬人。匈奴物故者當不止加倍。漢族損失帑藏無算。民間騷然。匈奴之消耗尤甚。蓋兩虎共鬪。未有不兩敗俱傷者也。武帝末年。悵然悔之。下詔罪己息民。百姓稱便。昭宣繼立。休養生息。漢族富強有加於昔。而匈奴已不國矣。

第七節 壹衍鞬單于時代

武帝征伐匈奴。深入窮追二十餘年。匈奴馬畜孕重。墮殯音殯敗也罷極。苦之。常有利親意。昭帝始元二年。西歷紀元前八匈奴狐鹿姑單于殯。遺命立弟右谷蠡王。顯渠閼氏不聽。矯單于令。立其子壹衍鞬單于。左賢王右谷蠡王怨望。不肯朝會龍城。匈奴國內乖離。常恐漢兵襲之。用衛律謀。與漢和親。歸蘇武等以通善意。武留匈奴十九

年。始以強壯出。及還。鬚髮盡白。元鳳元年。匈奴入寇。漢兵追擊破之。擒甌脫王。甌脫王降。匈奴恐漢以甌脫王爲嚮導以擊之。乃遠遁西北。不敢南逐水草。尋遣騎兵南據受降城以備漢。北橋余吾水。令可渡以備奔走。欲求和親。而恐漢不聽。常以意諷示漢使者。漢亦羈縻之。

宣帝本始二年。匈奴擊烏孫。詔遣田廣明等五將軍。分道北伐。校尉常惠持節護烏孫兵。大破匈奴。壺衍鞬單于自將擊烏孫。復爲大雪所阻。人畜死者過半。於是丁零乘弱攻其北。烏桓入其東。烏孫擊其西。所殺數萬級。重以餓死。匈奴消耗。諸羈縻國皆瓦解。事具載第八章。

第八節 五單于爭立時代

地節二年。西歷紀元前六八年壺衍鞬單于殂。弟虛閭權渠單于立。是歲匈奴大饑。人民畜產死者什六七。匈奴益衰。神

爵二年。西歷紀元前六〇年虛閭權渠殂。顯渠閼氏與其弟左大且渠都隆奇謀。矯遺命立右賢王屠耆堂爲握衍朐鞬

單于。虛閭權渠子稽侯獬亡奔妻父烏禪幕。烏禪幕妻弟日逐王先賢譚爲西部酋長。素與握衍朐鞬有隙。乃率所部降漢。都護鄭吉發兵迎之。乘勢取西域。立幕府。天山南北路悉入於漢。匈奴拱手不敢爭。西域僮僕都尉由此罷不設。事具載第九章。

握衍朐鞬更立其從兄薄胥堂爲日逐王。使經略西方。而暴虐滋甚。國人不附。神爵四年。西歷紀元前五八年烏禪幕及左地貴人共立稽侯獬爲呼韓邪單于。發兵西擊握衍朐鞬。握衍朐鞬敗死。其衆皆降。都隆奇亡走右地。與握

衍胸鞬弟右賢王共立薄胥堂爲屠耆單于。發兵襲呼韓邪。呼韓邪敗走。於是呼韓邪據東方。屠耆據西方。匈奴中分爲二。屠耆使先賢擇兄右奧鞬王與烏藉都尉。各將二萬騎。分屯東方以備呼韓邪。已而西部酋長呼揭王入朝。與唯犁當戶謀。譖右賢王與屠耆殺之。屠耆尋知其冤。誅唯犁。呼揭王恐。遂叛去。自立爲呼揭單于。右奧鞬王聞之。亦叛。自立爲車犁單于。烏藉都尉亦自立爲烏藉單于。於是匈奴西部同時有單于四人。紛亂滋甚。

已而屠耆自將東擊車犁。使都隆奇將兵擊烏藉。皆敗之。車犁烏藉西北走。與呼揭兵合。凡四萬人。共尊車犁爲單于。烏藉呼揭皆去。單于號。於是屠耆部下三叛將。合爲一部。以與屠耆抗。時五鳳元年。西歷紀元前五七年也。

已而屠耆遣將屯東方以備呼韓邪。自將四萬騎。西擊車犁。破之。車犁走西北。屠耆引兵而南。留屯闐敦地。當是時漢宣帝親政。已閱十載。自武帝沒後。霍光秉政。漢廷休養生息。又垂三十年。國富兵強。人民安樂。匈奴有隙。正宜乘此機會。收復北方。以絕後患。廷臣多主張用兵。名儒蕭望之。時爲御史大夫。以經學輔政。引春秋禮不伐喪之義。謂宜遣使弔問。輔其微弱。救其災患。使四夷聞之。咸貴中國之仁義。上從之。

已而呼韓邪遣將襲屠耆屯兵。敗之。屠耆還救。敗死。車犁亦降於呼韓邪。呼韓邪徙居單于庭。於是匈奴復統一。時五鳳二年。西歷紀元前五六年也。

當是時都隆奇與屠耆少子右谷蠡王姑瞽樓頭亡歸漢。呼韓邪部下左大將烏厲屈與其父呼遼累烏厲溫敦。見匈奴亂。亦率衆數萬人降漢。三年六月。置西河郡名今綏遠鄂爾多斯左翼前旗北地屬國。以處匈奴降人。漢威日振。

第九節 呼韓邪郅支對峙時代

已而屠耆從弟休旬王自立爲閼振單于。據西方。呼韓邪兄呼屠吾斯亦自立爲郅支單于。據東方。匈奴中分爲三。呼韓邪界居兩部之間。國勢危甚。四年春。稱臣於漢。遣弟谷蠡王入侍。是爲匈奴單于稱臣納財之始。是年夏四月。匈奴閼振率兵東擊郅支。郅支與戰。破斬之。並其兵。乘勝進攻呼韓邪。呼韓邪敗走。郅支徙居單于庭。呼韓邪引兵南至塞外。甘露元年。西歷紀元前五三年遣子右賢王鉅婁渠堂入侍以求助。同時郅支亦遣子右大將駒于利受入侍。兩單于爭欲引漢爲援。而內部傾軋日甚。

二年春。呼韓邪款五原塞請朝。詔從之。三年春正月。呼韓邪來朝。詔待以客禮。位在諸侯王上。賜賚甚厚。是爲匈奴單于入朝於漢之始。二月。遣歸國。發邊郡士馬送出塞。又轉邊郡穀米以給之。呼韓邪請居光祿塞。因光祿塞故九原城北下有急保受降城。詔從之。於是烏孫以西諸國直抵安息咸尊漢。

當是時匈奴兩單于爭欲自結於漢。數遣使來貢獻。漢待呼韓邪使有加禮。郅支覺之。自度力不能定匈奴。乃益西徙。欲與烏孫並力。烏孫殺其使。遣騎迎之。郅支覺其謀。擊烏孫兵。破之。因乘勝北擊呼揭。堅昆。丁令。三國並破之。留都堅昆。在阿爾泰山北今俄領託羅斯克省唐時爲黠戛斯東去單于庭七千里。南距車師五千里。尋遣使至漢。求放質子還。

漢遣衛司馬谷吉送之。邳支殺吉。益引兵西。會康居與烏孫構怨。遣使迎邳支。欲與共擊烏孫。邳支趣之。元帝初元五年。邳支抵康居。康居王以女妻之。欲倚其威以脅諸國。是時漠北空虛。呼韓邪大臣多勸北歸。呼韓邪從之。永光二年。徙居單于庭。

邳支至康居後。數擊烏孫。殺掠甚衆。烏孫西鄙。空虛不居者五千里。又自以大國。不爲康居王禮。殺王女及貴人人民數百人。康居怨之。又遣使責大宛等國歲遺。諸國畏其威。不敢不與。漢遣使者三輩至康居。求谷吉等死狀。邳支困辱使者。不奉詔。建昭三年。西歷紀元前三十六年西域副校尉陳湯。矯制發諸國兵。合四萬人。與都護甘延壽襲康居。別爲六校。其三校從南道踰葱嶺。經大宛。其三校都護自將。溫發宿國。從北道入赤谷。過烏孫。涉康居界。至闐池西。而康居副王抱閼將數千騎寇赤谷城東。殺略大昆彌千餘人。驅畜產甚多。從後與漢軍相及。頗寇盜後重。湯縱胡兵擊之。殺四百六十人。得其所略民四百七十人。還付大昆彌。其馬牛羊以給軍食。入康居東界。令軍不得爲寇。間呼其貴人屠墨見之。諭以威信。與歃盟。遣去。未至單于城可六十里。止營。復捕得康居貴人貝色子男開牟。以爲導。貝色子卽屠墨之母弟。皆怨邳支。由是具知邳支情。明日引行。未至城三十里。止營。遣使責問邳支。邳支欲去。疑康居怨己。爲漢內應。又聞烏孫諸國兵皆發。自以無所之。已出復還。乘城拒守。漢兵進破其城。邳支被創死。傳首長安。其下或死或降。部落破滅。於是漢室兵威。直抵現今俄領西伯利亞西部。匈奴諸部。皆服於漢。除呼韓邪外。無復稱單于者矣。

康居爲西域大國。幅隕之廣。人口之多。與大月氏烏孫相伯仲。自以去中國懸遠。素驕倨。不事漢。至是始懼。成帝時。遣子入侍貢獻。

呼韓邪聞郅支旣誅。且喜且懼。竟寧元年。入朝。自言願壻漢氏以自親。詔以後宮良家子王嬙妻之。單于喜。號爲寧胡閼氏。

自是以後。迄西漢末。凡歷四十年。西歷紀元前三三匈奴傳國四代。西歷紀元前三一年呼韓邪祖子復株累搜諧若鞮單于立同一年搜諧若鞮祖弟車牙若鞮單于立同八年車牙若鞮祖弟烏珠留若鞮單于立事漢恭敬有加禮。哀帝元壽二年春正月。匈奴烏珠留若鞮單于囊知牙斯。烏孫大昆彌伊秩靡。同時入朝。平帝元始二年秋九月。匈奴烏珠留若鞮單于遣王昭君女須卜居次云。入侍太皇太后。時王莽專政。欲示威於外。頒四條於匈奴。凡中國人。烏孫人。西域諸國。佩漢印綬之人。烏桓人。有亡降匈奴者。皆不得受。遣使雜函封付單于。單于奉命唯謹。漢室威靈。頒及漠南漠北。蒙古族皆內屬矣。

第十節 南北匈奴分裂時代

自宣帝時。匈奴呼韓邪稱臣入覲。北鄙無警者六十餘年。王莽篡漢。擾動戎夷。匈奴大怨。東連烏桓鮮卑。西誘西域諸國。侵苦北邊。光武中興。厭倦武事。不欲啓釁邊外。匈奴益驕。歲每劫略山陝邊地。建武二十二年。西歷紀元四十六年呼都而尸道皋若鞮單于興。子蒲奴立。烏珠留若鞮單于子比。時爲右奧韃日逐王。領南邊八部。與蒲

奴有隙。自立爲呼韓邪單于。款五原塞求內屬。是爲南匈奴。於是匈奴分爲南北二部。詔立南單于庭於五原。

今綏遠五原縣置使匈奴中郎將以領之。尋徙居西河美稷。今鄂爾多斯右翼中旗列置諸部王。助漢扞戍北地。自朔方至代郡。

皆領部衆。爲郡縣偵邏耳目。北單于惶恐。頗還所略漢民以示善意。尋納貢。請和親。詔不許。建武中元元年。

西歷紀元五十六年南單于比廋弟莫立。稱丘浮尤鞬單于。次年廋弟汗立。稱伊伐于慮鞬單于。閱二年廋比子適立。稱

醯儻尸逐侯鞬單于。立四年廋莫子蘇立。稱丘除車林鞬單于。數月復廋。適弟長立。稱胡邪尸逐侯鞬單于。

當是時匈奴猶盛。數寇邊。朝廷以爲憂。會北單于求互市。朝廷冀其交通。不復爲寇。許之。南單于怨漢與北

虜交通。有異志。詔拜吳棠爲度遼將軍。率師屯五原曼柏。監護南匈奴。南匈奴內嚮之心始回。

已而竇固西征。取伊吾盧地。遣假司馬班超。經略西域諸國。皆下之。北匈奴勢頓衰。諸國又乘其弊。南匈奴攻

其前。丁零寇其後。鮮卑擊其左。西域侵其右。北匈奴不復自立。乃遠引而去。章帝章和元年。西歷紀元八十七年秋。鮮

卑大破其兵。斬俊留單于。其部下屈蘭儲等五十八部。口三十八萬降漢。二年。章帝崩。和帝卽位。太后臨朝。外

戚竇憲專國。殺宗室都鄉侯暢。太后怒。閉憲於內宮。憲懼誅。自請擊北匈奴以贖罪。是時北匈奴飢亂。降南部

者歲數千人。南單于屯屠何上書。請「出兵討伐。破北成南。并爲一國。令漢家長無北念。」太后以示執金吾

耿秉。秉以「北虜分爭。以夷伐夷。國家之利。宜可聽許。」太后從之。是年冬十月。以竇憲爲車騎將軍。耿秉副


之。大發兵伐北匈奴。出朔方塞。與北單于戰於稽落山。大破之。單于遁走。斬獲甚衆。降二十餘萬人。出塞三千

餘里。登燕然山。命中護軍班固。刻石勒功。紀漢威德而還。遣司馬吳汜奉金帛。遣北單于於西海上。以詔致賜。單于稽首拜受。憲還朝。拜大將軍。尋復出屯涼州。和帝永元二年九月。北匈奴款塞稱臣。欲入朝見。憲遣班固迎之。會南單于求滅北庭。憲復遣中郎將耿譚將騎出塞。襲擊北單于。單于被創。僅而得免。三年二月。遣左校尉耿夔出居延塞。圍北單于於金微山。大破之。獲其母閼氏名王以下五千餘級。北單于逃走。不知所終。出塞五千餘里而還。北單于之弟於除鞬自立爲單于。遣使款塞。竇憲請立爲單于。置中郎將領護。如南單于故事。詔從之。憲尋以罪誅。於除鞬自叛還北。詔遣民追討斬之。破滅其衆。

自是以後。北匈奴餘燼避漢武力。輾轉西下。移入東歐。漢廷既不遣南單于北歸庭。復不遣兵屯田漠北。經營其地。使被漢化。於是北匈奴故地遂空。鮮卑乘勢徙據其地。匈奴餘種十餘萬部落皆降於鮮卑。鮮卑由此漸盛。

是時漢廷統治範圍。北逾沙漠。與鮮卑爲鄰。西踰葱嶺。抵阿母河。與大月氏接壤。東西交通。逐漸頻繁。印度文明輸入中國之機會。始成熟矣。

匈奴單于系統表



(六) 烏維單于 (一一四至一〇五)
(七) 兒單于 詹師廬 (一〇五至一〇三)

(八) 句黎湖單于 (二〇二至一〇二) 某 某 某 (六〇至五八)
(十三) 握衍胸鞬單于 屠耆堂

(十) 狐鹿姑單于 (九六至八五)
(十一) 壹衍鞬單于 (八五至六八)
(十二) 虛閭權渠單于 (六八至六〇)
(十四) 呼韓邪單于 稽侯狁 (五八至三一)
(十四) 郅支骨都侯單于 呼屠吾斯 (五五至三六)

顓渠闕氏

(十四) 車犁單于 (五七至五六)

(九) 且鞮侯單于 (一〇一至九六)

左賢王 日逐王 先賢揮

女

烏禪幕

女

某

(十四) 屠耆單于 薄胥堂

都塗吾西 姑瞿樓頭

某

(十四) 閼振單于 (五五至五四)

寧胡閼氏王嬭

右日逐王伊屠智牙師

(呼衍王女)
顯渠閼氏

(八至紀元十三)
(十八)烏珠留若鞮單于囊智牙斯——呼韓邪單于比
(二二至八)
(十七)車牙若鞮單于且莫車

(十四)呼韓邪于稽侯獬

大閼氏
(呼衍王女)

(三一至二〇)
(十五)復株累若鞮單于雕陶莫皋
(二〇至一一)
(十六)搜諧若鞮單于且糜胥
(紀元一三至一八)
(十九)烏累若鞮單于咸

王嬭

右骨都侯須卜當
——
須卜居次云(一名伊墨居次)
當于居次

左賢王樂

(二十)呼都而尸道皋若鞮單于輿

(四六至同年)
(二二)烏達鞮侯
(四六至……)
(二二)蒲奴單于

第五閼氏

第十一章 佛教之東漸

先是秦始皇帝時。異人室利房來朝。說者謂爲沙門入中國之始。始皇帝二十六年。有大人。長五丈。足履六尺。凡十二人。見於臨洮。始皇以爲瑞。銷兵器。鑄金人十二以象之。說者謂爲佛像入中國之始。然事蹟曖昧。不敢信爲事實也。漢武帝狩元二年。西歷紀元前一二一年。驃騎將軍霍去病伐匈奴。收休屠王祭天金人。列於甘泉宮。不祭祀。但焚香禮拜。是爲佛像入中國受崇拜之始。哀帝元壽元年。西歷紀元前二年。大月氏王丘就卻在位。遣使臣伊存聘中國。博士弟子秦景憲受其口授之浮屠經。是爲佛經傳入中國之始。其後漢明帝時。丘就卻子閻膏珍在位。南併西北兩印度。東通中國。佛教之東漸。實始於此時。而史書所載。往往流於荒誕。相傳漢明帝在位。夜夢金人。長大。頂有白光。飛行殿庭。乃問羣臣。傅毅始以「西域有神。其形長丈六尺。黃金色。其名曰佛」對。永平八年。西歷紀元六五年。遣郎中蔡愔等使天竺。印度之音。愔至月氏。寫佛經四十二章。得佛之立像。載以白馬。與沙門迦葉摩騰竺法蘭東還洛陽。是爲佛教徒以公式入中國之始。帝館之鴻臚寺。尋詔立白馬寺於洛陽雍闕之西。於是中國始傳其術。圖其形像。帝弟楚王英最先好之。王公貴人一時風靡。宗教哲學輸入中國。士大夫腦髓煥然一新。儒教之考據學。受其影響。因而不振。中國數千年來之學術思想。於以大變矣。

第十二章 安息羅馬之競爭及其對漢之關係

歐洲自馬其頓王亞歷山大大王殂後。國內四分五裂。部下將校多擁土自王。分爲馬其頓、敘里亞、埃及、三大國。及狄拉西亞（Thracia）境內諸小國。時常爭鬪。歲無寧日。其後漢民族勃興於東方。創立秦漢大帝國。亞洲阿利安民族之印度勃興於南方。創立摩揭陀帝國時。歐洲阿利安民族中之拉丁族。亦勃興於西方。創立羅馬大帝國。羅馬者。本意大利半島西方提比（Tiber）河南岸一小市。由臘丁（Latins）薩賓（Sabines）伊達盧斯（Etruscans）三族組織而成。其後併吞四方。國勢逐漸強大。遂爲大帝國之國號。相傳西歷紀元前七五三年。周平王十八年羅馬始建國。二六六年。秦王政二十一年統一意大利半島。一二三年。漢元帝元朔六年統一地中海沿岸。乘勢東下。滅敘里亞。破埃及。服猶太。統一西亞細亞。兵威所及。直越歐夫拉底士河而東。其國初爲王政。尋政以貴族政體。置執政官（Consul）二人。充國家元首。每年改選。而以元老院握政權。西歷紀元前六〇年。漢宣帝神爵二年蓋世驍雄愷撒（Caius Julius Caesar）出。始組織第一次三頭政治。四四年。漢元帝初元五年愷撒被刺。翌年。其姪屋大維（Octavianus）復組織第二次三頭政治。尋與其政敵安敦（Marcus Antonius）戰。破斬之。二七年。漢成帝河平二年自稱皇帝（Imperator）尋上尊號曰奧古士都（Augustus）是爲羅馬行帝政。

之始。

其後國勢日盛。屢越歐夫拉底士河攻安息。開東方有漢族大帝國。亟欲聯絡。以謀東西文化之發達。安息者。本亞洲阿利安民族之游牧人種。據波斯舊境立國。扼蘇里曼及耶爾布爾斯兩山脈。憑藉山河之險阻。拒退羅馬兵。羅馬不能東下。紀元九七年。漢和帝永元九年西域都護班超征服天山南北路及葱嶺以西各國。大月氏、安息等國皆入貢。超聞海西有大國。地方數千里。其人民皆長大平正。有類中國。故謂之大秦。遣使甘英往通之。抵條支。臨大海。欲渡。而安息西界船人謂英曰。「海水廣大。來者逢善風。三月乃得渡。若遇遲風。亦有二歲者。故入海人皆齎三歲糧。海中善使人思土戀慕。數有死亡者。」英聞之。乃止。於是東、西兩大帝國直接之交通。爲安息人所阻遏。實則安息本野蠻民族。世與羅馬爲仇敵。不利其與東方大國交通。又販運中國錦綺等物與羅馬。販運羅馬金銀珠寶等物與中國。居間獲利。壟斷商權。不願使兩國直接貿易。故使西方舟人。造爲怪誕之說。以惑中國使者。甘英大陸人才。素無海上經驗。爲其所惑。因而中止。甚可惜也。

是時中國絲織物。已流行於西方。西人稱之曰塞爾基。*(Serge)* 因稱中國曰塞利加。*(Serica)* 而稱中國人曰塞雷斯。*(Seres)* *Ser* 者。漢語繒兒之譯音。*ge* 者。西人所加之語尾。*Serica* 者。*Ser* 產地之義。*Seres* 者。*Ser* 商人之義也。中國蠶桑之業。肇基於黃帝時。絲織物之美麗。甲於全球。其後經波斯人手。輸入西亞。及亞歷山大大王東征以後。復經敘里亞人手。輸入歐洲。歐人非常嗜好。上流社會多著用之。故塞利加之國名。流

傳於歐洲古籍。羅馬人耳食其名已久。又羅馬境內絲織物之貴重。與黃金同價。故亟欲交通中國。直接貿易。西歷紀元一六二年。漢桓帝延熹五年安息人侵羅馬東境。羅馬大破其兵。遂取波斯灣頭地。乃舍却陸路。取道海路。

由波斯灣泛舟。遶道印度洋。直抵中國南海。後漢末年。羅馬使臣始抵交址。據漢書所載。漢桓帝延熹九年。西歷

紀元一六六年大秦王安敦。遣使自日南徼外。獻象牙、犀角、瑇瑁。是爲海路東西交通之始。所謂安敦者。卽羅馬皇帝

Marcus Aurelius Antoninus 一六〇至一八〇之譯音。其後至三國時。吳大帝黃武五年。西歷紀元二二七年大秦賈人宗

秦論至交址。晉武帝太康五年。西歷紀元二八四年大秦復遣使貢獻。大抵漢晉之交。羅馬商人皆航海來南洋貿易。中

國商人亦常航海至錫蘭島附近。日南、今法領越南境交址。今法領越南地實爲東西交通之中樞。至南北朝時。

遂設關榷稅。征收外商貨物。以補助國庫。官吏貪黷者多。橫征暴斂。外商裹足。漸移航而北。中西通商埠遂移

至廣州灣附近。有唐之初。遂設市舶使於廣州。爲今日海關監督之濫觴云。

安息對於漢。實際上雖妨害其與羅馬交通。表面上則極表恭順。武帝時。始遣使至安息。安息王令將將二萬

騎迎於東界。因發使隨漢使者來觀漢地。以大鳥卵及犂軒眩人獻於漢。章帝章和元年。西歷紀元八十七年遣使獻獅

子符拔。符拔形似麟而無角。和帝永元十三年。紀元一〇一年其王滿屈。(Pacorus)復獻獅子及條支大鳥。時謂之

安息雀。蓋紀元前後三百年間。安息取遠交近攻策。對於羅馬時常構兵。對於中國。則時常來聘。直至蜀漢後

主建興四年。紀元二二六年波斯薩贊王朝勃興。安息始爲所滅云。

是時佛教流行。高僧來自異國者不少。支婁迦讖自月氏。安世高自安息。竺佛朔自印度。康孟祥自康居。先後人居中國。從事譯經及宣教。故東漢末年。佛教流行稱極盛云。

第二期 西北民族第二次侵入中原時代

第三期 漢族與西北民族第一次對峙時代

以上二期。時間甚短。併作一期說明之。

第一章 東胡民族之復活

自來島國歷史簡單。大陸國歷史複雜。中國爲東亞大陸國。故其歷史之複雜。多變化。亦爲東方諸國最。政治上之變化。曰一張一弛。軍事上之變化。曰一蹶一振。領土上之變化。曰一分一合。夷考中國有史以來。少則數十年。多亦一二百年。蓋未有不變者也。而其最重要原因。厥爲對西北民族之關係。西周末年。西北民族強盛。達於極點。演成戎狄猾夏之活劇。春秋時代。霸者乃聯合漢族諸小國擊退之。經春秋戰國數百餘年。漢族勢力日漸擴張。至秦始皇勃興。遂鑄成漢族大帝國。凡塞內異族。皆同化於漢族。兩漢時代。漢族強盛達於極點。政治之隆盛。領土之廣大。軍事之發揚。爲有史以來歷代最。顧物極必反。秦極否來。當外部發揚蹈厲之時。卽

內部腐蝕消磨之際。明帝、章帝、卽世。賓氏、梁氏、相繼專權。政柄入於外戚之手。和帝幼冲。桓帝昏闇。乃與鄭衆、單超輩。設謀收捕外戚。於是前門拒虎者。後門進狼。由外戚手收回之政柄。復入於宦官之手。士大夫呻吟咄咄。困於經學。考據以外。毫無所長。昧於世界之大勢。內政外交多失策。於是漢族中衰。而五胡亂華之禍作矣。

第一節 烏桓鮮卑之風俗

先是西漢末年。東北方面有異民族出現。曰烏桓。曰鮮卑。二族皆爲東胡苗裔。冒頓滅東胡。其民族東走。一保烏桓山。一云赤山。蒙古語謂赤爲烏。蘭卽今內蒙古烏珠穆沁旗東南烏哈那山。又烏桓故地遼置烏州。有烏丸山。殆卽今科爾沁右翼中旗及烏珠穆沁旗地。金置桓州。卽今察哈爾多倫縣西南庫爾古巴。哈又熱河省赤峯縣舊名烏蘭。哈達獨石口外。紅城子舊作烏籃。城皆足證烏桓疆域之廣。一保鮮卑山。因以地爲族號焉。烏桓俗善騎射。弋獵禽獸爲事。隨水草放牧。居無常處。以穹廬爲舍。東開向日。食肉飲酪。以毛毳爲衣。貴少而賤老。其性悍塞。怒則殺父兄。而終不害其母。有勇健。能理決鬪訟者。推爲大人。無世業相繼。邑落各有小帥。數百千落自爲一部。大人有所招呼。則刻木爲信。雖無文字。而部衆不敢違犯。氏姓無常。以大人健者名字爲姓。大人以下。各自畜牧營產。不相徭役。其嫁娶則先略女通情。或半歲百日。然後送牛馬羊畜以爲聘幣。婿隨妻還家。妻家無尊卑。旦旦拜之。而不拜其父母。爲妻家僕役一二年間。妻家乃厚遺送女。居處財物。一皆爲辦。其俗妻後母。報寡嫂。死則歸其故夫。計謀從用婦人。唯鬪戰之事。乃自決之。父子男女。相對踞踞。以髡頭爲輕便。婦人至嫁時。乃養髮分爲髻。著句決。飾以金碧。婦人能刺章作文繡。織氍毹。男子能作弓矢鞍勒。鍛金鐵爲兵器。其土地宜稌及東牆。東牆似蓬

草實如稗子。至十月而熟，見鳥獸孕乳以別四節。俗貴兵死，斂屍以棺，有哭泣之哀。至葬則歌舞相送，肥養一犬，以彩繩纓牽，并取死者所乘馬衣物，皆燒而送之。言使犬護死者神靈歸赤山，敬鬼神，祠天地日月星辰山川及先大人有健名者，祠用牛羊，畢皆燒之。其約法違大人言者罪至死。若相賊殺者，令部落自相報，不止，詣大人告之，聽出馬牛羊以贖死。其自殺父兄則無罪。若亡畔爲大人所捕者，邑落不得受之，皆徙逐於雍狂之地。沙漠之中，其十多蝮蛇，在丁令西南。烏孫東北。

鮮卑之習俗言語，與烏桓同。唯婚姻先髡頭，以季春月大會於饒樂水上，飲讌畢，然後配合。又禽獸異於中國者，野馬、原羊、角端牛，以角爲弓，俗謂之角端弓。又有貂、鼯、鼯子，皮毛柔輒，故天下以爲名裘。

第二節 烏桓之叛服

烏桓所據之舊地，在今遼河上流西喇穆楞、老哈穆楞流域。常臣服匈奴。歲輸牛馬羊皮。武帝時，驃騎將軍霍去病擊匈奴左地，因徙烏桓於上谷、漁陽、右北平、遼東、遼西、五郡塞外，爲漢偵察匈奴動靜，置護烏桓教尉監領之。是爲烏桓南遷之始。其後休養生息，部衆漸強。昭帝元鳳三年，遂反。漢遣將軍范朋友擊破之。新莽之時，中原紛亂，烏桓乘勢寇邊。光武帝時，復與盧芳匈奴連兵入寇，代郡以東尤被其害。其居止近塞，朝發穹廬，暮至城郭，五郡民庶家受其辜。朝廷遣伏波將軍馬援擊之，不克。

已而匈奴國亂，烏桓乘勢擊破之。匈奴轉北徙數千里，漠南地空虛。帝乃以幣帛賂烏桓，其大人郝旦等率衆

來降。詔封其渠帥爲侯王君長者八十一人。皆居塞內。布於緣邊。爲漢偵候。助擊匈奴。復置護烏桓校尉於上谷寧城。今北河延慶縣即故宣化府延慶州附近以監領之。開府營田。歲時互市。歷明帝、章帝、和帝、三世。與中國相安無事。

已而安帝卽位。烏桓復與鮮卑及南匈奴聯兵寇邊。朝廷遣車騎將軍何熙、度遼將軍梁慄等擊破之。自此以後。時叛時服。東北騷然。靈帝初。烏桓大人上谷有難樓者。衆九千餘落。遼西有丘力居者。衆五千餘落。皆自稱王。又遼東蘇僕延衆千餘落。自稱峭王。右北平烏延衆八百餘落。自稱汗魯王。並勇健多計策。中平四年。前中山太守張純畔入丘力居衆中。自號稱天安定王。遂爲諸郡烏桓元帥。寇掠青、徐、幽、冀、四州。五年。以劉虞爲幽州牧。虞購募斬純首。北州乃定。獻帝初平中。丘力居死。子樓班年少。從子蹋頓有武略。代立。總攝三郡。衆皆從其號令。建安初。冀州牧袁紹與前將軍公孫瓚相持不決。蹋頓遣使詣紹求和親。遂遣兵助擊瓚。破之。紹矯制賜蹋頓難樓、蘇僕延、烏延等。皆以單于印綬。後難樓、蘇僕延率其部衆奉樓班爲單于。蹋頓爲王。然蹋頓猶秉計策。廣陽人閭柔。少沒烏桓。鮮卑中爲其種人所歸信。柔乃因鮮卑衆殺烏桓校尉邢舉而代之。袁紹因寵慰柔。以安北邊。及紹子尙敗奔蹋頓時。幽、冀吏人奔烏桓者十萬餘戶。尙欲憑其兵力復圖中國。會曹操平河北。閭柔率鮮卑、烏桓歸附。操卽以柔爲校尉。建安十二年。曹操自征烏桓。大破蹋頓於柳城。斬之首虜二十餘萬人。袁尙與樓班、烏延等皆走遼東。遼東太守公孫康並斬送之。其餘衆萬餘落。悉徙居中國。自此以後。烏桓勢力不復振。其遺族大半同化於漢族云。

第三節 鮮卑之猖獗

鮮卑亦東胡苗裔。故附屬匈奴。其地遠在遼東塞外。與烏桓相接。故未嘗通中國。光武初年。匈奴強盛。屢率鮮卑寇抄北邊。殺掠吏民。無復寧歲。建武二十一年。遼東太守祭彤大破之。窮追出塞。鮮卑震懾。二十五年。其都護偏何率種人來降。屢爲漢擊北匈奴及烏桓有功。朝廷厚遇之。鮮卑悅服。其大人皆來歸附。並受賞賜。每年由青、徐、二州給錢二億七千萬。歷明章二帝。保塞無事。

和帝永元中。大將軍竇憲擊破北匈奴。北單于遁走西方。鮮卑因徙據其地。匈奴餘種留者尙有十餘萬落。皆自號鮮卑。鮮卑由此漸盛。屢寇東北諸郡。殺掠人畜無算。安帝永寧中。其酋長其至鞬勢強。屢寇北邊諸郡。數破南匈奴兵。桓帝時代。其大人檀石槐在位。勇健有智略。部落畏服。乃施法禁。平曲直。其下無敢犯者。諸部推爲共主。立庭于彈汗山。獸仇水上。去高柳北三百餘里。南抄緣邊。北拒丁零。東卻夫餘。西擊烏孫。盡據匈奴故地。東西萬四千餘里。鮮卑勢驟張。自分其地爲三部。從右北平以東。至遼東。接夫餘濊貊。二十餘邑爲東部。從右北平以西。至上谷。十餘邑爲中部。從上谷以西。至燉煌烏孫。二十餘邑爲西部。各置大人領之。朝廷患其強。遣使持印綬。封爲王。欲與和親。檀石槐不肯受。屢寇幽州并州諸郡。沿邊皆受其禍。朝廷以李膺、張奐、皇甫規相繼爲度遼將軍。以拒之。尋遣護烏桓校尉夏育出高柳。破鮮卑中郎將田晏出雲中。使匈奴中郎將臧旻出雁門。各將軍萬騎。分道擊檀石槐。檀石槐命三部大人。各帥衆拒戰。漢兵敗績。死亡甚衆。育等僅以身免。靈

帝光和四年。西歷紀元一八一年檀石槐殂。子和連代立。才力不及父。而貪淫。出攻北地。中流矢卒。子騫曼幼。兄子魁頭代立。後騫曼長。與魁頭爭國。衆遂離散。鮮卑勢稍衰。而漢亦虛耗矣。

已而中國內部分裂。魏、蜀、吳、三國鼎峙。互訐者六七十年。鮮卑乘勢暗長潛滋。各養勢力於塞外。以爲逐漸南下之預備。晉室統一中國。一時中國內部。仍集權於中央。而對外之抵抗力驟弱。司馬氏以無道得天下。武帝荒淫。惠帝昏闇。賈后盜弄國柄。驕恣專橫。內行不修。弑姑殺子。誅戮大臣。釀成八王之亂。匈奴劉氏乘機叛亂。滅西晉之帝室。於是鮮卑之慕容氏據遼東。段氏據遼西。宇文氏據東蒙。拓跋氏據代郡。與匈奴遺族劉氏、石氏競爭黃河流域。慕容氏國最強。併吞段氏、宇文氏、領土。剪滅後趙。略取黃河中流下流流域。建國號曰燕。是爲前燕。其同族吐谷渾分部西下。略取洮西及青海東部。建國號曰吐谷渾。圖伯特族之前秦符氏勃興。滅前燕。略取黃河流域全土。淝水敗後。前燕遺族慕容垂起兵據河北。是爲後燕。慕容沖起兵略關中。是爲西燕。後燕衰亡。其遺族慕容德復起兵據山東。是爲南燕。此外若乞伏氏、禿髮氏。各以兵分據黃河上流。建國號曰西秦。曰南涼。皆鮮卑部落之錚錚者也。其後拓跋氏勃興於山西。滅後燕、大夏、北燕、北涼等國。黃河流域全土。皆入於鮮卑人之手。遂建立大帝國。與漢族南北對峙矣。

第二章 匈奴餘燼之復熾

外蒙古中部地方。爲匈奴民族根據地。自戰國末年。併吞內外蒙古。建立遊牧大帝國。與漢族南北對峙。歷秦及漢。百有餘年。常爲中國北邊大患。軍臣單于以後。數受漢兵攻擊。國勢漸衰。呼韓邪單于以後。降爲漢室屬國。臣隸於漢。南北匈奴分裂以後。南匈奴降漢。內徙五原。北匈奴爲漢所破。奔避阿爾泰山以西。逐漸移入歐洲大陸。其後南匈奴苗裔劉淵。據黃河東岸爲根據地。乘晉室之衰。攻破洛陽。長安。滅西晉之帝室。略取黃河中流流域。建國號曰前趙。尋爲後趙所滅。其遺族赫連勃勃。復取黃河上流。建國號曰大夏。北匈奴苗裔亞伯特。(Atpad) 亦取匈牙利爲根據地。乘歐洲中古混亂時代。略取東歐一大部分。建立王國。與神聖羅馬帝國對峙。其後大夏衰亡。南匈奴遺民多同化於漢族。匈牙利第二王朝末年。亦與奧國合併。兩部皆以北方游牧民族。建國於歐亞兩洲文明區域之中心點。而皆爲文明民族所同化。顧南匈奴被漢族同化以後。其遺族已全數化爲漢人。北匈奴被日耳曼族同化以後。猶保守國粹。至今未墜。不可謂非歐亞兩洲民族之特色也。茲述其事蹟如左。

第一節 南匈奴之南侵與西晉之淪滅

南匈奴自屯屠何單于在位。與漢連兵破北匈奴。屯屠何在位六年。以漢和帝永元五年西歷紀元九三年。單于宜弟安國立。無令譽。單于適之子師子。時爲左賢王。素勇黠多智。前單于宣及屯屠何皆愛其氣決。數遣將兵出塞。掩擊北庭。有功。還受賞賜。朝廷亦加殊異。由是國中盡敬師子。而不附安國。安國嫉師子。欲殺之。師子覺其

謀。乃別居五原界。使匈奴中郎將杜崇與安國不相能。乃與度遼將軍朱徽密謀。請於朝廷。殺安國。立師子。是爲亭獨尸逐侯鞬單于。降胡十五部二十餘萬人皆反。脅立前單于屯屠何子薁鞬日逐王逢侯爲單于。殺略吏民。欲度漠北。朝廷遣車騎將軍鄧鴻等。與南單于及烏桓、鮮卑、聯軍破走之。逢侯率衆出塞。漢兵不能追而還。

亭獨尸逐侯鞬單于在位四年。以漢和帝永元十年西歷紀元九十八年。單于長之子檀立。爲萬氏尸逐鞬單于。安帝

永初三年。檀信漢降人韓琮言。舉兵反。圍中郎將耿种于美稷。朝廷遣度遼將軍梁慄等擊破之。檀懼。請降。是時鮮卑酋長其至鞬勢強。自將萬餘騎攻南匈奴于曼柏。薁鞬日逐王戰死。殺千餘人。檀在位二十七年。以

漢安帝延光三年西歷紀元一二四年。弟拔立。是爲烏稽侯尸逐鞬單于。鮮卑數來侵。單于憂恐。上書乞修復朔方以

西障塞。詔緣邊諸郡增置步兵。列屯塞下。以衛南匈奴。

順帝永建三年西歷紀元一二八年。拔列弟休利立。是爲去特若尸逐於單于。部下首長句龍王吾斯、車紐等反。寇西河。

殺朔方代郡長史。度遼將軍馬續等擊破之。朝廷遣使責讓單于。單于本不預謀。乃脫帽避帳謝罪。中郎將陳龜以單于不能制下。逼令自殺。吾斯等立車紐爲單于。東引烏桓。西收羌胡等數萬人。侵掠并涼、幽、冀、四州邊境。北鄙騷然。使匈奴中郎將張耽擊車紐。破之。車紐乞降。而吾斯猶寇掠如故。漢安元年西歷紀元一四二年。朝廷立南匈奴守義王兜樓儲。爲呼蘭若尸逐就單于。使匈奴中郎將馬實遣刺客殺吾斯。其黨左薁鞬臺耆且渠伯

德等。仍寇掠美稷。桓帝建和元年。西歷紀元一四七年兜樓儲殂。伊陵尸逐就單于居車兒立。延熹元年。南匈奴諸部並叛。與烏桓、鮮卑寇緣邊九郡。朝廷以陳龜爲度遼將軍。擊破之。

居車兒在位二十五年。以漢靈帝熹平元年。西歷紀元一七二年殂。子某立。爲屠特若尸逐就單于。靈帝熹平六年。西歷紀元一八七年

七年受朝廷命。與中郎將臧旻出雁門。擊鮮卑檀石槐。大敗而還。是歲殂。子呼徵立。與中郎將張修不相能。在位二年。修檀斬之。更立右賢王羌渠爲單于。修以專擅。檻車徵詣廷尉抵罪。中平四年。前中山太守張純反。

率鮮卑寇邊郡。詔發南匈奴兵。配幽州牧劉虞討之。單于遣左賢王將騎詣幽州。國人恐發兵無已。次年中平五年

西歷紀元一八八年右部醯落反。與休屠各胡合。凡十餘萬人。攻殺羌渠。國人立其子於扶羅爲持至尸逐候單于。國人殺其父者懼誅。遂叛。共立須卜骨都侯爲單于。於扶羅詣闕自訟。會靈帝崩。天下大亂。於扶羅遂止於平陽。須

卜骨都侯立一年而殂。南庭遂虛其位。以老王行國事。獻帝興平二年。西歷紀元一九五年於扶羅卒。弟呼廚泉立。仍居平陽。建安二十一年。西歷紀元二一六年入朝於魏。魏王操留之居鄴。使右賢王去卑監其國。單于歲給綿絹錢穀如列

侯。子孫傳襲其號。分其衆爲五部。各立其貴人爲帥。選漢人爲司馬以監督之。


以上所舉。自屯屠何至於扶羅。凡十二代百有十年間。南匈奴皆羈縻於漢。雖時有叛服。然事實上仍爲屬國。

非部民也。於扶羅末年。寄居中國。曹操當國。羈留呼廚泉。爲質於鄴。分其衆爲五部。居并州境內。此後南匈奴遺族始雜居中國內地。內外界限。逐漸混淆。南匈奴自謂其先本漢室之甥。因冒姓劉氏。於扶羅子左賢王豹

爲左部帥。部族最強。豹子淵幼而儁異。兼通文武。豹卒後。淵襲職。乘西晉八王之亂。略取并州北部。自稱漢帝。淵子聰。從子曜。皆梟傑。淵卒後。聰襲位。以曜爲大將。其後卒。破東西兩京。弑懷愍二帝。爲五胡亂華之禍首云。

南匈奴系統表

烏珠留若鞮留于囊知牙斯



- (十) 亭獨尸逐侯鞮單于師子四年
- (十一) 萬氏尸逐鞮單于檀二十七年
- (十二) 烏稽侯尸逐鞮單于拔四年
- (十三) 去特若尸逐就單于休利十三年
- (十四) 呼蘭若尸逐就單于兜樓儲五年

(十五)伊陵尸逐就單于居車兒——二十五年
 (十六)屠特若尸逐就單于某——六年
 (十七)呼徵——二年

(十八)羌渠——十年
 (十九)特至尸逐侯單于於扶羅——七年
 (二十)呼廚泉

第二節 北匈奴之西遷與西羅馬帝國之顛覆

自來人類社會一舉一動。動輒影響及於他社會。漢族勢力膨脹之結果。匈奴因而衰弱。此盡人所能知。至其間接之結果。則歐洲之羅馬帝國。受其影響。因而顛覆。此固人所不及料也。羅馬帝國。創始於奧古士都。至君士坦丁(Constatin)大帝時。隆盛達於極點。自是以後。日見腐敗。雖其間英主迭出。然羅馬危運。日迫一日。卒不能挽回也。君士坦丁晚年。分國爲五。以三子二姪分領之。君士坦丁殂後。國內復亂。君士坦提奴斯(Constantinus)帝復統一之。不久仍分爲二。自是以後。帝國時分時合。內訌不絕。以迄於亡。其致亡之遠因。固有數端。至其直接最近原因。則種族遷移(Migration of Races)是也。種族遷移之事。有史以前已有之。至近世爲尤甚。歐洲各國殖民地。徧於五洲。不過一種種族遷移而已。人情安土重遷。苟非大不得已。萬不肯遠適異國。然人口之增加速率大。物質之增加速率小。人口逐日增加。日用品逐日缺乏。生存競爭逐日劇烈。人民之一部分。迫於生活困難者。乃不得不求餬口於四方。由甲地移於乙地。乙地舊有之人民。必羣起而抵抗。抵

抗之而勝。則逐之出境。乙地人民無恙也。不幸而敗。則弱者隱忍屈服。爲之作奴隸牛馬。強者相率去而之他。由乙地移入丙地。掠取他族財產。爲自己之財產。壓服他族人民。爲自己之奴隸。失敗於甲者。取償於丙。丙地人民不服。復相率去而之他。由丙地移入丁地。由此展轉循環。成爲一種人類競爭之活劇。世界上大團體之衝突。往往由此種活劇演成。而炙手可熱。飛鳥不落。一時備極隆盛之西羅馬帝國。乃竟爲此劇犧牲矣。

先是東漢和帝永元年間。

西歷紀元一世紀之末

大將軍竇憲北伐。大破北匈奴兵。北單于遁走。不知所終。其弟於除鞬

自立爲單于。遣使求內屬。竇憲奏請遣使授於除鞬印綬。命中郎將任尙持節衛護。屯伊吾。如南單于故事。憲

旋以罪誅。於除鞬自畔還兆。詔遣將兵長史王輔。與任尙共追討斬之。破滅其衆。北匈奴餘燼復屯聚阿爾泰

山以西。永元十六年。遣使詣闕貢獻。請和親。修呼韓邪故約。帝以其舊禮未備。不許。次年。和帝崩。殤帝卽位。鄧

太后臨朝稱制。北匈奴重遣使詣燉煌貢獻。辭以國貧。未能備禮。願請大使。當遣子入侍。朝廷仍不許。北匈奴

知故地無恢復希望。乃輾轉西下。經過現今俄領吉利吉思(Kirgis)荒原。移入亞洲西北部。西歷紀元三世

紀之末。

西晉末年

逾烏拉河。(Ural River) 侵略窩瓦河(Volga River)

在烏拉河之西南流入裏海

流域。窩瓦河東岸有

芬族(Finno-Ugor)者。亦蒙古民族。懼匈奴兵勢。避之西下。四世紀之末。

東晉末年

渡窩瓦河。擊日耳曼族之東

哥德(East Goths)部。降之。復擊走西哥德部(West Goths)徙據其地。是爲種族遷移之始。

西哥德避兵南下。請降於東羅馬(East Roman Empire)移入帝國領內。東羅馬與以年金。使之捍禦北

方。尋叛。侵略馬其頓中部希臘、伊利里亞（Illyria）等地。到處蹂躪。西羅馬（West Roman Empire）發兵救東羅馬。擊西哥德。破之。西哥德復降。留居伊黎里亞。

當是時。芬人益西。侵略多瑙河（Danube River）流域。同地居民爲日耳曼族之萬達（Vandal）隋威（Suevi）阿蘭（Alan）三部落。避兵西下。越來因河（Rhine River）乘羅馬無備。通過高盧（Gaul）境。竄入西班牙。（Spain）同時日耳曼族之法蘭克（Frank）部落。亦屢犯高盧北部。西羅馬國務總理斯提利哥（Stilicho）乃議借西哥德兵。經略北方。斯提利哥本萬達部人。由傭兵出身。致位宰相。諸大臣疑其有異志。譖之於帝。殺之。西哥德復叛。闖入意大利半島。陷羅馬府。大掠而南。其酋長卒於途。嗣位之酋長與羅馬和。請於皇帝。願世守西班牙。爲國屏藩。是時西班牙已爲萬達、蘇威、亞蘭、三部所據。朝廷用以毒攻毒策。許之。西哥德兵轉鋒西下。攻入西班牙。擊三部兵。破之。滅亞蘭部。佔領高盧南部。及西班牙北部。奠都圖羅薩（Tolosae）建立西哥德王國。萬達部避兵南下。渡海至非洲。侵略非洲境內羅馬領土。佔加爾達額（Carthago）故地。建立萬達王國。獨蘇威部保有西班牙南部。與西哥德對立數十年。卒爲西哥德所滅。

當是時。芬族益強。其王阿的刺（Attila）剛勇果敢。略取東羅馬領內之匈牙利（Hungary）爲根據地。遣兵西下。有席捲歐洲之勢。西羅馬國務總理亞提厄士（Aëtius）襲斯提利哥故計。與西哥德、法蘭克、及日耳曼族之別部布爾更登（Burgundians）構和。起聯軍以拒之。西歷紀元四五一年。宋元帝元年大戰於加達勞。

尼亞 (Catalounian) 之平野。在今法國巴黎東北沙隆 Chalons 市附近西哥德兵最爲勇敢。盡力血戰。其王沒於陣。而芬兵卒敗。

乃轉鋒東下。侵入意大利半島北境。

當是時。亞提厄士總兵北伐。內地空虛。聞芬人驟至。朝廷大震。徵兵不及。乃用緩兵計。遣使議和。東羅馬聞西羅馬危急。發兵攻匈牙利以救之。阿的刺恐根據地有失。急遽許和。班師回救。尋欲移兵攻東羅馬。未及起程而卒。芬部瓦解。

由來北方民族。其政治能力。社會組織能力。遠不如南方民族。而體力雄壯。富於戰鬥力及忍耐性。有大英雄起。糾合各族。率之南下。建立大帝國。亦甚易。然人存政舉。人亡政息。國民全體程度不足。徒恃奉戴一二英雄爲君主。勢不能持久也。阿的刺卒後。繼起者無大英雄。全國瓦解。各部落多叛而獨立。日耳曼族之加比達 (Capides) 東哥德倫巴 (Longobards) 等部。皆降附東羅馬。徙居內地。

當是時。西羅馬國務總理亞提厄士。歷相二帝。威權甚重。西羅馬帝忌而殺之。其部下之日耳曼族傭兵叛。弑帝。萬達王以代平內亂爲名。率師渡海。陷羅馬府。大掠而歸。西羅馬混亂滋甚。日耳曼傭兵日益跋扈。西歷紀元四七六年。宋後廢帝元徽四年傭兵隊長鄂多瓦 (Odoaker) 遂廢西羅馬皇帝。自立爲意大利王。西羅馬帝國遂亡。

羅馬帝國自奧古士都卽位。至鄂多瓦篡立。統計五百零三年。紀元前二七年至紀元四七六年西羅馬亡。東羅馬孤立東方。

又歷九百七十七年。至西歷紀元一千四百五十三年。始爲突厥民族之鄂多曼土耳其(Ottoman Turkey)人所滅。

自是以後。北匈奴遺族日益西下。紀元八九五年。唐昭宗乾寧二年其別部馬加(Magyars)人之酋長亞伯特始侵入匈牙利。屢與神聖羅馬帝國(Holy Roman Empire)衝突。紀元一千年。宋真宗咸平三年亞伯特之裔孫聖士提芬(St. Stephen)始稱王。是爲黃色人種在歐洲建立王國之始。一三〇一年。元成宗大德五年亞伯特王朝衰亡。安儒(Aujan)王朝成立。一五二六年。明嘉靖五年爲鄂多曼土耳其人猛攻。勢殆不支。始與奧國(Austria)合併。奉戴奧王斐的南(Ferdinand)爲君主。是爲奧匈雙立君主國之始。

第三章 氏羌二族勢力之膨脹

第一節 氏羌之民族及風俗

當東漢中葉以後。東北方面。匈奴東胡遺族。紛爭擾攘之時。西方亦有異民族出現。曰氏。曰羌。二族皆屬西藏族。其舊地在今青海、西藏。南接蜀漢徼外蠻夷。西北接鄯善、車師諸國。所居無常。依隨水草。地少五穀。以產牧爲業。其俗氏族無定。以父名母姓爲種號。十二世後。相與婚姻。父沒則妻後母。兄亡則納嫠嫂。故國無繆寡。種

類繁熾。不立君臣。無相長一。強則分種爲酋豪。弱則爲人附落。更相抄暴。以力爲雄。殺人償死。無他禁令。其兵長在山谷。短於平地。不能持久。而果於觸突。以戰死爲吉利。病終而不祥。堪耐寒苦。雖婦人產子。亦不避風雪。性堅剛勇猛。得西方金行之氣焉。

第二節 先零羌與燒當羌之猖獗

先是西周末年。西藏族異常猖獗。其種族以戎爲代表。侵入陝西渭水流域。後經嬴秦掃蕩。聲氣消沈者數百年。漢武帝元鼎五年。西羌反。次年討平之。是爲羌人出現之始。昭帝元鳳元年。武都氏人反。遣兵擊之。是爲氏人出現之始。武帝開河西四郡。隔絕羌與匈奴相通之路。斥逐諸羌。不使居湟中。湟水出青海源縣東。流至甘肅蘭州入黃河。於是西寧邊外入於漢。宣帝卽位。遣義渠安國行邊。先零羌言願時度湟水北。逐民所不田處畜牧。朝廷恐其與匈奴聯絡。不許。已而先零與諸羌種豪解仇交質。羌侯狼何遣使至匈奴借兵。欲擊鄯善、敦煌。以絕漢道。朝廷知其謀。復遣安國行邊。安國至羌中。召先零諸豪尤桀黠者斬之。羌人皆怨。歸義羌侯楊玉遂反。安國兵敗。失亡甚衆。詔遣後將軍趙充國將兵擊羌。屯田湟中。用堅壁清野計以老其師。羌人大困。羌若零等斬楊玉以降。置金城屬國以處其衆。

王莽專政。收西羌地。置西海郡。徙罪人實之。羌人怨莽奪其地。遂反。其後諸羌入居塞內。金城屬縣多爲所有。光武卽位。隗囂利用羌兵以與漢相拒。光武平囂。置護羌校尉。以牛邯領之。鎮撫西方。西方局面稍定。

已而烏桓、鮮卑、及南匈奴相繼變亂。東北騷然。羌人乘勢亦勃起於西方。侵略雍州、涼州境。焚掠及於三輔。燒當先零二族最強。東漢初年。燒當羌酋滇良擊破先零。奪取大小榆谷。在今甘肅導河縣。即爲根據地。滇良卒。子滇吾。孫迷吾。號吾。曾孫迷唐。相繼爲河西隴右患。朝廷拜鄧訓爲護羌校尉。以威信招撫諸羌。諸羌多降。迷唐走青海。訓薨。復來入寇。護羌校尉貫友襲破大小榆谷。迷唐走。賜支河曲。依發羌。貫友卒。嗣任者非將帥才。迷唐勢遂猖獗。朝廷連年征討。數易將帥。迄無勝算。迷唐死。其禍乃已。是爲燒當羌猖獗時代。和帝永元十四年。西歷紀元一〇二年。險廩相曹鳳上言。「自建武以來。西羌犯法者。常從燒當羌起。所以然者。以其居大小榆谷。土地肥美。有西海魚鹽之利。阻大河以爲固。又近塞內諸種。易以爲非。難以攻伐。故能強大。常雄諸種。恃其拳勇。招誘羌胡。今者衰困。遠依發羌。臣愚以爲宜及此時。建復西海郡縣。規固二榆。廣設屯田。隔絕羌胡交關之路。又殖穀富邊。省委輸之役。國家可以無西方之憂。」云云。上從之。繕修故西海郡。徙金城西部都尉以戍之。拜鳳爲金城西部都尉。屯龍耆。增廣屯田。列屯夾河。合三十四部。於是青海東部。漸入漢族勢力範圍。元興元年。西歷紀元一〇五年。和帝崩。逾年。安帝立。西方郡縣更凌虛諸羌。諸羌復叛。詔車騎將軍鄧騭。征西校尉任尙。將兵屯漢陽。今甘肅南部。即故鞏昌府附近。以備羌。先零羌酋滇零大破任尙兵。僭稱天子。寇抄三輔。南侵益州。殺漢中太守。東侵河東。至河內。漢兵不能制。詔徙緣邊郡縣於內地以避寇。命北軍中候朱寵。將兵防河。於是雍、涼、境內郡縣多陷。滇零死。子零昌立。與同族狼莫、漢陽人杜季貢連兵爲寇。漢兵多敗。詔中郎將任尙屯三輔。懷令虞詡。

說尙以一虜騎吾步勢不相及宜罷遣步兵多練騎卒始克有濟」尙從之。於是漢兵始有起色。已而任尙與度遼將軍鄧遵用暗殺計重賂募羌人刺殺零昌狼莫杜季貢等。先零羌之勢始戢。是爲先零羌猖獗時代。計滇零父子叛亂凡十餘年。軍旅之費凡用二百四十餘億。府庫空竭。邊民及內郡死者不可勝計。并涼二州遂至虛耗。

建光元年。西歷紀元一〇一年燒當羌復叛。其酋麻奴寇湟中。護羌校尉馬賢擊破之。麻奴死。弟犀苦立。其同族那離與諸羌作亂。屢寇涼州諸郡。馬賢擊斬之。燒當羌之勢稍戢。朝廷以來機爲并州刺史。劉秉爲涼州刺史。鎮撫西北方。機等虐刻多所擾發。永和四年。西歷紀元一三九年諸羌復叛。攻金城。寇武都。燒隴關。掠苑馬。殺害長吏。朝廷以馬賢爲征西將軍。將兵十萬屯漢陽以備之。六年正月。賢軍敗績。賢與二子皆沒於陣。諸羌都大熾。寇三輔。燒園陵。殺略吏民。詔武都太守趙冲督河西四郡兵。車騎將軍張喬將兵屯三輔。東西分道以拒之。尋罷喬兵。以趙冲爲護羌校尉討羌。冲忠勇善戰。屢破羌兵。卒中伏沒於陣。而羌人亦虛耗。左馮翊梁並以恩信招誘叛羌。叛羌皆降。隴右復平。計西羌叛亂經年。費用至八十餘億。諸將多朘削軍士以自肥。於是關隴爲墟。野有暴骨矣。桓帝永壽二年。西歷紀元一五六一年諸羌復反。屢寇雍州涼州諸郡。詔護羌校尉段熲中郎將皇甫規張奐前後持節督諸軍以討之。規西州豪士。威信過人。以恩義招撫諸羌。諸羌多降。規在軍二年。前後降者數十萬人。以讒去職。羌人之勢復熾。朝廷乃以西事專付段熲。熲治軍嚴整。撫士卒有恩。善以寡擊衆。前後二次爲護羌校尉。在軍

十年。延熹八年。大破西羌。凡斬首二萬三千級。獲生口數萬人。降者萬餘落。西羌平。靈帝建寧二年。復大破東羌。凡大小百八十餘戰。斬首三萬八千餘級。獲雜畜四十二萬七千餘頭。東羌亦平。於是塞內諸羌皆降。西方無警。

當是時。西北連年用兵。朝廷自保不暇。無餘力以經略西域。陝甘諸郡相繼淪陷。東西交通孔道中斷。於是西域瓦解。西方漢室威靈掃地盡矣。

第三節 氏羌二族全盛時代

已而三國分裂。氏羌二族住居地與魏蜀接近。二國爭欲引爲援。時常發生國際關係。晉室統一中國以後。武力廢弛。鮮卑、匈奴、民族侵入東北方。占領黃河中流下流流域。建立大國時。氏羌二族亦勃起於西方。侵略黃河上流流域。其中嶄然露頭角者。曰仇池楊氏。略陽苻氏。南安姚氏。略陽呂氏。皆爲五胡十六國中之錚錚者云。

第四章 朝鮮三國之對峙

西漢盛時。略取朝鮮半島北半部爲郡縣。維持勢力將及百年。東漢衰微。東胡遺族烏桓、鮮卑。侵入中國東北

部紛爭擾攘之時。純粹之通古斯民族。亦侵入朝鮮半島。建立高句驪、百濟、兩王國。與韓民族建立之新羅王國對峙。高句驪國西歷紀元前三七至紀元六六八年全盛時代。鴨綠江流域悉入版圖。同時百濟國西歷紀元前一八至紀元六六六年勃興於西方。占領馬韓故地。新羅國西歷紀元前三七至紀元九三七年勃興於東方。占領辰韓故地。三國鼎峙於半島。對內取合縱連橫策。互相攻擊。時常構兵。對外取遠交近攻策。謹事中國及日本。借大國之威靈。遙爲援助。對立者垂七百年。史稱之曰三國。或曰三韓。踵舊名也。三國之建國。俱在西漢末年。界居西漢郡縣及辰、弁、馬、三韓諸小國之間。其細已甚。其後逐漸發展。至三國六朝時代。併吞中國郡縣及朝鮮諸小國。瓜分半島全部。始蔚然成爲大國。輸入中國文明。開半島之風氣。一時號稱東方禮義之國。

第一節 新羅之建國

相傳辰韓十二國之中。有斯盧者。爲新羅國前身。始祖姓朴。名赫居世。號居西干。居西干者。辰韓語王之謂也。建都於金城。道即今慶尚北道之慶州在位六十一年。殂。子南解。次次雄立。次次雄者。辰韓語巫之謂也。古者政教不分。君主皆兼教主。故以巫稱君主。南解之時。有昔脫解者。自海外來歸。王深信用之。妻以長女。王殂。遺詔朴昔二姓之中。以年長者嗣位。脫解有德望。南解子儒理以王位讓之。脫解固辭不受。儒理卽位。稱尼師今。尼師今者。辰韓語齒理之義也。相傳儒理讓位於脫解時。脫解曰。「神器非庸人所能堪。吾聞聖智之人齒多。」乃相與嚙餅以試之。已而儒理之齒多。遂卽位。故稱尼師今。此後十六代間。皆以尼師今爲王號。

儒理在位三十四年殂。昔脫解卽位。於是王統歸於昔氏。改國號曰雞林。相傳金城之西。有林曰始林。王夜聞林有雞鳴聲。晨遣大臣瓠公往視之。有金色小犢懸於樹間。白雞鳴於其下。因取犢以歸。內藏一兒。姿容瑋異。王養以爲子。賜姓名曰金闕智。闕智者。辰語小兒之謂也。因改國號曰雞林。王殂。朴昔二氏代立。傳娑婆祇摩、逸聖、阿達羅、皆朴姓儒理之後伐休、奈解、助賁、沾解、皆昔姓脫解之後八尼師今。而至味鄒。味鄒者。助賁之婿。金闕智五世孫也。於是王統歸於金氏。味鄒殂後。朴昔金三氏更迭代爲君主。雍容揖讓。史書上絕不見有相爭事迹。亦世界之所無也。

以上所舉諸王。大抵用心民事。整理內政。蠶食近傍各小部落。國勢漸張。味鄒殂後。傳二代至基臨尼師今。其時樂浪、帶方、二郡尙存。新羅僻處東南。與高句驪不接境。競爭不劇烈。故民力易於休養。國富日裕。

新羅建國年代。舊史稱爲漢宣帝五鳳元年。實西歷紀元前五十七年。日本神武天皇紀元六百零四年也。但實際上尙略遲數十載。大約當在西漢末年。與高麗建國前後略等。新羅僻處南方。與大陸交通不便。故見於中國史獨遲。

第二節 高句驪初年漢領四郡形勢之變化

東漢初年。高句驪勃起於岡門江流域。屢寇朝鮮半島北面之漢室領土。玄菟、臨屯、真番、三郡舊境相繼淪陷。唯樂浪郡尙有朝廷守。朝廷徙玄菟郡於鴨綠江西。靈帝中平六年。西歷紀元一八九年公孫度起玄菟小吏。爲遼東太

守。乘中國內亂。竊據遼東。東伐高句驪。西擊烏桓。越海收東萊諸縣。置條州刺史。於是遼東半島及朝鮮半島西北部。悉爲公孫氏所據。分樂浪爲二郡。其南部漢江流域爲帶方郡。北部鴨綠江流域仍爲樂浪郡。於是漢族勢力。益膨脹於半島內。獻帝建安九年度卒。子康嗣。康卒。子淵幼。弟恭代立。淵長。脅奪恭位。後主建興六年。魏以淵爲遼東太守。淵數與吳交通。魏遣兵攻之。不克。淵尋自稱燕王。置百官。誘鮮卑以擾北方。延熙元年。西歷紀元二三八八年魏遣太尉司馬懿擊之。次年克襄平。殺淵。遼東玄菟、樂浪、帶方、四郡皆平。於是鴨綠江流域入於魏。

第三節 高句驪之勃興與漢領四郡之淪沒

已而高句驪強盛。朝鮮半島上中國領土。俱爲所有。相傳新羅建國後。越二十年。而高句驪國興。高句驪者。國於今朝鮮平安道北部。西抵奉天東部。跨鴨綠江立國。史稱玄菟郡北千里有國曰夫餘。亦通古斯民族。相傳其上金蛙。嘗得河伯女。爲日所照而有娠。生有一大卵。有一兒破殼而出。王欲棄之。不得。因以還其母。母撫育之。及長。骨格甚偉。尤善射。名之曰鄒牟。鄒牟者。通古斯語善射之謂也。夫餘人嫉其才能。謀殺之。其母以告鄒牟。鄒牟東南走。中途遇一大水。欲濟。無梁。追兵甚急。鄒牟告水曰。「我是日子。河伯外孫。今追兵甚急。如何得濟。」於是魚鼈爲之成橋。鄒牟得渡。魚鼈乃解。追者不能及。遂至卒本扶餘。在鴨綠江。今名富爾溝。上箕都於紇升骨城。以高爲氏。國號高句驪。或略之稱曰高麗。是爲高麗創國之始。鄒牟二字。後漢書扶餘傳北史百濟傳作東明。北史高麗傳作朱蒙。日本古史復稱之曰都慕。或曰仲牟。皆同音異譯也。大抵扶餘古國。在

今吉林吉長道故長春府附近。其建國與漢代同時。頗開明進化。其王子得罪於本國。東南奔至鴨綠江流域立國。是爲高麗之始祖。故史書傳其逸事。高句驪之地名。始見於漢書。武帝滅朝鮮時。曾置高驪句爲縣。大抵高句驪係古代部落名。而鄒牟或因之以爲國號云。

鄒牟建國之年代。史稱爲漢元帝建昭二年。實西歷紀元前三十七年。日本神武天皇紀元六百二十四年也。

鄒牟子類利立。是爲瑠璃明王。徙都國內城。在今鴨綠江上流西岸洞溝附近適值王莽篡漢。發高麗兵擊匈奴。王不奉命。

莽怒。更名高句驪王爲下句驪侯。命嚴尤等伐之。不克。王怒。數寇漢邊。傳四世。至太祖大王宮。西歷紀元四一四至一四六雄

武有志略。在位九十四年。與東漢明帝、章帝、和帝、安帝、順帝同時代。是時漢勢漸衰。玉乘勢東伐沃沮。西侵玄

菟。遼東屢破漢兵。殺漢遼東太守蔡諷。擴張國境。東至滄海。今日本海南至薩水。今清川江國勢日盛。王弟遂成有寵。

擅威福。陰懷異志。王老耄不能制。遂傳位於遂成。是爲次大王。在位二十年。爲其臣明臨答夫所弑。羣臣迎立

王弟伯固。是爲新大王。傳子伊夷模。是爲故國川王。王英明善治國。聘處士乙巴素爲相。撫恤窮民。立賑貸之

法。國政大修。適值漢室衰微。羣雄擾攘。公孫度父子據遼東。屢破高麗兵。一時對外勢力。未能發展。王殂。后於

氏矯遺命。立王弟延優而自嫁之。是爲山上王。徙都九都。在鴨綠江西岸洞溝西北板石嶺上距舊都甚遠山上王殂。子東川王立。

取遠交近攻政策。交通孫吳。稱臣受封冊。魏遣使來詰責。王不得已。斬吳使首。獻之於魏。遂與吳斷絕國交。適

值魏太尉司馬懿擊遼東。王遣兵助戰。滅公孫氏。已而王侵魏。攻遼西、安平。蜀漢後主延熙九年。魏齊王芳正始七年西歷

紀元四十六年。魏幽州刺史母丘儉以兵萬人來攻。大戰於沸流。王兵敗績。王僅以身免。儉攻破丸都。刻石紀功而還。王復歸於丸都。修明庶政。國人懷之。王殂。子中川王。孫西川王。曾孫烽上王。相繼在位。適值魏亡晉興。中國復歸於一統。鮮卑民族勃起於北方。勢力強大。烽上王時代。鮮卑酋長慕容廆屢來侵擾。境內連年饑饉。人民流離失所。王大興土木。不恤民隱。國人怨之。國相倉助利廢王。迎王弟咄固之子乙弗於民間而立之。是爲美川王。適值西晉衰微。五胡並起。中原鼎沸。漢民族之勢力不及於東方。王乘機蠶食玄菟。在遼東之北。非舊地也。樂浪等郡。盡有鴨綠江流域。西與慕容燕比鄰。對中國關係日益複雜。

第四節 百濟之勃興與箕氏馬韓之淪滅

高句驪建國後。越二十年。而百濟國興。百濟王室與高麗同族。始祖溫祚王。高麗王鄒牟之子也。先是鄒牟初至卒本扶餘時。娶其王女爲妻。生二子。長曰沸流。次曰溫祚。已而鄒牟爲王。立本國前妻所生之子類利爲太子。二子恐異日不能相容。乃南奔負兒嶽。今名三角山。在朝鮮京城之北。沸流擇居於彌鄒忽。今朝鮮京畿道仁川。溫祚擇居於慰禮城。在今京畿道漢江之北。相度地勢。招集戶口。開闢草萊。馬韓王割東北百里之地以封之。加以保護。已而慰禮城附近。地利日闢。人口日繁。彌鄒忽卑溼。不宜於居住。沸流鬱鬱憂憤而卒。其臣民皆歸慰禮城。溫祚之勢力日盛。乃建國號曰百濟。百濟者。舊作伯濟。馬韓五十四國之一。溫祚因其舊名爲國號也。以扶餘爲姓。因與高句驪同出於扶餘王族故也。其建國年代。史稱爲漢成帝鴻嘉三年。實西歷紀元前十八年。日本神武天皇紀元六百四

十三年也。

溫祚王在位。與漢之樂浪太守修好。尋失和。屢起兵爭。乃避強攻弱。徙居漢江之南。都於漢山。今京畿道廣州以避中國之壓力。遣使於馬韓。定疆域。乘箕氏之衰弱。一舉滅之。其後經多婁王、已婁王、蓋婁王、肖古王、仇首王、古爾王、責稽王、汾西王、比流王、契王、十代、三百餘年。逐漸南下。蠶食馬韓全部。國勢日益發展。古爾王時代。魏樂浪、帶方、兩太守。與幽州刺史王丘儉。連兵伐高麗。王乘機襲樂浪。不克。責稽、汾西、兩代。皆爲中國兵所敗。兩王見殺。其時百濟勢力雖漸張。尙不能與中國抗也。

第五節 任那之建國

當三國對峙於三方。各以武力競爭。蠶食其傍各小部落時。三韓諸部落。次第剪滅殆盡。其歸然獨存者。惟駕洛一國。卽日本古史之任那。

駕洛密作伽耶。或作加羅。或作狗邪。皆同音異譯也。史稱其始祖爲金首露。始建國在今慶尙南道金海郡。其後逐漸擴張。分全國爲五。號五伽耶。以同族五人分主之。卽阿羅伽耶、今慶尙南道咸安郡古寧伽耶、今慶尙北道咸昌郡星山伽耶、今慶尙北道星州大伽耶、今慶尙北道高靈郡小伽耶、今慶尙南道固城郡是也。其地總稱曰駕洛。卽古代弁韓故地。後隸於日本。號稱任那十國。其國在新羅西南。與新羅接境。兩國關係尤密。大伽耶一名任那。在五部之中央。爲日本都護府駐在地。與日本關係最密。日本崇神天皇時代。任那乞兵於日本。日本遣鹽乘津彥命戍任那。此後任那羈縻於

日本者垂數百年。卒於西歷紀元五百六十二年。中國陳文帝天嘉三年日本欽明天皇二十三年爲新羅所攻沒。其建國年代。史稱爲漢光武帝建武十八年。卽西歷紀元四十二年。日本神武天皇紀元七零零二年也。疆域雖褊小。音樂發達獨早。可知其國人民非盡土著。其文化乃自外來者也。

第六節 高麗百濟內部之競爭及其對中國之關係

當時。樂浪以北爲高麗所據。帶方以南爲百濟所吞。大關嶺以東地方爲新羅所併。三國鼎峙於半島。除駕洛以外。悉入其勢力範圍。高麗地最廣。兵最強。有凌駕二國之勢。其遲遲不敢南下者。非畏二國兵威。實懼中國之議其後也。是時慕容氏崛起於東蒙。據遼東遼西立國。屢侵高麗。高麗美川王殂。故國原王卽位。慕容廆之子皝。奠都龍城。今奉天義縣卽故錦州府義州稱燕王。國勢日強。與高麗接境。有連雞不同棲之勢。東晉成帝咸康八年。西歷紀元三四二年燕王皝九年故國原王十一年燕王皝自將勁兵四萬出南道。別遣長史王寓等將兵一萬五千出北道。伐高麗。北道平闊。南道險阻。王輕南重北。遣弟武將精兵拒北道。自將羸卒拒南道。爲燕兵所乘。敗績。王僅以身免。皝遂破丸都。發王父美川王墓。載其尸。囚王母及王妃。虜獲男女五萬餘口。毀丸都城而還。王不得已。稱臣於燕。次年。王入朝於燕。燕歸王父尸。留王母爲質。燕王皝殂。子儁嗣位。王復遣使納質入貢以請王母。燕人許之。因授王征東大將軍。營州刺史。封樂浪公。高句麗王。是爲高麗受中國封冊之始。時晉穆帝永和十二年。西歷紀元三百五十六年。燕王儁元璽五年。故國原王二十五年也。

已而燕王儁殂。太子辟立。幼弱不能治事。皇族太傅評專政。評貪婪愚昧。國勢驟衰。前秦王苻堅攻滅之。高麗乘勢西侵。悉取遼河以東地。復南向略地。三十九年。百濟近古王二十四年王親率師二萬侵百濟。是時百濟比流王第二子近肖古王在位。國力充實。擊退高麗兵。次年。自將精兵三萬。伐高麗。圍平壤。故國原王力戰。中流矢而殂。近肖古王旋師。徙都北漢山。即漢城在三角山腹之北以逼高麗。王殂。近仇首王、枕流王、辰斯王相繼在位。與高麗之小獸林王、故國壤王同時代。二國時常構兵。互有勝負。

第七節 中國文明與佛教文明之東漸

當是時。五胡十六國。更迭雲擾中原。黃河流域糜爛不堪言狀。高麗、百濟亦年年構兵。半島民族純爲武裝之生活。無暇研究文化。顧大陸與半島之交通。受戰爭影響。日益頻繁。中國文化逐漸輸入半島。朝鮮受其影響。凡百事物。煥然一新。其餘風渡海。遂開日本之文化。此亦意外之結果也。茲述其概略於左。

高麗小獸林王元年。秦王苻堅建元八年晉簡文帝咸安二年西歷紀元三七二年秦王苻堅遣使送浮屠順道及佛像經文於高麗。尋僧阿

道來朝。創立肖門寺以居順道。創立伊弗蘭寺以居阿道。是爲佛教入高麗之始。同時創立大學。以教育子弟。頒布律令。以一國家之法制。於是高麗文化蒸蒸日上。

同時百濟亦由海上與東晉交通。近肖古王二十七年。即高麗小獸林王元年遣使朝晉。三十年。得博士高興。於是百濟

始有書記。枕流王元年。東晉孝武帝太元九年西歷紀元三八三年胡僧摩羅難陀自晉來朝。王迎入宮中。禮敬甚至。次年。創立佛

寺於漢山。度僧十人。是爲佛教入百濟之始。後於高麗者凡十二年。於是百濟文化。亦蒸蒸日上。百濟遣使於晉之後五年。新羅奈勿尼師今在位。亦遣使通好於秦。其後經過四五十年。佛教始由高麗輸入。新羅被中國文化最晚。此亦地理上之限制。若或使之者也。

第八節 三國內部之和戰與日本勢力之侵入

當朝鮮三國內訌之時。日本勢力亦乘隙侵入。先是漢獻帝建安五年。西歷紀元二〇〇年日本神功皇后自將伐新羅。克之。設都護府於任那。一時新羅、百濟皆羈縻於日本。百濟近肖古王殂。三傳至辰斯王。無禮於日本。日本遣將軍紀角擊之。國人弑王以謝。紀角立枕流王之子阿花爲王。是時高麗故國壤王子廣開土王在位。雄武善用兵。自將水軍伐百濟。拔五十城。阿花王大徵兵馬。欲伐高麗以報怨。國民苦兵役。多亡奔新羅者。遂不果。自是以後。五十餘年間。高麗對百濟戰爭。一時中止。適值前秦衰亂。後燕勃興。高麗與後燕比鄰。衝突在所不免。廣開土王殂。子長壽王璉立。後燕亦衰。爲後魏所攻。去黃河流域。移居龍城。號稱北燕。後魏伐燕。燕王弘奔高麗。高麗殺之。北燕亡。於是高麗西方與魏接界。

是時五胡十六國。分離合併。逐漸衰滅。黃河流域爲後魏所統一。與南朝對峙。長壽王取遠交近政策。與後魏修好。以絕後顧之患。兩國使臣往來頻繁。後魏優待高麗。外國使署位次。以南朝爲第一。高麗次之。

是時百濟通好於南朝。受東晉封冊。借大陸帝國之威靈。遙爲援助。長壽王乃通好於南朝。受封冊以抵制之。

徙都平壤以逼百濟。百濟阿花王殂。傳直支王、久爾辛王、毗有王。與高麗釁隙日深。毗有王殂。蓋鹵王立。遣兵伐高麗。復遣使至後魏。乞出兵夾攻。魏不許。高麗長壽王遣浮屠道琳至百濟。遊說蓋鹵王。勸之崇大宮室。妄興不急之土木以耗其財。於是百濟倉廩日空。人民日貧。財政困難達於其極。國勢日危。長壽王乘勢。自將兵三萬伐百濟。圍北漢山城。七日拔之。殺蓋鹵王。高麗勢驟張。半島上均勢之局漸破。於是百濟與新羅結攻守同盟以敵高麗。

先是新羅自神功皇后西征以後。久羈縻於日本。金氏之奈勿尼師今在位。與高麗修好。遣王族質聖爲質於高麗。以請兵。圖脫日本之羈絆。高麗廣開土王在位。大發兵南下。與新羅連兵。擊日本之戍兵。破之。適值百濟富強。有凌駕高麗之勢。高麗西與後燕爲鄰。時常被兵。不能以全力敵百濟。乃結新羅爲援。西抗百濟。東敵日本。

高麗、新羅、國交既合。百濟孤立無助。乃乞援於日本。日本遣重兵戍任那。西撫百濟。東制新羅。新羅奈勿尼師今殂。質聖歸國嗣位。怨奈勿王質已於高麗。謀殺奈勿之子納祇。謀洩。被弑。訥祇自立。改尼師今之尊號爲麻立干。自是以後。傳三世。皆以麻立干爲尊號。麻立干者。新羅方言櫬之謂。王位之表示也。訥祇時代。高麗長壽王在位。國勢強大。與中國北朝通好。借大陸帝國之威靈。遙爲援助。益示南下之勢。以威百濟。訥祇王患高麗之富強。乃與百濟聯盟以抵制之。訥祇三十四年。高麗長壽王三十八年。宋文帝元嘉二十八年。西歷紀元四五一年。侵高麗邊。殺其將。高麗長

壽王怒，自將來攻。於是新羅、高麗之國交離。新羅、百濟之國交合。高麗孤立，乃益與中國之南北朝接近。一以孤百濟之聲援，一以絕西方之隱患。長壽王六十一年。西歷紀元四七四年中，國宋後廢帝元徽二年。南伐百濟，攻殺蓋鹵王。蓋鹵王弟文周先請救於新羅，至是以兵來援。適城破，王死，遂自立爲王。南徙都熊津。今忠清南道公州。以避高麗之逼。乞援於日本之任那都護府。日本屯重兵以保護百濟。百濟得以不亡。文周在位二十年，爲權臣解仇所弑。王子三斤卽位，誅解仇。在位二年殂。從弟東城王立。國勢益不振。是時高麗長壽王已殂。孫文咨明王在位，侵新羅。百濟求救於百濟。東城王遣兵援之。文咨明王怒，移兵伐百濟。東城王性奢靡，大興土木，起臨流閣，鑿池築囿以自娛。閉宮門以拒諫者。人望盡去。終爲其臣苾加所弑。武寧王、聖王相繼在位，與高麗之文咨明王、安祇王、安原王、陽原王同時代。兩國戰爭不絕。是時高麗結好於中國，日示南下之勢。新羅、百濟亦汲汲擴張己國勢力。任那與新羅接壤。新羅屢侵任那都護府。日本聯合百濟以抵抗之。於是新羅與百濟利害逐漸衝突。百濟結好於日本，請求割地以壯聲勢。日本割任那府下四縣以隸之。欲借其力以抗新羅。顧任那都護府之根據地益孤危。卒爲新羅所併。百濟聖王時代，高麗來侵。百濟請救於新羅。新羅與聖王不應。聖王怒，自將伐新羅。兵敗見殺。於是新羅、百濟之國交決裂。百濟聯合日本以敵新羅。新羅乃與高麗結合。當值中國隋唐勃興，東亞大帝國復歸於一統，兵威所及，四鄰震服，半島受其影響，形勢乃大變矣。

新羅世系表

(一) 朴赫居世 (二) 南解 (三) 儒理

(七) 逸聖 (八) 阿達羅

(五) 婆娑 (六) 祇摩

(五三) 神德王景暉 阿達羅遠孫

(五四) 景明王昇英

(五五) 景哀王魏膺

骨正 (十二) 助賁 (十四) 儒禮

(四) 昔脫解 仇鄒 (九) 伐休

(十二) 沾解 乞淑 (十五) 基臨

伊買 (十) 奈解 于老 (十六) 訖解

(十三) 金味鄒

末仇 (十七) 奈勿 (十九) 訥祇 (二十) 慈悲 (二一) 炤智 (二三) 法興王原宗

(十八) 實聖 味鄒之族

某 習寶 (二二) 智證王智大路 立宗 (二四) 眞興王三麥宗

銅輪 (二六) 眞平王伯淨 (二七) 善德女主德曼

國飯 (二八) 眞德女主勝曼

(二五) 眞智王金輪 文興王 (二九) 武烈王春秋

(三十)文武王法敏——(三一)神文王政明——

(三二)孝昭王理洪——(三三)聖德王興光——

(三四)孝成王成慶——(三五)景德王憲英——

(三六)惠恭王乾運——

(三九)昭聖王俊邕——(四十)哀莊王重熙——

(四一)憲德王彥昇——

(四二)興德王景徽——

忠恭——(四四)閔哀王明——

(三七)宣德王良相奈勿十世孫

(三八)元聖王敬信奈勿十世孫

仁謙

禮英

憲貞——(四三)僖康王悌隆——

均貞

(四五)神武王祐徵——

(四七)憲安王誼清——

朴父謙

(五三)神德王景暉——

貞和夫人

(五四)景明王昇英——(五五)景哀王魏膺——

〔四九〕憲康王諒——〔五二〕孝恭王曉

〔啓明〕——〔四八〕景文王膺廉——〔五十〕定康王晃

〔五一〕眞聖王女主曼

〔四六〕文聖王慶膺——某——某——孝宗——〔五六〕敬順王傅

高句麗世系表

〔一〕東明王朱蒙——〔二〕琉璃明王類利——〔三〕太武神王無恤——〔四〕閔中王解邑朱

再思

〔五〕慕本王解憂

〔六〕太祖大王宮

〔七〕次大王遂成

〔八〕新大王伯固

〔九〕故國川王男武

發岐

〔十〕山上王延優——〔十一〕東川王憂位居——〔十二〕中川王然弗——〔十三〕西川王藥盧

(十四) 烽上王相天

咄固

(十五) 美川王乙弗 (十六) 故國原王釗

(十七) 小獸林王丘夫

(十八) 故國壤王伊連

(十九) 廣開土王談德 — (二十) 長壽王巨璉 — 助多 — (二十一) 文咨王羅雲

(二十二) 安祿王興安
(二十三) 安原王寶延

(二六) 嬰陽王元

(二四) 陽原王平成 — (二五) 平原王陽成 — (二七) 榮留王建武

大陽 (二八) 寶臧王臧

百濟世系表

(一) 溫祚王 — (二) 多婁王 — (三) 已婁王 — (四) 蓋婁王 —

(五) 肖古王 — (六) 仇首王 — (七) 比流王 — (八) 近肖古王 —
(七) 古爾王 — (八) 責稽王 — (九) 汾西王 — (十) 契王

(十三) 近仇首王 — (十四) 枕流王 — (十六) 阿花王 — (十七) 直支王 — (十八) 久爾辛王 — (十九) 毗有王 —

(十五) 辰斯王

- | | |
|-------------------------------------|----------|
| (二十) 蓋鹵王餘慶 — (二四) 武寧王斯摩 — (二五) 聖王明穰 | |
| (二一) 文周王 | (二二) 三斤王 |
| (二六) 威德王昌 | |
| (二七) 惠王季 — (二八) 法王宣 | |
| (二九) 武王璋 — (三十) 義慈王 | |
| 昆文 — (二三) 東城王牟大 | |

第五章 日本之勃興及其對朝鮮半島之關係

當中國文化渡鴨綠江而東。輸入朝鮮半島時。日本武力亦逐漸越對馬海峽而西。壓制朝鮮半島。高麗西北。與中國接境。新羅東南。亦與日本比鄰。高麗百濟新羅三國。年年構兵。爭引外國爲援助。於是東海之日本。加入戰鬪範圍內。大陸之中國。亦加入國際關係內。朝鮮半島。遂成爲漢民族與大和民族文化上及武力上接觸之中心點。一舉一動。牽掣東亞全局。中國文化。取道朝鮮半島。越海而東。輸入本州。遂使鴻濛未闢之東瀛。化爲燦爛黃金世界。隋唐之間。兩國交際最爲密切。儒教、佛教、哲學。直接間接輸入日本。彼國士大夫腦髓。煥然一新。流傳至今。餘風未輟。文化之發達。不讓西歐。獨立亞洲。保持大國態度。爲黃色人種生色。皆我先民之賜也。日本對中國之國際關係。萌於三國兩晉。盛於隋唐。而衰於趙宋。元明時代復盛。清初中衰。至清末而

益盛。其國界居東亞。於我比鄰。一舉一動。影響及於我者不少。中國而不欲自強也。則已。中國而果欲自強也。所宜取法於日本之處正多。然則其國歷史。綽有研究之價值也。

由來日本建國。在亞洲之東。合五大島二千餘小島而成。地形狹長。由東北而西南。綿延數千里。勢如長蛇。包圍我國東面。其最寬處將及千里。最狹處不及百里。自古迄今。爲君主政體。傳六十九世一百二十三代。二千五百八十餘年。迄未改玉改步。雖其間內則有藤原氏、源氏、平氏之權相。外則有鎌倉幕府、室町幕府、江戶幕府之強藩。更迭盜據國柄。皇室聲靈不振者垂千年。然天孫苗裔。爲大和民族信仰之中心點。人民對於皇室。如耶教徒之崇拜教皇。回教徒之崇拜哈利發。西藏民族之崇拜達賴。蒙古民族之崇拜哲卜尊丹巴胡土克圖。實心靈之依賴者。非僅肉體之支配者也。日本皇室之威靈。與中國孔道之勢力相伯仲。可以暫時屈抑。難於根本取消。有形之政權可以轉移。無形之信仰難於剝奪。其偉大勢力。常潛藏隱伏於國民腦筋中。如電光石火。有觸即發。權相強藩。以有所忌憚而不敢篡奪。直至德川氏末年。尊王討幕論起。西南藩士奉天皇。倒幕府。聲勢赫赫之大將軍。拱手歸政。不敢與爭。主權復歸於帝室。明治二十三年。改爲立憲政體。分主權於一般國民。羣情異常愛戴。然君權之重。尤在德國以上。亦歷史上之習慣使然也。茲爲研究上便利起見。先追敘日本民族之由來。次及其建國事蹟。然後敘對朝鮮半島之關係。以爲中日關係之前提。

第一節 日本太古之神話

日本人種自稱大和民族。我國古史稱之曰倭。其膚色之淡黃。近於漢民族。體格之短小。類於韓民族。語言之組織。界乎滿蒙韓民族之間。史家或疑其爲通古斯民族。或疑其爲朝鮮民族。或疑其爲漢民族。或疑其爲南洋羣島之馬來民族。近世日本史家之矜奇立異者。又或自稱爲腓尼西亞之閃民族。其畢竟屬何系統。疑莫能明也。日本古史自稱天地初闢之時。有神曰天之御中主神。次爲高皇產靈神。次爲神皇產靈神。此三神爲造化之主。傳七世。至伊奘諾尊伊奘冊尊。皆居高天原。是爲神世七代。伊奘諾冊二尊。奉天神詔。經營下方。遂去高天原。至礪馭廬島。今淡路島之一隅作八尋殿。夫婦同居。遂產出淡路。伊豫二名之島。隱岐、筑紫、壹岐、對馬、佐渡、大倭、豐秋、津島等處。是名爲大八洲。於是日本國土始出現於世界。

二神生數子。長曰大日靈貴。卽天照大御神。治高天原。次爲月夜見尊。治夜食國。三爲素盞鳴尊。治滄海原。天照大御神爲宗主。總攝三部。素盞鳴尊亂暴。凌侮大御神。大御神怒。鎖天磐戶歸隱。於是天地晦冥。萬妖齊起。高皇產靈神會諸神於天安河原。命其子思兼神爲首領。安慰大御神。逐素盞鳴尊。素盞鳴尊率其子五十猛神歸根之國。居於新羅。利用舟楫之便。攜杉、檜、樟等樹木之種子。遍殖於大八洲。遂至出雲。娶稻田媛。生數十子。大國主命最英武。紹述父志。經營國土。闢沮洳。通水利。安集民衆。制禁厭之法。以療民病。提廣矛以四征不庭。新羅王子天日槍等聞風來降。於是大八洲皆服。日本全島悉隸屬於大國主命。已而天照大御神養素盞鳴尊之子天忍穗耳尊爲子。使降下方。治豐葦原之瑞穗國。時大國主命勢盛。乃遣

天穗日命、天稚彥等。相繼往諭旨。三年不得要領。復遣經津主神、武甕槌神、往諭旨。二神素有威望。大國主命奉詔。獻上國土。其子建御名方神不服。與武甕槌神戰。敗績。走信濃之諏訪。乞降。大國主命歸隱出雲。史稱其一族爲出雲系統。於是大八洲皆服。會天忍穗耳尊之子瓊瓊杵尊降生。有聖德。天忍穗耳尊乃請於天照大御神。使瓊瓊杵尊代已降臨下土。大御神許之。於是瓊瓊杵尊降居筑紫。定都於吾田國笠峽岬。是爲天照大御神。苗裔降臨日本之始。史稱之爲天孫系統。傳三世。至若御毛沼命。始入人代。是爲神武天皇。以上所引事蹟。頗支離怪誕。不近情理。高天原地名之解釋。或謂爲天上。或謂日本本州茨城縣之常陸國。或謂爲九州大分縣之豐前國。或謂爲本州奈良縣之大和國。或謂爲朝鮮半島。或謂爲蒙古大陸。或謂爲南洋羣島。史家言人人殊。互有出入。其畢竟屬於何處。尙無一定確論。然決非屬於日本內地。敢斷言也。日本民族異常複雜。有中國人苗裔。有朝鮮人苗裔。有北方民族。由黑龍江方面。逾韃靼海峽。而至庫頁島。經過北海道。而蔓延於本州者。現今之蝦夷民族是也。有南洋羣島民族。隨風漂流而至九州者。上古之熊襲民族是也。惟大和民族畢竟屬於何族。現今猶難斷定。然總之由西南海外移至者。決非由東北方面移至者也。大抵出雲系統一派。爲有史以前日本之舊酋長。其後天孫系統移至九州。終其臂而奪之。出雲派被征服時。束手歸順。無大抵抗。故天孫派優遇之。列爲貴族。被征服者與征服者受同等待遇。日久融合。成爲大和民族。其原來是一是二。疑莫能明也。至神武天皇東征。日本始有史可稽矣。

第二節 神武天皇之東征與景行天皇之西伐

相傳日本紀元前七年。周惠王十年。西歷紀元前六六七年。神武天皇始即位於九州日向之高千穗宮。是爲現代皇室之始。

祖。當時日本土人。大抵穴居野處。有蝦夷族。有土蜘蛛族。蟠據於本州之東北。有熊襲族。蟠據於九州之西南。

與大和民族雜居。而本州中部畿內道之地。則爲大和民族之別派饒速日命所據。熊襲族盛強。壓迫神武天

皇之族。兩族之根據地相距密邇。有連雞不同棲之勢。神武天皇不得已。與部下密謀。棄九州。東略地。以舟師

發日向。率其部落沿海北進。經過豐前。筑紫。取道瀨戶內海而東。屯兵於吉備。備前備中者三年。整理舟楫器械。

儲蓄糧食。以窺饒速日命之動靜。遂東至浪速國。攝津國難波。登岸。擬取道河內。越瞻駒山。襲取大和。饒速日命

之根據地。饒速日命部將長髓彥。拒戰於孔食衛坂。王師敗績。神武天皇之兄五瀨命中流矢卒。神武乃旋師至河

內。改道取海路。入紀伊。與土酋多草戶畔丹敷戶畔戰。擊斬之。以建津身命爲嚮導。越山路襲大和。擊滅沿路

土人之酋長。遂平行至鳥見。長髓彥拒守險要。王師不能前進。乃說饒速日命。殺長髓彥以降。分兵略定其傍

各小部落。大和悉定。神武天皇乃奠都於大和國畝傍之橿原。是爲日本建國之始。時日本紀元元年。中國周

惠王十七年。西曆紀元前六六〇年也。

神武天皇殂。子神渟名川耳立。是爲綏靖天皇。傳安寧、懿德、孝昭、孝安、四世。而至孝靈天皇。西歷紀元前二九〇至二一五與

中國周赧王、秦昭襄王、孝文王、莊襄王、及始皇帝同時。始皇帝二十八年。孝靈天皇七十二年。齊人方士徐市。後漢有上

書「海中有三神山。曰蓬萊、方丈、瀛洲。仙人居之。請得齋戒。與童男女求之。」詔從其請。發童男女數千人。令徐市率之人海。求神仙。神仙不可得。而發見日本。徐市以無所獲。不敢復命。乃寄留日本。不敢歸。居於熊野浦。是爲漢民族雜居日本之始。

孝靈天皇殂。傳孝元。開化二世。而至崇神天皇。始校戶口。定男女調役。造舟舶。開溝洫。內政逐漸整理。復遣將四道出師。略定其傍各部落。然當時大事之可記者。亦只偏於宗教方面。政治方面。無特別可紀之事也。崇神殂。子垂仁天皇立。大興水利。庶民殷富。垂仁殂。子景行天皇西歷紀元七一〇年立。是時東方漸定。乃旋師至九

州。擊熊襲。熊襲之根據地在大隅。其勢力範圍直抵筑紫。景行十二年。自將赴日向。今九州宮崎縣誘熊襲首長之女

市乾鹿文。刺殺其父。熊襲平。景行留鎮九州六年。始旋師。未幾。熊襲復叛。詔皇子小碓命爲元帥。率師擊熊襲。小碓命年甫十六。美姿容。有勇力。僞作女裝。入敵營。侍飲。刺殺其梟帥。取石鹿文。擊滅其餘黨。熊襲悉定。未一年而九州平。國人因稱之曰日本武尊。於是大和民族勢力範圍擴張至九州西南境。

是時本州東北邦。爲蝦夷民族所據。勢強盛。威壓大和民族。景行四十年。西歷紀元一〇〇年詔日本武尊爲元帥。率師

東征。取道海路。由上總下總。今本州千葉縣登岸。擊敗蝦夷兵。徇常陸。今茨城縣甲府。今山梨縣信濃。今長野縣越國。今新潟縣等

地。皆下之。於是本州中部。即東海道北陸道及東山道之南部皆羈縻於大和民族。蝦夷人走奧羽。今本州東北部青森岩手盛岡宮城秋田山形等縣

自神武至景行。凡傳十二帝。七百九十年。即起中國周惠王十七年。西歷紀元前六百六十年。至中國東漢順

是地方制度粗備。成務殂。無子。從子足仲彥尊。日本武立。是爲仲哀天皇。是時熊襲復叛。仲哀自將征之。皇后

息長足姬。史稱神功皇后。從。屯兵筑紫。今九州福岡縣附近。仲哀欲戰。皇后謂『新羅富強。與熊襲交通。熊襲恃新羅爲援。必不

肯遽下。不如先攻新羅。新羅服則熊襲亦服矣。』仲哀不從。進戰。敗績。中流矢。歿於陣。皇后與武內宿禰謀。祕

不發喪。命宿禰奉梓宮。由海路至穴門。今下關附近。還葬。留將軍鴨別屯筑紫。以當熊襲。皇后僞爲男裝。自將舟師

出肥前。今長崎縣附近。之松浦。由海路伐新羅。風順船迅。直達新羅之東岸。迎日灣附近。新羅王不虞。日兵促至。大驚。

請降。約定稱臣奉貢。皇后許之。遂入其都。封府庫。收國籍。留大將戍其地。以監護之。質其王族。取金銀幣帛八

十船而歸。自後新羅貢物。以八十船爲定額。高麗百濟聞風皆降。於是朝鮮半島羈縻於日本。時日本仲哀天

皇九年。新羅奈解尼師今五年。中國漢獻帝建安五年。西曆紀元二〇〇年也。

先是日本神代之時。素盞鳴尊。五十猛神。屢往來於新羅。大國主命之時。新羅王子天日槍復歸化於日本。兩

國之海上交通。自有史以前已有之。其後至崇神天皇時。半島南部之任那。受新羅壓制。入貢於日本。以求保

護。日本遣鹽乘津彥命戍之。是爲日本插足於朝鮮半島之始。天日槍耳女孫葛城高麗媛。爲日本皇族氣長


宿禰之妻。是生神功皇后。既服新羅。遂置內宮家於任那。留大將鎮守其地。是爲任那都護府之始。神功班師

至筑紫。熊襲請降。九州平。皇子譽田別誕生。是爲應神天皇。年幼不能蒞政。神功皇后代總萬機。凡六十九年。

新羅百濟時叛。時服。屢遣兵征破之。半島根據地漸固。神功殂。應神立。使武內宿禰出鎮筑紫。爲任那都護

府後援。遙制三韓。是爲後世太宰府之始。應神十五年。百濟王阿花。使其臣阿直岐貢良馬。阿直岐通中國文學。應神使皇子菟道稚郎子師之。阿直岐更薦其國博士王仁。詔遣使徵之。次年。王仁來朝。獻論語十卷。千字文一卷。是爲中國書籍輸入大和朝廷之始。稚郎子就學於王仁。博通典籍。此後中國文化。源源輸入。大和民族始開化矣。時應神十六年。百濟古爾王五十二年。中國晉武帝太康六年。西歷紀元二八五年也。

日本神代世系表



日本天皇世系表

(一)神武—(二)綏靖—(三)安寧—(四)懿德—(五)孝昭—(六)孝安—(七)孝靈—(八)孝元—

(九)開化—(十)崇神—(十一)垂仁—(十二)景行

(十三)成務

日本武尊—(十四)仲哀—

(飯豐清)

(十七)履中—(市邊押磐)—(二十四)仁賢—(二十五)武烈

(十六)仁德—(十八)反正—(二十)安康—(二十三)顯宗


(十九)允恭—(二十一)雄略—(二十二)清寧




(十五)應神

(二十七)安閑

稚渟毛二派—(大郎子)—(彥主人)—(二六)繼體—(二八)宣化

(二十九)欽明





(八九)後深草—(九二)伏見

(九三)後伏見

光嚴

(九五)花園

光明

(九十)龜山—(九一)後宇多

(九四)後二條

(九六)後醍醐

(九七)後村上

(九八)長慶

(九九)後龜山

崇光—(榮仁)—(貞成)—(百〇二)後花園—(百〇三)後土御門—(百〇四)成柏原—

(百〇五)後奈良—(百〇六)正親町—(誠仁)—

後光嚴—後圓融—(一百)小松—(百〇一)稱光

(百〇九)明正

(百一〇)後光明

(百〇七)後陽成—(百〇八)後水尾—

〔百一〕後西院

〔百一二〕靈元—〔百一三〕東山—

〔百一四〕中御門—〔百一五〕櫻町

〔百一七〕後櫻町

〔百一六〕桃園—〔百一八〕後桃園

〔直仁〕—〔典仁〕—〔百一九〕光格—〔百二〇〕仁孝—〔百二一〕孝明—〔百二二〕明治—〔百二三〕大正

第六章 後魏與柔然之對峙

鮮卑全盛時代。在南北朝初年。其時北有柔然。南有後魏。西有吐谷渾。分據中國黃河流域。及內外蒙古與青海。建立二帝國。一王國。後魏與柔然接境。一爲城郭之國。一爲遊牧之國。利害互相衝突。時常構兵。及其末年。兩敗俱斃。吐谷渾僻處西方。所據之地。非世界競爭之中心點。獨能維持勢力數百餘年。享國之久。遠在五胡十六國之上。不可謂非庸庸多厚福也。茲述其事蹟如左。

第一節 後魏之家世

南北朝對峙時代。北朝之勢力。遠勝於南朝。傳世之久遠。領土之廣大。武功之發揚。皆以北朝爲最。其對外關係之複雜。亦以北朝爲甚。北朝之帝室。系出鮮卑。姓拓跋氏。舊居漠北。曹魏末年。其可汗鮮卑尊稱王也力微。始徙盛樂。在今山西大同縣城東北傳至其孫猗盧。以助劉琨討前趙功。始受晉封爲代王。傳五世至從孫什翼犍。雄勇有智略。能修復故業。東自濊貉。西及破洛那。即今南距陰山北盡沙漠率皆歸服。有衆數十萬人。於是內外蒙古。皆入於拓跋氏。晚年。國內亂。王被弑。前秦王苻堅乘釁攻滅之。堅敗。王嫡孫珪鳩合舊部。復據盛樂。改國號魏。史稱後魏。珪雄武有大略。國勢日強。是爲後魏道武帝。傳子明元帝嗣。孫太武帝。繼世皆英主。善用兵。滅大夏。北燕。北涼等國。盡有直隸。山。陝。甘肅等地。復南侵宋。取山東。河南。宋文帝屢遣兵北伐。皆爲魏所敗。乃遣使通好於柔然。藉以牽掣魏勢。

第二節 柔然之家世

柔然者。亦東胡苗裔。姓郁久閭氏。鮮卑拓跋力微時代。掠騎有得一奴。髮始齊眉。忘本姓名。其主字之曰木骨閭。木骨閭者。首禿也。木骨閭與郁久閭聲相近。故後子孫因以爲氏。木骨閭既壯。免奴爲騎卒。猗盧時。坐後期當斬。亡匿廣漠豁谷間。收合逋逃。得百餘人。依純突鄰部。木骨閭死。子車鹿會雄健。始有部衆。散居大漠南北。自號柔然。世隸拓跋氏。後魏道武帝以其無知。狀類於蟲。故改其號爲蠕蠕。車鹿會卒。子吐奴傀立。吐奴傀卒。子跋提立。跋提卒。子地粟袁立。地粟袁卒。國分爲二。長子匹候跋居東方。次

子緡紇提居西方。緡紇提始叛魏附於匈奴別部之劉衛辰。魏遣兵擊破降之。緡紇提之子社崙兇狡有權略。襲匹侯跋殺之。略取漠南。與後秦王姚興通。屢侵後魏。晉安帝元興元年後魏道武帝大興五年。道武帝自將征之。社崙敗遁漠北。擊高車大破之。酋長倍侯利奔魏。社崙略其地居之。始立軍法。千人爲軍。軍置將一人。百人爲幢。幢置帥一人。先登者賜以虜裘。退懦者以石擊首殺之。或臨時捶撻。無文記。將帥以羊屎粗計兵數。後頗知刻木爲記。其西北有匈奴餘種。勢頗強。酋長日拔也稽舉兵擊社崙。社崙逆戰於額根河今鄂爾坤河。大破之。於是其領土跨內蒙古。兵勢大振。自稱豆代可汗。可汗者。猶魏言皇帝。豆代者。猶魏言駕馭開張也。柔然之俗。君及大臣。因其行能。卽爲稱號。若中國立謚。既死之後。不復追稱。屢南向侵後魏。以報前怨。傳二世。至從弟牟汗紇升蓋制勝之義。可汗大檀。實行遠交近攻策。與宋連和。乘宋魏構兵。復南侵魏。魏太武帝始光二年宋文帝元嘉二年。太武帝自將北伐。大破其兵。大檀北遁。後四年。太武帝復自將擊破之。追至燕然山。柔然高車部落降者殆百萬。大檀憂憤而殞。其族餘衆連爲太武帝所破。還竄西北。於是西域諸國。皆前後入貢於魏。


第三節 西域諸國對魏之關係

中國自漢末以還。內亂蔓延。國威墜地。久與西域諸國交通中絕。前秦王苻堅統一江北。車師鄯善入朝於秦。請爲嚮導以伐西域之不服者。晉孝武帝太元七年前秦王堅建元十八年。堅以呂光爲都督。總兵十萬伐之。光行越流沙。焉耆等國皆降。惟龜茲不下。光進攻破之。遠方諸國皆來歸附。適中原變亂。前秦衰亡。光以龜茲饒樂欲留

居之。天竺沙門鳩摩羅什勸歸。光乃載外國珍寶奇玩。驅駿馬萬匹而還。攻拔涼州。遂留居之。於是西域諸國復與中國絕。後魏太武帝統一黃河流域。威震西陲。龜茲、疏勒、烏孫、悅般、在烏孫西北渴槃陀、在蔥嶺東其國有高山雙多積、在蔥嶺西康居鄯善、焉耆、車師、粟特、在蔥嶺西康居九國皆來朝貢。魏遣行人王恩生等二十輩報聘。皆爲柔然所執。不得達。魏太延三年。宋文帝元嘉十四年遣侍郎董琬等。經天山南路諸國。自烏孫至破洛那。古大宛者。居古康厚加報撫。而鄯善國納北涼餘衆。杜西域往來之道。太武帝征之。擒其王。拜韓牧爲領護西戎校尉。留鎮鄯善。及太武帝擊破柔然。塞外諸國皆臣服。於是東自高句驪。西至波斯等國。皆通於魏。後魏國威。時稱極盛云。

代世系表 自拓跋猗盧統一北方凡傳六世七十年爲前秦所滅

毛 五世 推寅 七世 鄰 詰汾



綽

祿官

柔然世系表
姓郁久闐氏自社崙統一漠南北傳十二世至
婆羅門阿那瓌始分爲東西卒爲突厥所滅

木骨閭——車鹿會——吐奴傀——跋提——地粟袁

匹侯跋

縕紇提

(一)豆代可汗社崙
——某——(三)步鹿真

(二)竊苦蓋可汗斛律

僕渾——(四)牟汗紇升蓋可汗大檀——(五)勅連可汗吳提

(七)受羅部真可汗子成——(八)伏古敦可汗豆倫

(六)處可汗吐賀真

(九)侯其伐伏庫
者可汗那蓋

十二彌偶可社句可汗婆羅門

(十)他汗可汗伏圖

(十一)豆羅伏跋豆伐可汗醜奴
(十二)勅連頭兵可汗阿那瓌

(十三)鄧叔子

庵羅辰
鐵伐

第七章 吐谷渾之勃興及其對中國之關係

是時青海地方。尙爲吐谷渾所據。吐谷渾者。亦鮮卑民族。舊稱河南王。其後以人名爲國號。故稱吐谷渾。由來鮮卑民族之起原地。在現今遼河上流西刺木倫老哈木倫流域。漢室盛時。羈縻於漢。漢衰。檀石槐始略據漠南漠北。建立大國。與漢族南北對峙。三國六朝時代。漢族衰微。中原多故。鮮卑民族。遂乘勢分股南下。侵略內地。其東南下者。侵入直隸山西。與漢族競爭黃河中流下流流域。最著之大國。曰前燕。曰後燕。曰南燕。其西南下者。侵入陝西甘肅。與漢族競爭黃河上流流域。最著之大國。曰西燕。曰南涼。曰西秦。其後後魏勃興。剪除羣雄。鮮卑民族遂統一黃河流域。魏之晚年。國復內亂。中分爲二。北周北齊。東西對峙。連年構兵。力盡筋疲。兩敗俱斃。隋室勃興。遂乘隙收漁人之利。黃河流域復入於漢族。蓋自鮮卑民族侵入中國內地以來。分離合併。疲於戰爭。固未嘗得一日之安枕也。獨吐谷渾以東北民族。爲時勢所驅。乘機侵入青海。略取氐羌巢穴。建立王國。與漢族東西對峙。當中國內地紛爭擾攘互相吞併之時。彼獨蕭然局外。坐觀成敗。不加入戰爭。團。團流血慘劇。遠勝於黃河流域。兩晉南北朝時代。中國風俗澆漓。達於極點。臣弑君。子弑父。奸淫蒸報。習爲故常。名教綱常。幾乎掃地。彼獨以忠厚傳家。父兄子弟。各盡其道。若洛廐阿干之歌。令人追思常棣。葉延痛念父

仇。縛草泣射。辟奚憂傷三弟。避位而死。視連感父悲隕。不遊宴者十九年。阿柴舍子立弟。折箭戒後。勉以戮力一心。共固社稷。誠哉其無愧於孝友。劉彧、蕭鸞、高洋、楊廣之徒。視之有愧色矣。茲述其事蹟如左。

第一節 吐谷渾之建國

吐谷渾者。姓慕容氏。鮮卑大單于涉歸之子。前燕王廆之庶兄也。父涉歸分戶以隸之。及廆嗣位。二部馬鬪。廆遣使讓之曰。「分建有別。何不相遠異。」渾怒曰。「馬鬪乃其常。何至怒人。欲遠別甚易。恐後會爲難耳。」遂帥其衆西徙。廆遣長史追謝之。渾遂西傳陰山而居。屬永嘉之亂。因度隴。據洮水之西。極於白蘭。地方數千里。於是現今甘肅西南部。直抵青海西境。舊時氏羌各部落。皆爲所有。鮮卑謂兄爲阿千。廆追思之。爲之作阿千之歌。

晉元帝建武元年。西歷紀元三一七年吐谷渾殂。有子六十人。長子吐延嗣。吐延有勇力。多猜忌。羌胡畏之。成帝咸和四年。西歷紀元三二九年爲羌酋姜聰所刺。其子葉延立。葉延性至孝。每旦縛草爲姜聰像。射之。葉延好學。以爲禮公孫之子。得以王父字爲氏。乃自號其國曰吐谷渾。

第二節 吐谷渾之中衰

晉穆帝永和七年。西歷紀元三五一年葉延殂。子辟奚立。時前秦國勢方張。遂稱臣於前秦。秦授爲安遠將軍、湟川侯。辟奚好學。仁厚而無威斷。簡文帝咸安元年。西歷紀元三七一年其三弟專恣。爲大臣所殺。辟奚感傷同氣。以憂殂。子視連

立。感家庭之變。不飲酒遊畋者七年。長史鍾惡地諫之。不聽。終其身。孝武帝太元十五年。西歷紀元三九〇年稱臣於西秦。西秦王乞伏乾歸拜視連沙州牧。白蘭王。是年殂。子視熊立。

自葉延以來。累代以忠厚傳家。對外輒弱。國勢不振。視熊乃督厲將士。欲建功業。西秦授以官爵。不受。西秦遣

乞伐益州擊之。大敗其兵於度周川。視熊走保白蘭山。在青海西南遣子宕豈爲質於西秦。以請和。安帝隆安四年。

西歷紀元四〇〇年視熊殂。世子樹洛干方九歲。弟烏紇隄立。懦弱荒淫。不能治國。國人稱之曰大孩。妻念氏有膽智。專

國政。義熙元年。西歷紀元四〇五年西秦王乞伏乾歸來攻。烏紇隄大敗。走死。樹洛干帥餘衆數千家奔莫何川。自稱車

騎大將軍。大單于。吐谷渾王。休養生息。輕徭薄賦。信賞必罰。沙湟諸戎皆附之。吐谷渾之勢復振。西秦嫉之。連

年西下。侵略其屬部。樹洛干走保白蘭山。安帝義熙十三年。西歷紀元四一七年以國勢日蹙。憂憤而殂。弟阿柴立。

第三節 吐谷渾之復盛

阿柴勇武善用兵。兼并氐羌各小種。地方數千里。號稱強國。稱臣於西秦以求免禍。西秦王熾磐授阿柴征西

大將軍。開府儀同三司。安州牧。白蘭王。復通好於宋。宋以爲督塞表諸軍事。安西將軍。沙州刺史。澆河公。宋

文帝元嘉元年。西歷紀元四二四年阿柴殂。有子二十人。疾病。召諸子弟謂之曰。「先公車騎。捨其子拾虔而授孤。孤收

私於緯代。而忘先君之志乎。我死。汝曹當奉慕瓚爲主。」緯代者。阿柴之長子。慕瓚者。阿柴之母弟。叔父烏紇

提之子也。阿柴又命諸子各獻一箭。取一箭。授其弟慕利延。使折之。慕利延折之。又取十九箭。使折之。不能折。

阿柴乃諭之曰：「汝曹知之乎？孤則易折，衆則難摧。汝曹當戮力一心，然後可以保國寧家。」言終而殂。慕瓚亦有才略，撫納秦涼失業之民，及氐羌雜種，至五六萬落，部衆轉盛，稱臣於宋。宋授爲征西將軍、沙州刺史、隴西公。八年，夏主赫連定畏魏人之逼，擁秦民十餘萬口，自治城在今甘肅蘭州境，濟河，將襲北涼。慕瓚遣騎三萬，乘其半濟邀擊之，執定，送之於魏。盡取金城枹罕隴西，於是甘肅西南境，舊西秦地，皆爲所有。魏授慕瓚大將軍、西秦王。

十三年，西歷紀元四三六年慕瓚殂，弟慕利延立，行事大主義，稱臣於宋魏。兩方受封冊。二十一年，國內亂，魏遣晉王伏羅襲擊破之。慕利延逃奔白蘭。次年，魏遣征西大將軍高涼王那攻白蘭，慕利延擁衆西度流沙，其別部皆爲魏所擊滅。慕利延遂西入于闐，殺其王，據其地，南征鬬賓，遣使通宋，求入保，越嶲文帝許之。慕利延竟不至，尋復還故土。

二十九年，西歷紀元四五二年慕利延殂，兄樹洛干之子拾寅立，居伏羅州，南受宋魏爵命，居止出入，擬於王者。魏人忿之。宋孝武帝大明四年，魏遣陽平王新城王新道、南郡公李惠出北道，伐吐谷渾。拾寅走保南山，魏軍以疾疫引還。自是以後，兩國連年構兵，吐谷渾多敗，乃請降，納質奉貢。齊高帝建元三年，西歷紀元四八一年拾寅殂，世子度易侯立。武帝永明八年，西歷紀元四九〇年度易侯殂，子伏連籌立，承歷代外交政策，雙受齊魏爵命。次年，魏召之入朝，辭疾不至。魏遣兵擊敗之，伏連籌納質入貢，事魏盡禮，而居其國，置百官，皆如天子之制。會魏有莫折念生之

亂。關隴多陷。東西道殂不通。於是吐谷渾對魏之國際關係。一時中斷。

第四節 吐谷渾之文化

已而齊亡梁興。拜伏連籌爲西秦河二州刺史。封河南王。梁武帝大同六年。西歷紀元五四〇年伏連籌殂。子夸呂立。始稱可汗。居伏俟城。在青海西十五里。雖有城郭而不居。恆居穹廬。隨水草畜牧。其地東西三千里。南北千餘里。青海全部皆爲所有。官有王、公、侯、射、尙書、郎中、將軍之號。夸呂椎髻眊珠。以皂爲帽。坐金獅子牀。號其妻爲母尊。衣織裙。披錦大袍。辮髮於後。首戴金花冠。其俗丈夫衣服。略同於華夏。多以羅幕爲冠。亦以繒爲帽。婦人皆貫珠貝束髮。以多爲貴。兵器有弓、刀、甲、箭。國無常賦。須則稅富室。商人以充用焉。其刑罰。殺人及盜馬死。餘則徵物以贖罪。亦量事決杖。刑人必以氈蒙頭。持石從高擊之。父兄死。妻後母及嫂等。與突厥俗同。至於婚。貧不能備財者。輒盜女去。死者亦皆埋殯。其服制。葬訖則除之。性貪婪。忍於殺害。好射獵。以肉酪爲糧。亦知種田。有大麥、粟、豆。然其北界氣候多寒。唯得燕菁大麥。故其俗貧多富少。青海周圍千餘里。海內有小山。每冬冰合後。以良牝馬置此山。至來春收之。馬皆有孕。所生得駒。號爲龍種。必多駿異。吐谷渾嘗得波斯草馬。放入海。因生驄駒。能日行千里。世傳青驄者是也。土出犛牛、馬騾。多鸚鵡。饒銅、鐵、朱砂。地兼鄯善且末。


第五節 夸呂之外交


後魏東西分裂以後。夸呂取遠交近攻策。遣使假道柔然。交通東魏。屢寇魏邊。魏大丞相宇文泰。遣涼州刺史

史寧與突厥木杆可汗連兵侵吐谷渾。襲破其根據地樹敦賀真二城。皆在今西寧受頭山北獲夸呂妻子。夸呂奔南山。北周慕魏。屢與吐谷渾構兵。互有勝負。隋文帝卽位。連破吐谷渾。夸呂遠遁。夸呂暴虐。在位五十一年。屢因喜怒廢殺太子。於是骨肉乖離。人心解體。自葉延以來。累世相傳之孝友家風。從此墜矣。

吐谷渾世系表 姓慕容氏鮮卑大單於涉歸之後傳十九世三百四十七年爲吐蕃所滅

- (一) 吐谷渾 (三一七至三二九)
- (二) 吐延 (三二九至三五九)
- (三) 葉延 (三五九至三七二)
- (四) 辟奚 (三七二至三九〇)
- (五) 視連





第八章 突厥勃興以前西方諸國形勢之變化

第一節 波斯之勃興與安息之覆滅

先是周顯王時。亞塞西 (Arassee) 一世建安息國以來。三百年間。隱然爲西亞強國。漢光得帝時。亞塞西十四世卽安息王位。時西羅馬已統一歐洲。漸東向略西里亞地。與安息構釁。亞塞西擊敗之。復伐猶太。入其都。爾後凡百五十六年間。兩國阻歐夫拉底斯河以爭雌雄。安息漸失勢。至亞塞西三十世在位時。與羅馬攻戰無虛日。波斯人乘之。自內部突起爲變。安息遂亡。

波斯人先爲安息所征服。然以人種殊異。宗教風俗亦不同。內部之齟齬日甚。久欲圖獨立。及安息與羅馬連年攻戰。國力疲弊。於是安的色昔 (Ardashir) 一世。率其國人滅安息。是爲薩贊王朝 (Sassan Dynasty) 之

祖。時蜀漢帝禪建興四年。西曆紀元二二六年也。安的色昔既滅安息。更拓地四方以耀國威。又以往古所倡之拜火教定爲國教。而嚴禁他教。以圖國民團結。於是波斯國力增進。因與東羅馬構釁。東羅馬取遠交近攻策。與嚙噠(Ephthalites)結。夾攻波斯。波斯亦取遠交近攻策。與突厥結。夾攻嚙噠。爾後百五十年間。波斯兵屢破東羅馬。略其西方亞細亞屬地。又時東向擊大月氏。一時爲葱嶺以西霸國。

第二節 大月氏之衰亡與嚙噠之隆盛

一、大月氏之末路 大月氏初雄視中央亞細亞。及迦膩色迦王殂後。國力漸衰。印度境內屬地漸叛。南印度之安度羅王朝勢亦不振。東晉孝武帝太元間。有旃陀羅笈多(Chandra Gupta)者。起兵據女曲城(Kanauj)。在今印度西北部科尼普爾之西北一百四十里東北臨恆河興笈多王朝。次第攻略印度諸部。皆下之。錫蘭尼泊爾諸國。亦遣使朝貢。遂乘方張之勢。盡取印度境內之大月氏屬地。驅逐大月氏於境外。

二、嚙噠之勃興於大月氏既南敗於印度。又時爲波斯所侵略。國勢頓衰。部落漸解。突厥民族之嚙噠興於北方。乘勢吞併大月氏部落。振威於中央亞細亞。嚙噠者。漢代丁零之苗裔。逐水草遷徙。棲息於阿爾泰山附近。姓挹闐。案韋節西蕃記云親問其國人並自稱如此相傳後漢順帝永建初年。有八滑者。從漢將班勇子超擊北匈奴有功。以爲後部親漢侯。至南北朝。號滑國。元魏之居桑乾。河名在今山西渾源縣北也。滑猶小國。屬柔然。後七八十年。稍強大。征服其旁諸國。遂以姓爲國號。曰嚙噠。訛爲挹怛。自後魏文成帝太安以後。常入貢於後魏。乘大月氏之衰。攻併其部落。而

大夏遺裔亦起而應之。恢復葱嶺西烏滸河南大夏故地。建吐火羅 (Tokara) 即大夏國之音轉。與嚙噠雜居。嚙噠遂沿新頭河 (Sindh River) 南下。破笈多王朝兵。降西北兩印度。建都拔底延城 (Raji-Griha or Bakhdhiana) 即王舍城。東與柔然爭天山南路地。復西嚮擊波斯。

時波斯漸衰。國中屢起宗教之亂。與繼統之爭。勢浸不振。及嚙噠侵其東境。乃納歲幣以和。後百餘年間。嚙噠常役屬波斯。干涉其國王之廢立。

三、嚙噠之風俗 嚙噠之俗。中等社會以下。實行一妻多夫制。往往兄弟同一妻。妻帽加角。其角數之多寡。與兄弟之人數同。衣服類加纓絡。頭皆剪髮。無城邑。依隨水草。以氍毹爲屋。夏遷涼土。冬逐暖處。王室行一夫多妻制。其諸妻各在別所。相去或二三百里。其王巡歷而行。每月一處。冬寒之時。三月不徙。王位不必傳子。擇子弟之才者立之。其國無車。有輿。多駝馬。用刑嚴急。偷盜無多少皆腰斬。死者富者累石爲藏。貧者掘地而埋。隨身諸物。皆置冢內。其人慄悍善鬪。

四、嚙噠全盛時代 梁武帝天監年間。擊高車。殺其侯倍華言儲君也。窮奇。執其子彌俄突。擁立之。與柔然戰。殺其佗汗可汗。伏圖於蒲類海。天監十五年。西歷紀元五一六年。佗汗之子豆伐羅跋豆伏可汗。醜奴起兵報怨。破高車。殺彌俄突。彌俄突之衆多降於嚙噠。後數年。嚙噠遣彌俄突之子伊訇歸國嗣位。與柔然彌偶可社訇可汗婆羅門爭。梁武帝普通三年。西歷紀元五二二年。婆羅門叛魏。亡歸嚙噠。中途爲魏將所追執。見殺。是爲嚙噠極盛時代。康居、于

闐、沙勒、鉢和、賒彌、在鉢和乾陀。本名業波在西南。烏婁之西。等中亞西亞大小三十餘國皆隸屬之。其疆城南至印度河口。北抵西爾河。西壓波斯。東始并天山南路。後魏孝莊帝永安元帝。西歷紀元五二八年。遣使通好於後魏。貢獅子。至高平。會万俟醜奴反。關中亂。被留。亂平。始抵京師。於是嚙噠復通於魏。梁武帝天監十五年。及普通元年。復兩次遣使通好於梁。

五、嚙噠之末路 梁武帝普通間。北印度之烏長國(Udhvana)在今阿富汗加非斯坦境內。其國都爲魯揭離城。今加非利斯坦境內之魯拉城也。勃興。毗訖羈摩迭多(Vicramaditya)大王。日即王超。屢破嚙噠。逐之印度以外。併西北中三印度。雄視全印度。印度五百年來。外寇迭侵。不暇修文。超日王提倡學術。印度文化一大發達。是時突厥亦自阿爾泰山麓興。先滅柔然。頻擊嚙噠之背。嚙噠南敗於印度。北見逼於突厥。陳文帝天嘉時。國遂分崩。突厥代領其地。突厥既滅柔然。盡取內外蒙古地。又滅嚙噠。併中央亞細亞。遂爲亞洲第一帝國。

亞塞西 Arsacidae 王朝世系表


Arsaces 亞塞西

(1) Arsaces, I. (B. C. 247)

(2) Tiridates, I. (B. C. 214)

(3) Artabanus, I. (B. C. 196)

(4) Priapatus, (B. C. 181)



第九章 柔然之衰亡與突厥之強盛

中國北方之民族有三。曰通古斯族。曰蒙古族。曰突厥族。秦漢之世。爲蒙古混血族之匈奴強盛時代。三國兩晉之世。爲通古斯混血族之東胡強盛時代。南北朝隋唐之世。爲突厥族強盛時代。故兩晉南北朝之時。一北方民族盛衰消長之轉關也。先是東漢初年。匈奴移居中國邊地。漠南漠北故地。皆爲東胡遺族之鮮卑人所據。五胡十六國之亂。鮮卑部落先後移入中國。漠南漠北復爲東胡遺族之柔然所據。後魏末年。柔然之勢力漸衰。突厥民族乃興起。漠南漠北皆入於突厥勢力範圍。始西向與中國爲敵矣。茲述其事蹟如左。

第一節 柔然之末路

柔然自社崙在位。擊破高車及匈奴餘衆。略取內外蒙古。國勢驟張。東晉安帝義熙六年。後魏明元帝永興二年。西魏紀元四〇九年。後魏明元帝自將擊柔然。大破之。社崙走死。其子度拔尙幼。部衆立其弟斛律。是爲藹苦蓋。華言美也。可汗。義熙十年。西歷紀元四一四年。斛律將嫁女於北燕。兄子步鹿真謂諸大臣曰。『斛律將以汝女爲媵。』諸大臣恐。合謀執斛律。與女皆送於燕。而立步鹿真爲可汗。子從弟大檀領別部。得衆心。步鹿真疑其有異志。襲之。兵敗。見殺。大檀遂自立。是爲牟汗紇升蓋可汗。屢與後魏構兵。卒於宋文帝元嘉六年。後魏太武帝神龜二年。西歷紀元四二九年。爲太武帝

所敗。部落散亡殆盡。憂憤而殂。子吳提立。是爲勒連。華言神聖也。可汗。

勒連卽位以後。遣使修好於魏。太武帝優禮其使而遣之。以勒連尙西海公主。而納其妹爲左昭儀。待遇甚厚。

已而勒連復犯塞。太武帝自將擊之。逾浚稽山。不見虜而還。勒連遣使通好於宋。謀連兵侵魏。太武帝復自將

擊之。至鹿渾谷。在額根河南。敗其兵。勒連北走。

宋文帝元嘉二十一年。魏太平眞君五年。西歷紀元四四四年。勒連殂。子吐賀眞立。號羅可。華言唯也。可汗。屢與後魏構兵。敗績。遠遁

西北。不敢復犯魏邊。

宋孝武帝大明八年。後魏文成帝和平五年。西歷紀元四六四年。處羅殂。子予成立。號受羅部眞。華言惠也。可汗。改元永康。是爲柔然自

立年號之始。屢寇魏邊。柔然多敗。魏亦苦兵。復議和親。未成而殂。

後魏孝文帝太和九年。齊武帝永明三年。西歷紀元四八五年。受羅部眞殂。子豆崙立。號伏名敦。恆也。可汗。伏名敦殘暴失衆心。部

衆多叛。魏遣尙書陸叡擊柔然。大破之。太和十一年。高車別部酋長阿伏至羅與從弟窮奇帥部落西走。自立

爲王。國人號曰侯婁匄勒。華言天子。號窮奇曰侯倍。華言諸君。二人甚親睦。分部而治。阿伏至羅居北。窮奇居南。伏名敦

擊之。反爲所敗。國人殺之而立其叔父那蓋。號侯其伏代庫者。悅樂也。可汗。

魏宣武帝正始三年。梁武帝天監五年。西歷紀元五〇六年。侯其伏代庫者殂。子伏圖立。號他汗。緒也。可汗。屢遣使請和於魏。不報。

魏宣武帝永平元年。梁武帝天監七年。西歷紀元五〇八年。他汗西擊高車。初。噉噉擊高車。殺其侯倍窮奇。執其子彌俄突。高車

王阿伏至羅殘暴。國人殺之。立其宗人跋利延。嚧噠奉彌俄突伏高車國人殺跋利延。迎立彌俄突。至是彌俄突拒戰於蒲類海。今新疆鎮西縣巴里坤湖不勝。西走三百餘里。會高昌王麴嘉求內徙於魏。魏遣將軍孟威發涼州兵迎之。軍至伊吾。今哈密縣他汗懼。班師。彌俄突乘其軍心離駭。追擊大破之。殺他汗於蒲類海北。他汗子醜奴立。號豆羅伏跋豆伐。彰制也可汗。

伏跋勇武。善用兵。魏孝明帝熙平元年。梁武帝天監十五年西擊高車。大破之。殺其王彌俄突。鄰國叛去者皆擊滅之。柔然復強。已而納巫者地萬爲可賀敦。后也信用其言。干亂國政。魏孝明帝正光元年。梁武帝普通元年國人弑之而立其弟阿那瓌。族兄示發起兵擊破之。阿那瓌奔魏。次年其從父兄俟力發婆羅門復擊殺示發而自立。號彌偶可社句。安靜也可汗。

初高車王彌俄突爲柔然所殺。其衆悉歸於嚧噠。後數年嚧噠遣彌俄突弟伊匐。率餘衆歸國襲位。至是擊柔然。大破之。婆羅門降魏。魏分柔然爲二部。以阿那瓌統東部。治吐若奚泉。據北史在懷朔鎮北無結山下婆羅門統西部。治故西海郡。婆羅門尋叛魏。亡歸嚧噠。嚧噠討而執之。於是柔然西部羈縻於魏。已者魏室衰微。中原多故。阿那瓌遂統一柔然。自稱勒連頭兵豆伐。把攬也可汗。頭兵勇武。長於兵事。會後魏分爲東西。日盛兵相伐。各厚歲幣以結歡。柔然頭兵於是益驕。伊匐旋爲弟越居所弑。伊匐子比適復殺越居而自立。梁武帝大同中。頭兵乘其內亂。擊滅之。越居子去賓奔北齊。於是柔然對高車問題解決。

第二節 突厥之家世

突厥民族。舊居天山系與阿爾泰山系中間。迤邐東下。秦漢之時。進至貝加爾湖畔。與匈奴接觸。史書稱之曰丁零。僻處遠方。役屬於匈奴。與中國無直接關係。五胡十六國之亂。鮮卑匈奴闖入中國。漠南漠北空虛。柔然乘勢略取其地。突厥民族隸屬於柔然。其部落名稱見於北史者。曰高車。曰突厥。曰鐵勒。散居外蒙古西部。直抵阿爾泰山系。高車在東。突厥在西。而鐵勒散居於其北。高車事蹟已見於上節。茲略述突厥事蹟如左。

突厥本西方小國。姓阿史那氏。世居金山之陽。爲柔然鐵工。梁武帝大同間。酋長土門在位。有勇略。南破高車。併其部落五萬餘衆。國勢大振。求婚於柔然。頭兵不應。又辱之。土門怨。乃自立爲伊利可汗。猶古之單于號其妻爲

可賀敦。猶古之閼氏擊柔然。大破之。殺頭兵可汗。其子菴羅辰奔北齊。餘衆復立頭兵叔父鄧叔子爲主。土門殂。

子科羅立。號乙息記可汗。又擊破鄧叔子。且死。捨其子攝圖。而立其弟俟斤。是爲木杆可汗。性剛暴。勇而多智。務於征伐。率兵擊鄧叔子。破之。鄧叔子收其餘燼奔西魏。突厥遣使者執之於魏而殺之。柔然遂亡。時梁敬帝紹泰元年。西魏恭帝二年。西曆紀元五五五年也。

木杆既滅柔然。乃西破嚙噠。南降吐谷渾。東攘契丹。北併結骨。威服塞外諸國。吐谷渾者。鮮卑慕容氏之族。自東晉初年。卽略取青海。自立爲王國。當中國南北構兵。吐谷渾超然於域外。至是始服屬於突厥。契丹者。蒙古及通古斯族之混血族。當時自內蒙古東部。蔓延於滿洲西境。結骨者。古之堅昆。蕃殖於葉尼塞河（Yenisei）

River)上流。於是突厥屬土。東至遼海。西至西海。南併青海。北包貝加爾湖。東西長萬餘里。南北闊五六千里。皆屬焉。

第三節 突厥之風俗及文化

突厥之俗。被髮左衽。穹廬氈帳。隨逐水草遷徙。以畜牧射獵爲事。食肉飲酪。身衣裘褐。貴壯賤老。寡廉恥。無禮義。與古之匈奴同。大官有葉護。次特勒。次俟利發。次吐屯發。及餘小官。凡二十八等。皆世爲之。兵器有角弓。鳴鏑。甲。稍。刀。劍。相傳其國始祖爲牝狼所生。故俗崇拜狼。牙門建狼頭纛。示不忘本也。善騎射。性殘忍。無文字。其徵發兵馬及諸稅雜畜。刻木爲數。并一金鏃箭。蠟封印之以爲信契。俟月將滿。轉爲寇鈔。其刑法反叛。殺人。及姦人之婦。盜馬絆者皆死。淫者割勢而腰斬之。姦人女者。重責財物。卽以其女妻之。鬪傷人者。隨輕重輸物。傷目者償以女。無女則輸婦。傷折支體者輸馬。盜馬及雜物者。各十餘倍徵之。死者停屍於帳。子孫及親屬男女。各殺羊馬。陳於帳前祭之。繞帳走馬七匝。詣帳門。以刀斫面且哭。血淚俱流。如此者七度。乃止。擇日取亡者所乘馬及經服之物。并屍俱焚之。收其餘灰。待時而葬。春夏死者。候草木黃落。秋冬死者。候華茂。然後坎而瘞之。葬日親屬設祭。及走馬斫面。如初死之儀。表爲塋。立屋。中圖畫死者形儀。及其生時所戰陣狀。常殺一人。則立一石。有至千百者。又以祭之羊馬頭。盡懸之於標上。是日。男女咸盛服飾。會於葬所。男有悅愛於女者。歸卽遣人聘問。其父母多不違也。父兄伯叔死。子弟及姪等妻其後母世叔母嫂。唯尊者不得下淫。移徙無常。而各有

地分。可汗恆處於都斤山。牙帳東開。蓋敬日之所出也。每歲率諸貴人祭其先窟。又以五月中旬。集他人水拜祭天神於都斤西五百里。有高山迥出。上無草樹。謂爲勃登凝梨。夏言地神也。其書字類胡。不知年曆。以草青爲記。男子好撈蒲。女子蹴鞠。飲馬醅取醉。歌呼相對。敬鬼神。信巫。重兵死。恥病終。大抵與匈奴同俗云。

第四期 漢族第二次大一統時代

第一章 突厥之衰亡與內外蒙古之內屬

突厥強盛時代。約在南北朝末年。中國南北構兵。北朝之魏。南朝之梁。復相繼中分爲二。互相覬覦。互相攻擊。前後縣互五十餘年。生靈塗炭。於斯爲極。突厥勃起。統一北方。乘勢操縱於其間。舉足左右。便有輕重。北周北齊皆敬畏之。汲汲以買其歡心爲要。其後北周滅齊。黃河流域復歸於一統。隋室篡周。復滅梁。滅陳。南北復歸於一統。漢民族與突厥民族南北對峙。東亞復成爲二大帝國。與秦漢時代形勢相似。始取平等態度。北向與突厥爲敵。不復卑禮厚幣以事之矣。唐室繼隋而興。武力之發揚。爲有史以來歷代最。太宗英明。與漢武帝相伯仲。而勇武過之。取鐵血主義。乘突厥內亂。大舉滅之。悉收其地爲郡縣。於是漢民族對突厥民族之問題解決。復乘勢四方經略。東滅百濟高麗。西服吐谷渾吐蕃及西域諸國。南服嶺南黔中諸酋。北降鐵勒諸部。於是日本海黃海以西。鹹海裏海以東。貝加爾湖以南。交趾以北。悉內屬。東亞主權皆入於有唐之手。漢族第二次大帝國復成立。中國聲靈於斯爲烈矣。茲先敘南北朝末年突厥對中國之關係。次及其隋唐初年對中國之

關係。以爲漢民族經略塞外之前提。

第一節 東突厥之末路

一、突厥全盛時代 先是後魏末年。木杆既服吐谷渾。屢與北周聯兵伐北齊。周武帝納木杆女爲后。以羈縻之。木杆殂。復舍其子大邏便而立其弟。是爲佗鉢可汗。佗鉢以兄乙息記可汗之子攝圖爲爾伏可汗。統東方。又以其弟褥但之子爲步離可汗。統西方。自木杆以來。國勢富強。周既與之和親。歲給厚幣以結好。突厥人在長安者。錦衣肉食常千數。齊亦畏其寇掠。傾府藏以賂之。佗鉢益驕。常曰。『但使我在南面。兩兒常孝。何憂於貧。』適沙門惠琳至。自齊說以因緣果報之理。佗鉢信之。乃建伽藍。遣使於齊。求淨名涅槃華嚴諸經。皈依佛法。陳宣帝太建九年。周武帝建德六年。齊幼主恆承光元年。西歷紀元五七七年。周人滅齊。齊宗室紹義奔突厥。佗鉢甚重之。立爲齊帝。助之舉兵抗周。次年。聞周武帝殂。奉高紹義攻幽州。周宣帝卽位。與突厥和親。以趙王招女爲千金公主。妻佗鉢。

隋文帝開皇元年。西歷紀元五八一年。佗鉢病且死。命其子菴邏避大邏便。佗鉢殂。國人究立菴邏。大邏便不服。菴邏不能制。讓位於攝圖。攝圖代立。雄勇得衆心。號沙鉢略可汗。居都斤山。當在外蒙古杭愛山附近。以統東方諸國。菴邏降居獨洛水。今外蒙古土拉河。稱第二可汗。以大邏便爲阿波可汗。還領所部。又命從父玷厥居西方。建牙于泉。在今俄領中亞細亞格拉斯河。上流。以統西方諸國。稱達頭可汗。於是突厥分爲數部。同時並立四君主。國內分離之兆始現矣。

當是時波斯王哥士婁（Chosroes）善用兵與突厥連和。合攻嚙唃擊滅之。東略地至新頭河。即印度河復與東羅馬帝糾士丁尼（Justinian）構兵。尋與突厥失和。陳臨海王光大二年。西歷紀元五六八年沙鉢略遣使與東羅馬連和。夾攻波斯。擴張屬土。

二、突厥分離時代 當是時。隋室勃興。待突厥禮薄。沙鉢略怒。以一代千金公主復周室讎。爲名。率師四十萬。分道南侵。入長城。隋遣兵拒擊破之。奉車都尉長孫晟常使突厥。熟知山川形勢。部衆強弱。與沙鉢略之弟突利設處羅侯善。至是上書曰。「玷厥之於攝圖。兵強而位下。外名相屬。內隙已彰。鼓動其情。必將自戰。又處羅侯者。攝圖之弟。姦多勢弱。曲取衆心。國人愛之。因爲攝圖所忌。其心殊不自安。迹示彌縫。實懷疑懼。阿波首鼠。介在其間。頗畏攝圖。受其牽率。惟強是與。未有定心。今宜遠交而近攻。離強而合弱。通使玷厥。說合阿波。則攝圖迴兵。自防右地。又引處羅。遣連奚翳。則攝圖分衆。還備左方。首尾猜嫌。腹心離阻。十數年後。乘釁討之。必可一舉而空其國矣。」文帝從之。遣使通好達頭。達頭使至。引居沙鉢略使上。又使晟齎幣賜奚翳契丹。使爲嚮導。得至處羅侯所。誘之內附。

反間既行。突厥諸可汗果相猜貳。隋開皇三年。西歷紀元五八三年阿波可汗寇涼州。與隋總管竇榮定相拒。兵數敗。請盟而還。長孫晟時爲偏將。使謂阿波曰。「攝圖阿波。兵勢本敵。今攝圖日勝。爲衆所崇。阿波不利。爲國生辱。攝圖必以罪歸阿波。滅北牙矣。今達頭與隋連和。而攝圖不能制。可汗何不依附天子。連結達頭。相合爲強。此萬

全計也。」阿波然之。遣使隨晟入朝。沙鉢略聞之。遂襲北牙。大破之。阿波還無所歸。西奔達頭。達頭大怒。遣阿波帥兵而東。其舊部落歸之者甚衆。與沙鉢略相攻。屢破之。復得其故地。兵勢日強。沙鉢略部衆多叛歸之。於是突厥遂分爲二。開皇四年。達頭可汗請降於隋。沙鉢略勢孤。乃請和親。千金公主自請改姓楊氏。爲隋帝女。詔更封爲大義公主。

當是時。阿波兵勢日強。諸胡皆附。號西突厥。沙鉢略既西。爲達頭所困。又東畏契丹。乃遣使告急於隋。諸將部落度漠南。居近塞下。隋許之。沙鉢略大喜。因上表稱臣入貢。開皇七年。西歷紀元五八七年沙鉢略殂。弟處羅侯立。是爲莫何可汗。莫何勇而有謀。以隋所賜旗鼓。西擊阿波。阿波之衆以爲隋兵助之。多望風降附。遂生擒阿波。次年。莫何西擊鄰國。中流矢殂。兄子雍虞閭。沙鉢略子立。號頡伽施多那都藍可汗。立莫何之子染干爲突利可汗。居北方。

三、突厥降附時代 當是時。隋已滅後梁及陳。盡有揚子江流域。統一中國。兵勢甚盛。擬遂乘機經略北方。都藍遣使來求婚。不許。而以宗女安義公主妻突利。特厚其禮。令南徙近塞。賜賚優厚。以離間之。都藍大怒。朝貢遂絕。亟掠邊鄙。突利伺知動靜。輒遣奏聞。由是邊郡每先有備。都藍與達頭可汗結盟。合兵掩襲突利。大敗之。突利來奔。詔拜爲啓民可汗。妻以宗女義成公主。築大利城。在今綏遠歸化城西北於朔州以處之。遣兵保護。尋徙之五原。阻河爲固。都藍旋爲其下所弑。達頭自立爲步迦可汗。其國大亂。步迦入寇。隋遣兵擊破之。其部落來降者

九萬口。鐵勒僕骨等十餘部皆降於啓民步迦。西奔吐谷渾。啓民北歸庭。盡有步迦之衆。事隋甚謹。煬帝大業三年。帝北巡。次榆林郡。今陝西故榆林府啓民及義成公主來朝行宮。帝幸啓民帳。啓民奉觴上壽。執臣子禮甚恭。帝大悅。作詩曰。

鹿塞旌旗駐。

龍庭翠輦迴。

氈帷望風舉。

穹廬向日開。

呼韓頓顙至。

屠耆接踵來。

索辦擎羶肉。

韋韞獻酒杯。

何如漢天子。

空上單于臺。

其得意之情形可想矣。

四、突厥跋扈時代。當是時。隋室一統已逾十年。文帝以儉素率天下。臣民化之。戶口蕃庶。物產增殖。乃東破

契丹。西降吐谷渾。南服林邑。北朝突厥。西域諸國多降來。獻地置西海。治伏俟城在青海西河源。治赤水城在青海南鄯善。鄯即

書故國在今且末。即且末故國在燉煌縣西。今燉煌縣西南等郡。謫天下罪人爲戍卒以守之。於是隋室疆域東極遼海。西逾青海。南至

安南。北逾沙漠。東西九千三百里。南北萬四千八百里。隋室之盛。極於此矣。煬帝好大喜功。驕淫暴虐。不恤

百姓。屢伐高麗。前後喪師數十萬人。中國威靈掃地。天下嗟怨。羣起叛之。大業十一年。帝巡北邊。是時啓民已

殂。子咄吉嗣位。是爲始畢可汗。侍郎裴矩掌外交。惡始畢強盛。欲分其勢。拜其弟叱吉爲南面可汗。叱吉不敢

受。復誘殺其謀臣史蜀胡悉。始畢慚怨。與朝廷嫌隙漸深。至是率騎數十萬入寇。圍帝於雁門。帝遣間使求救

於義成公主。僅乃得解。

當是時。隋室已衰。羣雄之割據一方者。爭引突厥爲援。競稱臣於突厥以媚之。唐高祖起兵太原。亦遣使稱臣借兵。賂遺甚厚。是時突厥強盛。東自契丹。室韋。西盡吐谷渾。高昌諸國。皆臣之。控弦百餘萬。恃功驕倨。每遣使至長安。多暴橫。始畢。弟處羅可汗俟利弗。頡利可汗莫賀咄相繼立。屢助劉武周。梁師都。劉黑闥等。侵略北鄙。唐室患之。高祖武德七年。復大舉南犯。上欲遷都以避其鋒。秦王世民固諫。乃止。是時始畢之子什鉢苾爲突利可汗。統東部。與頡利連兵入寇。世民與之遇於豳州。縱反間計以離間二可汗。突利歸心於唐。頡利欲戰。突利不可。頡利不得已。乃遣突利來見世民。請和親。許之。突利因自託於世民。結爲兄弟。受盟而還。於是突厥內部攜貳。而頡利仍寇掠緣邊不已。太宗卽位。二可汗復連兵入寇。頡利自領前鋒。進至渭水。便橋之北。遣其心腹執失思力入見。以觀虛實。上責而囚之。自率六騎。徑詣渭水。與頡利隔水而語。責以負約。俄而諸軍繼至。旌甲蔽野。突厥大驚。請盟而退。

五、突厥衰亡時代 當是時。突厥兵革數動。國人離散。頻年大雪。六畜多死。國用大餒。頡利委任諸胡。疏遠族類。橫征重斂。民不堪命。諸部攜貳。奚霫薛延陀回紇等部皆叛。頡利遣突利擊之。兵敗奔還。頡利怒。拘而撻之。突利奔唐。請伐頡利。詔以李靖爲行軍大總管。率師分道伐之。襲破突厥兵於陰山。頡利敗竄。被擒。其部落或北附薛延陀。或西奔西域。其降唐者尙有十餘萬口。詔分突利故地爲四州。頡利故地爲六州。左置定襄。右置雲中。二都督府。以統其衆。突厥遂亡。時太宗貞觀四年。西曆紀元六三〇年也。自伊利稱可汗始。凡傳國七十

第二節 薛延陀回紇之爭霸

突厥雖亡。鐵勒諸部猶盛。北方之憂未艾也。鐵勒者。亦突厥民族。種類最多。自西海之東。依據山谷。往往不絕。有薛延陀、回紇、都播、骨利幹、多濫葛、同羅、僕固、拔野古、思結、渾、斛薛、奚結、阿跌、契苾、白靺等。凡十五部。皆居磧北。臣服於突厥。惟薛延陀回紇二部最強。頡利政衰。諸部多叛。薛延陀部酋長夷男。率其徒屬擊頡利。大破之。衆共推夷男爲可汗。夷男不敢當。太宗方圖突厥。乃遣使間道冊拜夷男爲眞珠毗伽可汗。賜以鼓纛。突厥之亡也。其部落多北附薛延陀。夷男率部落東返故地。建庭於都尉犍山。東至靺鞨。西至西突厥。南接沙磧。北至俱倫水。今外蒙古克魯倫河回紇拔野古、阿跌、同羅、僕骨、霫、諸部皆隸之。於是漠北霸權。一時歸於薛延陀。已而眞珠南侵。詔李世勣等擊破之。眞珠來乞和親。上許而不遣。貞觀十九年。眞珠殂。子拔灼立。是爲多彌可汗。多彌猜徧好殺。廢棄父時貴臣。專用己所親昵。國人不附。回紇等部皆叛。襲擊破之。殺多彌。盡據其地。

回紇部居薛延陀之北獨樂水。今外蒙古土謝圖汗部之圖拉河上。唐初有菩薩者。其長部。勇武有膽略。與薛延陀共破突厥。雄視漠北。菩薩卒。吐迷度嗣爲酋長。乘薛延陀內亂。率鐵勒諸部擊破之。殺多彌可汗。餘衆西走。猶七萬餘口。共立眞珠可汗兄子咄摩支爲主。太宗復遣李世勣擊之。咄摩支降。其部落仍持兩端。勣縱兵追擊。斬獲甚衆。回紇等十餘部相繼來降。詔以其地爲六府。回紇爲瀚海。僕骨爲金微。多濫葛爲燕然。拔野古爲幽陵。同羅爲龜林。思結爲盧山。七州。渾爲皋蘭。斛薛爲

阿跌爲雞田契苾羽爲榆溪思拜其酋長爲都督刺史。置燕然都護府以統之。於是北荒悉平。然回紇吐迷度結別部爲歸林白臂爲真顏。已私自稱可汗。官號皆如突厥故事。時貞觀二十一年。西曆紀元六四七年也。

頡利之敗也。其同族車鼻。收合餘燼。保金山之北。自稱可汗。歌羅祿結骨二部皆歸之。薛延陀旣敗。車鼻勢益張。貞觀二十三年。詔驍衛郎將高侃將兵擊之。高宗永徽元年。擒車鼻。送京師。於是突厥諸部盡爲內臣。置單于瀚海二部護府。單于都護領狼山、雲中、桑乾、三都督府。蘇農等十四州。瀚海都護領金微、新黎等七都督府。仙萼賀蘭等八州。各以其酋長爲都督刺史分統之。自是北邊無寇者三十餘年。最北之骨利幹結骨等國。皆遣使入貢。唐室威靈直抵西伯利亞南部。

第三節 西突厥之衰亡



突厥雖亡。西突厥猶在。唐室之憂未艾也。阿波之被擒也。西突厥立鞅素特勤之子。是爲泥利可汗。泥利殂。子逌漫立。是爲處羅可汗。隋煬帝大業七年。達頭之孫射匱逐處羅而自立。處羅奔隋。射匱勇武。拓地東至金山。而至海。遂與北突厥爲敵。建庭於龜茲北三彌山。即今新疆庫車縣之汗騰格里山。玉門關以西諸國多役屬之。射匱殂。弟統葉護可汗立。統葉護勇而有謀。善攻戰。北并鐵勒。西擊波斯。南接罽賓。控弦數十萬。移庭於石國。今俄屬塔什干。城之千泉。今阿雷斯河。西域諸國皆臣服。授其王爲頡利發。一作俟利發。遣吐屯監之。徵收其租賦。唐太宗貞觀二年。統葉護爲其諸父莫賀咄所弑。莫賀咄自立。號屈利俟昆可汗。國人不服。迎立統葉護之子。

咥力特勤爲乙毘鉢羅肆葉護可汗。與屈利俟毘相攻。國內亂者數年。九年。咥利失可汗立。分其國爲十部。每部有酋長一人。分左右廂。左廂號五咄陸。置五大噉。右廂號五弩失畢。置五大俟斤。通謂之十姓。咥利失失衆心。十二年。爲其臣所逐。走焉耆。西部立欲谷設爲乙毘咄陸可汗。與咥利失爭國。中分其地。以伊利河爲界。以西屬乙毘咄陸。以東屬咥利失。西突厥復分爲二部。

貞觀十三年。咥利失殂。子乙毘沙鉢羅葉羅可汗立。號南庭。乙毘咄陸爲北庭。十五年。乙毘咄陸攻殺沙鉢羅。統一兩部。又擊吐火羅。滅之。自恃其強。漸驕暴。拘留唐使者。是時高昌已亡。西突厥與唐接境。遣兵寇伊州。唐將郭孝恪擊破之。十六年。突厥諸將共逐乙毘咄陸。遣使請命於唐。詔立莫賀咄之子爲乙毘射匱可汗。咄陸故將阿史那賀魯帥其部衆降唐。置瑤池都督府以處之。賀魯勢漸強。唐高宗永徽二年。攻乙毘射匱。殺之。併有其衆。自號沙鉢羅可汗。勢日強大。數寇唐邊。高宗遣梁建方程知節等兩次伐之。不克。復遣蘇定方伐之。擊破其兵。擒沙鉢羅。分西突厥地。置崑陵。居碎葉川東領五咄陸部碎葉川即今俄領七河省之那林河濛池。居碎葉川西領五弩失畢部二都護府。置興昔亡繼往絕二可汗以統之。於是西突厥遂亡。其所役屬諸國。皆分置府州。西盡於波斯。並隸安西都護府。時高宗顯慶二年。西曆紀元六五七年也。

東突厥世系表

阿史那氏興亡
續繁僅記大略



(一)阿波可汗——(二)泥利可汗鞅素特勤之子——(三)泥橈處羅可汗達漫

達頭步迦可汗玷厥

都六

(四)射匱可汗

(五)統葉護可汗——乙毘鉢羅肆葉護可汗——

(六)莫賀咄利侯屈俟毗可汗

(七)阿婁拔爰刺邲咄陸可汗——乙毘咄陸可汗——真珠葉護可汗

(八)沙鉢羅陁利失可汗——乙屈利失乙毘可汗——乙毘射匱可汗

卜加那設——(九)乙毘沙鉢羅葉護可汗——沙鉢羅可汗賀魯

第二章 高麗百濟之衰亡與新羅之一統

自來朝鮮半島。爲三韓民族舊地。三韓民族性情懦弱。喜依賴。懼獨立。伊古以來。久爲異族所征服。西北方面。多羈縻於漢族。東北方面。多羈縻於通古斯族。兩晉時代。漢族勢力衰退。樂浪、帶方、玄菟、臨屯、真番、五郡故地。皆淪沒於異族。通古斯族乘勢南下。略取半島北部。建立高句驪國。復出其偏師。略取半島西南部。建立百濟國。同時大和民族侵入南方。略取任那十部。建設日本都護府。與通古斯族南北對峙。各出其合縱連衡政策。

互相競爭。互相衝突。前後互數百年。新羅一國。以三韓土著民族。偏安東南。用敏活之外文手段。操縱駕馭於其間。始則利用高麗勢力。牽掣百濟與日本。繼則利用百濟勢力。牽掣高麗。終則利用中國勢力。翦滅百濟高麗。並擊退日本。使不敢西向。復乘中國內亂。略取高麗百濟舊地。於是朝鮮半島。始統一於三韓民族之下。就朝鮮本國史方面觀之。亦古來未有之盛事也。茲述其概略於左。

第一節 高麗與隋之衝突

一、開皇十八年之役 先是東晉末年。百濟近肖古王在位。國勢強大。有凌駕高麗之勢。新羅奈勿尼師今。乃與高麗結攻守同盟以拒之。其後至劉宋時代。高麗長壽王璉在位。國勢日強。凌駕二國。半島形勢一變。新羅訥祇麻立干。乃與百濟結攻守同盟以抗高麗。長壽王薨。繼世者多英主。屢破百濟兵。百濟請救於新羅。新羅不應。百濟聖明王怒。自將伐新羅。兵敗。見殺。威德王嗣立。汲汲與日本聯盟以圖自保。日本割任那都護府屬地以益其勢。新羅孤立東方。乃復與高麗結盟以抗日本。蠶食任那都護府。盡取半島南部之日本屬地。西向以臨百濟。大有臥榻之側不容他人鼾睡之勢。百濟形勢日益孤危。日本欽明五四〇至五七一敏達五七二至五八五兩天皇時代。日夜謀恢復任那。前後遣兵渡海西伐者數次。事雖不成。然新羅以有所牽掣。而不能統一。百濟以有所保護。而不至淪滅。半島南部之日本勢力範圍。猶可維持一部分。隋室勃興。三國前後遣使入貢於中國。朝廷拜高麗王湯平原爲大將軍。上開府儀同三司。遼東郡公。高麗王。百濟王餘昌威德爲上開府。日方郡公。

百濟王。新羅王眞平眞平王爲上開府、樂浪郡公、新羅土取羈縻政策。待以相當之禮。湯薨。子元立。是爲嬰陽王。朝廷循例。遣使拜元爲上開府儀同三司。襲爵遼東郡公、高麗土。隋室滅陳。統一南北。元懼中國之壓迫。以隋文帝開皇十八年二月。率靺鞨萬餘人寇遼西。營州總管韋冲擊卻之。文帝大怒。以漢王諒王世積並爲行軍元帥。尙書左僕射高穎爲諒長史。總水陸軍三十萬。分道伐高麗。陸軍出臨渝關。值水潦。餽運不繼。軍中饑疫。水師總管周羅睺。自東萊泛海趨平壤。亦遭風。船多漂沒。是年九月。詔班師。高麗王元亦遣使謝罪。於是麗東征兵。通好如故。

二、大業七年之役。當是時。高麗與新羅結合。驅除半島上之日本勢力。國勢日強。隋室勃興日淺。民意未孚。北與突厥爲鄰。不敢大舉東下。故高麗在東方。獨占勢力。已而煬帝卽位。突厥已降。林契、丹邑、吐谷渾。及西域諸國。亦先後請吏奉貢。煬帝好大喜功。改元大業。事事摹倣秦皇漢武。築長城。鑿運河。創千古未有之事業。東征西伐。靡有寧日。帝之幸啓民帳也。高麗使者在啓民所。啓民不敢隱。與之見帝。裴矩說帝曰。『高麗本箕子所封之地。漢晉皆爲郡縣。今乃不臣。別爲異域。先帝欲征之久矣。但漢王諒不肖。師出無功。當陛下之時。安可不取。今其使者親見啓民舉國從化。可因其恐懼。脅使入朝。』帝從之。勅牛弘宣旨。令使者還語高麗王。宜早入朝。元不奉詔。藩禮頗闕。大業七年。帝自將擊高麗。幸臨朔宮。徵天下兵會涿郡。次年正月。到者凡一百一十三萬人。稱二百萬。分爲二十四軍。左十二軍出鏤方、樂浪等道。右十二軍出黏蟬、襄平等道。每軍大將亞將

各一人。日遣一軍相去四十里。連營漸進。旌旗互千餘里。復置慰撫使一人。承詔慰撫。不受大將節制。是年三月。諸軍渡遼水。擊敗高麗兵。進圍遼東城。遼寧縣今遼寧遼陽縣不克。

諸將之東下也。帝親戒之曰。「今者弔民伐罪。非爲功名。諸將或欲輕兵掩襲。孤軍獨鬪。立一身之名。以邀勳賞。非大軍行法。公等進軍。當分爲三道。有所攻擊。必三道相知。凡軍事進止。皆須奏聞待報。」至是遼東嬰城固守。帝命諸軍攻之。又敕諸將。「高麗若降。卽宜撫納。不得縱兵。」城將陷。城中輒請降。諸將不敢赴。先令馳奏。比報至。城中守禦亦備。隨出拒戰。如此再三。帝終不悟。

是年七月。將軍宇文述等九軍。會於鴨綠江西。高麗王元遣大臣乙支文德來詐降。以觀虛實。將軍于仲文將執之。慰撫使劉士龍不可。遂聽其還。旣而悔之。遣使追召之。不至。述以糧盡欲還。仲文議以精銳追文德。述等不得已。從之。師遂渡江。

先是述等東下。人馬皆給百日糧。又給衣資、戍具、火幕。人別三石以上。重莫能勝。述乃下令軍中。遺棄米粟者斬。士卒皆於幕下掘坑埋之。纔及中路。糧已將盡。文德見述軍有饑色。故欲疲之。每戰輒走。述一日之中。七戰皆捷。遂渡薩水。今博川江又名臨津江去平壤城三十里。因山爲營。平壤城堅。不能猝下。諸軍不得已。引還。至薩水。軍半濟。文德自後擊之。諸軍皆潰。述等僅以身免。

當是時。將軍來護兒帥江淮水軍。舳艫百里。浮海先進。入自涓水。今大去平壤六十里。與高麗兵相遇。大破之。

乘勝趨其城。高麗伏兵郭內，誘之入城，大破其兵，護兒奔還。於是水軍亦敗。是爲第一次高麗之役。初，帝之出師也，御龍舟渡河，入永濟渠，仍敕選部、門下、內史、御史，於前船選補。其受選者三千餘人，或徒步隨船三千餘里，凍餒疲頓，死者什一二。復敕幽州總管元弘嗣往東萊海口造船三百艘，官吏督役，晝夜立水中，不敢息。自腰以下皆生蛆，死者什三四。又敕河南、淮南、江南造戎車五萬乘，送高陽，供載衣甲幔帳，令兵士自挽之。發河南北民夫，以供軍需。江淮以南民夫及船，運黎陽及洛口諸倉米，舳艫千里，往還常數十萬人。晝夜不絕，死者相枕。天下騷動，課天下富人買馬，匹至十萬錢，簡閱器仗，或有濫惡，使者立斬。又令山東置府養馬，以供軍役。發民夫運米塞下，車牛往者皆不返。士卒死亡過半，耕稼失時，穀價踴貴。東北邊尤甚，斗米直數萬錢。所運米或粗惡，令民糴以償之。又發鹿車夫六十餘萬，二人共推米三石，道途險遠，不足充餼糧。至鎮無可輸，皆懼罪亡命。重以官吏侵漁，百姓窮困。於是河北山東羣盜蜂起，薩水敗後，帝猶不悛。大業九年，徵天下兵集涿郡，復自將擊高麗，圍遼東，不克。會楚公楊玄感起兵黎陽，圍東都，帝不得已引還。是爲第二次高麗之役。少年二月，復議伐高麗，徵天下兵會涿郡，士卒在道亡者相繼。是時天下已亂，所徵兵多不至。高麗亦困弊，遣使請降。詔班師，徵高麗王元入朝，竟不至。

第二節 高麗與唐之衝突

已而隋亡，唐興，中華大帝國復成立。三國皆懼，陸續遣使入朝於唐，受封冊。是時高麗王元已殂，其弟榮留王

建武在位。通好於唐。送還隋末中國捕虜萬餘人。唐亦還高麗捕虜以報之。太宗卽位。征服突厥。招降吐蕃。吐谷渾及西域諸國。中國國勢日強。會高麗東部大人泉蓋蘇文弑其王建武。而立王弟子藏。是爲寶藏王。蓋蘇文自爲莫離支。約當中國之吏兵二部尙書輔政。是時新羅遣使言「百濟與高麗連兵。謀絕新羅入朝之路。」上遣使喻高麗。蓋蘇文不奉詔。貞觀十八年。上自將伐高麗。以張亮爲平壤道行軍大總管。帥兵四萬。艦五百。自萊州泛海趨平壤。李世勣爲遼東道行軍大總管。帥步騎六萬。及蘭河降胡。趨遼東。世勣兵渡遼河。拔蓋牟。卽故蓋牟縣東北遼東、白巖三城。進圍安市城。在蓋牟縣東北七十里高麗北都耨薩延壽、惠真帥兵十五萬來援。副總管江夏王道宗謂「高麗傾國以拒王師。平壤之守必弱。願假精兵五千。覆其根本。」上不應。進擊延壽兵。大破之。安市城竟不下。世勣急攻之。士卒多戰沒。上以遼左早寒。草枯水凍。且糧食將盡。士馬難久留。乃詔班師。張亮亦無功而還。

已而泉蓋蘇文日益驕恣。屢違詔攻新羅。二十一年。以牛進達、李世勣爲行軍大總管。伐高麗。破其兵。復發江南工人造大船。欲大舉山海路伐之。會太宗崩。乃止。

第三節 百濟之衰亡及日本與唐之衝突

當是時百濟國勢日衰。威德王殂後。惠王、法王、武王相繼在位。與高麗結好。數侵新羅。新羅眞平王殂後。王女善德、眞德相繼在位。傳至其子金春秋。英武有智略。是爲武烈王。取遠交近攻策。結好於唐。太宗之東征也。新

羅出兵攻高麗南境。遙爲聲援。百濟因出兵侵新羅西境。以救高麗。唐高宗永徽六年。高麗百濟連兵侵新羅北境。取三十五城。武烈王乞援於唐。詔遣營州都督程名振、中郎將蘇定方、薛仁貴等前後往擊高麗。破之。百濟恃高麗援。數侵新羅。新羅上表求救。朝廷以高麗百濟相爲狼狽。欲伐高麗。不可不先破百濟。乃以蘇定方爲行軍大總管。率師十萬伐之。詔新羅會師。武烈王奉命。命太子法敏、大將軍金庾信、率陸軍攻百濟東境。復遣水師由海路攻百濟南方。是時百濟義慈王在位。驕奢淫佚。不恤國政。國人離怨。定方引軍自成山濟海。百濟據熊津江。江今鎮口以拒之。定方擊破其兵。直趣都城。百濟傾國來戰。定方大破之。會新羅兵已越炭峴來會。遂圍其都城泗泚。今忠清南道扶餘縣百濟力竭請降。詔分其地爲五部。置熊津、馬韓、東明、金漣、德安等五都督府。分統三十七郡、二百城、七十六萬戶。以郎將劉仁願爲熊津都督。鎮百濟府城。遷義慈王及太子隆等八十餘人於長安。百濟遂亡。時唐高宗顯慶五年。百濟義慈王二十年。新羅武烈王七年。西曆紀元六六〇年也。

先是百濟與日本修好。日本數舉兵助之抗新羅。百濟既亡。其故將鬼室福信與僧道琛等起兵據周留城。在今至羅北道全州之西遣使乞援於日本。迎故王子豐璋於日本而立之。時日本齊明天皇在位。皇太子中大兄攝政。以阿曇比羅夫爲大將軍。阿部比良夫副之。率舟師百艘。兵五千。渡海救百濟。齊明自將屯筑紫。遙爲聲援。福信圍劉仁願於熊津。朝廷以劉仁軌爲帶方州刺史。發新羅兵以救仁願。破百濟兵。解熊津圍。福信移軍任存城。新羅兵以糧盡引還。百濟之勢頗振。仁願請兵於朝。朝廷以孫仁師爲熊津道行軍大總管。將登萊淄青等州兵。

浮海赴之。會福信專權。殺道琛。併其衆。豐璋疑福信有貳心。殺之。仁軌乘百濟內亂。擊敗其兵。豐璋復請救於日本。日本遣前將軍上毛野稚子。後將軍阿倍比羅夫。率二萬七千人赴之。是時新羅武烈王已殂。子文武王法敏嗣位。遣使請命於唐。朝廷以新羅爲雞林州大都督府。拜法敏爲大都督。開府儀同三司。上柱國。封新羅王。命與孫仁師會師。法敏奉命。率金庾信等二十八將往會唐兵。仁師仁願與法敏將步騎由陸路進。仁軌與故百濟王太子扶餘隆等。將水師自熊津入白江。今忠清南道錦江遇日本兵於白江口。四戰皆捷。焚其舟四百艘。煙燄灼天。海水皆赤。百濟王豐璋脫身奔高麗。餘衆皆降。百濟遂平。詔留仁軌檢校熊津都督。守百濟。召仁願等班師還朝。仁軌撫循勞徠。流亡皆集。百濟遂安。時唐高宗龍朔三年。西曆紀元六六三年也。

第四節 高麗之衰亡

百濟旣亡。朝廷遂乘勢經略高麗。龍朔元年。以任雅相、契苾何力、蘇定方等爲大總管。率三十五軍。水陸分道伐高麗。何力破高麗兵於鴨綠江上。乘冰渡江。定方破高麗軍於湍江。今大進圍平壤。新羅大將金庾信引兵來會。會任雅相卒於軍。沃沮道總管龐孝泰與泉蓋蘇文戰於蛇水上。敗死。蘇定方圍平壤。久不下。天大風雪。人馬疲困。朝議班師。乃引軍還。

已而泉蓋蘇文卒。長子男生代爲莫離支。爲其弟男建男產所逐。走保國內城。使其子獻誠詣闕求救。朝廷遣契苾何力、龐同善將兵救之。以獻誠爲嚮導。同善大破高麗兵。泉男生帥衆來迎。詔以男生爲特進。遼東大都

督兼平壤道安撫大使。領嚮導以李勣即李世勣改名爲遼東大總管。契苾何力、龐同善副之。統諸軍伐高麗。命雞林大都督新羅王法興、熊津都督劉仁願由南路進兵。皆受李勣節制。李勣拔新城。進擊一十六城。皆下之。薛仁貴領前鋒。破高麗兵於金山。在遼河北岸進拔扶餘城。扶餘川中四十餘城。皆望風請服。諸軍會於鴨綠柵。在鴨綠江東進圍平壤。月餘。高麗王藏遣泉男產率首領九十八人詣勣降。勣遂克平壤。執泉男建。送高藏詣京師。詔分高麗五部百七十六城六十九萬餘戶爲九都督府四十二州百縣。置安東都護府於平壤以統之。擢其酋帥有功者爲都督刺史縣令。與華人參理。以薛仁貴檢校安東都護。總兵二萬人以鎮撫之。高麗由是遂亡。時高宗總章元年。高麗寶藏王二十七年。新羅文武王八年。西曆紀元六六八年也。

第五節 新羅之統一與唐室朝鮮半島羈縻權之喪失

初、唐師之東征也。新羅皆遣兵來會。夾攻高麗百濟。爲唐師聲援。及二國已亡。唐室勢力侵入半島。新羅孤立東南。臥榻之側。豈容他人鼾睡。始與唐室爲敵。對於安東都護府。有不兩立之勢矣。茲述其事蹟如左。先是新羅自智大路在位。輸入中國文化。始定國號稱新羅。改麻立干號爲王。制法度。定州郡制。薨諡曰智證王。王子法興王、孫眞興王相繼在位。累世皆英主。頒律令。定官制。始創年號。文物制度。彬彬可觀。傳至眞平王。綱紀愈整飭。是時佛教已由中國輸入。精神界大有進步。傳至武烈王。國運益盛。武烈王幼時。嘗爲質於日本。又嘗出使於唐。長於外交。能隨機應變。屢受高麗百濟侵略。未嘗屈服。其子文武王亦英主。屢自將臨前敵。其大

將金庾信。以元勳宿望。輔相兩朝。位極人臣。周旋於三國之間。利用唐兵以翦滅百濟。豐璋敗後。朝廷以扶餘隆爲熊津都尉。安撫百濟餘衆。與新羅文武王盟於熊津城。釋去舊怨。欲以戢新羅異志。顧新羅野心勃勃。屢遣密使。煽動百濟遺民。誘之作亂。高麗亡後。其遺臣安舜舉兵叛唐。乞援於新羅。新羅許之。迎置於邊境。冊爲高麗王。使與安東都護府爲敵。朝廷以高侃李謹行爲行軍總管。發兵討安舜。擊破其兵。安舜奔新羅。安東都護薛仁貴。遣使送書於新羅。詰責其不忠實之罪。文武王上書謝罪。爲恭順。陰遣兵襲唐運送船。捕十餘艘。獲將卒百餘人。會高侃兵已進攻白水埽。王遣將軍義福春長。率師合高麗餘燼拒戰。敗績。王取敷衍政策。復上書謝罪。送還所獲捕虜。以平唐室惡感。陰納高麗叛衆。自樹黨。爲唐樹敵。復略百濟故地。擴張本國勢力範圍。朝議以新羅日張。非大舉兵膺懲之不可。上元元年。以同三品劉仁軌爲雞林道行軍大總管。李謹行副之。立新羅質子金仁問文武王之弟爲王。削法敏官爵。剋日進討。次年。仁軌大破新羅兵於七重城。今咸道城。又使靺鞨浮海略新羅南境。斬獲甚衆。新羅苦之。復遣使謝罪。朝廷取姑息政策。詔仁軌班師。改封仁問臨海郡公。復法敏官爵。熊津都尉扶餘隆畏新羅之逼。亦相繼還朝。當是時。高宗好色多病。內懼武后。大權移於中宮。朝政逐漸腐敗。百濟東部高麗南部故地。皆爲新羅所蠶食。仁軌之班師也。留李謹行爲安東道鎮撫大使。屯買肖城。經略高麗舊地。又命都護薛仁貴經略百濟舊地。仁貴謹行屢戰克捷。新羅勢漸不支。會朝廷取縮小主義。徙安東都護府於遼東故城。先有華人任安東官者。悉

罷之。徙熊津都督府於建安故城。於是高麗百濟故都皆放棄。尋以高麗故王藏爲遼東都督。封朝鮮王遣歸遼東。安輯高麗餘衆。扶餘隆爲熊津都督。封帶方王。亦遣歸安輯百濟餘衆。欲借以牽掣新羅北上之勢。仍移安東都護府於新城以統之。時百濟荒殘。命隆寓居高麗故地。藏至遼東。謀叛召還。徙邳州而死。隆亦不敢還故地。高氏扶餘氏遂亡。新羅乘勢蠶食高麗故地。會武氏篡唐。中原多故。無暇經略半島。新羅通好日本。結爲外援。侵略唐室半島領土。文武王殂。子神文王政明、孫孝昭王理洪、聖德王興光相繼在位。累世皆英主。留心政治。國勢日固。唐室屢遭武后、韋后、太平公主之亂。無暇對外。遂取羈縻政策。代賜以封冊。至聖德王時。遂由中國朝廷公然與以沮江江大同以南地。百濟故土全部及高麗故土南部皆爲所有。朝鮮半島漸成一統。復入於昇平之域。顧沮江以北之高麗故地。則爲通古斯族後起之渤海王國所據。不復隸屬三韓矣。

第三章 大食勃興以前中亞諸國之形勢

帕米爾高原東西爲黃白人種雜居地。地處葱嶺山系與崑崙山系天山系交錯地方。地勢華離破碎。宜於割據。不宜於統一。從古以來。未嘗建立大帝國。歷代小國。例守事大主義。爲對外政策。自秦漢至唐初。皆爲東方大國所羈縻。前漢與匈奴、後魏與柔然、對峙之時。常分兵經略西方。以爲力爭上游之計。後魏衰微。中亞羈縻

權入於突厥。突厥據高屋建瓴之勢。侵略中國。北周與隋兩代。西北方面。疲於奔命。突厥高麗相繼淪亡。東北兩方面無警。唐室兵威。遂轉鋒西下。經略中亞。略取漢室西域故地。爲直轄郡縣。復越葱嶺而西。略取阿母西爾兩河流域。及鹹海裏海間地。爲羈縻郡縣。波斯之贊山王朝。稱臣納質。唐室之勢力範圍。包伊蘭高原而西。與大食、拂菻接觸。創立漢族有史以來唯一不二之大帝國。偉矣哉。我先民之殖民事業乎。我輩安得不馨香崇拜之也。茲述其事蹟如左。

第一節 高昌之內屬

先是貞觀四年。伊吾來降。詔以其地置西伊州。於是西域交通路始內屬。是年。高昌王麴文泰入朝。西域諸國皆因文泰請朝。上納魏徵諫。不許。高昌者。國於天山東。卽漢車師前王庭。後漢戊己校尉故地。今新疆鄯善舊名闐展及土魯番縣等地。其界東西八百里。南北五百里。居民多中國西征將吏苗裔。晉初。以其地置高昌郡。前涼、後涼、北涼。相繼據河西。皆置太守以統之。北涼衰亡。闐爽據郡。自爲太守。北涼宗室沮渠無諱襲據之。無諱殂。弟安周代立。柔然襲滅之。立闐伯周爲高昌王。是爲高昌建國稱王之始。伯周殂。子義成立。從兄首歸弑之而自立。高車王可至羅殺首歸。立燉煌人張孟明爲王。後爲國人所弑。立馬儒爲王。以鞏顧禮、麴嘉爲左右長史。稱臣於後魏。謀舉國內徙。魏孝文帝許割伊吾地以處之。國人不樂東遷。齊明帝建武四年。相與弑王而立麴嘉金城榆中人爲王。始爲塞外一強國。稱臣於後魏。魏以爲平西將軍、瓜州刺史、泰臨縣開國伯。嘉自王其國。自

若官有令尹一人。比中國相國。次有公二人。一爲交河公。一爲田地公。皆王子爲之。次有左右衛。次有吏部、祠部、庫部、倉部、主客、禮部、戶部、兵部等八長史。次有建武、威遠、陵江、殿中、伏波等五將軍。次有八司馬。爲長史之副。次有侍郎、校郎、主簿、從事。階位相次。分掌諸事。次有省事。專掌導引。其大事決之於王。小事則世子及二公隨狀斷決。評章錄記。事訖卽除簿書之外。無久掌文案官人。雖有列位。並無書。唯每早集於牙門。評議衆事。諸城各有戶曹、水曹、田曹。城遣司馬侍郎相監檢校名爲令。服飾、丈夫從故法。婦人裙襦。頭上作髻。其風俗政令。與華夏略同。兵器有弓、箭、刀、楯、甲、稍。文字亦同華夏。兼用胡書。有毛詩、論語、孝經。置學官。弟子以相教授。雖習讀之。而皆爲胡語。賦稅則計田輸銀錢。無者輸麻布。其刑法風俗婚姻喪葬。與華夏小異而大同。自燉煌向其國。多沙磧。茫然無有蹊徑。欲往者尋其人畜骸骨而去。路中或聞歌哭聲。行人尋之。多致亡失。蓋魍魎魍魎也。故商客往來。多取道伊吾。

唐初嘉七世孫文泰在位。旣入朝於唐而歸。以中國距彼懸遠。又見秦隴以北。城邑蕭條。有輕中國之意。多遏絕西域朝貢。又拘留中國人。伊吾旣內屬。文泰復與西突厥連兵攻之。詔切責文泰。文泰獵曰。「鷹飛於天。雉竄於蒿。貓遊於堂。鼠安於穴。各得其所。豈不能自生耶。」暴亂如故。尋與西突厥連兵攻焉耆。焉耆上訴。貞觀十四年。以侯君集爲交河道行軍大總管。薛萬均副之。伐高昌。文泰聞唐兵起。謂國人曰。「唐去我七千里。沙磧居其二千里。地無水草。寒風如刀。熱風如燒。安能致大軍乎。」不爲備。已而唐兵至磧口。文泰憂懼而卒。

子智盛以城降。下其郡三。縣五。城二十二。戶八千四十六。口一萬七千七百。以其地爲西州。治車師王庭。即今新疆吐魯番縣。置安西都護府以鎮之。

文泰初與西突厥可汗相結。西突厥遣將屯可汗浮圖城。即漢車師後王庭。今新疆迪化縣。爲高昌聲援。及唐兵西上。可汗懼而西走千餘里。其將以城降。詔以其地爲庭州。於是天山東面皆入於唐。天山南路諸國皆稱臣入貢。

第二節 龜茲之內屬

先是東晉孝武帝太元年間。前秦大將呂光破龜茲。立其王弟白震爲王。自是以後。白氏世代王龜茲。稱臣於中國。貞觀二十一年。龜茲王訶黎布失畢立。浸失臣禮。侵漁鄰國。詔以阿史那社爾爲崑丘道行軍大總管。契苾何力副之。伐龜茲。次年大破其兵。追執布失畢。諸城皆降。立其弟爲王。唐兵旣還。其酋長爭立。互相攻擊。高宗永徽元年。詔復以布失畢爲龜茲王。遣歸國。撫其衆。布失畢妻阿史那氏。與其相那利私通。布失畢不能禁。互來告難。上兩召之。囚那利。遣使送布失畢歸國。龜茲大將羯獵顛率師拒命。詔發兵討平之。會布失畢卒。詔以其地爲龜茲都督府。立布失畢之子素稽爲王。兼充都督。尋徙安西都護府於龜茲。鎮守其地。而改故安西都護府爲西州都督府。鎮高昌焉耆疏勒等國皆降。於是天山南路皆入於唐。

第三節 吐火羅之內屬

高昌龜茲旣平。西突厥亦相繼破滅。天山南北路皆內屬。唐室兵威。駸駸越帕米爾高原而西下。於是吐火羅

及昭武九姓諸國皆請吏奉貢。吐火羅者大夏遺裔。乘大月氏之衰恢復故地。初都縛喝。人謂之小王舍城。即今布哈爾境。甚廣。南北千餘里。東西三千餘里。東抱葱嶺。西接波斯。南距大雪山。今喜馬拉雅山。北據鐵門。在今撒馬爾罕西。南三百六十餘里。縛芻大河中。境西流。後王族乏嗣。地遂爲烏鍛。即烏茲。等三十七國所分。本國僅統小城二十四。都阿緩城。今阿富罕斯。自後魏至唐。頻遣使貢中國。唐高宗顯慶二年。詔以阿緩城爲月氏都督府。析小城爲二十四州。授其王阿史那都督。玄宗開元天寶間。數貢獻。冊其酋爲吐火羅葉護。挹怛王。後其鄰國謀引吐蕃相攻。王乞安西兵助討。玄宗爲出師破敵。肅宗乾元初。與西域九國發兵爲唐討安史之亂。詔隸朔方行營。

第四節 昭武九姓諸國之內屬

昭武九姓者。本大月氏族。舊所據烏澹河南地。既悉爲嚙唃。吐火羅所分據。乃退居河北。據康居五小王及大宛故地。而建昭武。其族故姓溫。以先世常居祁連山。昭武城。故支庶分王。並以昭武爲姓。示不忘本。九姓諸國。康安曹石米何火。尋戊地。史凡九國。即今俄屬土耳其斯坦費爾干省。及布哈爾。基發等地是也。康國於唐高祖武德十年。嘗入貢。太宗貞觀五年。求內附。太宗不受。高宗永徽時。始以其地爲康居都督府。即授其王爲都督。其餘諸國。亦同時朝貢相屬。置府州。受封冊。玄宗天寶中。安西節度使高僊芝襲虜石國王。諸國相怨十載。王子走大食乞兵。攻敗僊芝軍。自是臣大食。

第四章 大食勃興與波斯薩贊王朝之淪滅

當唐室勃興於東方。憑藉中國爲根據地。東滅高麗百濟。西破高昌龜茲。北降突厥。薛延陀回紇等國。統一東亞時。大食國亦勃興於西方。憑藉阿剌比亞半島爲根據地。東滅波斯。侵印度。降吐火羅及昭武九姓等國。西破東羅馬。盡取其小亞細亞領土。南下埃及。略取非洲北部爲屬地。復北渡直布羅陀（Gibraltar）海峽。略取伊比利亞（Iberia）半島。建立西方一統之大帝國。與漢族之有唐大帝國。東西遙遙對峙。其形勢與漢與羅馬帝國之關係相似。羅馬帝國全盛時代。其聲靈不能越底格里士河而東。漢與羅馬之交通。不得不遶道波斯灣、印度洋。始底中國南海。除去僅少之商業以外。別無關係也。大食國全盛時代。其疆域直抵葱嶺以西。與唐室之安西都護府接境。波斯之役。于闐之役。與唐室幾以兵戎相見。以人種不同。宗教各異之東西兩大文明帝國。陸上之勢力範圍忽起衝突。亦歷史上古來未有之現象也。茲述其事蹟如左。

第一節 波斯薩贊王朝之末路

先是東突厥、西突厥既亡。天山南路及中央亞細亞地。皆爲唐室所有。中國疆域。始與波斯接境。波斯自安の色昔建國以後。屢與東羅馬構兵。東羅馬取遠交近攻政策。與嚙唵結。夾攻波斯。波斯亦取遠交近攻政策。與突厥

結夾攻嚙噠。波斯英主哥士婁 (Chosroes) 一世殂嗣立非人東羅馬帝穆理哥 (Maurikios) 用反間計離間波斯突厥國交。遂伐波斯入其都。波斯王走死。嗣王哥士婁二世與東羅馬和。稱臣納貢。執屬國禮。以紓目前之禍。會東羅馬內亂。穆里哥爲其上所弑。哥士婁二世以討亂爲名。進兵侵東羅馬。占領美索不達米亞、亞美尼亞、小亞細亞各地。東羅馬非洲總督希拉克流士 (Heraclius) 起兵靖內亂。卽帝位。請和於波斯。不許。攻敍里亞、埃及、克之。進逼君士坦丁 (Constantinople) 都城。希拉克流士激勵將士。以寡敵衆。又大募民軍。渡黑海。侵波斯內地。屢破其兵。恢復領土。又與突厥和。借兵攻波斯。圍其都將。波斯大臣共廢其王。以請和。許之。計兩國構兵前後互二百餘年。四二三年至六二七年至是始略一結束。而國力疲敝已甚。財政困難。民心愁怨。適嚙噠突厥相維勃興於東方。國勢強盛。波斯陸續爲所羈縻。太宗貞觀六年。波將王伊嗣俟 (Isdigerd) 在位。時突厥已衰。波斯幸免東顧之憂。適大食勃起於西方。漸逼波斯。波斯西陲遂日以多事。

第二節 穆罕默德之家世

大食 (Tadjiks) 者。西史稱爲薩拉森 (Saracens) 帝國。本阿剌伯 (Arabia) 半島北方一小部落。與希伯來 (Hebrew) 人同屬閃族。地多沙漠。磽瘠不宜耕作。人民強半以遊牧爲業。各族長掌握全權。實行家族政治。其國舊無固有宗教。崇拜偶像及自然現象。外國輸入之猶太教、耶穌教。同時流行於各地。頗不能壓一般人民之慾望。西海岸有市曰麥加 (Mecca) 其中有英雄曰穆罕默德 (Mohammed) 西曆紀元五七一年。陳宣

帝太建二年。生於黑約。(Hedjaz)幼孤。及長。貧不能自給。役駝馬爲業。傭於接婦開地約(Khadidja)家。開地約悅其厚重。嫁之。開地約前夫豐於財。至是盡歸穆罕默德。以是得廣交遊。又詳究鬼神之說。冥思感通之道。開地約極力贊助之。年四十餘。入山修道。參酌猶太耶穌二教宗旨。創立回教。西史稱爲伊斯蘭教。(Islam)服從者。著書曰可蘭。(Al Koran)是謂現今之回教聖經。麥加人舊崇拜偶像。斥穆罕默德爲異端。欲謀害之。穆罕默德懼禍。西曆紀元六二二年。唐高祖武德五年出奔麥地那。(Medina)是爲回教紀元之年。史書稱之曰出奔。(Hegira)紀元。

穆罕默德經此番挫折。宗旨一變。意謂事苟利人。不妨以威力強之使從。是爲回教特色。與各宗教旨皆異。蓋各教之教祖皆道德家。回教之教祖獨爲大英雄。各教皆尙仁慈。回教獨尙武力。各教皆主博愛。回教獨主排斥。其所以能戰勝羣雄。建立大帝國。巍然獨樹一幟者以此。其所以褊淺狹隘。不能同化異教徒。使爲己用者亦以此。其長處卽其短處。優點卽其劣點也。穆罕默德居麥地那八年。熱心傳教。信徒漸衆。乃以威力強迫信教。謂神惟一而萬能。信者福之。不信者皆敵也。人欲獲現在未來之幸福。祇須畏神而爲神爭戰。戰死者適樂土。其教旨如是。故徒衆皆剛強勇敢。馳逐於肉飛骨折之場。與他教徒戰。而斬戰死以蒙福。其宣教也。常使人於經典。租稅。刀劍。三者擇其一。以爲不信經典。則當納稅租。市宗教信仰權。不然。則必以刀劍決勝負。蓋深合阿剌伯人慍悍之性質。而驅之以離異教也。西曆紀元六三〇年。唐太宗貞觀四年遂取麥加。定都於其地。

第三節 薩拉森之侵略

西曆紀元六三二年。唐太宗貞觀六年穆罕默德列年六十三歲。穆罕默德生前持一夫多妻主義。殷殷以縣延嗣續爲急務。有妻妾十餘人。所生之子皆夭折。至是卒無子。近親覬覦王位者多。軋轢日甚。岳父阿布伯克 (Abu-bekr) 以忠厚重望。爲大衆所推。嗣位。稱哈利發 (Khalifah) 紹教祖遺志。持鐵血主義。左抱經典。右執利劍。以布教於四方。遂奄有阿剌伯半島。號稱薩拉森帝國。歷代之哈利發。以教主兼君主。遣將西攻東羅馬。略取敘里亞。美索不達米亞爲領土。破埃及。焚亞歷山大里亞圖書館。古來典籍盡付焚如。等於楚人之一炬。復取愛琴海羣島。圍君士坦丁堡城。東羅馬人開利尼古 (Kallinikos) 發明希臘火藥 (Greek fire) 擊退之。是爲歐洲用火藥之始。

薩拉森西征之師。在歐洲雖被擊退。而在非洲則通行無阻。既破埃及後。遂乘勝西下。盡取非洲北岸。渡海攻西班牙。滅西哥德王國。進攻高盧。西曆紀元七三二年。與法蘭克王國大丞相查理馬特 (Charles Martel) 戰。敗績。乃還。北上之勢始阻。

西征之軍。雖爲東羅馬及法蘭克擊退。而東征之軍則通行無阻。穆罕默德人寂之年。始遣兵東攻波斯。波斯王伊嗣俟戰不利。疆土日蹙。僅保其東境呼羅珊 (Khurasan) 地。傳至其子卑路斯 (Peroz) 遂以國降唐。唐高宗龍朔元年。西曆紀元六六一年置波斯都督府於疾陵城。今波斯國都德希蘭城拜卑路斯爲都督。遣兵援之。未至。大食兵

來攻。波斯陷。其地悉入於大食。薩贊王朝凡傳國四百四十年而亡。大食遂統一西亞。

先是大食素聞唐威名。且恐波斯依唐。乃用羈縻政策。以孤波斯之援。高宗永徽二年。西歷紀元六五一年。哈利發鄂斯

曼 (Osman) 始遣使來修好。爾後數獻方物良馬。使者絡繹不絕。既滅波斯。更引兵東向。烏滸河以北地。昭

武九姓等國皆降。葱嶺以西唐室之羈縻國皆入於大食。唐睿宗時。其勇將庫退拔 (Kuttabah) 守鐵汗。今俄國

爾干乘唐室內亂。國威不振。遂踰葱嶺。陷于闐。將東侵中國。以乏水草故。引還。別將卡西母率師。南踰興都庫

什山。侵入印度。略取新頭河上流地。將以廣回教之傳。功雖不成。然回教輸入印度之端倪。從此始矣。

自隋文帝開皇時。至唐太宗貞觀間。爲大食全盛時代。葱嶺以西之地。悉入其版圖。以嚴法強迫居民。改宗回教。故中央亞細亞之佛教先衰。天山南路之佛教亦次第殺其勢。信徒多半改宗回教。其後回紇及西域諸國。兵以援唐功。留居中國內地。回教遂輸入中國云。

第五章 吐谷渾之衰亡與吐蕃之強盛

青海西藏地方。爲圖伯特民族根據地。地處喜馬拉雅山系與崑崙山系中央。居亞洲之脊。地勢高寒。不適於農耕。土人以遊牧爲業。性情慍悍。與北方蒙古民族相似。乘高屋建瓴之勢。東向以窺中國。自三代以來。久爲

邊患其名稱或曰戎或曰氏。或曰羌。類皆弱小部落散居河隴近傍。中國強則首先降附。中國衰則乘勢侵掠。其族亦有英雄。若楊茂搜、苻堅、姚萇、呂光之徒。皆曾略取極大版圖。建立帝國王國。顧若輩皆久居中國。事實上已同化於漢族。所役使者中國人民。所略據者中國領土。所憑藉者中國勢力。名雖爲異族。實則無異於漢族。質言之。青海東部。久爲中國勢力範圍。其地方人民。自古未曾建立大國。其有雜居中國已久。略取黃河或揚子江流域。與漢族爭霸於中原者。皆憑藉中國之勢力也。若夫憑藉西藏爲根據地。併吞青海全部。包有天山南路及雲南等地。建立大帝國。獨樹一幟。與漢族東西對峙者。則自吐蕃始。

第一節 吐蕃民族風俗及物產

史稱吐蕃本西羌屬。在吐谷渾西南。地距長安八千里。距鄯善五百里。其王姓勃罕野。其俗謂彊雄曰贊。丈夫曰普。故號君主爲贊普。其俗不言姓。王族皆曰論。官族皆曰尙。隋唐之交。其國寢強。蠶食各部落。大啓疆土。勝兵數十萬。國多霆雹積雪。盛夏如中國春時。山谷常冰。地有寒瀉。中人輒痞。其贊普居跋布川。或邏娑川。有城郭廬舍不肯處。聯毳帳以居。號大拂廬。容數百人。其衛候嚴而牙甚隘。部人處小拂廬。多老壽至百餘歲者。衣率氍毹。以赭塗面。婦人辮髮而縈之。其器屈木而韋底。或氍毹爲盤。凝麪爲筯。實羹酪并食之。手捧酒漿以飲。其官之章飾。最上瑟瑟。金次之。金塗銀。又次之。銀次之。最下至銅止。差大小綴臂前以辨貴賤。屋皆平上。高至數丈。其稼。有小麥、青麴麥、蕎麥、豈豆。其獸。犂牛、名馬、犬、羊、麋。天鼠之皮可爲裘。獨峯駝日馳千里。其寶。金、銀、錫、銅。

其死、葬之冢。堅塗之。其吏治、無文字。結繩齒木爲約。其刑、雖小罪必抉目、或刖劓。以皮爲鞭、扶之。從喜怒、無常算。其獄窟、地深數丈。納囚於中。二三歲乃出。其宴大賓客。必驅犛牛。使客自射。乃敢饋。其俗重鬼。右巫事。叛叛爲大神。喜浮屠法。習詛祝。國之政事。必以桑門參決。多佩弓刀。飲酒不得及亂。婦人無及政。貴壯賤弱。母拜子。子偃父。出入前少而後老。重兵死。以累世戰沒爲甲門。敗懦者垂狐尾而首示辱。不得列於人。拜必手據地爲犬號。再揖身止。居父母喪。斷髮、黛面、墨衣。葬而吉。其舉兵。以七寸金箭爲契。百里一驛。有急兵驛人胸前加銀鶻。甚急。鶻益多。告寇舉烽。其畜牧逐水草。無常所。其鎧冑精良。衣之周身。竅兩目。勁弓利刃不能甚傷。其兵法嚴。而師無餽糧。以鹵獲爲資。每戰前隊盡死。後隊乃進。其四時以麥熟爲歲首。其戲棋六博。其樂吹螺擊鼓。其君臣自爲友。五六人曰共命。君死皆自殺以殉。所服玩乘馬皆瘞。起大屋冢顛。樹衆木爲祠所。贊普與其臣歲一小盟。用羊、犬、猴爲牲。三歲一大盟。夜肴諸壇。用人、馬、牛、驢爲牲。

第二節 贊普之家世

吐蕃自古不通中國。唐太宗貞觀初。棄宗弄讚在位。爲人慷慨才雄。篤信佛法。年十六。卽贊普位。遣大臣十六人至天竺。傳韻學。譯經典。且本釋教宗旨。修政治。制刑法。復拓張領土。南降藍摩在今印度西北部亞薩姆格爾之北五十里。泥婆羅。西臣西域諸國。貞觀八年。始遣使者來入朝。上厚遇之。遣馮德遐往報聘。棄宗弄讚聞突厥吐谷渾皆尙公主。復遣使者隨德遐入朝。多齎金寶。奉表求婚。上以其懸遠。未許。使者還。言於棄宗弄讚。疑爲吐谷渾所離間。

棄宗弄讚怒。遂東擊走吐谷渾。又攻破党項白蘭羌。在党項東今四川理番縣及松岡黨壩諸土司地勒兵二十萬。入寇松州。今四川松番縣都督韓威輕出。敗績。屬羌大擾。皆叛以應。詔以侯君集爲行軍大總管。與執失思力、牛進達、劉蘭等率步騎五萬分道拒之。進達自松州夜襲其營。斬首數千級。弄讚懼。引去。遣使來謝罪。固請婚。許之。獻黃金五千兩。他寶稱是。以爲聘。十五年。妻以宗女文成公主。詔江夏王道宗持節護送。築館河源王之國。弄讚率兵次柏海親迎。見道宗。執壻禮甚恭。自以其先未有婚帝女者。乃爲公主築一城。以誇後世。遂立宮室以居。公主惡國人赭面。弄讚下令國中禁之。慕中國服飾之美。自褊氍毹、襲紈絹。爲華風。遣諸豪子弟留學中國。學習詩書。又請儒者典章疏。於是中國儒教文化、印度佛教文化、相繼輸入西藏內地。吐蕃始開化矣。

第三節 吐谷渾之內屬

是時青海地方。尙爲吐谷渾所據。吐谷渾自視熊以後。時常與中國衝突。至今呂時。國勢強大。交通東魏北齊。屢與西魏北周構兵。互有勝負。已而隋室滅陳。統一中國。夸呂大懼。遁逃保險。不敢入寇。隋文帝開皇十一年。四世紀元五九一年夸呂殂。子世伏立。奉表稱藩於隋。並獻方物。隋以光化公主妻之。四世紀元五九七年開皇十七年。四世紀元五九七年國內亂。世伏被弑。其弟伏允立爲王。請依俗尙主。詔從之。自是朝貢歲至。

煬帝卽位。喜誇大。大業四年。裴矩希旨。說鐵勒使擊吐谷渾。大破之。伏允西遁。隋遣宇文述追之。拔曼頭、赤水二城。獲其王公以下二百人。虜男女四千口而還。伏允南奔雪山。其故地皆空。東西四千里。南北二千里。皆爲

隋所有。次年帝西巡河右。遣兵擊伏允於覆袁川。伏允遁去。高昌王麴伯雅。伊吾吐屯設突厥大臣名及西域二十七國皆入朝。帝大悅。吐屯設獻地數千里。詔因吐谷渾舊地。置西海、河源、鄯善、且末四郡。謫天下罪人爲戍卒以守之。大開屯田。扞禦吐谷渾。以通西域之路。於是青海全部直抵天山東面。皆入於中國。伏允以數千騎奔党項。

隋室衰微。中原喪亂。伏允復還。收其故地。唐高祖入長安。與伏允連和。夾攻涼王李軌。太宗在位。伏允年老。信其臣天柱王之謀。數犯唐邊。貞觀八年。西歷紀元六三四年詔以段志玄爲西海道行軍總管。擊敗之。追至青海而還。尋以李靖爲西海道行軍大總管。與侯君集、任城王道宗、李大亮、李道彥、高甌生等。大舉伐吐谷渾。伏允聞警。悉燒野草。輕兵走入磧。君集道宗引兵行無人之境二千餘里。盛夏降霜。人齧冰。馬噉雪。追及伏允於烏海。大破之。伏允走死。詔立其質子順爲可汗。國人不服。弑之。詔復立其子諾曷鉢爲可汗。諾曷鉢年幼。大臣爭權。國內亂。詔侯君集將兵援之。諾曷鉢請頒曆行年號。遣子弟入侍。詔封河源郡王。十三年。諾曷鉢來朝。是爲吐谷渾君主入朝於中國之始。詔以宗女弘化公主妻之。其丞相宣王作亂。欲劫諾曷鉢與公主奔吐蕃。諾曷鉢聞變。輕騎奔鄯善城。果毅部尉席君買帥精兵與吐谷渾大臣威信王襲宣王。討斬之。納諾曷鉢還庭。高宗卽位。拜諾曷鉢駙馬都尉。是時吐谷渾衰微。國多內亂。吐蕃乘勢侵略。吐谷渾不能自立。奔避中國。西方邊禍。從此始矣。

第四節 党項之內屬

吐谷渾既降。其屬部党項。亦同時內屬。党項者。漢西羌別種。羌党昌党項皆一音之轉在松州之西。吐谷渾之南。當古析支地。山谷崎嶇。約三千里。以姓別爲部。一姓又分爲小部落。大者萬騎。小者數千。不能相統。有細封氏、費聽氏、往利氏、頗超氏、野辭氏、房當氏、米禽氏、拓拔氏。而拓拔最彊。土著有棟宇。織犂尾羊毛覆屋。歲一易。俗尙武。無法令賦役。人壽多過百歲。然好爲盜。更相剽奪。尤重復仇。未得所欲者。蓬首垢顏。跣足草食。殺已乃復。男女衣裘褐。被氈。畜犛牛、馬、驢、羊。以食。不耕稼。地寒。五月草生。八月霜降。無文字。候草木記歲。三年一相聚。殺牛羊祭天。取麥他國以釀酒。妻其庶母。伯叔母、兄嫂、子弟婦。惟不娶同姓。老而死。子孫不哭。少死則曰夭枉。乃悲。死則焚屍。名爲火葬。及吐谷渾既款附。党項諸酋長先後悉內屬。以其地爲府州。卽首領拜都督刺史。於是白沙首積石山。在今日肅西寧縣東南而東。皆爲中國地。唐界遂直接吐蕃。拓拔部酋長赤辭。初忠於吐谷渾。降唐後。授西戎州都督。賜姓李。是爲拓拔氏入中國之始。西夏發祥之機。兆於此矣。

第五節 吐蕃之東侵與吐谷渾之淪滅

吐蕃棄宗弄讚自尙公主以來。與唐修好。數年之間。西方無警。高宗卽位。拜駙馬都尉。封西海郡王。永徽元年。西歷紀元六五〇年弄讚殂。嫡子早亡。其孫代立爲贊普。年幼不能親政。國事皆決於宰相祿東贊。東贊性明達嚴重。行兵有法。太宗時。曾奉使至中國。上嘉其應對明敏。以瑯琊公主外孫段氏妻之。高宗之時。吐谷渾衰微。國多內

亂吐蕃乘方張之勢。日夜謀兼併青海。龍朔三年。西歷紀元六六三年兩國互相攻擊。各上表論曲直。求援。高宗皆不許。會吐谷渾臣素和貴有罪。逃奔吐蕃。具言虛實。吐蕃復擊吐谷渾。大破之。諾曷鉢與弘化公主。率數千騎。棄國走涼州。上書請內徙。詔以鄭仁泰爲青海道行軍大總管。統諸軍屯涼鄯二州以備吐蕃。吐蕃祿東贊進屯青海。於是吐谷渾故地皆爲所有。祿東贊有子四人。皆有才略。祿東贊卒。長子欽陵代秉國政。其弟贊婆。悉多。于勃論。將兵居外。盡破諸羌羈縻十二州。咸亨元年。分兵西下。陷西域羈縻十八州。又與于闐連兵襲陷龜茲。撥換城。於是龜茲、于闐、焉耆、疏勒、四鎮皆廢。天山南路皆入於吐蕃。詔以薛仁貴爲邏娑道行軍大總管。阿史那道真、郭待封副之。總兵五萬以討吐蕃。且納諾曷鉢還故地。仁貴自領前鋒。率輕騎擊蕃兵於積石河口。大破之。待封先與仁貴同列。至是不肯受其節度。將輜重徐進。遇蕃兵二十餘萬。大敗遁還。悉棄其輜重。仁貴退屯大非川。吐蕃相論欽陵率兵四十餘萬就擊之。仁貴亦大敗。與欽陵約和而還。於是吐谷渾故地遂不能復。吐谷渾自晉懷帝永嘉末年建國。至唐高宗龍朔三年而亡。凡傳國三百五十年。三一三至六六三詔徙其餘衆於靈州。置安樂州。拜諾曷鉢爲刺史。仍可汗故號。傳子忠、孫宣超、曾孫曦皓、玄孫兆。會吐蕃復陷安樂州。吐谷渾餘衆徙居朔方河東。德宗貞元十四年。以慕容復襲位。復卒。停襲。慕容氏之封嗣。從此絕矣。

第六節 吐蕃對唐室之衝突

吐谷渾既亡。西羌諸羈縻州陸續皆陷。吐蕃遂與唐本國接境。自此連年東下。侵略河、隴、劍南、西川、諸州。朝廷

屢發大兵擊之。皆不克。唐高宗儀鳳三年。中書令李敬玄。率兵十八萬。與論欽陵戰於青海之上。敗績。偏將黑齒常之。率敢死之士。夜襲虜營。虜乃退。婁師德收集散亡。軍乃復振。詔擢常之左武衛將軍。與婁師德共守河源軍。常之以河源衝要。欲加兵戍之。而轉輸險遠。糧餉不易。乃廣置烽戍七十餘所。開屯田五千餘頃。歲收五百餘萬石。由是戰守有備。在鎮七年。吐蕃不敢深入。劍南募兵於茂州西南築安戎城。以斷吐蕃通蠻之路。吐蕃以生羌爲嚮導。攻陷其城。以兵據之。由是西洱諸蠻。皆降於吐蕃。吐蕃盡據羊同、党項及諸羌之地。東接涼、松、茂、嶲等州。南鄰天竺。西陷龜茲疏勒等四鎮。北抵突厥。地方萬餘里。諸胡之盛。莫與爲比。調露元年。歷紀元六七年吐蕃贊普殂。子器弩悉弄立。年八歲。論欽陵仍秉國政。文成公主遣大臣來告喪。詔遣使者會葬。次年。文成公主薨。吐蕃復連年入寇。武后攝政。以左相韋待價爲安息道行軍大總管。擊吐蕃。軍至寅識迦河。大敗。引還。吐蕃之勢日振。右鷹揚衛將軍王孝傑。久在吐蕃。知其虛實。會西州都督唐休璟。請復取龜茲。于闐。疏勒。碎葉四鎮。勅以孝傑爲總管。與阿史那忠節擊吐蕃。大破其兵。復取四鎮。置安西都護府於龜茲。發兵戍之。以分吐蕃兵勢。萬歲通天元年。論欽陵論贊婆復入寇。大破唐兵於素羅汗山。尋遣使來議和。請罷安西四鎮戍兵。並求分十姓突厥之地。朝廷從郭元振議。不許。

當是時。論欽陵兄弟用事已久。年年動兵。吐蕃百姓疲於徭戍。欽陵居中秉政。諸弟握兵。分據方面。贊婆常居東邊。爲中國患者三十餘年。器弩悉弄寢長。陰與大臣論巖謀誅之。會欽陵出外。贊普詐云出畋。集兵執欽陵。

親黨二千餘人殺之。遣使召欽陵兄弟。欽陵等舉兵不受命。贊普將兵討之。欽陵兵潰自殺。其弟贊婆率所部千餘人。子弓仁以所統七千帳來降。朝廷優待贊婆。拜右衛大將軍。使其衆守洪源谷。於是吐蕃東邊失一良將。次年吐蕃將麴莽布支寇涼州。圍昌松。隴右大使唐休璟與戰於洪源。大破之。吐蕃請和。獻馬千匹。金二千兩。以求婚。是時吐蕃南境諸部皆叛。器弩悉弄自將擊之。武后長安三年。西歷紀元七〇三年殂於軍中。諸子爭立。久之。國人立其子棄隸。贊爲贊普。年纔七歲。中宗景龍元年。吐蕃遣大臣來入貢。詔以雍王守禮女爲金城公主。往妻贊普。使左衛大將軍楊矩送之。矩還。拜鄯州都督。受吐蕃賂。請以河西九即漢大小榆谷之地典爲公主湯沐邑。九曲地肥饒。吐蕃就之畜牧。因以入寇。兵勢日張。西邊守臣禦寇不暇。河隴淪沒之禍。兆於此矣。

第六章 印度笈多烏菴兩王朝之迭興及其對中國之關係

自來文化之傳播。必須以武力爲嚮導。上古時代。希臘文化膨脹於亞洲。曰惟馬其頓、亞歷山大大王東征之故。希臘文化扶植於亞美尼亞、美索不達米亞、中央亞細亞、等地方。曰惟敘里亞、大夏兩王國相繼建國之故。中古時代。回教文化膨脹於亞非二洲。曰惟薩拉森帝國勢力雄厚之故。現世西洋文化傳播於全世界六太洲。曰惟歐美列強相繼勃興之故。蓋有文事者必有武備。文化發達之勢力範圍。與武力膨脹之勢力範圍成

正比例。無武力爲後盾。不能扶植本國文化於異域也。印度爲世界六大文明古國之一。其開化遠在春秋以前。與中國相伯仲。其民族好文不好武。對外無發展勢力之能力。其後至戰國末年。摩揭陀帝國之孔雀王朝勃興。印度北部一統。西與敍里亞王國交通。印度文化始輸出於外國。西漢初年。突厥民族西遷。占領阿母河流域。建立大月氏王國。其勢力範圍擴張至印度西北部。崇拜佛教。東與中國交通。印度文化始間接輸入中國。中印兩國之國際關係。始於漢明帝時。然其時祇有宗教關係。政治上絕無關係。所以然者。緣中印兩國之間。爲喜馬拉雅連山所阻絕。漢朝之勢力範圍。直抵帕米爾高原以西。越阿母河流域。通過大月氏領土。甚爲易易。然青海、西藏。近在咫尺。爲羌人巢窟。不受漢族統轄。不能直接與印度接觸也。唐室勃興。招降吐谷渾、吐蕃等國。青海、西藏。等皆羈縻於中國。中國之勢力範圍。直抵喜馬拉雅山南麓。適值北印度之烏菟國勃興。統一國內。北向與中國交通。中印兩國政治上。始有直接關係。就東西交通史。漢族勢力膨脹史。印度文化發達史等各方面觀之。亦古來未有之盛事也。茲述其事蹟於左。

第一節 笈多王朝之興亡

印度自摩揭陀帝國衰微以後。西北部爲大月氏所據。中南部爲安度羅王朝所據。政治上無中心點者數百年。其後大月氏衰微。安度羅王朝勢力亦不振。羣雄蜂起。割據土地。政治狀態。日益混沌。西曆紀元三四世紀。中國三國兩晉時代。笈多王朝(Gupta Dynasty)勃興。印度始復歸於一統。笈多王朝之根據地有曲女城。史書作闍

饒夷。位於恆河上流。(Panchāla)上古奔查拉(Panchāla)王國故地。現今英領印度中部干若基(Kanoj)是也。奔查拉爲印度文明發源地。國人常以神聖視之。摩揭陀帝國衰微。奔查拉地方漸次恢復勢力。西曆紀元第三四世紀之交。有笈多大王者。起兵據曲女城。興笈多王朝。傳三世。至旃陀羅笈多一世。國勢強大。驅逐大月氏。恢復印度西北部。孟加拉、尼泊爾諸王國。皆請吏奉貢。錫蘭諸王亦稱藩。號稱印度共主。傳四世。至斯干達古波他。(Skanda Gupta)以西曆紀元四百六十年卽位。在位二十年間。國勢益振。領土直抵海濱。是爲笈多王朝最後之大君主。王薨。傳二世。至巴奴古波他(Bhannu Gupta)而國亡。統計傳九世。二百餘年。笈多王朝之時。史料異常缺乏。其政治狀態及開化程度。散見於東晉高僧法顯所著之佛國記。法顯者。姓龔氏。平陽武陽人。三歲爲沙彌。以西曆紀元三九九年。晉安帝隆安三年。秦姚興弘始元年。歲在己亥。發長安。西度流沙。六年。至中印度。停六年。由海路還中國。三年。達青州。時歲在甲寅。西曆紀元四百十四年。晉義熙十年。後秦姚興弘始十六年。也。共遊歷三十餘國。歸作佛國記。據云：『中印度寒暑調和。無霜雪。人民殷樂。無戶籍。官法唯耕王地者。乃輸地利。欲去便去。欲住便住。其國不用刑。有罪但罰其錢。隨事輕重。雖復謀爲惡之人。不過截右手而已。王之侍衛左右。皆有供祿。舉國人悉不殺生。不飲酒。不食葱蒜』云云。

第二節 烏菴王朝之興亡

笈多王朝衰微。嚙嚙勢力侵入印度。印度西北部復羈縻於異族。西曆紀元五百二三十年間。梁武帝普通大通年間。北


印度之烏菟國 (Udhvana) 勃興。其王毘訖羅摩迭多 (Vieramaditya) 英武有大略。擊退嚙噠兵。驅之於印度以外。併吞西北中三印度。獎勵文學美術。印度文化大興。史書稱之曰超日王。王薨。尸羅逸多一世 (Siladitya I) 卽位。皈依佛教。並尊崇婆羅門教。復爲印度霸主。尸羅逸多一世殂。波拉巴克拉 (Prabha Kara-Vardhana) 及拉基雅 (Rajya-Vardhana) 二王相繼在位。拉基雅東征孟加拉。兵敗被殺。嗣王哈爾沙 (Harsha-Vardhana) 卽位。英武有大略。復征服印度大半。遷都曲女城。號令全印度。獎勵文學技術。崇拜佛教。每五年舉行佛教大祭一次。召集北印度之諸侯。列席助祭。王以西曆紀元六百一十年卽位。在位四十餘年。詩人學者高僧。多集於其朝。史書稱之曰尸羅逸多二世。或稱戒日王。適直唐室勃興。滅突厥。降吐蕃。餘威振於殊俗。太宗貞觀初年。浮屠玄奘至其國。王聞中國人至大喜。召見玄奘。問中國近狀。貞觀十五年。遣使者來聘。自稱摩伽陀王。詔遣雲騎尉梁懷璠報聘。尸羅逸多復大喜。問國人『自古亦有摩訶震旦使者至吾國乎』。皆曰『無有』。乃出迎使臣。頂禮詔書。復遣使者隨入朝報聘。詔衛尉丞李義表報之。貞觀二十二年。西歷紀元六四五年。朝廷遣右衛率府長史王玄策使其國。以蔣師仁爲副。適值王薨。國復亂。其臣阿羅那順自立爲王。發兵拒玄策。時從騎纔數十。戰不勝。皆沒。遂剽掠諸國貢物。玄策挺身奔吐蕃西鄙。檄召鄰國兵。吐蕃以兵千人來。泥婆羅以七千騎來。玄策部分進戰。茶縛和羅城三日破之。斬首三千級。溺水死萬人。阿羅那順委國走。合散兵復陣。師仁擒之。俘斬千計。餘衆奉王妻息。阻乾陀衛江。師仁擊之。大潰。獲其妃王子。虜男女萬二千。

人。雜畜三萬。降城邑五百八十餘所。執阿羅那順赴京師。於是印度諸小國。多羈縻於唐。入中國傳佛教之番僧漸衆。

玄奘歸國以後。著大唐西域記一書。具載尸羅逸多二世時。印度政治及宗教狀況。尸羅逸多殂後。國復分裂。諸部割據。無所統一。於是西印度之喇諦善特族 (Rajputs) 王國興。喇諦善特族者。塞種月氏。噉噠。等外來民族。侵入印度後。與土著之阿利安民族結婚。混合而成爲一族者也。此族年久蕃衍。逐漸得勢。蠶食阿利安民族所建諸王國。而代領其地。先是印度文學再興。研究古典者漸衆。於是婆羅門教徒。所至恢復勢力。酌改婆羅門教。創立溫都教。唐德宗貞元年間。婆羅門教徒商羯羅阿闍梨 (Cainkaraçarya) 等出。溫都教大盛。力排佛教。喇諦善特族利之。毀寺院。罰僧徒。燒經卷。崇奉溫都教。以博婆羅門教徒之歡心。自唐玄宗開元以後。至晉高祖天福五年。凡二百年間。西歷紀元七四〇年至九四〇年喇諦善特族握印度西半部霸權。因而佛教之在印度。勢力日衰。溫都教代之而爲印度國教。

是時之印度。政治上則阿利安民族與喇諦善特族相爭。宗教上則佛教徒與溫都教徒相爭。國力凋弊日甚。適薩拉森帝國勃起於西方。滅波斯。攻印度。略取新頭河上流地。回教徒支配印度之端倪。從此始矣。以上笈多烏菟兩王朝。梵文學最發達。其中有富蘭那 (Purāṇas) 一書。敘述最古之史傳。宇宙開闢論等學說。考據豐富。思想奇闢。爲當時傑作。史書因稱此二朝曰富蘭那時代。

笈多王朝世系表



1. Vicramaditya (毘訖羅摩迭多、毘訖羅摩阿迭多超日王。)

2. Siladitya I (尸羅逸多一世、尸羅阿迭多一世。)
3. Peabakara-Vardhana
4. Rajya-Vardhana
5. Harsha Vardhana (Siladitya) II (尸羅逸多二世、尸羅阿迭多二世。)

第七章 日本之開化及其對中國之關係

第一節 中國文明之東渡

日本之爲國。獨立東海中。與地球各國均不相鄰。惟西南海濱。距朝鮮最近。開化天皇時代。漢武帝滅朝鮮。始間接與中國接觸。垂仁天皇時代。九州酋長入貢於漢。光武帝賜以印綬。稱倭奴國王。安帝永初元年。倭國王帥升。復獻生口百六十人。其後至此國時代。九州酋長女王卑彌呼。遣使入朝於魏。魏以爲親魏倭王。遣建中校尉梯儁渡海報聘。於是日本民族始直接與中國接觸。然代表日本國家者。尙非大和朝廷。不成其爲國際關係也。大和朝廷對中國之國際關係。始於南北朝時。史稱宋武帝永初二年。倭王讚遣使貢獻。下詔褒之。文

帝元嘉年間。讚死。弟珍立。復遣使貢獻。詔授珍使持節都督倭、百濟、新羅、任那、秦韓、慕韓六國諸軍事。安東大將軍。倭國王。二十年。倭王濟遣使奉獻。詔授安東將軍。倭國王。二十八年。加授使持節都督倭、新羅、任那、加羅、秦韓、慕韓六國諸軍事。安東將軍如故。濟死。世子興遣使貢獻。孝武帝大明六年。授興安東將軍。倭國王興死。弟武立。順帝昇明二年。遣使來上表。訴高句驪之無道。詔除武使持節都督倭、新羅、任那、加羅、秦韓、慕韓六國諸軍事。安東大將軍。倭王。是爲大和朝廷與中國直接交通之始。日本東洋史學大家文學博士那珂通世。稱讚珍、濟、興、武、五倭王。卽日本仁德、反正、允恭、安康、雄略、五帝。理或然也。應神天皇時代。百濟博士王仁至日本。始以儒學教授皇子菟道稚郎子。史稱王仁爲漢高祖苗裔。生長朝鮮。留日不歸。子孫世其業。爲日本文學侍從之臣。居河內。稱西文氏。同時有阿知使主者。史稱其爲漢靈帝遠孫。與其子都賀使主。率七姓十七縣人口至自帶方。亦爲日本文學侍從之臣。子孫世其業。至雄略天皇時。賞其功。賜姓漢氏。居大和。稱東文氏。繼體天皇時代。百濟復貢五經博士段揚爾。自此以後。年年貢學士。於是中國文學始輸入日本。同時有融通王一號弓月君者。史稱其爲秦公子扶蘇苗裔。率百二十七縣人口歸化日本。居於大和。其部民能養蠶。善織絹帛。仁德天皇著而愛之。賜融通王子孫姓。秦氏。分置其部民於各處。以養蠶爲業。雄略天皇時。秦氏部民滋生至一萬八千六百餘人。朝命融通王之孫秦酒公率之養蠶。蠶大蕃息。織成絹帛。堆積如山。天皇大喜。新建大藏。以酒公爲長官。賜姓大秦。阿知使主父子之歸化也。奉大和朝廷命。出使中國南朝。求縫工織工。應神十四年。百

濟獻縫衣工女。同三十七年。織工兄媛。弟媛、吳織、穴織四女自吳往。於是中國蠶桑業及縫織之術。始輸入日本。雄略七年。百濟貢畫師。因斯羅我。欽明十五年。百濟貢醫博士王有陵陀。採藥師潘量豐。丁有陀。歷博士王保孫。推古十年。百濟僧勸勒至日本。攜宋元嘉歷及天文地理遁甲方術之書入貢。應神時代。新羅貢木工。詔稱爲豬名部。百濟貢鍛工。詔稱爲韓鍛。又貢陶工高貴。詔稱爲新漢陶部。仁賢時代。高麗貢革工須流枳。奴流枳。欽明時代。百濟貢樂人。於是中國之醫學、藥學、歷學、美術、音樂。以至各種技藝。皆經由三韓。間接輸入日本。三國六朝時代。中原多故。遺民往往泛海東奔。日久滋生蕃衍。皆別爲姓氏。雜居郡國。教日本土人以各種技藝。最著者爲秦氏、漢氏。日本之開化。得力於二族者居多。至今繁衍。爲日本大族。

第二節 佛教文明之東渡

日本古無佛教。繼體天皇十六年。梁武帝普通三年。梁人司馬達等始至大和。居坂田原。弘布佛法。當時朝廷猶斥爲異端。崇拜之者甚少。越三十年。至欽明天皇十三年。梁簡文帝承聖元年。百濟遣使貢佛像佛經。贊其功德。欽明大悅。命大臣蘇我稻目供養之。稻目之子馬子。得百濟彌勒石像及佛像各一。崇拜之。營佛殿安置石像。以司馬達等之女爲尼供養。於是日本始有尼。推古天皇時代。皇太子廩戶攝政。崇拜佛法。建四天王寺於難波。以高麗歸化僧慧慈爲師。受五戒。親製法華、維摩等經疏。又詔司馬達等之孫鞍作鳥。造丈六銅佛。封鳥以水田二十町。於是日本上流社會。皆崇拜佛教。僧尼之數漸多。置僧正僧都等官以統其衆。高麗百濟歸化僧。多長於

儒學。於是日本境內。儒教與佛教相攜輸入。同時有蒸蒸日上之勢。推古十五年。隋煬帝大業三年遣大禮名官小野妹子使於隋。求佛經。以司馬達等裔孫鞍作福利爲通事。致煬帝書云。『日出處天子致書於日沒處天子無恙。』煬帝覽之不悅。以其遠人。故優容之。次年。遣文林郎裴世清偕小野妹子還東報聘。日本大喜。造新館於難波。設儀仗。鳴鼓角。以迎之。待遇極爲優渥。世清還朝。日本復遣小野妹子與難波雄成來報聘。隋之國書曰。『皇帝問倭王。』日本答書曰。『東天皇敬白西皇帝。』蓋始持平等態度也。其國人爲保持東洋獨立體面起見。皆謂與我通使。實始於隋。而於前此之朝貢封拜。概置弗道云。

第三節 遣唐使與留學生之西來

妹子之第二次使中國也。學生福因、惠明、玄理、大國、僧旻、清安、惠隱、廣齊等八人從。日人之留學於中國自此始。八人之祖皆漢人。世修文學。故大和朝廷派遣之。十七年。小野妹子還東。八人皆留居中國。僧旻留中國凡二十五年。清安玄理留中國凡三十二年。至唐初始陸續歸國。孝德天皇時代。玄理僧旻皆充顧問。大化革新之業。與有力云。

唐室勃興。日本仍取和平政策。繼續修好。太宗貞觀五年。日本使至。詔遣斯州刺史高表仁往報聘。久之。復附新羅使者上書。會百濟聯高麗夾攻新羅。日本與百濟修好。亦治防西海。爲百濟後援。新羅孤立。請救於唐。唐遣蘇定方滅百濟。百濟故將鬼室福信起兵謀恢復。日本納其質子豐璋爲王。發大軍渡海。助之拒唐。與唐帶

方州刺史劉仁軌遇於白江口。敗績。全軍皆覆。豐璋脫身奔高麗。王子忠勝、忠志帥衆降唐。王弟善光率餘衆男女二千七百餘口奔日本。日本居善光於難波。賜姓百濟王。分置其衆於諸國。百濟歸化人多學也。其後什於日本。爲法官及文學侍從職者甚多。於是日本日益開化。

當是時。高麗形式日危。唐室兵威。駸駸欲越半島東下。日本大懼。築防烽於壹歧、對馬、筑紫。築城於倭。即大謏

吉。即謏長門、筑紫、對馬。復築大堤於筑紫。貯水。名曰水城。置筑紫率。統西南防務。是爲後世太宰府之前身。大

閱於近江。內外戒嚴以備唐。已而唐熊津都督劉仁願遣幕僚郭務悰、劉德高相繼往日本修好。留學生僧定慧亦隨唐使節歸國。大和朝廷大喜。優禮使臣。遣守大石報聘。時唐高宗麟德二年。日本天智天皇四年。西曆紀元六六五年也。

已而高麗亦亡。日本益懼。而唐兵竟不復東渡。日本亦知中國實力之偉大。自是以後。壹意與唐修好。不敢再爭半島霸權。歷代皆遣使臣。朝貢中國。名曰遣唐使。遣唐使之位置極重。當其選者皆一時名下。粟田真人其最著者也。海上風濤險惡。往往遭風沈沒。或遇海賊被劫殺。能完全復命者不及半數。以故遣唐使一職。名爲雍容樽俎。實則無異効命疆境。非甘心犧牲生命者不敢往也。大和朝廷優待使臣。未發之先。進官賜物。遣大臣禱於天神地祇。以求路上平安。以極堅之木造船四艘。各命以名。供使臣乘坐。臨行時。賜宴於殿上。授以節刀。寵以詩歌。自大使副使以下。從行者凡數百人。由難波港出帆。經瀨戶內海。過門司海峽。至肥前之松浦。取

道朝鮮半島入黃海。至山東半島登岸。陸路赴長安。是爲有唐初年日本遣唐使之經路。其後轉而南下。由長崎抵上海。入揚子江。溯流而上。取道襄漢。赴長安。至桓武天皇以後。北方多亂。道阻。益取道西南。直航明州矣。每屆遣唐使出發之時。大和朝廷必派多數學生。同赴中國留學。最多者爲天正天皇時代。凡五百五十餘人。留學無一定年限。有至二三十年者。當時交通不便。勢不得不爾也。留學生學有心得。歸國効用。輸入中國文化。開闢大和草昧。上自天時地理兵備。暨乎典章制度語言文字。至於飲食居處之細。玩好遊戲之微。無一不取法於唐。禮儀文物。居然大備。奈良平安兩朝之文化。得力於中國者居多。當時遣唐留學生。實爲東西文明之媒介。最著者若大和長岡修法律學。吉備眞備。阿部仲麻呂。修儒家。僧道先。最澄。永忠。空海。修佛學。及音律學。皆爲大和文明之先導者。阿部仲麻呂以開元初。隨粟田眞人入朝。時年十六。慕華風。不肯去。易姓名曰朝或作衡。仕於朝。爲左補闕。儀王友。當時名士王維李白等皆與之遊。轉祕書監。天寶十二年。隨遣唐使藤原青河歸東。王維作詩以贈之。

送祕書晁監還日本

積水不可極

安知滄海東

九州何處遠

萬里若乘空

向國惟看日

歸帆但信風

驚身映天黑

魚眼射波紅

鄉樹扶桑外

主人孤島中

別離方異域

音信若爲通

已而中途遇風。漂泊抵安南。未幾。復還長安。肅宗上元間。擢左散騎常侍。安南都護。代宗大歷五年。卒於唐。年七十二。吉備真備以開元初年留學於唐。年二十四。八年後始歸國。仕至右大臣。日本古無文字。自漢字輸入後。始借用漢字。然運用上諸多不便。吉備真備歸國後。始就中國楷書偏旁作片假名。空海又就中國草書作平假名。是爲和文五十音之始。平安奠都以後。代代派遣唐使如故。桓武天皇延歷二十三年。唐德宗貞元二年以藤原葛野麻呂爲大使。石川道益副之。出使於唐。是年十一月。至長安。謁德宗。次年。還東。奏中國有內亂。道途多梗。以故平城。八〇〇六至八〇九年嵯峨。八一〇至八三四年淳和。八三四年至八三九年三朝。不復派遣唐使。承和五年。唐文宗開成三年仁明天皇在位。復以參議藤原常嗣爲大使。彈正小弼小野篁副之。篁與常嗣有隙。稱疾不往。常嗣至長安。謁文宗而歸。此後中國益亂。遣唐使一時中斷。宇多天皇在位。復以參議菅原道真爲大使。右少辨紀長谷雄副之。出使中國。會留學生僧道瓘致書於太政宮。稱中國多故。使臣或不能達。道真言於宇多。遂罷遣唐使。自此以後。至於有宋末年。惟僧人商舶往來如故。國際交通。彼此斷絕焉。時唐昭宗乾寧元年。日本宇多天皇寬平六年。西曆紀元八九四年也。

當時留學僧多通文學。與中國士大夫以詩唱和。錢起送僧歸日本詩曰。

上國隨緣住

來途若夢行

浮天滄海遠

去世法舟輕

水月通禪寂

魚龍聽梵聲

惟憐一燈影

萬里眼中明


亦可略見其一班矣。

遣唐使與留學生派遣年代姓名人數表

中國年代	日本年代	西曆紀元	船數	使臣姓名	學生人數及姓名
隋煬帝大業三年	推古天皇十五年	六〇七年		小野妹子來朝	
隋煬帝大業四年	推古天皇十六年	六〇八年		裴世清等十三人報聘	
	同年九月			小野妹子復來朝	學生八人隨從（高尙玄理南淵清安等）
唐太宗貞觀四年	舒明天皇二年	六三〇年	一	大使吉士長丹副使吉士駒	僧學生等凡百二十一人從
唐高宗永徽四年	舒明天皇白雉四年五月	六五二年	一	大使高田首根麻呂副使掃守連小麻呂	僧學生等凡百二十一人從
唐忠宗嗣聖十八年	文武天皇大寶元年正月	七〇一年		栗田真人	
唐玄宗開元四年八月	元正天皇靈龜二年	七一六年		多治比縣守	阿部仲麻呂（後改名晁衡）吉備真備
唐德宗貞元十八年	桓武天皇延暦二十一年	八〇二年		菅原清公	比叡山延歷寺僧最澄（天台宗真言宗之祖）

唐德宗貞元二十年	桓武天皇延歷二十三年	八〇四年	藤原葛野麻呂	高野山僧空海（眞言宗）
唐文宗開成三年	仁明天皇承和五年	八三八年	藤原常嗣	
唐昭宗乾寧元年	宇多天皇寬平六年	八九四年	菅原道眞奏停派遣唐使	

日本支那歸化人系統表



漢高祖…驚王…王狗—□—王仁

稱西
文氏

淨野氏
武氏
櫻野氏
古志氏
(名僧行基)
栗栖氏

漢靈帝—延王—□—阿知使主

賜姓漢直
都賀使主
帶東文氏

山木
志努
大藏氏
內藏氏
調氏
山口氏
檜源氏
檜前氏




坂上氏(田村麻呂)

中原氏(明法家)
高尙氏(玄理)
丹波氏(醫家)

丁爾波伎
櫻井氏


平田氏
池邊氏
長尾氏
井上氏
林氏
忍坂氏

漢獻帝
大友氏(天文遁甲學家大友村主高聰)
志賀氏
當宇氏
錦部氏
臺氏



牟佐氏（一作身狹氏）

吳大帝：



吳主照淵

蕭衍轉音
指梁武帝



智聰

善那

賜姓倭ノ
藥ノ使主

倭ノ藥師氏

隋文帝：楊侯氏（歷學家陽胡史玉陳）

日本朝鮮歸化人系統表

百濟貴須王

即仇
首王




辰孫王

太阿郎王

亥陽

午定



速古大王

即迎宵
古王

三善氏（清行康信等之家）


近速古王……石野氏

辰斯王……岡原氏

聖明王……岡氏

高麗延興王……福德……高麗氏


新羅王子天日槍



息長宿禰王
神功皇后

新羅王……絲井氏(伊靚縣主)

任那王……多多良氏……大內氏(周防藩主)



加羅……賀羅氏

第八章 回紇之勃興與外蒙古羈縻權之喪失

隋唐之交。突厥高麗強盛達於極點。東北民族皆隸屬於二國。太宗高宗時代。突厥高麗相繼屬內。東北方面多羈縻於唐。高宗末年。溺於女色。爲武后所制。朝政逐漸腐敗。朝鮮半島領土。爲新羅所蠶食。突厥降戶亦乘機作亂。略據漠南漠北。爲唐室大患。及突厥衰亡。回紇遂乘機略取漠北。建立大國。東北民族亦相繼自立爲國。與中國對峙。其嶄然露頭角者有二。曰契丹。曰靺鞨。茲略述其事蹟於左。

第一節 突厥餘燼之復熾

先是太宗貞觀初年。李靖破突厥。遷三百帳於雲中。阿史德氏爲之長。高宗麟德元年。部落漸衆。阿史德氏詣闕。請如胡法。立親王爲可汗以統之。上召見謂曰。「今之可汗。古之單于也。」乃更雲中都護府爲單于都護府。以皇子殷王旭輪遙領都護。調露元年。酋長阿史德溫博奉職。二部舉兵反。立故突厥王族阿史那泥熟匐爲可汗。二十四州酋長皆叛應之。詔單于大都護府長史蕭嗣業將兵往討。乘勝不設備。爲突厥所襲。敗績。突厥進寇定州。詔嚴兵守井陘。龍門。次年。以裴行儉爲定襄道行軍大總管。總兵三十餘萬。東西分道。大舉討突厥。大破突厥兵於黑山。即殺胡山。在今大同縣城西北四百五十里。擒奉職。泥熟匐爲其下所殺。餘黨走保狼山。詔行儉班師。突厥

阿史那伏念自立爲可汗。與阿史德溫博連兵爲寇。復詔行儉將兵討之。副總管曹懷舜輕騎襲突厥。敗績。行儉縱反間計。使伏念博溫忽相猜貳。復遣兵襲虜。伏念妻子輜重。伏念遂執溫博以降。突厥平。時高宗開耀元年。西曆紀元六八一年也。

伏念之請降也。裴行儉許以不死。及班師至京。獻定襄之俘。侍中裴炎嫉行儉功。奏斬伏念溫博。降者多自危。永淳元年。突厥餘黨阿史那骨篤祿。阿史德元珍。招集亡散。復據黑沙城反。寇并州。次年。復寇定州。蔚州。嵐州。圍單于都護府。騷擾北方數年。朝廷屢遣大兵討之。不克。高宗崩。武后攝政。前後三次以僧懷義爲大總管。大發兵討突厥。懷義有內寵。初不知兵。憚突厥強。不敢進。骨篤祿卒。弟默啜自立爲可汗。上書請爲太子。武后大喜。册爲遷善可汗。

是時契丹猖獗。其酋長孫萬榮盛兵寇河北。默啜乘虛襲破其根據地松漠都督府。虜萬榮妻子。太后喜。進拜默啜爲立功報國可汗。默啜上書求豐勝靈夏朔代六州降戶。並穀種繒帛農器鐵。詔悉以與之。默啜益驕。前後屢寇涼州。靈州。諸郡。殺略吏民。武后聖歷元年。大舉寇河北。陷趙州。詔以狄仁傑爲行軍副元帥。討之。默啜盡殺所掠趙定男女萬餘人而還。仁傑追之不及。默啜還漠北。擁兵四十萬。據地萬里。西北諸夷皆附之。立其弟咄悉匐爲右廂察。骨篤祿子默矩爲左廂察。各主兵二萬餘人。以其子匐俱爲小可汗。位在兩察上。主處木昆等十姓兵四萬餘人。於是東自奚契丹西至娑葛。舊東西突厥故地。皆爲所有。南下與唐爲敵。中宗在位時。

代。中國屢受其壓迫。朔方總管張仁愿。築三受降城於河上以拒之。陝西北境。始有險可守。睿宗卽位。行和親政策。以宋王成器女爲金山公主。許嫁默啜。又以蜀王女南和縣主。許嫁其子楊我支以羈縻之。默啜衰老。自恃兵威。虐用其衆。都落離心。其妹婿火拔頡利發石阿失畢。左廂五咄六啜。右廂五弩失畢五俟斤。及其子婿高麗莫離支高文簡。跌跌都督思泰等。相繼率衆來降。詔分處其衆於河套。突厥益衰。

玄宗開元四年。默啜北擊九姓之拔曳固部。戰於獨樂河。乘勝輕歸。不設備。拔曳固迸卒頡質略襲斬子。傳首京師。子小可汗立。骨咄祿之子闕特勤擊殺之。立兄默棘連毘伽可汗。毘伽以闕特勤爲左賢王典兵馬。以默啜時牙官噉欲谷爲謀主。噉欲谷多智略。國人信服。突厥降戶處河曲者多叛歸之。并州長史王晙處置失宜。降戶皆叛。毘伽遣噉欲谷擊破河西節度使兵。勢大振。盡有默啜之衆。遣使上書請和親。不許。聽於西受降城互市。每歲齎縑帛數十萬匹。就市戍馬。以羈縻之。二十二年。毘伽爲其大臣梅祿啜所毒。弟登利可汗立。二十九年。爲其從叔左殺判闕特勤所殺。國內亂。骨咄祿自立爲可汗。拔悉密、回紇、葛邏祿三部攻殺之。推拔悉密酋長爲頡跌可汗。回紇葛邏祿酋長爲左右葉護。突厥立判闕特勤之子爲烏蘇可汗。頡跌復攻殺之。國人立其弟爲白眉可汗。回紇酋長骨力裴羅。與葛邏祿共攻殺頡跌。自立爲可汗。次年。擊白眉。殺之。傳首京師。南據突厥故地。自此漠北霸權歸於回紇。燕然都護府移入內地。外蒙古羈縻權全失。朔方河東邊禍。兆於此矣。

第二節 回紇之家世

回紇者。一名烏護。又名烏紇。隋曰韋紇。唐初曰回紇。至唐中葉以後。復改名回鶻。本鐵勒十五部中之一部。其人驍彊。初無酋長。逐水草轉徙。善騎射。善盜鈔。舊臣屬於突厥。突厥資其兵力。雄北荒。隋煬帝大業中。突厥處羅可汗攻脅諸部。厚斂其財物。又恐其怨。乃集渠豪數百。悉坑之。回紇怒。與僕骨、同羅、拔野古、三部同叛突厥。其酋長時健。舊唐書曰特健姓藥葛羅氏。居薛延陀北娑陵水上。距長安七千里。衆十萬。勝兵半之。地磧鹵。畜多大足羊。時健自稱俟斤。有子曰菩薩。材勇有謀。嗜射獵。戰必身先士卒。所向摧破。菩薩之母曰烏羅渾。性嚴明。能平決部事。回紇繇是寢盛。時健死。菩薩嗣立。與薛延陀共攻突厥北邊。大破其兵。由是與薛延陀相脣齒。稱活頡利發。樹牙獨樂水。今外蒙古土謝圖汗部之圖拉河上。唐太宗貞觀三年。始來朝獻方物。突厥亡後。回紇與薛延陀雄於漠北。菩薩死。吐迷度嗣立。乘薛延陀內亂。率鐵勒諸部擊破之。殺其酋長多彌可汗。併有其地。南踰賀蘭山。臨黃河。貞觀二十年。遣使人貢。願爲郡縣。太宗幸靈州受降。回紇等十餘部皆來朝。詔分其地爲六府七州。以其酋長爲都督刺史。卽故單于臺。置燕然都護府以統之。拜吐迷度爲懷化大將軍。瀚海都督。然吐迷度已私自稱可汗。官號一如突厥故事。有外宰相六。內宰相三。又有都督、將軍、司馬之號。吐迷度兄子烏紇。烝吐迷度之妻。貞觀二十二年。襲殺吐迷度。燕然副都護元禮臣誘誅之。朝廷恐回紇攜貳。命兵部尙書崔敦禮往安撫。贈吐迷度左衛大將軍。以其子婆閏爲左驍衛大將軍。大俟利發使持節回紇都落諸軍事。瀚海都督。高宗初

年。從契苾何力、蘇定方兩次伐西突厥。有功。拜右衛大將軍。龍朔中。婆閏卒。子比栗立。永隆元年。比栗卒。子獨解支立。中宗嗣聖元年。獨解支卒。子伏帝匄立。是時突厥默啜方強。盡取鐵勒故地。回紇南度磧。徙居甘涼間。助唐攻突厥。殺默啜。伏帝匄卒。子承宗立。涼州都督王君奐誣以謀叛。流死嶺南。玄宗開元十五年。其族子瀚海府司馬護輿起兵報怨。襲殺王君奐。梗絕安西諸國朝貢道。久之。朝廷命郭知運等征討。護輿奔突厥。卒。子骨力裴羅立。會突厥亂。天寶初。與拔悉密、葛邏祿二部連兵攻滅突厥。復襲拔悉密。殺其酋長頡跌可汗。盡有藥葛羅、胡咄葛、咄羅勿、頡歌息訖、阿勿啗、葛薩、斛嗚素、藥勿葛、奚邪勿及拔悉密、葛邏祿等十一姓之地。每姓各置都督一人。號十一部落。建牙烏德鞬山。在今外蒙古三音諾顏部境內昆河。今鄂爾之間。自稱骨咄祿毘伽闕可汗。遣使人朝。詔冊爲懷仁可汗。其地東極室韋。黑龍江沿岸西抵金山。南跨大漠。盡得古匈奴地。是爲回紇全盛時代。

第九章 契丹之勃興與內蒙古東部羈縻權之喪失

突厥強盛時代。東北民族皆羈縻於突厥。及突厥衰而契丹興。契丹者。本東胡遺族。自後魏時代。其名始見於中國史冊。所居曰靺鞨。靺鞨譯言黃在黃水之南。黃龍之北。本鮮卑故地。潢水流域。今西刺木倫河流域其地東接高麗。西接奚國。南接中國之營州。北接室韋。地方二千里。逐獵往來。居無常處。其君長姓大賀氏。勝兵數

萬人。分爲八部。若有徵發。諸部皆須議合。不得獨舉。獵則別部。戰則同行。好與奚鬪。不勝則遁保青山及鮮卑山。其俗死者不得作冢墓。以馬駕車。送入大山。置之樹上。亦無服紀。子孫死。父母晨夕哭之。父母死。子孫不哭。其餘風俗。與突厥同。本臣突厥。隋唐之交。常爲中國所羈縻。太宗伐高麗。至營州。授其蕃長窟哥爲左武衛將軍。貞觀二十二年。窟哥及奚酋可度者並帥所部內屬。詔以契丹部爲松漠都督府。故城在今熱河道赤峯縣翁牛特旗北廢饒州城授窟哥都督。以奚部爲饒樂都督府。授可度者都督。並賜姓李。其別部酋長皆授刺史。置東夷校尉於營州。以統之。顯宗時叛。時服。常爲邊患。武后萬歲通天元年。松漠都督李盡忠與其別部酋長歸誠州刺史孫萬榮。受營州都督趙文翽侮辱。舉兵反。陷營州。殺文翽。盡忠據營州。自稱無上可汗。以萬榮爲前鋒。侵略河北州郡。所向皆捷。盡忠死。萬榮代領其衆。突厥默啜可汗乘虛襲松漠。虜盡忠萬榮妻子。萬榮收拾餘燼。軍勢復振。朝廷發大軍討之。屢戰屢敗。萬榮軍勢日盛。會突厥默啜襲破其輜重於柳城西北之新城。萬榮方與唐兵相持。軍中恟懼。遂潰。萬榮爲其下所殺。契丹平。然自此以後。內蒙古東部。皆入契丹勢力範圍。遂稱臣於回紇。不復隸唐矣。時武后神功元年。西曆紀元六九七年也。

第十章 渤海之勃興與滿洲羈縻權之喪失

當突厥契丹寇掠河北。與唐室紛爭擾攘之時。吉林黑龍江方面之純粹通古斯民族。忽創立大國。交通中華。摹倣唐制。文化之隆。與日本新羅相伯仲。在歷史上不可謂非特別現象也。由來通古斯民族之起原地。在烏蘇里江流域。地勢苦寒。爲天然現象所驅。常有南下之勢。其東南下者。越鴨綠江。侵入朝鮮半島。與三韓民族競爭。大同江漢江流域。最著之大國。曰高句麗。與百濟。其西南下者。越遼河。侵入中國內地。與漢民族競爭。黃河流域。最著之大國。曰金。曰清。此數大國。皆以北方民族。移植南方。文化之隆。不讓漢族。說者謂地脈之肥瘠。氣候之寒暖。與民族文野。有密切關係。此數國之進化。皆在既遷以後。其進化原因。非其固有能。乃純粹居於被動地位。誠如是者。何以解於渤海。

第一節 渤海之民族及風俗

渤海者。史稱靺鞨。扶餘遺族。本古代肅慎氏。後漢時稱滿節。三國時稱挹婁。後魏時稱勿吉。皆同音異譯也。勿吉分二部。有黑水勿吉。粟末勿吉。黑水即今黑龍江。粟末即今松花江。其地東至海。西接突厥。南界高麗。北鄰室韋。即今之吉林黑龍江二省。與俄領西伯利亞之阿穆爾省。及東海濱省南部黑龍江以南烏蘇里江以東等地。皆我中國舊領土也。其國凡分數十部。各有酋帥。或附於高麗。或臣於突厥。黑水靺鞨最處北方。尤稱勁健。每恃其勇。常爲鄰國之患。俗皆編髮。啜野豕牙。插雉尾爲冠飾。性凶悍。無憂戚。貴壯而賤老。無屋宇。依山水掘地爲穴。架木於上。以土覆之。狀如中國之墓。相聚而居。夏則出隨水草。冬則入處穴中。父子相承。其畜宜豬。


富人至數百口。死者穿地埋之。無棺斂。其風俗之固陋。與契丹突厥無異。隋末。其酋長突地稽內屬。詔居之營州。授之官爵。唐初。累立戰功。賜姓李。其子謹行。以功累遷右衛大將軍。封燕國公。其餘酋長皆拜都督刺史。受中國約束。獨粟末部酋長大祚榮不服。

第二節 大氏之家世及其建國事略

大祚榮者。本高麗別種。驍勇善用兵。高麗亡後。率家屬徙居營州。武后萬歲通天元年。契丹李盡忠反。陷營州。祚榮乘隙。與靺鞨乞四比羽。各領亡命東奔。渡遼河。保太白山之東北。阻與婁河。樹壁自固。盡忠既死。武后遣右玉鈴衛大將軍李楷固。擊斬乞四比羽。進攻祚榮。祚榮招集高麗遺衆拒戰。王師敗績。會契丹附突厥。王師道梗。不能討。祚榮招集高麗餘衆。與靺鞨部民。自立爲震國王。於是渤海始建國。通好突厥。地方數千里。築城郭以居。戶十餘萬。勝兵數萬人。頗知書契。其地西際契丹。距營州二千里。東至日本海。南界新羅。北至黑水靺鞨。盡得扶餘沃沮朝鮮海北故地。中宗卽位。遣使招撫之。祚榮奉詔。遣子入侍。睿宗先天二年。遣使拜祚榮左驍衛大將軍。封渤海郡王。以所統爲忽汗州。兼領忽汗州都督。自此始去靺鞨。專稱渤海。忽汗城者。渤海之都。當在今胡爾哈河一名牡丹江流域。卽寧古塔是也。開元七年。祚榮殂。子武藝立。是爲武王。諡祚榮爲高王。北征黑水靺鞨。大啓疆宇。東北諸夷皆臣服之。建元仁安。武藝殂。子欽茂立。是爲文王。西通中國。東結好日本。雙方輸入文化。肅宗寶應年間。進封渤海國王。越六傳至宣王仁秀。賢明有德政。國勢益張。累世皆遣諸生留學

中國。漸諳禮樂制度。遂爲東海盛國。有五京、十五府、六十二州。以肅慎氏故地爲上京龍泉府。其南曰中京顯德府。濊貊故地曰東京龍原府。東南瀕海。爲通日本道。沃沮故地曰南京南海府。爲通新羅大道。高麗故地曰西京鴨綠府。爲朝貢中國要道。又以扶餘故地爲扶餘府。屯重兵。以當契丹東下之路。於是東北濱海地方。舊游牧民族所居者。皆變爲城郭制度。官制悉倣唐制。有左右相、平章事、侍中、內史等名稱。先後凡傳十四世。二百一十四年。至哀王諲譔時。始爲契丹所滅。

渤海世系表 大氏傳十四世二百一十四年爲契丹所滅



第十一章 唐室屬地管轄法

漢族勢力之發達。以漢唐兩朝爲最。漢室全盛時代。其勢力範圍。與唐室相伯仲。漢廷取收縮主義。對於羈縻各國。不干涉其內政。故於東方置玄菟、臨屯、真番、樂浪等郡。於南方置交趾、九真、日南等郡。而於西北兩方則從略焉。北方置護烏桓校尉、使匈奴中郎將。以監督內外蒙古。西方置護羌校尉。以稽察青海。置西域都護。戊己校尉。以統轄天山南北路。此外官制。概付闕如。綜其大綱。不施以郡縣制度也。唐室全盛時代。東西北塞外民族皆內屬。海南諸小國亦先後稱藩。占婆、今法領中真臘、今法領東埔寨扶南、今暹羅、今婆羅洲、閩婆、今爪哇室利佛逝、今蘇門答臘等國。皆來朝貢。唐室威令所及。東宗遼海。北跨大磧。西被達曷水。今底格南極天竺。暨海洲上諸小國。卽其部落。列置州縣。其大者爲都督府。以其首領爲都督刺史。皆得世襲。與明室之士司相類。雖貢賦版籍。多不上戶部。然聲教所暨。皆邊州都督都護所領。著於令式。其突厥、回紇、党項、吐谷渾。隸關內道者。凡府二十九。州九十。突厥別部。及奚、東部鮮卑宇文氏之別種據今熱河道凌源縣喀喇沁部地契丹、靺鞨、降胡、百濟、高麗。隸河北道者。凡府十四。州四十六。突厥、回紇、党項、吐谷渾之別部。及自于闐以西、波斯以東。十六國。隸隴右道者。凡府五十一。州百九十八。羌蠻隸劍南道者。凡州二百六十一。蠻隸江南道者。凡州五十一。隸嶺南道者。凡州九十三。又有党項州二十

四。不知其隸屬。大凡府州八百五十六。號爲羈縻云。都督府、爲數較多。又分併置罷不常。茲不具載。都護府、例置大都護一。副大都護、副都護、各二。皆有唐廷特簡。其治所、及所統。列表如左。

都護府治

一、安西都護府 統天山南路、至波斯以東。太宗貞觀十四年置。治西州。高宗顯慶三年、徙治龜茲都督府。咸亨元年。爲吐蕃所陷。武后長壽元年。爲唐室所恢復。肅宗時。改名鎮西。尋復故名。吐蕃陷河隴後。安西與朝廷交通路絕。德宗時。爲吐蕃所陷。

二、燕然都護府 統漠北。太宗貞觀二十一年置。更名遷徙不常。最後定名安北。移治天德軍。在今吳喇忒旗西北黃河北岸。

三、單于都護府 統陰山之陽。黃河之北。高宗永徽元年置。治振武軍。卽漢定襄郡之盛樂。

四、瀚海都護府 統漠南。高宗永徽元年置。治雲中。龍朔三年。徙金河。改雲中。麟德元年。改單于。

五、崑陵都護府 統西突厥五咄陸部落。高宗顯慶二年置。治碎葉川東。

六、濛池都護府 統西突厥五弩失畢部落。高宗顯慶二年置。治碎葉川西。

七、安東都護府 統高麗百濟故地。高宗總章元年置。治平壤。儀鳳元年。徙遼東故城。明年。徙新城。玄宗開

元二年。徙平州。天寶二年。徙遼西故城。肅宗時廢。

八、北庭都護府 統金山以西。及天山北路。治庭州。肅宗時。吐蕃陷河隴。與朝廷交通路絕。德宗時陷。

九、安南都護府 統南海諸國。治交州。今安南東京。

十、峯州都護府 統蜀巒蠻。治嘉寧。今安南太原道。

以上爲唐初屬地管轄法。高宗崩後。內亂相尋。國威漸替。新羅、回紇、吐蕃、大食等國。乘之屢擾唐境。諸邊多陷。玄宗卽位以後。天下聲教所被之州三百二十一。羈縻之州八百。乃於邊陲要地。置十節度經略使。委以兵馬大權。使之經略四方。於是唐之國威。復張於域外。其十節度使之治所及職權如左。

一、安西節度使。撫寧西域。治龜茲城。

二、北庭節度使。防制突騎。施堅昆。治北庭都護府。

三、河西米度使。斷隔吐蕃突厥。治涼州。

四、朔方節度使。捍禦突厥。治靈州。

五、河東節度使。與朔方犄角。以禦突厥。治太原府。

六、范陽節度使。臨制奚契丹。治幽州。

七、平盧節度使。鎮撫室韋靺鞨。治營州。

八、隴右節度使。備禦吐蕃。治鄯州。

九、劍南節度使。西抗吐蕃。南撫蠻獠。治益州。

十、嶺南五府經略使。綏靜夷獠。治廣州。

此外又有長樂經略。福州領之。東萊收捉。萊州領之。東牟守捉。登州領之。凡鎮兵四十九萬人。馬八萬餘匹。開元之前。每歲供邊兵衣糧。費不過二百萬。天寶之後。益兵寢多。每歲用衣千二十萬疋。糧百九十萬斛。公私勞費。民始困苦矣。

第十二章 唐代之東西交通

東西陸路之交通。起於漢時。至唐時而極盛。先是隋煬帝時。河西諸郡。爲東交西易中樞。西方賈人來集其地者。溢四十國。唐興。中亞及天山以南之路開。西域諸國商於東方者益衆。中國商人往中亞波斯印度等地者亦多。猶太人素精商計。乘機而起。西至歐非二洲。東至中國印度。商權悉歸掌握。或自紅海。經印度洋。來中國南海。或自地中海東岸之南提阿。(Antisch)經呼羅珊。(Khorasan)中亞細亞。天山南路。而至中國之長安。及大食勃興。阿剌伯人之通商範圍。日漸開拓。海路陸路商權。殆全歸其掌握云。

海路之交通。始於羅馬。兩漢魏晉之際。羅馬商船獨占印度洋航業。及佛教次第東漸。錫蘭及南洋諸國。皆通

道於我。中國海運。以是而興。由福建廣東。經通爪哇、(Java) 蘇門答臘、(Sumatra) 而至錫蘭、(Ceylon) 是爲中國之航路。其後經南北朝以至隋唐初葉。我中國商途更擴而西。或自錫蘭沿西印度海岸。入波斯灣。或沿阿剌伯海岸。至紅海灣頭之亞丁、(Aden) 推廣海程。所至益遠。錫蘭一島。爲世界商業中樞。中國人、馬來人、波斯人、哀提伯、(Ethiopia) 人等皆集於此。從事貿易。及大食勃興。非洲與西亞沿岸及印度河口所有港灣。前後歸其版圖。以故阿剌伯人及其屬境波斯人、猶太人等。益擴張海運。遂東向經南洋諸國。而通商於我邦沿岸。亞洲全境之航海權。遂爲阿剌伯人所有。至周武后天授中。其經商於我國廣州、泉州、杭州諸港者。數以萬計。唐置提舉市舶使。徵海關諸稅。爲歲入大宗。

要之有唐建國以後二百五十年間。陸海兩路互市極盛。其後大食漸衰。唐室亦內亂。東西互市之事。乃次第衰微矣。

當時中印與中日之間。交通頻繁。印度文明。直接輸入中國。復間接輸入日本。計中國印度之間。交通路有四。一曰北道。由河西西行。越流沙。抵安西都護府。逾葱嶺。至帕米爾高原。折而南。經過烏澹河。至現今阿富汗境。沿加布爾河東下。而至西印度。是爲入竺第一平坦路。法顯、宋雲、玄奘等。皆經由此路。至印度。二曰吐蕃道。由劍南西川西行。入西藏。折而南。逾大雪山。而至泥泊爾。文成公主入蕃後。中國與吐蕃和好。中國入竺之僧多由此路。

三、曰交趾道。由桂管南行抵安南。自此分爲三路。一爲海路。由安南沿海道西南行。經過占婆眞臘。由緬甸入東印度。二爲河路。由安南取道內河而西。爲短距離之旅行。盤旋屈折而至東印度。三爲陸路。由安南取道山路而西。越印度支那山脈。經過暹羅北部及緬甸。而至東印度。此路崎嶇多猛獸。行路異常危險。日本親王眞如上人赴印度。疑取道於此。

四、曰海道。由廣州泛海。經過占婆之澳。而至末羅遊。今羅門或蘭婆。今爪哇自此分爲二路。一因便舟西行。經過爪哇之巽他(Sunda)海峽。直航獅子國。一乘便舟西北行。經過蘇門答臘之麻剌加(Malacca)海峽。寄航於裸人國。今尼古巴羣島而至東印度海口之耽羅栗底。Tamralipta 今孟加拉恆河口之加爾各答法顯之歸路。義淨之往復路。不空、金剛智、達摩大師等之來路。皆由於此。

六朝隋唐之間。中國旅行於印度者甚多。海陸各路。皆逐漸發見。就中法顯一名。往復經由北陸南海兩路。消費十五年光陰。周遊三十餘國。可謂中世紀之大旅行家。當時廣東爲海路第一通商埠。波斯商船往復於印度洋及南海者。多寄港於此處。爲東西交通孔道。中印間往復之高僧。多借此船爲交通利器。義淨之往復印度。皆趁其便船云。

日本史學雜誌第十四編第四號。有東京帝國文科大学教授高楠順次郎先生論文一篇。其中考據唐與外國之交通甚詳。茲試列其所載推定當時列國之船數及航路表於左。以供參考。

一、波斯船數艘。

波斯、錫蘭、南海、廣州間。

二、錫蘭、波羅門船數艘。

錫蘭、南海、廣州間。

附印度商人難提船及西域賈人船。

錫蘭、閩婆、林邑、廣州間。

三、交趾船。

交州濱海航路間。

四、唐使船。

南海、廣州間。

五、末羅耶王船。

東印度、耽羅立底港、裸人國、南海間。

附崑崙船。

廣州、南海間。

此外雲南一道似已開通。但證據不充足。茲從略。

中日間之交通路亦有三。

一、由肥前出帆。向西航行。通過朝鮮半島之南。入黃海。抵山東半島登岸。是爲隋唐之交。日本遣唐使之經路。

二、由長崎出帆。西行抵江蘇東境。入揚子江。溯流而上。取道襄漢。赴長安。是爲有唐中葉、日本遣唐使之經路。

三、由長崎出帆。西南行。直航明州。是爲有唐中葉以後日本遣唐使之經路。

此外東西各國。不規則之交通路尙多。茲不贅述。

第十三章 西方宗教之東漸與佛教回教之隆盛

東西交通既繁。西方各教。遂乘機輸入中國。各教教士。皆遠遊唐土。以圖弘布宗法。計唐代西教東漸者。前後四種。卽祆教、摩尼教、景教、回教。是也。

第一節 祆教

祆教 (Zoroastrianism) 者。西曆紀元前六世紀波斯西部亞錯巴丁 (Atropatene) 人瑣羅斯德 (Zoroaster) 所創。其教謂創造萬物者爲上帝。創造以後。有陰陽二神司之。陽神清淨。爲衆善之本。陰神穢惡。爲衆惡之門。世間萬事萬物。皆此二神所統轄。陽神得勢。則羣生幸福。人民安樂。天下太平。陰神得勢。則羣生凋殘。人民死喪。天下大亂。勸世人就陽神。避陰神。故名曰陰陽教。以火代表陽神而崇拜之。故又名曰拜火教。以日爲光明之原而崇拜之。故又名曰太陽教。其學說具載於任特俄依斯他 (Zend Avesta) 書中。波斯人尊之爲聖經。此教初行於巴克特里亞。創行未幾。卽流行於巴比倫、希臘等地。後成爲波斯國教。亞歷山大大王東征以後。其勢稍衰。薩贊王朝勃興。其勢復盛。南北朝時代。稍傳而東。及大食國興。波斯中亞皆爲所有。虐待祆教徒。祆

教徒多移住東方。於是其教遂逾蔥嶺傳入中國。唐太宗貞觀五年。有傳法穆護如耶教奏。敕令長安崇化坊立祆寺。置祆正薩寶府官。主祠祆神。率以胡祝充之云。

第二節 摩尼教

摩尼教 (Manicheism) 者。巴比倫人摩尼 (mari) 所創。相傳西曆紀元二一六年。漢獻帝建安二十一年摩尼降生於巴比倫之馬德林 (Maderin)。二四二年三月二十日。始爲宗教家。取祆教舊說爲根據。參以佛教及耶穌教哲理。別成一派。自稱天使。漂泊於巴比倫五十年。卒無成功。其後移居波斯。始受國人崇拜。摩尼歿後。其教經由東羅馬輸入西方諸國。波及非洲北岸。唐初。其教已由波斯傳入中國。回紇人素崇其教。唐中葉以後。常借援兵於回紇。回紇人多移居內地。乃請於朝廷。各地建摩尼寺。代宗賜額爲大雲光明。憲宗元和二年。回紇請於河南太原二府置摩尼寺。許之。武宗會昌中。回紇衰弱。降幽州者前後萬餘人。皆散隸諸道。於是摩尼教遂流布於中國各地云。

第三節 景教

景教 (Nestorians) 者。本耶穌教之一派。西曆紀元五世紀之初。宋文帝元嘉年間敘里亞人聶斯托良 (Nestorius) 所創。其教義謂耶穌爲立教之聖人。非卽上天之子。其說與三位一體說 (Trinity) 不相容。爲教徒所排斥。謫居亞美尼亞。其地人民從其教者日衆。號聶斯托良 (Nestorian) 派。波斯王斐魯日斯崇奉之。尊爲國教。置

教主於色流斯亞。波斯名都故址在古巴比倫城東北約一百三十餘里底格里士河西岸敷化東方。頗行於中亞。魏宣武帝梁武帝時。其教已流入中國。西曆紀元六三六年。唐太宗貞觀中波斯人阿羅本（Olopen）將其經典來長安。太宗尊信之。使房玄齡賓迎。留禁中翻經。爲建波斯寺。度僧二十一人。其徒自號景教。取其教旨光輝發揚之義也。高宗時。更於諸州建波斯寺。號阿羅本爲鎮國大法主。其教大行。玄宗天寶四年。詔波斯經教。本出大秦。其兩京波斯寺。宜改名大秦寺。德宗建中二年。長安大秦寺僧景淨。建大秦景教流行中國碑。其碑日久埋沒。至明末復發見。借以知當時景教流行中國之狀況焉。

第四節 回教

回教（Islam）者。穆罕默德所創之教。爲後世回紇人所崇奉。故中國名之曰回教。唐初。興於阿剌比亞。乃嚴肅之一神教。令其教徒。遇有異教則征服之。及大食國興。以武力傳播其教於四方。漸入天山南路。唐末。天山南路佛教漸衰。回教乘之遂布其地。大食國境東南臨海。其教復流傳至南洋羣島。其後航海自中國。請於朝廷。建清真寺於廣東。盛傳其教云。

以上所列舉各教。大抵自有唐中葉。流行於中土。及武宗卽位。信道教。嚴禁諸教。大秦寺摩尼寺皆廢止。京城摩尼教信女七十人皆見殺。流回紇於諸道。死者大半。以是諸教皆衰。惟回教猶保持其勢力於天山南路。景教亦稍流行於塞外。佛教則盛行於中國內地云。

第五節 佛教

佛教自漢初已入中國。其後經過魏晉南北朝而至有唐。諸教東漸之時。佛教之勢力轉盛。其原因如左。

- 一、東晉以來。印度及中亞佛教高僧。或遵陸路經過天山南路而至中國。或航海經過南洋諸國而至中國。其中若佛圖澄、鳩摩羅什、菩提達摩等。皆有盛名。此等高僧皆委身於布教譯經。以圖私布教旨。
- 二、魏晉以來。老莊之學盛行於世。其宗派旨趣。多與佛教相似。常山僧道安常事佛圖澄。南駐襄陽。布教晉境。苻堅克襄陽。崇以師禮。安弟子慧遠。自襄陽東至廬山。結蓮社。儒生如陶潛等。亦與之遊。晉宋之間。諸西僧多居江左。從事譯經及布教。當時名士謝靈運、顏衍之、何尚之等。皆與之遊。爲文贊揚佛理。故佛教之勢力日擴。
- 三、魏晉六朝君主。皆崇敬佛法。後趙石勒、前秦苻堅、後秦姚興、宋文帝、梁武帝、後魏獻文帝、宣武帝。尤獎勵佛教。孝文帝雖崇儒。亦不排斥佛教。孝明帝時。胡太后建永寧寺。像塔僧房營建尤盛。佛教得其保護。乃益傳播於民間。

四、佛教流行以後。中國僧人。多往印度旅行。齋還經典。以期佛教日盛。其中若法顯、宋雲、玄奘、義淨等。尤有名於後世。法顯以東晉安帝隆安三年。渡流沙。逾葱嶺。路極險惡。從者多物故。入印度。歷三十餘國。遂渡海。至錫蘭。經南洋。歸中國。其間旅行者凡十五年。著佛國記以紀其行。後百餘年。至梁武帝大通元年。宋雲與惠生偕行至北印度。求佛經。歷三年而歸國。其後百年。有名僧玄奘出。以唐太宗貞觀三年。發中國。取道天山南路中。

亞細亞、以至印度。周歷百餘國。偏探聖迹。訪名師。遂齋經典六百五十餘部。以歸長安。太宗常留居禁中。命就院翻譯。親爲作三藏聖教序。高宗爲撰述聖記。創大慈恩寺以居之。奘譯經論。凡千三百餘卷。又撰西域記。述其地理風俗。最爲詳實。高宗咸亨二年。義淨亦發中國。航南海。至爪哇。作南海寄歸傳。後入印度。二十五年後。始歸國。其間歷遊三十餘國。攜歸佛典。至有四百部之多云。

以是諸原因。佛教東流。遂光大於我國。然其宗派區分。亦因之而起。初。佛教之始入中國也。外國傳教僧人。專譯經典。一意傳釋迦遺訓。本無派別。其後經年既久。蔓延勢盛。諸家所見多異。乃漸分數派。各立門戶。自西晉至唐初。四百年間。大師迭出。前後分十三宗。卽涅槃、地論、攝論、成實、俱舍、律、三論、淨土、禪、天台、華嚴、法相、真言。是也。其中涅槃、地論、攝論、成實、俱舍五宗。或合併於他宗。或勢力本不大。故實按之。僅得八派。八派在唐時。流傳極盛。其餘風波及日本。遂開日本佛教之先聲。茲述其大略如左。

一、律宗。以印度曇無德爲始祖。晉魏嘉平二年。曇摩阿羅始傳於中國。姚秦覺名。後魏法聰。深究其義。至唐道璿、道宣等。始卓然成一家。天寶中。鑑真至日本。傳璿宣疏。廣敷律義。時在日本孝謙天皇時。

二、三論宗。以印度龍樹之中論、十二門論、提婆之本論。爲始祖。初行於姚秦。秦亡。其徒多遷江南。六傳至隋吉藏。而此宗全盛。高麗僧慧灌學於吉藏。復傳於日本。時唐高祖武德年間。日本推古天皇時代也。

三、淨土宗。廬山蓮社開其緒。隋大業間之道綽。唐貞觀間之善導。皆此宗大師。然以勸諭淨業。廣被縑素。諸宗

高僧參而修之。另爲高宗。無師傳之系也。日本亦有淨土宗。其祖師亦無入唐受教者。

四、禪宗。達摩所倡。六傳至慧能。分爲青源、南嶽二派。唐末。南嶽復分爲漚仰。臨濟二派。青源分爲曹洞、法眼、雲門三派。至宋末。臨濟曹洞二宗。始傳於日本。時日本鳥羽天皇時代也。

五、天台宗。北齊時。慧文所倡。陳隋間。智顗廣其義。居天台山。煬帝賜號智者大師。爲建國清寺。六傳至湛然。詳製疏釋。以授道邃。日本桓武天皇延歷二十三年。留學生僧最澄。隨遣唐使來求法。乃學於道邃。受奧旨以歸。時唐德宗貞元二十年也。

六、華嚴宗。以華經嚴爲據。隋時。法順始提義綱。標立宗名。二傳至法藏。宗義愈名。則天賜號前首戒師。玄宗時。僧道璿齋華嚴章疏至日本。新羅審詳法師。復往講授。此宗遂興於東國。時日本聖武天皇時代也。

七、法相宗。明諸法之體相。故名。又名唯識宗。以唯識論爲據。唐太宗時。玄奘之印度。受諸戒賢論師。以授窺基。高宗時。日本道昭、智通、智達。來師玄奘。還傳其學。時日本齊明天皇時也。

八、真言宗。又名密教。開元中。印度善無畏、金剛智。至唐傳之不空。繼智授之慧果。其宗始確立。然此派不盛於我國。德宗末年。日本桓武天皇。遣空海來唐。學於慧果。還傳彼國。故此派盛行於日本。空海卽創造日本假名者也。

要之有唐一代。爲佛教極盛之時。唐末諸宗多衰。惟律禪淨土三宗猶盛。

第三編 近古史

第一期 西北民族第三次侵入中原時代

第一章 回紇之衰亡與黠戛斯之強盛

自來日中則昃。月盈則缺。唐室全盛時代。實在太宗高宗之時。幅隕之廣。逾於兩漢。高宗歿後。皇后武氏專國。廢皇太子。臨朝稱制。任用酷吏。殺戮唐宗室貴戚殆盡。復易唐爲周。自稱皇帝。中國始有女主。開古來政界未有之變局。專制中國二十餘年。內亂時起。唐室大臣張柬之等起兵靖亂。廢武氏。迎中宗復位。反周爲唐。中宗昏庸。尋爲皇后韋氏所弑。玄宗起兵靖難。誅韋氏。以姚崇、宋璟爲相。唐室小康。晚年任用姦臣李林甫、楊國忠。寵幸貴妃楊氏。釀成安史之亂。借名將郭子儀、李光弼之力。蕩平之。而河北諸郡。爲安史降將薛嵩、田承嗣、李懷仙等所據。是爲藩鎮割據之始。回紇、吐蕃、南詔等國。乘勢內犯。朔方、隴右、河西、山南、劍南諸州郡。相繼淪沒。西北民族侵入中國。唐室中衰從此始。漢族勢力。逐漸削弱矣。

第一節 回紇全盛時代

回紇自懷仁可汗在位。略取漠北。建立大國。天寶四年。懷仁殂。子磨延啜立。號葛勒可汗。慍悍善用兵。肅宗時。助唐討安史之亂。有功。詔冊立爲英武威遠可汗。妻以帝幼女寧國公主。厚遺歲幣以慰撫之。回紇漸自尊大。時略邊地。唐不能禁。

乾元元年。西歷紀元七五八年葛勒殂。長子葉護先被殺。次子移地健立。是爲登里可汗。舊唐書作牟羽可汗登里未立時。其父爲之請婚於唐。肅宗以大將僕固懷恩女妻之。至是立爲可敦。回紇大臣欲以寧國公主殉葬。公主辭以中國禮無之。乃止。尋以公主無子。聽還中國。代宗寶應元年。登里應中國召。自將入援。沿路見內地丘墟。有輕唐之意。困辱中使劉清潭。上遣僕固懷恩勞之。登里悅。自陝州濟河。與兵馬元帥雍王即德宗適會。責適不拜舞。鞭殺右廂兵馬使魏琚。行軍司馬韋少華。進擊史朝義於洛陽。大破之。恢復東京。肆行殺掠。死者萬計。次年正月。始歸國。詔冊爲頡咄登里骨啜密施合俱錄英義建功毘伽可汗。而封其妻爲娑墨光親麗華毘伽可敦。已而僕固懷恩叛唐。誘回紇。吐蕃。吐谷渾。党項。等衆二十餘萬連兵入寇。至涇陽。關內副元帥郭子儀出見回紇。責以大義。說使襲吐蕃。破之。吐蕃自是與回紇爲怨敵。大歷三年。回紇可敦卒。詔冊僕固懷恩幼女爲崇徽公主。妻登里。回紇益驕。連年與唐互市。每一馬易四十緡。動至數萬匹。馬皆驚瘠無用。朝廷苦之。所市多不能盡其數。回紇待遣繼至者。常不絕於鴻臚。留京師者常千數。商胡僞服而雜居者倍之。縣官日給饔飧。殖貨產。開第

舍。市肆美利皆歸之。日縱暴橫。吏不敢問。

大歷十四年。西歷紀元七七九年代宗崩。德宗立。登里欲乘喪入寇。其相頓莫賀力諫。不聽。怒弑之而自立。是爲合骨咄陸毘伽可汗。貞元三年。西歷紀元七八七年遣使獻方物。請和親。德宗方患吐蕃爲寇。用宰相李泌策。欲結回紇爲援。許之。册合骨咄陸爲汨咄祿長壽天親毘伽可汗。以咸安公主妻之。回紇請改號曰回鶻。詔從其請。次年。天親殂。子多邏斯立。詔册爲愛登里邏汨沒密施俱錄毘伽忠貞可汗。

第二節 回紇衰亡時代

初回紇風俗樸厚。居臣之等不甚異。故衆志專一。勁健無敵。及有功於唐。賂遺極厚。登里自尊大。始築宮殿。婦人有粉黛文繡之飾。唐爲之虛耗。而回紇風俗亦漸流於奢侈。吐蕃與回紇有怨。屢侵其地。回紇屬部有沙陀者。西突厥別種也。居蒲類海。今新疆哈密縣北之巴里坤湖東。兵馬強壯。冠諸部。憤回紇衰斂。遂附吐蕃。吐蕃併其兵。大破回紇。回紇大恐。稍南其部落。以避吐蕃。時唐德宗貞元六年。西歷紀元七九〇年也。

是歲。忠貞可汗爲少可敦葉公主所毒死。其弟自立。國人討殺篡者。而立忠貞幼子阿啜。遣使來告哀。詔册爲奉誠可汗。十一年。西歷紀元七九五年奉誠殂。無子。國人立其相骨咄祿爲可汗。告哀於唐。詔册爲愛騰里邏羽錄沒密施合胡祿毘伽懷言可汗。懷信本姓跌跌氏。數將兵有功。爲諸酋所畏服。故得立。順宗永貞元年。西歷紀元八〇〇年詔册其嗣位者爲騰里野合俱錄毘伽可汗。憲宗元和初。再朝獻。始以摩尼至。是爲摩尼教輸入中國之

始。三年。西歷紀元八〇八年騰里殂。詔冊其嗣君爲愛登里囉密施合毘伽保義可汗。屢遣使來乞婚。上以勞費不許。

穆宗長慶元年。

西歷紀元八二一年

保義殂。詔冊其嗣君爲登囉羽錄沒密施句主毘伽崇德可汗。復遣使來請婚。詔

以帝妹太和公主妻之。

四年。

西歷紀元八二四年

崇德殂。其弟曷薩特勤立。詔冊爲愛登里囉汨沒密施合毗伽昭禮

可汗。文宗太和六年。

西歷紀元八三二年

昭禮爲其下所殺。從子胡特勤立。詔冊爲愛登里囉汨沒密施合句錄毘伽彰

信可汗。開成四年。

西歷紀元八三九年

其相掘羅勿作難。引沙陀共攻彰信。彰信自殺。國人立厖馱蘇合切特勤爲可汗。

蘇合切

特勤爲可汗。

自忠貞以後。國多內亂。勢漸衰。至厖馱在位。頻年饑疫。又大雪。羊馬多死。渠長句錄莫賀與黠戛斯合騎十萬來攻。殺厖馱及掘羅勿。焚其牙。諸部皆潰。其相馱職與厖特勤十五部西奔葛邏祿。殘衆南入吐蕃安西。可汗兄弟盟沒斯。及其相赤心。那頡啜。各帥其衆來降。時開成五年。西歷紀元八四〇年也。次年。可汗牙部十三姓奉烏介特勤爲可汗。南保錯子山。

第三節 黠戛斯之民族風俗及物產

黠戛斯 Kirghiz Kirgises 者。在伊吾之西。焉耆之北。

今俄領西伯利亞伊爾庫次克 Irkutsk 省

卽古之堅昆。唐初結骨也。直回紇

西北三千里。南依貪漫山以居。其地夏沮洳。冬積雪。人皆長大。赤髮。皙面。綠瞳。以黑髮爲不祥。衆數十萬。勝兵八萬。其族男少女多。以環貫耳。俗趨伉。男子有勇。黥其手。女已嫁。黥其項。其俗雜居多淫佚。謂歲首曰茂帥哀。以三哀爲一時。以十二物紀年。氣多寒。雖大河亦半冰。稼有禾粟大小麥。青稞。步磴以爲糲。有糜。際以三月種。

九月穫。以爲飯。以釀酒。而無果蔬。畜馬至壯大。以善鬪者爲頭馬。有橐駝牛羊。牛爲多。富農至數千。其獸有野馬。骨咄黃羊。羴羴鹿。黑尾。黑尾者似驢。尾大而黑。魚有蔑者。長七八尺。莫痕者。無骨。口出頤下。烏有鴈。鶩。烏鵲。鷹隼。木有松。樺。榆。柳。松高者。仰射不能及。顛。而樺尤多。有金鐵錫。每雨。俗必得鐵。號迦沙。爲兵。絕犀利。常以輸突厥。其戰有弓矢旗幟。其騎士析木爲盾。蔽股足。又以圓盾傳肩。可捍矢刃。其君曰阿熱。遂姓阿熱氏。自稱漢將。李陵之後。服貴貂。貂。阿熱冬帽。貂。夏帽金釵。銳頂而卷末。諸下皆帽白氍。喜佩刀礪。賤者衣皮不帽。女衣毳毼。錦罽綾。蓋安西北庭大食所貿售也。阿熱駐牙青山。周柵代垣。聯氈爲帳。號密的支它。首領居小帳。凡調兵。諸部役屬者。悉行內貂鼠。青鼠爲賦。其官宰相。都督。職使。長史。將軍。達千。六等。宰相七。都督三。職使十。皆典兵。長史十五。將軍達千。無定員。諸部食肉及馬酪。惟阿熱設餅餌。樂有笛鼓笙。臂栗盤鈴。戲有弄駝師。子馬伎。繩伎。祠神惟主水草。祭無時。呼巫爲甘昏。嫁納羊馬以聘。富者或百千計。喪不顰面。三環尸哭。乃火之。收其骨。逾歲乃葬。冬處室。木皮爲覆。其文字言語與回紇同。法最嚴。臨陣逗撓。奉使不稱。妄議國是。及竊盜。皆斬。其國東接骨利幹。南吐蕃。西南葛邏祿。其都城青山。去回紇牙橐駝行四十日。

第四節 點戛斯之勃興與回紇之淪滅

點戛斯始隸突厥。突厥以女妻其酋。突厥亡後。隸薛延陀。薛延陀以頡利發一人監其國。太宗貞觀二十二年。大兵擊滅薛延陀。鐵勒諸部俱請吏奉貢。點骨亦遣使者獻方物。其酋長俟利發失鉢屈阿棧身自入朝。頗得

持笏。詔以其地爲堅昆都督府。拜阿棧都督。隸燕然都護府。高宗、中宗、玄宗之世。屢來朝。朝廷以其國與皇室同宗。特加優禮。肅宗乾元中。爲回紇所破。不能復通中國。後狄語訛爲黠戛斯。蓋回紇謂之若曰黃赤面云。

黠戛斯既爲回紇所破。乃稱臣於回紇。又與大食、吐蕃、葛祿交通。借以牽掣回紇。吐蕃、回紇常賂遺之。假以官號。回紇既衰。阿熱始自稱可汗。回紇遣宰相擊之。連兵二十餘年。數爲所敗。及掘羅勿弒彰信可汗而立廬駝。國內亂。黠戛斯乘釁大舉攻之。焚其牙。殺廬駝及掘羅勿。并得太和公主。阿熱自以身爲宗室。遣使者達千奉公主還朝。回紇烏介可汗邀擊達千。殺之。刦留公主。南度磧。屯天德軍境上。朝廷遣使慰問太和公主。并賜烏介米二萬斛。喻以宜帥部衆。漸復舊疆。烏介不奉詔。南侵緣邊諸州。武宗會昌三年。河東節度使劉沔大破之於殺胡山。古豐州境在今大同縣西北四百五十里。烏介北遁。沔迎公主還京師。


阿熱既破回紇。遂徙牙牢山之南。牢山亦曰賭滿。距回紇舊牙馬行十五里。是年。遣使來獻馬。并求冊命。詔太僕卿趙蕃往安撫之。賜以詔書。令修臣子禮。并速平回紇及黑車子。室韋別種。乃行冊命。又詔阿熱著宗正屬籍。阿熱欲乘秋高馬肥。擊烏介。上書朝廷請會師。詔以給事中劉濛爲巡邊使。勒兵應之。而遣右散騎常侍李拭使黠戛斯。冊拜阿熱爲英宗英雄武誠明可汗。未行而武宗崩。宣宗嗣位。勅使中止。至大中元年。始詔鴻臚卿李業持節。冊拜阿熱爲英武誠明可汗。自是以後。至懿宗咸通間。凡三來朝。然卒不能滅回紇。後之朝聘冊命。則史書失傳矣。

初。烏介既爲劉沔所破。收餘衆數千人。往依黑車子。會昌六年。西歷紀元八四六年。國相逸隱啜弒之於金山。立其弟特

勤遏捻爲可汗。率殘部五千人。仰給於奚酋碩舍朗。宣宗大中初年。盧龍節度使張仲武擊奚。大破之。遏捻無所得食。部衆日益耗散。所存貴臣以下。不滿五百人。依於室韋。次年正月。室韋使者入賀。途經幽州。仲武使歸取遏捻等。遏捻聞之。大懼。夜與妻子等以九騎西走。室韋分其餘衆。黠戛斯遣兵擊室韋。大破之。悉收回紇餘衆歸磧北。回紇嫡系由是遂亡。時大中二年。西曆紀元八四八年也。

回紇雖亡。其別部廐特勤先在安西。亦自稱可汗。居甘州。總磧西諸城。種落微弱。時入獻見。朝廷屢遣使册封之。皆以道途阻塞。不果。經五代至有宋初年。常與中國交通不絕。西夏勃興以後。襲取甘州。回紇徙據玉門關以西。與西夏對峙。遼室西遷以後。隸屬於遼。蒙古西征。降於蒙古。稱畏兀兒國。傳至明初未絕云。

回紇世系表 姓藥羅葛氏自時健起始爲酋長至吐迷度始稱可汗至骨力裴羅國始強大傳十五世至奉誠可汗而系絕跌跌氏繼之復傳九世至特勤遏捻爲黠戛斯所滅兩系共傳二十四世二百餘年



(七) 伏帝匄

(八) 承宗

(九) 瀚海府司馬護輸

承宗族子

(十) 骨咄祿毘伽闕懷仁可汗骨力裴羅

(十一) 葛勒英武威遠毘伽可汗磨延啜

寧國公主

司空忠義王太子葉護

娑墨光親麗華毘伽可敦僕固氏

懷恩女

(十二) 登里(牟羽)可汗移地健

崇徽公主僕固氏

懷恩幼女

(登里從父兄)

(十三) 長壽天親毘伽可汗頓莫賀

咸安公主

(十四) 忠貞可汗多羅斯

少可敦葉公主僕固氏

懷恩女孫

(十五) 奉誠可汗阿啜

(十六) 懷信可汗骨咄祿

跌跌氏

(十七) 騰里可汗大保義可汗

(九) 崇德可汗

(三) 彰信可汗

(三) 廕馭特勤

太和公主

(二十) 昭禮可汗

(三) 烏介特勤

(四) 特勤遏捻

第二章 吐蕃之末路

隋唐之間。佛教文明。異常膨脹。東亞各國。除去北荒以外。皆入佛教勢力範圍。顧佛教輸入日本。而日本漸開

明輸入吐蕃。而吐蕃反削弱。適宜於半開化之民族。不適宜於未開化之民族。適宜於文教萌芽之民族。不適宜於武力猖獗之民族。同一佛教也。受其影響者。可以興。可以衰。可以存。可以滅。其結果千差萬別。不可思議。豈佛教對於各民族有所厚薄歟。抑亦橘生江南爲橘。生江北爲枳。非其物原始本有不同。亦視承受之者之吸收力及同化力爲如何耳。知此者可與論吐蕃之盛衰。

第一節 吐蕃全盛時代

吐蕃自棄宗弄讚在位。輸入印度及中國文化。國勢漸強。中宗時。鄯州都督楊矩。以河西九曲地與吐蕃。吐蕃借爲根據地。東下之勢日亟。玄宗開元年間。屢寇隴右、河西、安西、北庭州郡。邊將禦之。互有勝負。西方爲之凋弊。開元十八年。吐蕃上書乞和。詔遣忠王友皇甫惟明報聘。贊普上書謝罪。求毛詩、春秋、禮記。仍祈互市於赤嶺。在石堡城西距長安三千
里。土石皆赤故曰赤嶺。二十一年。復由金城公主上書。請立碑於赤嶺。以分唐與吐蕃之境。詔並從之。兵禍稍戢。

二十五年。吐蕃攻西域屬國勃律。勃律遣使來告急。詔河西節度使崔希逸襲吐蕃東境。以分其兵勢。破之於青海西。由是邊釁復起。天寶十二年。西歷紀元
七五三年吐蕃贊普乞黎蘇籠臘質死。子孛悉籠臘質立。遂乘唐有安史之亂。蠶食河隴諸郡。先是唐自武德以來。開拓邊境。地連西域。皆置都督府。開元中。置朔方、隴右、河西、安西、北庭諸節度使以統之。歲發山東丁壯爲戍卒。繕帛爲軍資。開屯田。供糗糧。設監牧。畜馬牛。軍城戍邏。萬里相

望。及安祿山反。邊兵精銳者徵發入援。謂之行營。留兵單弱。數年之間。胡虜蠶食。自鳳翔以西。邠州以北。皆爲

左袵矣。代宗廣德元年。西歷紀元七六三年吐蕃率吐谷渾党項氏羌二十餘萬衆。深入爲寇。入大震關。即隴關。在今陝西隴縣。即故鳳

翔府隴州西七十里陷蘭、廓、河、鄯、洮、岷、秦、成、渭等州。盡取河西隴右之地。進窺關中。帝出奔陝州。衣冠皆南奔荆襄。吐蕃

入長安。縱兵劫掠。立宗室廣武王承宏爲帝。留京師十五日。聞郭子儀將大軍且至。始退。屯原。會成渭間。尋復

轉鋒南下。陷劍南西山諸州。於是陝西四川西境。無險可守。自此連年東下。關內、朔方、西川境內。同時被兵。唐

室禦寇不暇。大歷八年。宰相元載奏請城故原州城。今甘肅固原縣扼隴山口。當吐蕃東下之路。不聽。吐蕃屢寇涇

原。今甘肅涇川縣等處邠寧。今陝西邠縣靈武。今寧夏靈武縣等處三鎮屬部。烽火達於長安。京西節鎮。星羅棋布。到處設防。吐蕃

聲東擊西。作葑十年。唐室卒無勝算。

德宗卽位。欲以德懷柔吐蕃。歸其捕虜五百人。先後遣太常少卿韋倫、殿中少監崔漢衡等出使吐蕃。吐蕃遣

使報聘。結盟修好。是時吐蕃大將尙結贊。總東方兵柄。朱泚之亂。尙結贊遣都將論莽羅依。助大將軍渾瑊擊

泚。將韓旻有功。要求割讓安西北庭之地。以爲報酬。散騎常侍李泌謂「二鎮人性驍悍。控制西域五十七國。

及十姓突厥。又分吐蕃兵勢。使不得併力東下。且勢孤地遠。盡忠竭力。爲國家固守近二十年。一旦棄之以與

戎狄。彼其心必深怨中國。他日從吐蕃入寇。如報私仇矣。一力勸上勿許。從之。尙結贊計不得逞。乃大舉寇涇、

川。今涇縣隴、邠、寧。今邠縣陷鹽池。今鹽池縣夏山。今橫山縣銀脂。在今米脂縣麟木。在今神木縣諸州。詔鳳翔節度使李晟、河東節度使馬燧、河中節

度使渾瑊等分道拒之。晟屢戰有功。尙結贊惡之。乃縱反間計。離間晟。入鳳翔境。禁虜掠。以兵直抵城下。曰：「李令公召我來。何不出犒我。」經宿而退。又以羊馬多死。糧運不繼。乃退屯鳴沙。縣名。故城在今寧夏中衛縣城東南一百五十里。遣使卑禮厚幣。求和於燧。燧信其言。爲之請於朝。是時鎮海節度使韓滉入朝。請城故原。今固原縣。今西寧縣。洮州。今通渭縣。四州。使晟與劉玄佐等。將重兵守之。經略河湟。上欲從之。會滉薨。宰相張延賞與晟有隙。數言和親。使上亦素恨回紇。欲與吐蕃擊之。遂從延賞議。罷晟兵柄。從吐蕃請。以渾瑊爲會盟使。盟於平涼。吐蕃劫盟。唐將卒死者甚多。城僅以身免。副使崔漢衡以下皆被執。城副將駱元光韓遊瓌整陣禦之。虜追兵始退。兩國交惡益甚。尙結贊復以計離間馬燧。上怒。罷燧兵柄。會張延賞卒。李泌爲相。始建議屯田京西。欲逐漸恢復府兵舊制。復建議聯絡回紇。大食。雲南。結攻守同盟。夾攻吐蕃。計劃得手。着着成功。藩禍漸有轉機矣。

第二節 安西北庭之淪陷

先是吐蕃陷河隴。伊西北庭節度使李元忠。四鎮留後郭昕。帥將士閉境拒守。數遣使奉表。皆不達。聲問絕者十餘年。西歷紀元七八一年。德宗建中二年。始遣使問道自回紇中來。上嘉之。進二人爲大都護。皆賜爵郡王。吐蕃連年東侵。懼二鎮牽掣其兵勢。屢攻之。不下。二鎮與回紇連和。借爲交通要道。回紇求取無厭。北庭與之接境。尤患苦之。沙陀別部六千帳與北庭相依。亦厭虜哀索。密附吐蕃。貞元五年。吐蕃因沙陀兵共寇北庭。回紇大相頡干伽斯將兵救之。與吐蕃戰。不利。吐蕃急攻北庭。北庭人叛。與沙陀酋長朱邪盡忠皆降吐蕃。節度使楊襲古

率麾下二千人奔西州。次年。頡干伽斯悉衆數萬。召襲古將復北庭。與吐蕃戰。敗績。襲古收餘衆數百。將還西州。頡干伽斯誘而殺之。安西由是遂絕。莫知存亡。吐蕃兵力。威壓天山南北路。中亞唐室之聲靈。從此盡矣。時貞元六年。西曆紀元七九〇年也。

第三節 吐蕃衰亂時代

是時回紇與唐修好。屢助唐敵吐蕃。不勝。而西南方面。唐兵逐漸得勢。先是雲南降吐蕃。吐蕃資其兵寇西川。劍南騷動。貞元三年。西曆紀元七八七年西川節度使韋皋招撫雲南。雲南遣使人見。吐蕃發兵十萬寇西川。亦發雲南兵。雲南內雖附唐。外未敢叛吐蕃。亦發兵數萬屯瀘北。皋乃爲書遺雲南王。敍其歸化之誠。轉致吐蕃。吐蕃始疑雲南。遣兵屯會川。今會理縣即故寧遠府會理州以塞其趨蜀之路。雲南怒。歸唐之志益堅。貞元十年。雲南王異牟尋大破吐蕃兵。遣使來獻捷。吐蕃屢攻靈鹽。朝廷詔韋皋出兵。深入吐蕃。以分其勢。皋在鎮二十一年。屢戰屢勝。復雋州。攻維州。擒吐蕃大將論贊熱。論莽熱等。吐蕃兵不得志於西川。乃益轉鋒北下。侵略朔方涇原。屢破中國兵。朝廷爲之肝食。憲宗元和三年。沙陀來降。吐蕃兵勢益弱。彝泰贊普。名可黎可足八在位。病不事事。委政大臣。國勢益衰。穆宗長慶二年。遣使來請和。朝廷以大理卿劉元鼎爲吐蕃會盟使。人蕃泣盟。建和盟碑於國都邏娑。彝泰在位二十餘年。僅能自守。不復來侵。

文宗開成三年。西曆紀元八三八年彝泰殂。弟達磨立。荒淫殘虐。國人不附。災異相繼。吐蕃益衰。武宗會昌二年。西曆紀元

八年達磨殂。無子。先是達磨有佞幸之臣以爲相。至是佞相立其妃繚氏兄尙延力之子乞離胡。年甫三歲。佞相與繚妃共制國事。首相結都那不服。佞相殺之。夷其族。國人憤怒。洛門川討擊使尙恐熱姓末名悍忍多詐以誅繚妃佞相爲名。與青海節度使同盟舉兵。自稱國相。大破其國。相尙思羅兵屠渭州。思羅發蘇毗吐谷渾羊同等兵八萬人。保洮水。焚橋以拒之。恐熱招降諸部。思羅西走。追殺之。盡併其衆。合十餘萬。於是吐蕃東部霸權一時歸於恐熱。吐蕃鄯州節度使尙婢婢姓沒盧名贊心牙羊同國人世爲吐蕃相。好讀書。不樂仕進。國人敬之。年四十餘。彝泰贊普強起之。使鎮鄯州。婢婢寬厚沈勇。有謀略。訓練士卒多精勇。恐熱謀篡國。恐婢婢襲其後。舉兵擊之。婢婢遣使卑禮厚幣犒師。恐熱大喜。引兵歸屯大夏川。婢婢遣兵襲擊。大破之。恐熱走保薄寒山。自是以後。二將時常構兵。恐熱殘虐。河西隴右大遭屠掠。婢婢傳檄河湟。數恐熱殘虐之罪。且曰。『汝輩本唐人。吐蕃無主。則相與歸唐。無爲恐熱所獵。如狐兔也。』於是河隴州郡相繼風靡。宣宗大中三年西歷紀元八四九年吐蕃秦原安樂等三州木峽石門驛藏制勝石峽六盤蕭關等七關皆在故平涼府境內來降。詔涇原取原州及六關靈武取安州鳳翔秦州州取蕭關等鎮出兵接應。王師克復河湟。沙州今安西縣漢族張義潮陰結豪傑。逐吐蕃守將。發兵略定其旁瓜伊西甘肅蘭鄯河岷廓十州地。遣其兄義澤奉十一州圖籍入見。詔置歸義軍於沙州。授義潮節度使。以所略定之州隸之。吐蕃將尙延心以河渭二州部落來降。詔授延心河渭都遊奕使。使統其衆居之。復置天雄軍於秦州。以成河渭三州隸焉。義潮尋克復涼州。西川節度使遣兵取維州。恢復西山諸州縣。是時尙婢婢

已卒。其將拓跋懷光代領其衆。稱臣於唐。懿宗咸通七年。西歷紀元八五六年斬尙恐熱。傳首京師。吐蕃自是衰絕。乞離胡君臣不知所終。河隴及劍南西山舊地。復爲唐有。

吐蕃世系表 姓勃罕野氏自廢悉董摩始見史冊至棄宗弄贊國始強大傳十七世至達磨而系絕緜氏之乞離胡繼之國遂衰不能復通於中國云

- (一) 廢悉董摩
- (二) 陀士度
- (三) 揭利失若
- (四) 勃弄若
- (五) 詎素若

- (六) 論贊素
- (七) 棄宗弄贊 卒於六五〇
- (八) 某 六五〇至六七九
- (九) 器弩悉弄 六七九至七〇三

- (十) 棄隸踏贊 七〇三卽位
- (十一) 乞黎蘇籠臘贊 卒於七五三
- (十二) 悉籠臘贊 七五三卽位

- (十三) 乞立贊 卒於七九七
- (十四) 足之煎 七九七至八〇四
- (十五) 某 八〇四至八一七
- (十六) 粹泰贊普可黎可足 八一七至八三八
- (十七) 達磨 八三八至八四二
- (十八) 乞離胡 (緜氏) 八四二卽位

第三章 南詔之勃興及其對中國吐蕃之關係

自來暖國之人柔和。寒國之人慄悍。中國歷來邊患。皆屬北方民族。而南方民族無聞焉。蓋南方土地肥沃。其土地所產。常足以滿足人民慾望。故對外競爭之心薄弱。氣候溫度太高。人民受其影響。身體易流於懦弱。腦筋多偏於愚昧。故對外競爭之實力亦薄弱。此亦自然之現象。若或使之。非人力所能造成也。然而漢民族受其惠矣。漢民族喜平和。惡殺伐。歷來皆取持盈保泰主義。苟非大不得已。絕不肯輕易用兵。西北民族常迫我於無可奈何地位。不得已而爲應兵。勝則爲秦皇漢武。及有唐初年之盛況。敗則爲西周末年及兩晉南北朝時代之衰弱。此亦數千年來漢民族所無可奈何者也。獨交趾支那民族。本爲揚子江流域舊主人翁。漢民族終其臂而奪之。自唐虞至今。常逐漸同化於漢族。未聞其有若何抵抗力。其有憑藉雲南爲根據地。併吞川南及川邊等部。建立具體之王國。代表交趾支那民族。與漢族南北對抗者。則爲有唐中葉以後之南詔。

第一節 南詔之文化

川南雲南地方。爲西南夷老巢穴。地處中國西南。屬亞熱帶地方。居雲嶺之脊。地勢高燥。氣候溫暖。夏無大暑。冬無大寒。花無斷時。土人受其影響。體魄較爲健康。腦筋較爲清醒。與安南暹羅緬甸之土人。情形稍有不同。

岷江、沱江、大渡河、鴉龍江無量河、金沙江、瀾滄江、潞江、一名怒江流貫其間。交通較為便利。農產亦甚豐盈。所謂地靈者人傑。南詔之勃興。亦土地氣候與有力焉者也。先是漢武帝時。征服西南夷。置犍爲、今四川故敘州府越嶲府及越嶲衛益州、今雲南故牂牁、今貴州故交趾等郡以治之。東漢明帝時。復分益州西部。置永昌郡。於是雲貴南川等地。皆入於中國。三國時代。益州耆帥雍闓反。與郡人孟獲略據益州、牂牁、越嶲、永昌、四郡。蜀漢丞相諸葛亮討平之。置庾降都督駐守其地。鎮平夷。縣名。今雲南故曲靖府平彝縣晉武帝時。置寧州刺史。治庾降故地。歷南北朝至唐初。位置無改。而滇南滇西蠻族。迄未與中國同化。唐初。分爲六部。曰蒙巂詔。今四川越嶲縣越析詔。今雲南麗江府浪穹詔。今劍川縣即故麗江府劍川州澄談詔。今鄧川縣即故大理府鄧川州施浪詔。今洱源縣即故大理府浪穹縣蒙舍詔。今蒙化縣詔者。蠻語王之謂也。蒙舍詔在最南。故稱爲南詔。

史稱南詔爲本哀牢夷後。烏蠻別種也。在漢永昌。今保山縣故永昌府故郡之東。姚州。今姚安縣故姚州之西。其地東距爨。東南屬交趾。南接女王。西南接驃。西接摩伽佗。西北界吐蕃。北抵益州。東北際黔巫。蓋雲南境內一大國也。王都羊苴咩城。王坐東嚮。其臣有所陳。以狀言而不稱臣。王自稱曰元。猶朕也。謂其下曰昶。猶卿爾也。官曰坦綽。曰布燮。曰久贊。謂之清平官。所以決國事輕重。猶唐宰相也。曰酋望。曰正酋望。曰員外酋望。曰大軍將。曰員外。猶試官也。又置九爽分理庶政。幕爽主兵。琮爽主戶籍。絃爽主禮。罰爽主刑。勸爽主官人。厥爽主工館。萬爽主財用。引爽主客。禾爽主商賈。皆清平官。酋望大軍將兼之。爽猶言省也。督爽、總三省也。又設三託。乞託主馬。祿託主

牛。巨託主倉廩。亦清平官。曾望大軍將兼之。曰爽。曾曰彌勤。曰勤齊。掌賦稅。曰兵孺司。掌機密。大府主將曰演習。副曰演覽。中府主將曰繕裔。副曰繕覽。下府主將曰澹曾。副曰澹覽。小府主將曰幕撫。副曰幕覽。每府有陀曾。掌書記。有陀西。若判官。凡調發下文書聚邑。必占其期。百家有總佐一。千家有治人官一。萬家有都督一。凡田五畝曰雙。上官授田四十雙。上戶三十雙。以是而差。壯者皆爲戰卒。有馬爲騎。軍人歲給韋衫袴。以邑落遠近分四軍。以旗幟別四方面。一將統千人。四軍置一將。凡敵入境。以所入面將禦之。王親兵曰朱弩。佉直。佉直。韋帶也。擇鄉兵爲四軍羅直子。戴朱鞬。整負犀革銅盾。跣足走險如飛。百人置羅直子統一人。望直蠻者。在瀾滄江西。男女勇捷。不鞍而騎。善用矛劍。知甲蔽胸腹。鞬整皆插旄牛尾。馳突若神。凡出兵以望直子前驅。以清平子弟爲羽儀。王左右有羽儀長八人。清平官見王。不得佩劍。唯羽儀長佩之。爲親信。有六曹長。曹長有功。補大軍將。大軍將十二。與清平官等列。日議事。王所出治軍壁。稱節度。次補清平官。有內算官。代王裁處。外算官。記王所處分。以付六曹。外則有六節度。曰弄棟。今姚安縣永昌。今保山縣銀生。今景東鎮劍川。今縣名拓棟。今陽縣故雲南麗水。今麗江縣有二都督。會川。今四川會理縣通海。縣名有十臉。夷語臉若州。曰雲南臉。府名陽州。今大理府白崖臉。今鳳儀縣地名亦曰勃弄臉。品澹臉。澄川臉。今大理府蒙舍臉。今大理府大釐臉。今大理府境內之喜州。亦曰史臉。苴咩臉。今大理府亦曰陽臉。蒙秦臉。矣和臉。趙川臉。今大理府鮮山之西。多瘴。歆地。平草。冬不枯。自曲靖州。今縣至滇池。人水耕。食蠶以柘。蠶生閱二旬而繭。織錦縑精緻。大和。鮮而西。人不蠶。剖波。

羅樹實。狀若絮。紐縷而幅之。覽臉井產鹽。最鮮白。惟王得食。取足輒減。龜。昆明城諸井皆產鹽。不徵。羣蠻食之。永昌之西。野桑生石上。其材上屈兩向而下植。取以爲弓。不筋漆而利。名曰暝弓。長川諸山往往有金。或披沙得之。麗水多金。越睽之西多薦草。產善馬。世稱越睽駿。始生若羔。歲中紐莎麼之。飲以米藩。七年可御。日馳數百里。王出建八旗。紫若青白旂。雉翼二。有旄鉞。紫囊之翠蓋。王母曰信麼。亦曰九麼。妃曰進武信麼。出亦建八旗。絳旂。白曹長以降。繫金佉苴。尙絳紫。有功加錦。又有功加金波羅。金波羅虎皮也。功小者衿背不袖。次止於衿。婦人不粉黛。以蘇澤髮。貴者綾錦裙襦。上施錦一幅。以兩股辮爲鬢髻。耳綴珠貝。瑟瑟虎魄。女嫠婦與人亂不禁。婚夕私相送。已嫁有姦者皆抵死。俗以寅爲正。四時大抵與中國小差。膾魚寸。以胡瓜椒菽和之。號鵝闕。吹瓢笙。笙四管。酒至客前。以笙推盞勸酬。以繒帛及貝市易。貝大者若指。十六枚爲一覓師。行人齎糧斗五升。以二千五百人爲一營。其法前傷者養治。後傷者斬。犁田以一牛三夫前挽中壓後驅。然專於農。無貴賤皆耕。不絲役人。歲輸米二斗。一藝者給田二收乃稅。

第二節 對唐恭順時代

王蒙氏父子以名相屬。自舍厖以來。有譜次可考。舍厖生獨邏。亦曰細奴邏。是爲高祖奇嘉王。高宗時遣使者入朝。詔授巍州今蒙化縣刺史。是爲南詔與唐平和交通之始。細奴邏生邏盛炎。是爲世宗興宗王。武后時盛炎身入朝。是爲南詔酋長入朝於中國之始。邏盛炎生炎閣。開元時炎閣卒。弟盛邏皮立。是爲太宗威成王。盛邏皮

生皮邏閣授特進封臺登郡王。是爲南詔酋長受唐冊封之始。皮邏閣浸強大。而五詔微弱。開元末年。逐瀾河蠻。取大和城。夷語謂山坡陀爲和。卽今雲南大理縣故大理府太和縣。賂劍南節度使王昱。求合六詔爲一。昱爲之奏請。朝廷許之。冊皮邏

閣爲雲南王。賜名歸義。於是以兵威脅服羣蠻。遂破吐蕃。徙居大和城。自是南詔之勢漸張。西南邊禍始此矣。

天寶七年。西歷紀元七四八年。皮邏閣殂。子閣邏鳳立。是爲神武王。劍南節度使鮮于仲通性褊急。失蠻夷心。故事南詔

常與妻子俱謁都督。過雲南。太守張虔陀皆私之。又多所徵求。閣邏鳳忿怨。九年。發兵反攻陷雲南。殺虔陀。取

夷州三十二次。鮮于仲通將兵往討。南詔遣使謝罪。仲通不許。進至西洱河。卽葉榆河。在今大理縣城東。敗績。閣邏鳳遂

臣於吐蕃。蠻語謂弟曰鍾。吐蕃命爲贊普鍾。號曰東帝。給以金印。其後楊國忠領劍南。復遣留後李宓往討。又

大敗。全軍殲焉。前後死者幾二十萬人。安史之亂。唐室自保不暇。南詔乘亂陷巂州及會同軍。據清溪關。於是

現今四川西南境皆入於南詔。

代宗大歷十四年。西歷紀元七七六年。閣邏鳳殂。子鳳迦異先卒。孫異牟尋立。是爲孝桓王。異牟尋有智數。善撫衆。頗知

書。是年十月。與吐蕃合兵十萬。分三道寇西川。朝廷遣神策都將李晟等率師救之。大破其兵。追至大渡河外。

異牟尋懼。築羊苴咩城。延袤十五里。徙居之。改號大理國。封五嶽四瀆。以葉榆（大理府）點蒼山爲中嶽。烏

（景東廳）蒙樂山爲南嶽。又封南安州（楚雄府）神石亦爲南嶽。越談（騰越州）高黎貢山爲西嶽。瀾

州（麗江府）雪山爲北嶽。封金沙江祀在武定州。瀾滄江祀在麗江。惠黑惠江祀在順寧府。怒江祀在永昌

府爲立三皇廟。設官立九夷三託。考定疆域。吐蕃封之爲日東王。

初，閣羅鳳之拒命也，立碑於國門，言己不得已而叛唐。且曰：「我世世事唐，受其封賞，後世容復歸唐，當指碑以示唐使者，知吾之叛非本心也。」其後破嵩州，獲西瀘令鄭回，回相州人，通經術。閣羅鳳愛重之。異牟尋等皆從受學。及異牟尋卽位，以回爲相。南詔開國制度，回經營擘畫者居多。雲南有衆數十萬，吐蕃每入寇，常以爲前鋒，賦斂重數，又奪其險要，地立城堡，歲徵兵助防。雲南苦之。回說異牟尋自歸於唐，曰：「中國尙禮義，有惠澤，無賦役。」異牟尋以爲然。會西川節度使韋皋招撫羣蠻，異牟尋潛遣人因諸蠻求內附。皋乃遣諜者遺書吐蕃，疑之。因責大臣子爲質。異牟尋愈怨。德宗貞元九年，遣使者三輩，由間道趨成都，謁韋皋。上書自稱唐故雲南王子孫。皋送其使者詣長安，上賜異牟尋詔書，令皋遣使報聘。皋遣其節度巡官崔佐時齎詔詣雲南。至羊苴咩城。吐蕃使者數百人先在其國。異牟尋不欲吐蕃知之，令佐時衣牂牁服而入。佐時不可，曰：「我大唐使者，豈得衣小夷之服？」異牟尋不得已，夜迎之。佐時大宣詔書。異牟尋恐懼失色，獻款受詔。佐時因勸異牟尋悉斬吐蕃使者，去其所立之號，復南詔舊名。異牟尋皆從之。與佐時盟於點蒼山。山名，高千仞，在今雲南大理縣城西，今神祠。先是吐蕃與回紇爭北庭，連兵數年，死傷頗衆，徵兵萬人於雲南。異牟尋辭以國小，請發三千人。吐蕃少之，益至五千，乃許之。至是，異牟尋遣五千人前行，自將數萬人踵其後，襲擊吐蕃，大破之，取十六城，虜其五王，降其衆十餘萬。遣使來獻捷，詔封爲南詔王。自是以後，異牟尋與西川犄角，連年攻擊吐蕃，大啓疆土。復遣子弟留學成都，輸入中國文化。憲宗元和三年。西歷紀元八〇八年。異牟尋殂，子尋閣勸立，是爲孝惠王。自稱驃信。夷語，君也。次年，尋

閣勸殂。子勸龍晟立。是爲幽王。西歷紀元八一六年淫虐不道。十一年。西歷紀元八二三年爲其弄棟節度使王嵯巔所弑。弟勸利立。是爲靖王。勸利德嵯巔。賜姓蒙。封大容。任以國政。容者蠻語兄也。穆宗長慶三年。西歷紀元八二三年勸利殂。弟豐祐立。是爲昭成王。豐祐勇敢。善用其衆。始慕中國文化。不與父連名。適值西川邊將。不得其人。於是南詔始鴟張。西南邊禍日亟矣。


第三節 對唐跋扈時代

先是韋皋鎮蜀。與雲南約。築大城於境上。置戍相保。永同一家。韋皋卒後。西川多故。文宗時。故相杜元穎鎮蜀。以文雅自高。不曉軍事。專務蓄積。減削士卒衣糧。士卒皆入蠻境。鈔盜自給。蠻人反以衣食資之。由是蜀中虛實動靜。蠻皆知之。南詔宰相嵯巔。遂謀入寇。邊州屢以告。元穎不信。太和三年。嵯巔以蜀卒爲嚮導。襲陷犛戎邛州。進攻成都。破其外郭。虜子女百工數萬人而還。自是以後。南詔工巧等於蜀。詔以李德裕鎮西川。德裕作籌邊樓。圖蜀地形。南入南詔。西達吐蕃。日召老於軍旅習邊事者。訪以山川城邑道路險易廣狹遠近。未逾月。皆若身嘗涉歷。練士卒。葺堡障。積糧儲以備邊。蜀人粗安。

已而宣宗在位。李琢爲安南都護。爲政貪暴。強市蠻中牛馬。羣蠻怨怒。導南詔侵邊。自是安南始有蠻患。先是韋皋開清溪道以通羣蠻。又選羣蠻子弟。聚之成都。教以書數。以羈縻之。旣而軍府厭於廩給。又蠻使入貢。利於賜與。所從僉人。從人浸多。杜悰鎮西川。奏減其數。豐祐怒。入貢不時。頗擾邊境。大中十三年。西歷紀元八五六年宣

宗崩。遣中使赴南詔告哀。適值豐祐殂。子會龍一作世隆立。怒曰。「我國亦有喪。朝廷不弔卹。又詔書乃賜故王。」遂遣使者於外館。禮遇甚薄。使者還。具以狀聞。朝廷以會龍不來告哀。又名近玄宗諱。遂不行冊禮。會龍乃自稱皇帝。是爲景莊帝。改國號大禮。改元建極。遣兵陷播州。今貴州故遵義府平越州越二年。陷邕州。今廣西邕寧縣自是以後。連年東侵。前後陷安南都護府二次。復大舉北犯。圍成都。朝廷以高駢爲大將。竭天下之力。僅乃克之。而內部漸虛弱。桂州戍卒龐助乘勢作亂。濮州。今山東濮縣人王仙芝。冤句。縣名故城在今山東即故曹州荷澤縣人黃巢。聚衆繼之。唐室遂墟。漢族一統之大帝國瓦解矣。僖宗乾符四年。西歷紀元八七七年會龍殂。子灋一作隆舜立。是爲宣武帝。改國號曰封民。灋好田獵酣飲。委國事於大臣。西川節度使高駢。嶺南西道節度使辛諫。前後遣使兩次招撫。灋使督爽牒中書。請爲弟而不稱臣。且請尙公主。朝廷使西川節度使報書許之。中和三年。以宗女爲安化長公主。妻南詔。灋在位二十年。以唐昭宗乾寧四年。爲宦官楊登所弑。子舜化一作貞化立。是爲孝哀帝。昭宗時。復遣使款黎州修好。朝廷不答。自是以後。中國大亂。南詔亦衰。國際交涉遂斷絕矣。

南詔世系表 姓蒙氏自細奴邏始通於唐至皮邏閣兼併五詔始稱王至會龍始稱皇帝凡傳十五主二百餘年爲鄭買嗣所篡



- | | | |
|---------|-------------|-------------|
| (卒於七四八) | (七四八至七七九) | (七七九至八〇八) |
| (六) 皮邏閣 | (七) 神武王 閣羅鳳 | (八) 孝桓王 異牟尋 |
| 二十
年 | 三十
年 | 三十
年 |
| | 鳳迦異 | |

- | | | | | | |
|-------------|------------|------------|-------------|-------------|-------------|
| (八〇八至八〇九) | (八〇九至八一六) | (八一六至八二三) | (八二三至八五九) | (八五九至八七七) | (八七七即位) |
| (九) 孝惠王 尋閣勸 | (十) 幽王 勸龍晟 | (十一) 靖王 勸利 | (十二) 昭成王 豐祐 | (十三) 景莊帝 酋龍 | (十四) 宣武帝 瀟 |
| 一年 | 七年 | 八年 | 三十
五年 | 十八
年 | 二十
年 |
| | | | | | (十五) 孝哀帝 舜化 |
| | | | | | 五年 |

第四章 沙陀之歸化

阿爾泰山近傍。爲突厥民族起原地。地勢高寒。不適於生活。土人以遊牧爲業。爲天然現象所驅。常有南下之勢。秦漢時代。匈奴鮮卑。更迭占據內外蒙古。建立大國。與漢民族南北對峙時。突厥民族亦移入阿母。喀布爾、

兩河流域地方。建立大月氏王國。與阿利安民族東西對峙。兩晉時代。匈奴鮮卑。逐漸移居中國內地。突厥乘虛。略取內外蒙古。當鮮卑民族之後魏。勃興於陰山之南。滅北燕、北涼、大夏等國。統一黃河流域時。突厥土門可汗。亦勃興於阿爾泰山之陽。滅柔然。服高車。降鐵勒。威壓天山南北路諸小國。統一漠南漠北。匈奴民族入中國稱皇帝者。始於前趙之劉淵。東胡民族入中國稱皇帝者。始於前燕之慕容儁。獨突厥民族入中國最遲。稱皇帝亦後。直至有唐亡後。始略取黃河流域。建立短命帝國。則亦地勢之限制使之然也。茲述其事蹟如左。先是西突厥強盛時代。其別部處月處密。分據烏孫故地。其後西突厥衰亂。處月徙居金娑山之陽。蒲類海之東。其地有大磧。名沙陀。因號沙陀突厥。西突厥亡後。處月降唐。高宗永徽年間。卽其地置金滿、沙陀、二州。皆領都督。龍朔中。其酋長朱邪金山。從薛仁貴討鐵勒有功。授墨離軍討擊使。武后長安二年。拜金滿州都督。累封張掖郡公。金山卒。子輔國嗣。避吐蕃禍。徙部北庭。累封永壽郡王。卒。子骨咄支嗣。從肅宗討安祿山有功。拜特進、驍衛上將軍。卒。子盡忠嗣。累遷金吾衛大將軍。封酒泉縣公。是時河隴淪沒。北庭西州閉不通。朝奏使皆道出回紇。回紇貪婪。沙陀苦其暴斂。貞元中。遂附吐蕃。與其寇北庭。陷之。吐蕃徙其部甘州。以盡忠爲軍大論。沙陀勁勇冠諸胡。吐蕃每戰。以爲前鋒。久之。回紇攻吐蕃。取涼州。吐蕃疑盡忠持兩端。欲徙沙陀於河外。盡忠與其子執宜謀復歸唐。憲宗元和三年。帥部落三萬而東。吐蕃兵追之。轉戰數百合。死者大半。盡忠沒於陣。執宜率餘衆詣靈州降。節度使范希朝置之鹽州。爲市牛羊。廣其畜牧。善撫之。詔置陰山府。以執宜爲兵馬使。執宜

乃保神武川之黃花堆。更號陰山北沙陀。太和中。徙治雲朔塞下。授執宜陰山府都督。執宜生赤心。以討龐勛功。授大同軍節度使。賜姓名李國昌。國昌生克用。以討黃巢功。授河東節度使。封晉王。克用生存勛。是爲後唐莊宗。遂滅朱梁。代有黃河流域。君臨中國。是爲突厥民族君臨中國之始。其後後晉石敬瑭。後漢劉知遠。皆爲其遺族云。

沙陀世系表

姓朱邪降唐後賜姓李爲後唐之祖

阿闕 孤注 那速

- (一)張掖郡公金山——(二)永壽郡王輔國——(三)驍衛上將軍骨咄支——(四)酒泉縣公盡忠

- (五)陰山府都督執宜——(六)大同節度使赤心——(七)晉王克用

賜姓名李國昌

第五章 契丹之勃興與渤海之淪滅

西喇木倫、老哈木倫、流域。爲東胡民族根據地。秦漢之交。爲匈奴所滅。遺族羈縻於匈奴。西漢末年。匈奴衰微。東胡遺族之烏桓、鮮卑。漸次得勢。兩晉南北朝時代。鮮卑人侵入黃河流域。建立若干帝國王國。與漢族南北對峙。後魏之衰。鮮卑民族威靈掃地。遺族皆同化於漢族。漠南漠北故地。爲突厥所統一。東胡遺族別部之契丹。羈縻於突厥。其後突厥爲唐室所滅。契丹復羈縻於唐。武后稱制時代。契丹酋長李盡忠、孫萬榮。曾擁重兵與唐衝突。卒爲唐所翦滅。其遺族仍羈縻於唐。安史亂後。唐室聲靈不及於河北。契丹西附回紇。武宗會昌年間。回紇破滅。契丹復附於唐。蓋自契丹之名始見史冊以來。數百年間。皆爲異族附屬品。在東亞史上。固無足重輕也。其後唐室與吐蕃、回紇連年構兵。力盡筋疲。兩敗俱斃。漢民族與突厥民族圖伯特民族所建立之東亞三大帝國。先後瓦解。西北之黠戛斯。西南之南詔。雖割據一方。一時嶄然露頭角。然勢力不足以籠罩東亞。黃河流域沙陀人所建立之帝國。復如電光石火。轉瞬卽逝。漢民族奔避南方。建立無數小王國。與沙陀民族南北對峙。中國內地。分離破碎。疲於戰爭。更無餘力以對外族。東亞無復大有勢力之國。於是契丹偉人耶律阿保機。乃應運而生矣。

第一節 耶律氏勃興以前契丹內部形勢之變化

契丹自窟哥降唐以後。授松漠都督。分其屬下八部爲十州。各以其酋長爲刺史。窟哥卒後。其孫盡忠與孫萬榮連兵叛唐。盡忠死後。契丹稍衰。北依突厥。唐玄宗開元二年。盡忠從父弟失活。見突厥默啜政衰。復率衆來

降。授都督。封松漠郡王。以東平王外孫楊元嗣女爲永樂公主。妻之。六年。失活卒。以其弟娑固襲職。部將可突干悍勇得衆心。娑固欲去之。未決。可突干反攻娑固。娑固奔營州。都督許欽澹遣兵納之。兵敗。見殺。可突干奉娑固從父弟鬱干爲主。遣使來謝罪。詔鬱干襲職。封松漠郡王。以宗室所出女慕容氏爲燕郡公主。妻之。十二年。鬱干卒。弟吐干嗣。與可突干有隙。偕公主來奔。詔封遼陽郡王。留宿衛。可突干奉盡忠弟邵固爲主。遣使來請命。詔封廣化郡王。以宗室出女陳氏爲東華公主。妻之。可突干來朝。宰相李元紘不禮焉。可突干怒。十八年。弑邵固。立屈烈爲王。脅其衆降突厥。公主奔平盧軍。詔信安王禕爲河北道行軍副元帥。與范陽節度使趙含章出塞追擊。大破之。自是以後。可突干與突厥聯合。連年犯邊。趙含章。薛楚玉。相繼爲范陽節度使。皆不能制。二十二年。張守珪鎮范陽。擊敗其兵。誘其牙官李過折斬可突干及屈烈。傳首東都。詔授過折松漠都督。封北平郡王。可突干餘黨涅禮殺過折而自立。上書言過折殘虐。詔書切責涅禮。因授爲都督。其後契丹復叛。張守珪再討破之。天寶四載。其酋長李懷秀復來降。詔授都督。封崇順王。以宗室出女獨孤氏爲靜樂公主。妻之。是歲。殺公主叛去。范陽節度使安祿山討破之。更封其酋楷洛爲恭仁王。襲都督。自是以後。祿山屢侵略契丹以爲功。大爲契丹所敗。自肅宗至德後。藩鎮擅地。務自安障戍。斥候益謹。不生事於邊疆。契丹亦鮮入寇。每歲選酋豪數十人。入長安朝會。自至德至開成。時常朝貢。天子惡其外附回紇。不復授官爵。武宗會昌二年。回紇爲黠戛斯所破。契丹酋屈戌復內附。拜雲麾將軍。幽州節度使張仲武收其回紇所與舊印。更賜以

新印。懿宗咸通中其王習爾之復遣使者來朝。習爾之卒後。族人欽德舊五代史作沁丹嗣時方天下喪亂。北邊無備。欽德乘釁。蠶食北方諸部。達靺奚室韋之屬咸役屬之。自是以後。契丹之勢驟張。中國始多故矣。

第二節 契丹內部之統一

已而欽德政衰。爲幽州節度使劉仁恭所敗。賂以良馬。求市牧地。請聽盟約甚謹。諸部謂欽德不任事。選阿保機以代之。阿保機一作按者。姓耶律。名億。小字啜里只。契丹迭刺部。霞瀨益石烈鄉。耶律彌里即遼上京臨潢府在今昭烏達盟巴林與阿魯科爾沁交界處和戈圖綽農河東岸波羅故城址。人。雄武有大略。契丹舊有八部。一但皆利部。二乙室活部。三實活部。四納尾部。五頻沒部。六內會難部。七集解部。八奚嗚部。部各有大人。推一人爲王建旗鼓。以號令諸部。三年一代。以次爲之。阿保機當國時代。適值梁唐構兵。黃河流域民不安席。幽涿之人多亡入契丹。阿保機間入塞。俘人民。置城以居。漢人教阿保機曰。「中國之王無代立者。」由是阿保機遂以威制諸部。不肯受代。立九年。七部共劫之。阿保機不得已。傳旗鼓。自以所得漢人多。請帥種落居古漢城。後魏滑鹽縣本漢縣。別自爲一部。漢城地宜五穀。有鹽池之利。阿保機率漢人耕種。爲治城郭邑屋廛市。如幽州制度。漢人安之。不復思歸。阿保機知衆可用。用其妻述律氏策。邀諸部大人。以牛酒會鹽池。伏兵其旁。酒酣伏發。盡殺之。遂自立爲王。不復代。以中國隸書之半增損之。製契丹文字數千。又制婚嫁。置官號。梁末帝瑱貞明二年。西歷紀元九一六年。遂稱皇帝。國人稱之曰天皇王。是爲太祖。立述律氏爲皇后。稱地皇后。置百官。改元神冊。以幽州人韓延徽爲謀主。延徽

始教契丹建牙開府。築城郭。立市里。以處漢人。使各有配偶。墾藝荒田。由是漢人安業。逃亡者少。以其所居爲上京。在西喇木倫河之北。今熱河巴林旗東北。起樓其間。號西樓。又於其東千里起東樓。北三百里起北樓。南木葉山起南樓。往來射獵四樓之間。而以西樓爲國都。太祖通中國語。顧絕口不道於部人。懼其效中國而怯弱也。然文物制度。一切摹倣中國。於是規模粗備。

第三節 契丹外部之征伐

太祖既革新內政。復征伐四鄰。先是太祖未卽位時。北侵室韋女真諸部。皆下之。女真者。古靺鞨之一種。屬通古斯族。蕃殖於黑龍江下流。其地約當今之吉林省。及俄領東海濱省南部。室韋者。契丹別種。亦東胡民族。蕃殖於黑龍江中流。居女真西北。契丹東北。其地約當今之黑龍江省。及俄領阿穆爾省一帶。於是東北諸部落皆入於契丹。卽位之年。西征突厥吐谷渾。時遺族移居內蒙古西部。党項沙陀諸部。皆下之。於是內蒙古西部亦入於契丹。遂乘勢南攻中國。

初。太祖與晉王克用連和。約爲兄弟。旣而背盟。更附於梁。終梁之世。契丹使者四至。神冊元年。太祖旣征服內蒙古西部。旋師南向。攻晉蔚新武嬀儒五州。自代北至河曲。踰陰山。盡有其地。於是現今山西舊雁門道北部。與察哈爾綏遠等地。皆入於契丹。陰山之險。爲契丹所有。山陝北境。無險可守。復移師東下。進圍幽州。幽州東北七百里。有渝關。下有渝水通海。自關東北循海有道。道狹處纔數尺。旁皆亂山。高峻不可越。舊置八防。

禦軍募土兵守之。田租皆供軍食。幽州歲致繒纈以供衣。每歲早穫。堅壁清野以待契丹。契丹至則閉壁不戰。俟其去。選驍勇據隘邀之。契丹常失利走。土兵皆自爲田園。力戰有功。則賜勳加賞。由是契丹不敢輕易南下。及周德威鎮盧龍。恃勇不修邊備。遂失渝關之險。契丹始芻牧於營平之間。至是圍幽州。晉王存勗遣李嗣源救却之。

太祖知中原騷亂。時有南下之志。患渤海乘虛襲其後。乃旋師東擊渤海。是時渤海哀王諲譔在位。國勢寢衰。太祖乘之。攻其西南境。拔扶餘城。故城址在今遼寧開原縣東北進圍忽汗城。渤海上京龍泉府即今吉林省寧安縣故東京城諲譔出降。遷其族於上京。於是渤海遂亡。時契丹太祖天贊六年。即太宗天慶元年渤海哀王二十六年。中國後唐明宗天成二年。西歷紀元

九二七年也。

先是扶餘既下。更命名曰東丹國。命長子突欲鎮之。號人皇王。命次子德光守西樓。號元帥太子。渤海既下。太祖亦殂。述律后愛次子德光。立爲天皇王。是爲太宗。改國號遼。突欲怒奔唐。太宗性孝。母病不食。亦不食。卽位以後。尊述律后爲皇太后。國事皆取決焉。葬太祖於木葉山。以韓延徽爲相。會中國內亂。太宗乘釁屢遣兵南侵。卽位後之第十年。助晉高祖石敬瑭滅後唐。敬瑭割燕雲十六州以爲報酬。於是現今河北、山西、北部皆入於遼。又歲輸幣帛以賂之。尊之曰父皇帝。事之甚謹。出帝卽位。以事激怒太宗。太宗自將南侵。晉大將杜重威等迎降。遂克汴梁。執出帝。遷之黃龍府。太宗卽中國皇帝位於大梁。公卿庶官皆倣中國。參用中國人。縱胡騎

四出剽掠。謂之打草穀。郊畿數十里。財畜殆盡。又詣諸州括借錢帛。皆迫以嚴誅。人不聊生。由是內外怨憤。皆思逐之。所在盜起。太宗不能制。居汴僅三月。北還。所得之地皆不能守。還至臨城。縣名。屬趙州。舊名臨城。屬趙州。舊名臨城。至欒城。縣名。屬趙州。舊名欒城。屬趙州。舊名欒城。府北之殺胡林而殂。國人剖其腹。實鹽數斗。載之北去。中國人謂之帝羆。時太宗會同十一年。後漢高祖天福十二年。西歷紀元九四七年也。

初。唐將趙德鈞。趙延壽父子。屢爲契丹作僞。唐室晉室之亡。延壽與有力焉。太宗南侵之時。許以若得中國。當立延壽爲帝。延壽信之。爲之盡力。已而太宗負約。自立爲中國皇帝。延壽快快。求爲皇太子。太宗曰。『皇太子當以天子兒爲之。豈燕王所可爲也。』因令爲延壽遷官。拜大丞相兼政事令。樞密使。充中京留守。延壽恨太宗負約。乘喪引兵入據恆州。今正定縣。即自稱受遺詔。權知南朝軍國事。是時皇姪永康王兀欲。一作烏雲。東丹王突欲長子。在軍。諸將密議奉之。兀欲妻素以兄事延壽。至是兀欲招延壽等飲。遂誘執之而自立。是爲世宗。

第四節 契丹之內亂及其中衰

初。述律后勇決權變。太祖行兵御衆。后常預其謀。太祖常擊党項。留后守帳。室韋乘虛合兵掠之。后知之。勒兵以待。奮擊破之。后有母有姑。皆踞榻受其拜。曰。『吾惟拜天。不拜人也。』韓延徽之初至契丹也。太祖怒其不拜。留之使牧馬於野。延徽有智略。頗知屬文。后曰。『延徽能守節不屈。此今之賢者。奈何辱以牧圉。宜禮而用之。』太祖召與語。悅之。遂參大政。遼室開國規劃。皆其所手訂。吳王楊隆演贈契丹以猛火油。曰。『此

油燃火得水愈熾。可以攻城。」太祖大喜。選三萬騎。將攻幽州。后曰：「豈有試油而攻人國乎。但以三千騎伏其旁。掠其四野。使城中無食。不過數年。城自困矣。何必如此躁動輕舉。萬一不勝。爲中國笑。吾部落亦解體矣。」乃止。太祖既殂。后欲立太宗。命與長子突欲俱乘馬立於帳前。謂諸酋長曰：「二子吾皆愛之。莫知所立。汝曹擇可立者。執其轡。」諸酋長知其意。爭執太宗轡。后曰：「衆之所欲。吾安敢違。」遂立太宗。又恐諸酋長跋扈難制。乃悉召諸酋長妻。謂之曰：「我今寡居。汝不可不效我。」又集其夫問曰：「汝思先帝乎？」對曰：「受先帝恩。豈得不思。」曰：「果思之。宜往見之。」遂悉殺諸酋長。左右有桀黠者。后輒謂之曰：「爲我達語於先帝。」至墓所。則殺之。前後所殺以百數。最後平州人趙思溫當往。不肯行。后曰：「汝事先帝。嘗親近。何爲不行。」對曰：「親近莫如后。后行。臣則繼之。」后曰：「吾非不欲從先帝於地下也。顧嗣子幼弱。國家無主。不得往耳。」乃斷一腕。令置墓中。思溫亦得免。其狡狠剛決類如此。

太宗卽位。承太后旨。立皇弟李胡爲皇太子。兼天下兵馬大元帥。太宗南侵。太后與李胡留守。太宗殂。喪歸國。太后不哭。曰：「待諸部寧一如故。則葬汝矣。」已而世宗自立。以太宗有子在國。已以兄子襲位。又無述律太后命。頗不自安。諸酋長畏太后復修太祖殂後故事。大行殺戮。乃奉世宗勒兵北歸。太后聞世宗自立大怒。發兵拒之。遇於黃河之橫渡。太后以唐降將李彥韜爲排陣使。彥韜迎降於世宗。太后兵敗。世宗幽太后於木葉山。改元天祿。自稱天授皇帝。慕中華風俗。多用晉臣。而荒於酒色。輕慢諸酋長。由是國人不附。諸部數叛。故數

年之中。無暇南侵。在位五年。以周太祖廣順元年。西歷紀元六五一年爲從弟燕王述軌所弑。齊王述律逃入南山。諸部奉之以攻述軌。殺之。述律卽位。是爲穆宗。

穆宗名璟。小字述律。一作舒魯太宗長子。卽位之時。年少。好遊戲。每夜酣飲。達旦乃寐。日中方起。國人謂之睡王。屢

遣兵助北漢攻周。爲周世宗所敗。在位十九年。耽酒好畋。嗜殺不已。嘗以虞人偵鵝失期。加炮烙鐵梳之刑。又

以獲鴨甚歡。除鷹坊刺面之令。刑政紊亂。國人怨之。以宋太祖開寶二年。西歷紀元九六九年畋於懷州。遼置故城在今熱河巴林部東

北廢慶州界獲熊歡飲。醉還行宮。夜分。爲近侍小哥。肖格盟人花哥。華格庖人辛古。錫古等所弑。從子賢。世宗次子卽位。是爲景


宗。適值宋室勃興。中原復歸於一統。東亞天地。復成爲二大帝國對峙之局面矣。


是時契丹領土。北抵黑龍江岸。包有滿洲、蒙古。西方之吐蕃、回紇、大食、等國。東方之新羅等國。皆先後來貢。

時爲東亞第一大國云。

契丹世系表 松漠都督時代 姓大賀氏自摩會始入朝於唐至窟哥始拜松漠都督賜姓李傳十世至楷洛中間叛服不常嗣後遂附回紇其世次不可得而詳云




摩會 (一)無極男窟哥 (二)阿卜固





遼世系表

初號契丹姓耶律氏自太祖至天祚傳九世二百一十年爲金所滅



第六章 新羅之衰亡與後高麗之建國

朝鮮半島地方。爲漢族、韓族、與通古斯族之競爭地。朝鮮最古之王國。實爲漢族所創。半島民族之開化。得力於漢族者居多。三國兩晉時代。高句驪、百濟、相繼勃興。樂浪、帶方、等郡淪於異域。半島上漢族勢力。絕迹者三百餘年。唐室勃興。併吞百濟、高麗。漢族勢力復伸入半島。不久卽爲新羅所驅逐。半島全部。遂統一於韓族之下。新羅衰微。羣雄蜂起。漢州人王建崛起江原。併吞羣雄。統一全國。朝鮮半島。復受漢族支配。自此以往。直至李朝末年。凡九百九十二年間。九一八至一九一〇朝鮮主權。皆在漢族之手。其對於我國。常有主從關係。就血統上歷史上地理上各方面觀之。我國與朝鮮。實有固結不解之緣。最親愛之同胞。爲外人所奴隸。亦可哀也。茲述其事蹟如左。

第一節 新羅之盛世

先是新羅武烈王。文武王在位。利用唐室兵力。翦滅百濟、高麗。神文王、孝昭王、聖德王、繼之。乘唐室中衰。略取安東都護府故地。統一朝鮮半島中南部。聖德留心政事。禮高年。減租稅。置通文博士以掌詞命。漏刻博士以掌歷數。提倡儒教。設大學。置宣聖及十哲七十二賢之畫像。行釋奠禮。屢遣使至唐輸款。玄宗拜王驃騎將軍。

特進、行左威衛大將軍、使持節大都督雞林州諸軍事、雞林州刺史、上柱國、樂浪郡公、新羅王。與以涓水以南百濟、高麗故地。是時渤海叛唐。朝廷遣兵往討。授王開府儀同三司。充寧海軍使。命出兵爲犄角。王奉命。以金庾信之、孫允中、允文、爲將。往會唐師。會大雪丈餘。山路阻隘。無功而還。玄宗賜慰之者甚厚。

王在位三十五年。殂。子孝成王承慶立。是時新羅文教昌明。百廢具舉。朝廷遣鴻臚少卿邢璣。出使新羅弔祭。贈故王太子太保。册嗣王爲開府儀同三司。新羅王璦臨行。玄宗諭以「新羅號君子國。知詩書。以卿惇儒。故持節往。宜演經誼。使知大國之盛」云云。又聞其國人善碁。乃以率府兵曹參軍楊季膺爲副。國之高手。皆出其下。於是唐與新羅國交日固。

孝成王在位二十年。殂。弟景德王立。數幸大學。命博士講尙書。置國學博士及助教。以提倡儒學。又置九州。分統五小京、百十七郡、二百九十三縣。於是新羅地方制度大備。茲列表於左。以供參考。

州名	舊名	屬		州治	今名
		小京	郡縣數		
尙州	沙伐州		一〇	慶尙北道	尙州
良州	歆良州	金官	一二	慶尙南道	梁山
康州	菁陁州又		一一	慶尙南道	晉州

漢州	漢山州	中原	二七	四六	京畿道	廣州
朔州	牛首州又	北原	一一	二七	江原道	春川
溟州	河西川又		九	二五	江原道	江陵
熊州	熊川州	西原	一三	二九	忠清南道	公州
全州	完山州	南原	一〇	三一	全羅北道	全州
武州	武珍州		一四	四四	全羅南道	光州

以上所舉。尙、良、康、三州。爲新羅本土、及任那故地。漢、朔、溟、三州。爲故高麗領土之一部。熊、全、武、三州。爲故百濟領土之全部。約佔半島面積三分之二。新羅幅員之廣袤。至是極矣。

是時安祿山作亂。中原鼎沸。玄宗幸蜀。王遣使溯江而上。至成都。弔災問難。玄宗嘉之。御製十韻詩一首。手書賜王以誌感。詩錄左。

嘉新羅王歲修朝貢克踐禮樂名義賜詩一首

四維分景緯 萬象含中樞 玉帛遍天下 梯航歸上都 緬懷阻青陸 歲月勒黃圖 漫漫窮地際

蒼蒼連海隅。興言名義國。豈謂山河殊。使去傳風教。人來習典謨。衣冠知奉禮。忠信識尊儒。誠矣天其鑒。賢哉德不孤。擁旄同作牧。厚貺比生芻。益重青青志。風霜恆不渝。其後至宋宣和年間。高麗使臣金富儀入朝。持玄宗手書刻本。以示館伴學士李邴。李邴上之徽宗。宣示兩府及諸學士。僉信以爲真。玄宗御筆。嘉歎不已云。

王禮賢納諫。仁惠有德政。存問鰥寡孤獨。養廢疾。賑飢民。在位二十三年。殂。太子乾運一作健雲立。是爲惠恭王。

第二節 新羅之末運

惠恭卽位之時。年甫八歲。母后金氏。滿月夫人攝政。綱紀逐漸廢弛。朝政逐漸腐敗。一吉浚大恭。弟阿浚大廉。大阿浚金融等。相繼以謀叛誅。王荒於酒色。不理朝政。上大等金良相力諫。不聽。伊浚金志貞作亂。圍王宮。良相與伊浚金敬信起兵討平之。遂弑王與太后而自立。是爲宣德王。

宣德王者。奈勿尼師今十世孫。海浚孝芳之子也。母爲聖德王女四炤夫人。卽位以後。以金敬信爲相。大修國政。屢遣使至唐通好。在位五年。殂。無子。羣臣欲立其族子伊浚周元。不果。敬信卽位。是爲元聖王。元聖之時。屢遭饑疫蝗旱。民生凋敝。在位十四年。殂。孫昭聖王俊邕立。越二年而殂。子哀莊王重熙立。年甫十三歲。叔父角干兵部令彥昇攝政。弑王而自立。是爲憲德王。通好於唐。請求佛經佛像。是時憲宗在位。銳意削平諸藩。平盧節度使李師道拒命。詔新羅會兵討之。王奉詔。以全州都督伊浚金雄元爲將。發兵三萬以助唐。王卽位後之

十四年。周元之子憲昌。舉兵熊津作亂。略取熊、武、全、康、尙等州。一吉浪張雄等討平之。王在位十八年殂。太子秀宗立。更名景徽。是爲興德王。王妃章和夫人金氏早卒。王感其情。不肯再近女色。在位十一年殂。無子。從弟上大等均貞。從姪悌隆爭立。周元之曾孫金陽。與均貞之子祐徵。擁兵奉均貞爲主。入王宮。悌隆之黨金明以兵來攻。陽兵敗績。陽與祐徵突圍出。先後奔清海鎮。今全羅南道海內郡之莞島南與濟州島東與對馬島遙遙相對爲唐與日本交通孔道依軍使張保皋。均貞被殺。明等奉悌隆卽位。是爲僖康王。以明爲上大等。在位三年。明弑之而自立。是爲閔哀王。金陽奉祐徵。以討弑逆爲名。起兵清海鎮。張保皋以兵五千。授其友鄭年使助之。陽等晝夜兼行。至撻伐丘。大破王兵。遂殺王。迎祐徵入卽位。是爲神武王。尋殂。子慶膺立。是爲文聖王。

文聖卽位。不念舊德。以微嫌殺張保皋。士民嗟怨。文聖在位十八年殂。叔父憲安王誼靖立。在位四年殂。婿景文王膺廉立。在位十四年殂。子憲康王鼓。定康王晃。相繼在位。自文聖以後。歷代君主。耽於安逸。賦詩飲酒。歌舞昇平。都城附近。奢侈之風流行。民間毫無貯蓄。政治上社會上日益腐敗。叛者數起。民間疲於兵革。定康王殂。遺命立其妹曼。是爲眞聖女王。女王內行不修。恣爲淫穢。寵嬖人魏弘。醜聲聞於外。弘卒。追諡惠成大王。更選年少美丈夫數人入侍。授以要職。於是佞倖擅權。紀綱紊亂。賞罰失當。賄賂公行。有人揭榜於通衢以謗王。或纔爲大耶州隱士王巨仁所爲。王大怒。收下獄。論死。巨仁悲憤。題詩於獄壁以自悼。曰。

于公慟哭三年早 鄒衍含愁五月霜 今我憂愁還似古 皇天無語但蒼蒼

是夕。天大雷雨以雹。王懼。釋巨仁。而淫虐滋甚。小民怨嘆。盜賊蜂起。州郡貢賦。不入於國庫。國用窮乏。於是當世驍雄弓裔、甄萱、王建之徒。相繼起兵。自立爲國。半島全部瓦解。復成三國對峙之局矣。

第三節 摩震後百濟之競爭與後高麗之建國

弓裔者。憲安王庶子。以五月五日。生於外家。生時屋上有光。燭天如虹。墮地卽有齒。日者奏以爲不祥。王遣中使就其外家殺之。使者取投樓下。乳婢竊以手承之。誤傷其一目。抱以逃竄於外。撫養十餘年。劬勞備至。後入鐵達寺。祝髮爲沙門。號善宗。及長。有膽氣。不守戒律。見國家衰亂。陰有大志。西歷紀元八九一年。新羅眞聖女王五年中國唐昭宗大順二年。自投於北原。今江原道賊梁吉。吉授以兵。使東略地。同八九四年。破溟州。今江原道兵勢日盛。自稱將軍。八九八年。定都松嶽。今京城畿道開城尋自立爲王。國號摩震。改元武泰。徙都鐵圓。今江原道置百官。略取新羅北部州郡。尋改國號曰泰封。

甄萱者。尙州加恩縣農家之子。本姓李。體貌雄偉。志氣倜儻。有志略。弓裔起兵之次年。亦舉兵武州。今全羅南道西南州縣。所在響應。旬月之間。衆至數千。遂襲武州。取之。自稱新羅西南都統。指揮兵馬。制置持節。都督全武公等州軍事。行全州刺史。御史中丞。上柱國。漢南郡開國公。食邑二千戶。攻略新羅西南州郡。西曆紀元九〇〇年。自立爲王。定都完山。今全羅道國號百濟。史稱爲後百濟。設百官。遣使通好於吳越。吳越王錢鏐遣使報聘。加萱檢校太保。

當是時。眞聖女王已殂。兄子孝恭王嶢立。國勢益衰。朝廷大臣。無復以討賊爲慮者。僅令州郡堅壁自守。弓裔國勢最強。略取新羅領土大半。裔迷信宗教。自稱彌勒佛。稱其二子曰青光、神光菩薩。自撰經文二十餘卷。所言皆妖妄不經。妻康氏力諫。裔怒殺之。終日恆舞酣歌。以奢侈暴虐爲事。民心離怨。將士解體。裔部將王建。本松嶽郡人。年二十。隨其父隆歸弓裔。爲松嶽城主。建深沈有大度。善用兵。弓裔之戰勝攻取。建之力居多。以功拜侍中。弓裔暴虐滋甚。建恐及禍。欲在外以圖自全。請出鎮錦城。今全羅南道羅州以經略後百濟。許之。已而裔召建入朝。詰以何故謀叛。建畏誅。自誣服。裔嘉其誠直。賜賚甚厚。遣還。建疑懼滋甚。已而諸將洪儒、裴玄慶、申崇謙、卜智謙等叛弓裔。推戴建爲王。國號高麗。徙都松嶽。建元天授。是爲後高麗太祖。弓裔聞警。微服出奔。至斧壤。今江原道平安府爲農民所殺。凡稱王十七年而亡。時梁末帝貞明三年。西歷紀元九一七年也。

第四節 新羅後百濟之衰亡與後高麗之一統

是時新羅孝恭王已殂。妹婿朴父謙之子景暉立。是爲神德王。立五年殂。子昇英立。是爲景明王。後百濟王甄萱率師來侵。王與後高麗連和以拒之。用敵國禮。王在位七年殂。弟魏膺立。是爲景哀王。王好逸樂。耽於聲色。爲長夜之飲。後百濟王甄萱以兵襲高鬱府。今慶尙北道永川郡王請救於後高麗。援兵未至。萱已破王京。王時與妃嬪宗戚出遊於鮑石亭。聞警。走匿城南之離宮。爲後百濟兵所殺。萱入王宮。恣爲淫暴。立王族金傳爲王。大掠而還。金傳卽位。是爲敬順王。後高麗太祖遣使來弔喪。自將精騎五千。邀擊甄萱於公山桐藪。今慶尙北道慶山縣桐華寺

敗績。部將申崇謙金樂戰死。萱遺書吳越王。借兵以防後高麗。太祖致書吳越。聲萱蹂躪新羅之罪。萱聞之大怒。自將來攻。戰於古郡。今慶尙北道安東郡大敗而還。新羅敬順王見太祖威德日隆。乃與其下謀歸降。王子固諫不聽。

王子哭泣離別。自投皆骨山。倚巖作屋。麻衣草室以終其身。王使金封休奉降表獻於後高麗。親率百僚發王都。至開京。今京畿道開城太祖郊迎。館之柳花宮。妻以長女樂浪公主。封樂浪王。改新羅國爲慶州。賜爲食邑。新羅由

是遂亡。自朴赫居世創國。至敬順王遜位。凡傳朴氏十王。昔氏八王。金氏三十八王。共計傳國五十六代。凡九百九十二年而亡。時敬順王八年。後高麗太祖十八年。中國後唐廢帝清泰二年。西歷紀元九三五年也。

先是西歷紀元九三二年。後唐明宗長興三年。後高麗太祖十五年後高麗太祖遣大相王仲儒使於後唐。獻方物。次年。後唐明宗

遣太僕卿王瓊、太府少卿楊昭業、充正副使持節冊拜太祖爲特進、檢校太保、使持節玄菟州都督、上柱國、充大義軍使、高麗王。妃柳氏封河東郡夫人。於是後高麗始奉後唐年號。新羅亡國之年。後百濟亦內訌。先是

後百濟王甄萱有子十餘人。第四子金剛身長力大。多智。萱特愛之。有傳位之意。其兄神劍、良劍、龍劍聞之頗不平。時神劍在京。良劍爲康州都督。龍劍爲武州都督。各擁兵在外。神劍遣使與二弟連謀。以兵劫父退位。自

立爲王。殺金剛。幽萱於金山之佛寺。萱鬱鬱不樂。一日以酒醉守者攜季男能父、女哀福、嬖妾姑比、微服奔錦城。請降於後高麗。太祖遣使迎之至京。館之南宮。待以殊禮。尊爲尙父。位在百僚上。以揚州。今京畿道京城爲食邑。次

年。依萱之請。自將大軍征後百濟。次於一善。今慶尙北道善山郡神劍知勢不敵。面縛肉袒請降。太祖誅其黨與而赦神

劍。萱不悅。憂懣成疾。疽發背而卒。於是後百濟遂亡。半島復歸於一統。自甄萱起兵。至神劍出降。統計四十五年而國亡。時後高麗太祖十九年。中國後晉高祖天福元年。西歷紀元九三六年也。

第七章 後印度半島諸國之迭興與安南之獨立

後印度半島地方。爲交趾支那民族分布地。地處亞洲東南。屬熱帶地方。氣候暑溼。雨量豐盈。草木蓊鬱。百穀叢生。爲天然之樂土。與埃及之尼羅河流域。印度之恆河流域相似。而山嶺重疊。交通不便。地勢華離破碎。宜於割據。不宜於統一。情形適與之相反。故伊古以來。未嘗建立大國。得天者厚。物產豐饒。取之不盡。用之不竭。其土地所產。常足以滿足人民慾望。故對外競爭心薄弱。氣候溫度太高。土人受其影響。多流於萎靡怠惰。體力腦力。遠不如溫帶各國民族發達。故對外競爭之實力亦薄弱。當上古時代。中國、印度、埃及、美索不達米亞等國。逐漸開化時。彼獨榛榛狉狉。相與起居食息於黃農熙皞之天。自保其初民態度。其後經過唐虞三代。與中國常偶一交通。在中國史上。多以遠人來朝。傳爲佳話。而於半島之文明無與也。秦漢之時。其東北部始羈縻於中國。建設郡縣。中國文明。逐漸輸入北部。適值印度之廢揭陀帝國勃興。佛教文明普及於恆河流域。其餘波東漸。輸入半島西部。於是土人始漸開化。由部落制度。變爲國家制度。經過三國兩晉。至南北朝初年。半

島東部之林邑王國。始與中國有軍事上之關係。隋唐之交。又與中國有第二次軍事上之關係。唐宋之交。半島東北部。始離中國而獨立。建立交趾王國。奉戴漢族爲君主。輸入中國文化。開闢蠻方草昧。自是以後。經過宋、元、明、清四代。凡千有餘年。交趾主權。常在漢族之手。聲名文物亞於中土。半島南部西部。受其影響。因而開化。亦吾國之光也。茲述其事蹟如左。

第一節 林邑之勃興與占城之續統

(一) 林邑之政治 林邑者。本漢日南郡象林縣故地。古越裳界也。光武時。伏波將軍馬援開南境。置此縣。順帝永和二年。西歷紀元一三七年功曹區憐晉書南作連殺縣令。據象林。略取現今安南中部順化府附近之地。自稱林邑王。傳數世。王系斷絕。外孫范熊代立。熊殂。子逸立。晉武帝太康中。始入貢於中國。是爲林邑與中國國際交通之始。成帝咸康二年。西歷紀元三三六年逸殂。奴文篡立。攻略近傍小國。皆下之。有衆四五萬人。屢寇九真、日南等郡。殺略吏民。穆帝永和五年。西歷紀元三四六年文殂。子佛立。乘中國衰微。屢寇日南等郡。交州爲之虛耗。而林邑亦疲弊。佛殂。子胡達立。安帝隆安三年。西歷紀元三九九年佛孫須達復寇日南、九德諸郡。無歲不至。殺傷甚多。須達殂。子敵真立。其弟敵鎧攜母出奔。敵真追恨不能容其母弟。捨國而之天竺。禪位於其甥。國相藏麟固諫。不從。其甥立而殺藏麟。藏麟子又攻殺之。而立敵鎧之同母異父弟文敵。文敵復爲扶南王子當根純所殺。大臣范諸農平其亂。自立爲王。諸農殂。子陽邁立。陽邁殂。子咄立。襲其父名曰陽邁。宋文帝元嘉初。陽邁屢寇日南、九德諸

郡。詔交州刺史檀和之振武將軍宗慤率師擊之。大破其兵於區粟城。遂克林邑。陽邁父子挺身走。自是以後。經宋齊梁陳隋五代。貢獻不絕。隋煬帝大業元年。西歷紀元六〇五年遣總管劉方擊之。破其象陣。遂入其都。國王梵志走入海。方班師。梵志遣使入貢獻。唐太宗貞觀十九年。西歷紀元六四五年內亂復起。其臣摩訶慢多伽獨弑其王范鎮龍。夷其族。國人迎立王壻諸葛地爲王。肅宗至德以後。更號環王。徙國於占。今之平頓城遂以占城爲國號。亦謂之占婆焉。

(二)林邑之物產及風俗 其國有金山出金。又出瑇瑁、貝齒、吉貝、沈木香。吉貝者。樹名也。其華成時如鵝毳。抽其緒。紡之以作布。與紵布不殊。亦染成五色。織爲斑布。是爲古代棉花之主要生產地。其俗居處爲閣。名曰干闌。門戶皆北向。書樹葉爲紙。其人拳髮色黑。以麝香塗身。一日之中。再塗再洗。拜謁皆合掌頓顙。男女皆以橫幅吉貝繞腰以下。謂之干漫。穿耳。貫小環。貴者著革屣。賤者跣行。自林邑扶南以南諸國皆然。其王者著法服。加瓔珞。如佛像之飾。出則乘象吹螺。擊鼓。罩吉貝繖。以吉貝爲幡旗。國不設刑法。有罪者使象踢殺之。其大姓號婆羅門。嫁娶必用八月。女先求男。由賤男而貴女。同姓還相婚姻。使婆羅門引壻見婦。握手相付。咒曰。「吉利吉利」爲成禮。死者焚之中野。謂之火葬。其寡婦孤居散髮。至老。國王事尼乾道。鑄金銀人像大十圍。皆印度俗也。

第二節 扶南真臘之迭興

(一)扶南。扶南者。今暹羅地。西去林邑三千餘里。在大海灣中。人皆醜黑。拳髮。裸身跣行。性質直。不爲寇盜。以耕種爲務。一歲種。三歲穫。又好雕文刻鏤。食器多以銀爲之。亦有書記府庫。文字有類於胡。喪葬婚姻。略同林邑。其國舊爲女王。名葉柳。南史作柳葉年少。壯健有似男子。時有外國人混潰。梁書作混填者。征服其地。納葉柳爲妃。生七子。分王七邑。傳至混盤况。統一國內。盤况殂。子盤盤立。委任大將范蔓以國事。盤盤殂。蔓自立。勇健有權略。以兵威服屬旁國。自稱扶南大王。是爲扶南有國號之始。作大船。窮瘴海。開國十餘。闢地數千里。蔓之晚年。國內亂。大將范尋自立。更繕治國內。起樓閣。與三國之孫吳交通。始令國內男子著橫幅。國法無牢獄。有訟者。先齋三日。乃燒斧極赤。令訟者捧行七步。又以金環雞卵投沸湯中。令採取之。若無實者。手卽爛。有理者則否。又於城溝中養鰐魚。門外圈猛獸。有罪者輒以餒猛獸及鰐魚。魚獸不食爲無罪。三日乃放之。是爲以神道斷獄之始。文化漸興。

東晉之季。天竺婆羅門僑陳如王其國。輸入印度文化。僑陳如殂。後王持梨陁跋摩。以宋文帝元嘉年間。入貢於中國南朝。齊武帝永明。梁武帝天監年間。後王僑陳如閼邪跋摩。復相繼遣使貢獻方物。詔授安南將軍。扶南王。其國人皆醜黑拳髮。所居不穿井。數十家共一池。引汲之。俗事天神。天神以銅爲像。二面者四手。四面者八手。手各有所持。或小兒。或鳥獸。或日月。其王出入乘象。嬪侍亦然。王坐則偏跣。翹膝至地。以白疊敷前。設金盆香爐於其上。國俗。居喪則剃除鬚髮。死者有四葬。水葬則投之江流。火葬則焚爲灰爐。土葬則瘞埋之。鳥葬

則棄之中野。人性貪吝。無禮義。男女恣其奔隨。大抵皆交趾支那民族舊俗。而參以印度文化者也。跋摩殂。庶子留陁跋摩。殺其嫡弟而自立。梁武帝在位中。時朝貢中國。所獻者多佛教法物云。

(二) 真臘 方扶南盛時。真臘頓遜諸邦皆屬之。真臘卽今法領交趾支那南部之柬埔寨(Cambodia)其王姓刹利氏。有大城三千餘所。王都伊奢那城。風俗被服。與林邑同。地饒瘴癘毒。海中大魚。有時半出。望之如山。每五六月中。毒氣流行。卽以牛豕祠之。否則五穀不登。其俗東向開戶。以東爲上。有戰象五千頭。尤好者飼以飯肉。與鄰國戰。則象隊在前。於背上以木作樓。上有四人。皆持弓箭。國尙佛道及天神。世與驃國和好。與環王相攻。唐太宗時。真臘并扶南而有其地。後分爲二。北多山阜。號陸真臘。南際海。饒陂澤。號水真臘。水真臘最富。爲世所稱。

第三節 驃國之建國

驃國。今之緬甸也。漢和帝時。有憐國王雍由調。遣使獻樂。唐時謂之驃。地甚廣大。有屬國十八。鎮城九。部落二百九十八。其王姓因沒長。名摩羅惹。其國名摩訶思那。其王近適。則昇以金繩牀。遠適則乘象。嬪姝甚衆。常數百人。其羅城構以磚甃。周一百六十里。壕岸亦構磚。相傳本舍利佛城。城內有居人數萬家。佛寺百餘區。其堂宇皆錯以金銀。塗以丹彩。地以紫鑛。覆以錦罽。其俗好生惡殺。其土宜菽粟稻粱。無麻麥。其理無刑名桎梏之具。犯罪者以竹五十本束之。復犯者撻其背。數止五。輕者止三。殺人者戮之。男女七歲則落髮。止寺舍。依桑門。

至二十不悟佛理。乃復長髮爲居人。其衣服悉以白氎爲朝霞。繞腰而已。不衣繒帛。云出於蠶。爲其傷生故也。君臣父子長幼有序。明天文。喜音樂。唐德宗時。國王雍羌獻樂。其時驃國役屬於南詔也。

第四節 海南諸國

海南諸國。自東晉以後。著名者漸多。佛教婆羅門教盛行於其地。文化因之亦起。如閩婆即今之爪哇。有文字。知星歷。奉婆羅門教。馬來半島。則有頓遜、婆皇、盤盤等國。諸海島。則有婆利、今之婆羅洲、干陀利、室利佛逝、皆今之蘇門答臘等國。并奉佛教。中國南朝諸帝。以好佛聞。諸國王爭遣使貢獻。頓遜爲東西交會。東自中國林邑、扶南。西至天竺、安息。往還交易。日有萬餘人。珍物寶貨。無所不有。後印度諸國之富。多因於市易之利。及唐時大食興盛。商權遂漸爲阿剌伯人所握矣。

第五節 交趾之獨立

交趾者。周時越裳氏故地。秦爲象郡。漢爲交趾、九真、日南三郡。唐初。置安南都護府以鎮之。安南之名始此。後梁時。土豪曲承美據其地。送款末帝。因授以節鉞。南漢劉隱遣將伐而擒之。其後楊廷藝、紹洪相繼爲交趾節度使。皆受南漢策命。紹洪卒。州將吳昌岌及弟昌文相繼在位。昌文卒。部將爭立。管內十二州大亂。攝驩州刺史丁部領與其子璉起兵擊定之。自立爲王。號曰大勝王。署璉爲節度使。尋傳位於璉。南漢亡後。璉遣使入貢於宋。太祖授爲節度使。封交趾郡王。自是安南始列爲外藩。不入中國版籍。璉死。弟璿立。爲大將黎桓所篡。宋

太宗命將往討。無功而還。然猶稱臣於宋。貢方物。宋取羈縻政策。授桓節度使。封交趾郡王。桓殂。子龍鉞立。弟龍廷弑而代之。真宗祥符三年。西歷紀元一〇一〇年大將李公蘊逐龍廷而自立。遣使入貢於宋。真宗冊封之。如黎氏故事。於是安南入於李氏。

林邑世系表

甲、區氏

(一) 區憐 以下未詳

乙、范氏

(一) 熊 (二) 逸

丙、范氏

(一) 文 (二) 佛 (三) 胡達

丁、范氏

(一) 諸農 (二) 陽邁 (三) 咄

中間未詳

梵志 未詳

頭黎

女 鎮龍

(四) 須達 史稱為佛孫未詳其父為何人

(五) 敵真 敵鎧

諸葛地

占城國始祖

扶南世系表

甲混氏

(一)混潰

中間未詳

盤况

盤盤

葉柳

乙、范氏

(一)蔓

長 金生

丙、范氏

(一)尋

未詳

竺旃檀

丁、天竺系

(一)橋陳如

代數未詳

持梨陀跋摩

未詳

橋陳如閼邪跋摩

留陀跋摩

交趾世系表一 靜海軍節度使時代

甲、曲氏

(一) 承美

乙、楊氏

(一) 延藝
——
(二) 紹洪

丙、吳氏


(一) 昌岷
(二) 昌文

交趾世系表二 瞿越王時代

甲、丁氏

(一) 部領
——
(二) 璉
(三) 璿

乙、黎氏



第八章 南詔之衰亡與大理之建國

雲南迤西一帶。從古爲蠻夷之域。自南詔建國。登庸中國人才。輸入唐室文化。草昧始開。一時成爲西南方面霸國。及其末年。王綱不振。武人弄兵。中國南北朝時代篡弑之風。與唐代藩鎮跋扈之風。同時輸入。釀成武人專制政體。鄭氏、趙氏、楊氏、相繼篡立。蒙氏系統因以中斷。效法中國者。其末流之趨勢。與中國相似。亦可哀也。

茲述其事蹟如左。

第一節 南詔之末路

南詔自隆舜在位。耽於逸樂。國勢漸衰。隆舜殂。子舜化貞以冲齡踐位。委政於大臣鄭買嗣。在位五年殂。遺子生甫八月。買嗣當國。啓貞妻身抱太子臨朝。潛以手扼其陰。子因傷而卒。貞妻疑而詰之。買嗣懼。遽起兵滅蒙氏。殺其親族八百餘人。南詔由是遂亡。時唐昭宗天復二年。西歷紀元九〇二年也。

第二節 長和之興亡

買嗣者。唐舊州西瀘令鄭回之後。回事異牟尋爲清平官。諸王子皆師之。自此以後。累世貴顯。傳七世至買嗣。隆舜時。歷官侍中。隆舜巡幸無度。留買嗣守國。遂專政柄。舜化貞時爲相。化貞殂後。賊殺太子而自立。是爲桓帝。國號大長和。仍都大理。後梁太祖開平元年。建普明寺。鑄佛一萬尊。爲蒙氏死者祈福。四年西歷紀元九一〇年殂。子仁旻立。是爲肅文帝。

肅文卽位之翌年。遣兵攻蜀。前蜀高祖王建大破之。溺水死者萬餘人。後唐莊宗同光三年。肅文以朱鬢白馬。求婚於南漢。南漢高祖劉龔以增城公主妻之。肅文餌金丹。躁怒無常。後唐明宗天成元年西歷紀元九二六年。子隆亶立。是爲恭惠帝。越二年。東川節度使楊千貞入朝。弑之而立趙善政。長和亡。時後唐明宗天成三年。西歷紀元九二八年也。長和凡傳三主。二十六年西歷紀元九二八年而亡。

第三節 天興義寧之遞嬗

趙善政者。寧北佞逸塋人。仕長和爲清平官。楊千貞弑恭惠帝而立之。改國號曰大天興。卽位以後。待千貞禮。浸衰。有所乞請。皆不與。千貞怒。遂廢之而自立。時後唐明宗天成四年。西歷紀元九二九年也。凡在位十閱月而亡。

楊千貞者。菽村今賓川縣卽故大理府賓川州所屬地人。母名彌求。有美色。南詔宣武帝隆舜私焉。有娠。適漁人楊氏。生千貞。長

仕鄭氏爲東川節度使。弑恭惠帝而立趙善政。復廢善政而自立。國號大義寧。在位貪暴。中外咸怨。通海節度使段思平起兵攻之。千貞遣弟詔率師拒戰。兵敗。千貞出奔。義寧亡。時後晉高祖天福二年。西歷紀元九三七年也。凡在位八年而亡。

第四節 段氏之家世及其建國事略

段思平者。其先武威郡北人。世爲南詔蒙氏將。唐玄宗天寶十載及十三載。大兵兩次伐雲南。雲南王閣邏鳳命大將軍段儉魏。奉世子鳳伽異。拒戰於點蒼山及西洱河。兩敗唐兵。以功授清平官。賜名忠國。六傳而至思平。爲長和幕覽。楊詔嫉其能。遣客刺之。思平走免。後積戰功至通海節度使。楊千貞篡立之後。受詔之譖。常欲除思平。思平依其舅爨判自匿。善政臣守高方素與思平善。後晉高祖天福元年十二月。密招思平。借兵於東方黑爨松爨三十七蠻部。以董迦羅爲軍師。會於石城。舊曲靖府今曲靖縣進攻大理。次年。大破楊詔兵。千貞出走。追執

之。廢爲僧。思平遂卽位。國號大理。是爲太祖。

長和世系表 姓鄭氏傳三世二十六年爲楊千貞所篡

(一) 桓帝買嗣 八年

(二) 肅文帝仁旻 十六年

(三) 恭惠帝隆亶 二年

第二期 漢族與西北民族第二次對峙時代

第三期 通古斯族強盛時代

以上二期事蹟較簡。併作一期說明之。

第一章 西夏之勃興及其對宋遼之關係

自來日中則昃。月盈則缺。漢族勢力之隆盛。至有唐初年達於極點。自是以後。逐漸衰退。有宋勃興。併吞揚子江流域各小國。號稱一統。實則幅隕之廣。猶不及唐室全盛時代二分之一。安東都護府故地。爲後高麗所據。安西、北庭、崑陵、濛池、都護府故地。爲突厥、回紇、吐蕃、遺族所分據。安南、峯州、都護府故地。爲交趾所據。燕然、單于、瀚海、都護府故地。爲契丹所據。四圍藩屬。皆隸他人。政治局面。已成捉襟肘見。納履踵決之勢。而范陽、平盧、二鎮及河東鎮北部故地入於遼。朔方、河西、二鎮及隴右鎮北部故地入於夏。東胡民族與圖伯特民族。各創立一大國。分據黃河上下游。與宋南北對峙。其形勢與東周時代之北狄西戎相似。而國勢之強大過之。與東

晉時代之五胡十六國相似。而國祚之綿延過之。東周時代之戎狄。皆弱小部落。散居黃河流域。無建立大國者。東晉時代之五胡十六國。差可謂爲大國矣。而運命太短。又無根據地。轉瞬凌夷。子孫皆同化於漢族。獨遼夏二國。其根據地在塞外。而勢力範圍。伸入中國內地。長城之險。爲二國所有。直隸、山、陝、北境無險可守。黃河流域時常被兵。二國地處北方。人口之庶。物產之饒。遠不如宋。而武力之強。則遠過之。宋與遼爭。則宋敗。與夏爭。宋亦敗。僅恃和戎政策。爲敷衍目前之計。以堂堂大國。爲小國納歲幣。竭中國之脂膏。以事夷狄。如象猛虎。如養驕子。當飽其肉。不飽則將食人。此真中國歷史上污點。論史者無能爲諱者也。茲述其事蹟如左。

第一節 西夏之民族及家世

先是有唐初年。征服吐谷渾。党項酋長拓拔赤辭來歸。授西戎州都督。其後吐蕃強盛。拓拔氏漸爲所逼。遂請內徙。始移其部落於慶州。今甘肅慶陽府置靜邊縣。今陝西等州以處之。其後析居夏州。今陝西橫山縣。即故榆林府懷遠縣者。號平夏部。唐末。其苗裔思恭鎮夏州。統銀、夏、綏、宥、靜、五州地。助河東節度使鄭從諲討黃巢有功。賜姓李。思恭卒。弟思諫。孫彝昌。相繼爲定難軍節度使。後梁太祖開平四年。彝昌爲其將高宗益所殺。將士立其族父仁福。仁福卒。子彝超、彝興。相繼嗣位。始入貢於宋。彝興卒。子克睿。孫繼筠。相繼在位。宋太宗伐北漢。繼筠遣部將率蕃漢兵渡河。略太原境。以張軍勢。繼筠卒。弟繼捧嗣。以宋太平興國七年。舉族入朝納土。其族弟繼遷不從。出走地斤澤。在今橫山縣東北。故夏州東北。雍熙二年。襲據銀州。今米脂縣。契丹封爲夏國王。妻以義成公主。是爲西夏太祖。乘宋與契丹構

兵之隙。屢擾宋邊。趙普當國。倡議復以繼捧爲定難軍節度使。賜姓名趙保忠。命還鎮夏州。招撫繼遷。淳化二年。繼遷請降。授銀州觀察使。賜姓名趙保吉。

已而繼捧、繼遷相繼作亂。朝命李繼隆爲河西兵馬都部署。將兵討之。繼隆襲破夏州。執繼捧送京師。繼遷北遁。帝用宰相呂蒙正議。墮夏州城。自此以後。繼遷連年寇邊。西方無寧宇。真宗卽位。繼遷請降。以爲定難軍節度使。復畀以五州。於是繼遷形勢坐大。

靈州今寧夏靈武縣卽故寧夏府靈州

在夏州西北方。孤懸塞外。爲漢唐以來重鎮。繼遷東侵。懼靈州爲後患。屢欲攻陷之。知

州事裴濟告急於朝。朝議棄守不決。不肯大發兵應援。咸平五年。繼遷大舉兵攻陷靈州。裴濟戰死。繼遷改名爲西平府。居之。於是西北方失一重鎮。次年。繼遷轉攻西蕃。取西涼府。今甘肅武威縣卽故涼州府都首領潘羅支僞降。集

六谷蕃部合擊繼遷。繼遷大敗。中流矢死。子德明立。是爲西夏太宗。

知鎮戎軍曹瑋上言。一保吉擅河南地二十年。兵不解甲。使中國有西顧之憂。今其國危子弱。不卽捕滅。後更強盛。不可制矣。願假臣精兵。出其不意。擒德明送闕下。復河南爲郡縣。此其時也。帝欲以恩致德明。不報。詔德明令審圖去就。德明奉表歸款。授定難軍節度使。封西平王。賜賚甚厚。終其身三十年不犯邊。

第二節 西夏之建國

仁宗明道元年。西歷紀元一〇三二年德明卒。子元昊嗣。性雄毅。多大略。能剏製物始。曉浮屠學。通蕃漢文字。嘗諫其父

勿臣宋。德明輒戒之曰。「吾用兵久疲矣。吾族三十年衣錦綺。此宋恩也。不可負。」元昊曰。「衣皮毛。事畜牧。蕃性所便。英雄之生當帝王耳。何錦綺爲。」既襲封。明號令。以兵法勒諸部。改官制。分文武班。自中書令宰相樞密使以下。分命蕃漢人爲之。立蕃漢學。以服色別貴賤。自制蕃書。形體方正。類八分。教國人紀事。譯孝經。爾雅。四言雜字爲蕃語。每舉兵。必率部長與獵。有獲。則下馬環坐而飲。割鮮而食。各問所見。擇取其長。以故士馬精強。雄於西方。

初。元昊之未嗣位也。奉其父德明命。襲回鶻甘州。取之。德明喜。遂立爲太子。及嗣位以後。復侵略吐蕃。回鶻。及蘭州諸羌。取瓜。今甘肅安西縣沙。今敦煌縣肅。今酒泉縣三州。凡據有夏、銀、綏、宥、靜、靈、鹽、會、勝、甘、涼、瓜、沙、肅十四州地。定都興慶府。今寧夏省治阻河。依賀蘭山爲固。設十六司以總庶務。有兵十五萬八千餘人。置十二監軍司以總之。於是規模粗備。

初。華州有二生曰張曰吳者。久困場屋。薄遊塞上。聞元昊有意窺中國。遂叛而往。卽其都門之酒家劇飲。終日引筆書壁曰。「張元昊吳來飲此。」邏者執之。元昊責以入國問諱之義。二人大言曰。「姓尙不理會。乃理會名耶。」時元昊用中國賜姓。二人故云。元昊竦然異之。日尊寵用事。凡夏人立國規模。入寇謀畫。皆二人所導也。寶元元年。西歷紀元一〇三八年元昊稱帝。改名曩霄。建國號曰大夏。改元大慶。是爲景宗。上書於朝廷。自陳。且求冊命。講鄰好。仁宗詔削其官爵。絕互市。自是連年構兵。中國屢敗。乃分陝西爲秦鳳、涇原、環慶、鄜延、四路。使韓琦、

范仲淹等爲安撫經略招討使。禦之。撫熟蕃。築城砦。少遏其鋒。自是陝西禦寇不暇。遼人乘隙。窺伺北邊。於是宋遼之交涉起矣。

第三節 遼室之中興與宋遼之和戰

先是宋太祖卽位。用趙普議。與遼修好。太平興國四年。太宗自將伐北漢。滅之。欲乘勝恢復幽薊。遂伐遼。圍幽州。遼景宗遣耶律休格等赴援。大敗宋師於高粱河。在今北平西直門外太宗急乘驢車走免。自是遼好遂絕。兩國時常構兵。宋師屢北。河北河東大遭蹂躪。

太平興國七年。西歷紀元九八二年景宗殂。子隆緒立。年甫十二。母后蕭氏攝政。復國號曰契丹。蕭后早慧。明達治道。有善必從。故羣臣咸樂爲用。任耶律色珍。舊譯斜軫韓德讓。參決大政。委耶律休格以南邊事。休格智略宏達。料敵如神。每戰勝。讓功諸將。故士卒樂爲用。宋太宗信邊臣言。謀乘契丹釁。恢復燕雲十六州。雍熙三年。以曹彬、米信、田重進、潘美等爲四道都部署。彬幽州信西北重進定州美雲應朔等州分道北伐。諸將陛辭。帝謂曰。「潘美但先趨雲朔。卿等以十萬衆。聲言取幽州。且持重緩行。不得貪利。虜聞大兵至。必悉衆救范陽。不暇援山後矣。」已而美由太原進。取寰、朔、應、雲州。彬與信由雄州進。乘勝趨涿州。時耶律休格守幽州。兵少不敢出戰。而遣輕騎斷彬等糧道。彬居涿旬日。食盡退師。休格躡之。彬軍大敗。色珍引兵救雲州。亦破潘美兵。副都部署楊業戰沒。美走還太原。所得地復陷。蕭后習知軍政。親偕聖宗將大兵南下。陷深、邢、德三州。大掠而去。自是宋惟自守。不敢復議進取。

高麗、女真、故附宋。約夾攻契丹。至是以宋不足與有爲。女真始絕宋而屬契丹。高麗尋亦兩屬。

至道三年。西歷紀元九七七年太宗崩。眞宗卽位。咸平二年。契丹蕭后復偕聖宗大舉南侵。大掠河北、山東。都部署康保

裔拒戰於瀛州。敗績。死之。眞宗自將次於大名。契丹乃還。自此以後。連年寇邊。宋師多敗。景德元年。復大舉

深入。朝廷震駭。參知政事王欽若請幸金陵。陳堯叟請幸成都。以避其鋒。宰相寇準力勸帝親征。帝從之。次於

澶州。今河北省灤陽縣。卽故大名府開州。諸軍與戰。殺其大將蕭達蘭。契丹軍卻。遣使來請和。要求割讓關南地。帝不許。遣閣門

祇候曹利用往契丹營。約定每年以銀十萬兩、絹二十萬匹、充歲幣贈契丹。結爲兄弟之國。南朝爲兄。北朝爲

弟。兩國盟約成。各罷兵歸。至是宋遼衝突始一結束。

大中祥符二年。蕭太后殂。聖宗親政。西伐回鶻。破肅州。東伐高麗。焚開京。兵勢日強。築城達臚胸河。今外蒙古車臣汗部

克魯倫河。混同江。今松花江下游與黑龍江合流處。疎木河。卽粟末河。今松花江之間。武功赫然。晚年。渤海遺族大延琳據東京反。討平之。錄

用渤海舊族之有勳勞材力者。分徙其餘衆。以弭後患。在位四十九年。勤政恤下。國以富強。

宋仁宗天聖九年。西歷紀元一〇三一年聖宗殂。子宗眞立。是爲興宗。母蕭耨斤自立爲皇太后。臨朝稱制。遷其嫡母齊

天后於上京而弑之。已而欲廢興宗而立其弟重元。重元以告興宗。興宗遷之慶州。收皇太后符璽。始親決國

事。立重元爲皇太弟。時興宗漸長。國內無事。戶口蕃息。適值宋夏構兵。中國旰食。慨然有南侵之志。聚兵燕薊。

聲言南下。慶歷二年。遣使求地於宋。仁宗遣富弼報之。往復者再。婉轉辨喻。始允歲增銀絹十萬兩匹以和。是

爲宋遼第二次和約。次年元昊亦上書乞款。許之。會契丹來告伐夏。乃中止。

第四節 遼夏之衝突與宋夏之構和

先是西夏太宗德明在位。契丹聖宗自將來攻。德明拒敗之。是爲遼夏結怨之始。元昊襲位。納契丹降戶。興宗責還。不遣。乃自將往討。兵十餘萬。分三路濟河。長驅深入夏境。元昊自將待於河曲。僞退。誘而敗之。尋遣使送還所獲俘虜以請和。興宗乃還。

是時元昊用兵已久。雖數戰勝。然死亡創夷相半。兵財兩竭。百姓嗟怨。又中知環州种世衡反間計。殺其大將

野利綱哩。一作浪拉雅奇。一作遇乞。兄弟。武力漸衰。宋仁宗亦以西鄙用兵日久。心厭之。會契丹使至。言元昊欲歸

款。乃密詔陝西安撫經略招討使龐籍招撫之。元昊喻意。遣使來請和。詔冊封元昊爲夏國主。歲賜錢二萬兩。

絹二萬匹。茶三萬斤。約稱臣奉正朔。於是宋夏衝突始一結束。然元昊帝其國中自若也。

是時契丹境內有京五。上京臨潢府在今熱河昭烏達盟巴林旗東北。中京大定府在今熱河喀喇沁旗左翼南。南京析津府即今北平。東京東京府今遼寧遼陽縣。西京大同府今山西大同縣。

府六。州軍城百五十有六。縣二百有九。部族五十有二。屬國六十。東至於海。西至金山。暨於流沙。南至白溝。北

至臚胸河。幅隕萬里。爲亞東第一大國。

慶歷八年。西歷紀元一〇四八年。夏景宗元昊殂。子諒祚立。是爲毅宗。年方刳歲。以三大將分治國政。契丹復遣兵分道

伐夏。河南道行軍都統蕭惠率師溯河流而上。斥候不周。爲夏人所敗。北道行軍都統耶律敵魯古。魯古達率

兵至賀蘭山。獲諒祚母密藏氏。及宮僚官屬以歸。諒祚遣使乞依舊稱藩奉貢。許之。

興宗性佻傥。嘗因夜宴自入樂隊。又數變服入酒肆寺觀。尤重浮屠法。僧有正拜三師三公兼政事令者。然能內修政事。外攘鄰國。在位二十五年。親策進士。大修條制。下至士庶。得陳便宜。故國富兵強。稱爲英主。

至和二年。西歷紀元一〇五五年興宗殂。子洪基立。是爲道宗。以太弟重元爲太叔。重元不悅。嘉祐八年。洪基如太子山。

方輿紀要山在故大寧衛西南重元與其子涅魯古舊作尼魯固等作亂。率兵犯行宮。北院樞密使耶律伊遜率宿衛士擊退之。殺涅魯古。重元走大漠。自殺。復改國號曰遼。會宋神宗在位。以王安石爲相。銳意變法自強。遣王韶經略河湟。以爲恢復靈州計。蕃部多降。朝廷乃議大舉攻夏州。

第五節 宋夏之衝突與宋遼之構和

夏自毅宗諒祚卽位。母族訛龐專政。諒祚忌而殺之。夷其族。已而請去蕃禮。從漢儀。服中國衣冠。以漢官名命其臣。數上表於宋。求九經。唐史。冊府元龜。及正旦朝賀儀。仁宗詔以九經賜之。於是西夏文明。日益進步。宋英宗治平四年。西歷紀元一〇六七年青澗守將种諤襲虜夏監軍威名山。遂復綏州。得首領三百。戶萬三千。兵萬人。諒祚報怨。誘殺知保安軍楊定。邊釁復起。朝議欲棄綏誅諤。鄜延經略使郭達上書力爭。乃詔故首相韓琦判永興軍。經略陝西。存綏州。而竄諤於隨州。


是年。諒祚殂。子秉常立。是爲惠宗。宋神宗在位。先後遣宰相韓絳。宦官李憲等。經略夏州。構兵數年。取夏葭蘆。

吳堡、義合、米脂、浮圖、塞門、六城。而熙寧四年靈州之役。五年永樂之役。官軍熟羌義堡死者幾六十萬人。遼人乘釁遣使來議疆事。朝廷報使往復者再。卒徇遼請。割河東新疆與之。凡東西失地七百里。南北三十里。遂爲異日興兵之端。哲宗卽位。秉常屢遣使來求故地。時文彥博、司馬光、呂公著秉政。不許。元祐元年。西歷紀元一〇八六年。秉常殂。子乾順立。是爲崇宗。歸永樂之役所獲吏士百四十九人。詔以米脂、葭蘆、浮圖、安疆等四砦還之。於是元豐以來用兵所得之地。復爲夏有。

西夏世系表一 定難軍節度使時代。

党項酋長姓拓拔氏自赤辭始歸唐授西戎州都督至思恭始爲定難節度使賜姓李傳九世至繼捧入朝於宋納土從弟繼遷叛

走襲據銀州契丹封爲夏國王是爲西夏之始



西夏世系表二 建國以後。白繼遷始稱夏王後降宋賜姓趙至元昊稱皇帝復姓李凡傳十二主二百五十八年爲蒙古所滅

思忠 — 仁顏 — 彝景 — 光儼 — (一)太祖繼遷 — (二)太宗德明

(三)景宗元昊 十一年 — (四)毅宗諒祚 二十年 — (五)惠宗秉常 十九年 — (六)崇宗乾順 六十二年

(七)仁宗仁孝 五十二年 — (八)桓宗純祐 十二年

越王仁友 — (九)襄宗安全 六年

某 — 彥宗 — (十)神宗遵頊 十二年

某 — (十一)獻宗德旺 三年 — (十二)南平王睍 一年

第二章 後高麗對宋遼之關係

第一節 後高麗初年之外交

朝鮮半島地方。歷代以事大主義爲唯一不二之外交政策。後高麗太祖勃興以後。循例稱臣於後唐。太祖勇武知兵。行仁政。國人懷之。後唐莊宗天成元年。契丹太祖天贊五年。後高麗太祖契丹太祖耶律阿保機滅渤海。更名東丹國。以其長子突欲爲人皇王。鎮之。於是高麗西北。遂與契丹接境。渤海世子大光顯。將軍申德。禮部尙書大和鈞等。率其餘衆數萬戶。先後奔高麗。契丹遣使來修好。遣太祖以駱駝五十匹。太祖怒其暴橫。謝絕之。自此以後。契丹與後高麗。感情上漸起衝突。顧以方有事於中國。無暇經略東方。後晉出帝天福八年。西歷四三年。太祖殂。傳子惠宗武定宗堯。大匡王規專權。離間宮庭。幾釀內亂。定宗雖誅王規。而奸佛信圖讖。萬事皆不振作。定宗殂。弟光宗昭立。信讒好殺。勳臣宿將。誅戮殆盡。景宗卬繼之。焚讒書。赦無辜。拔擢沈滯。輕減租稅。中外大悅。及其晚年。耽於逸樂。遠賢臣。親小人。前後舉動。如出二人。國政大衰。

第二節 成宗之內政

宋太宗太平興國七年。西歷紀元九八二年。景宗殂。從弟成宗治立。成宗英明。勵精圖治。大修官制。置內史門下省。掌百

揆之庶務。置御事都省。總領百官。置三司。掌中外錢穀出納會計之務。置中樞院。以掌軍政。又設六部。吏部掌文選、勳封之政。兵部掌武選、軍務、儀衛、郵驛。戶部掌戶口、貢賦、錢糧。刑部掌法律、詞訟。禮部掌禮儀、祭享、朝會、交聘、學校、科舉。工部掌山澤、工匠、營造。又設御史臺。司糾察。國子監。司教育。祕書省。典書籍。此外有衛尉寺。禮賓省以下之諸司。大抵宰相統六部。六部統諸司。以簡馭繁。以卑承尊。官有常守。位有定員。又定地方制度。分國內爲關內、中原、河南、江南、嶺南、嶺東、山南、海陽、朔方、涇西等十道。分置州縣。設楊廣、忠清、公晉、尙全、羅昇、海黃等十二州節度使以統之。百般之制作大備。王又留心風教。立宗廟社稷。定五服給假式。旌孝節。問耆老。舉賢才。恤百姓。命州縣興學校。由國家給以學田。補助常年經費。下教獎勵學問。至再至三。命京官五品以上上封事。論列時政之得失。採用直言。改良庶政。中外大悅。

第三節 成宗之外交

當是時。中國本部。逐漸爲宋所統一。東三省及內外蒙古。亦俱爲遼所征服。朝鮮半島西鄰。突然現出二大帝國。兩姑之間難爲婦。對外交涉。漸多困難。宋太宗滅北漢以後。屢欲伐契丹。恢復燕雲。雍熙二年。後高麗成宗四年監察御史韓國華使高麗。命出兵夾攻契丹。成宗依違不敢奉詔。契丹聖宗既敗宋。遂以淳化四年。契丹聖宗統和十一年亮爲上中下軍使。帥師拒戰。敗績。羣臣惶懼。多主張割地請和。徐熙力爭。乃遣熙使契丹營構和。約定稱臣。奉

正朔而卒不允割地。次年遣使入朝於宋。請兵伐契丹。太宗以北邊甫寧。不欲爲外人開釁。謝遣之。王知中國不足恃。乃一意朝貢契丹。與宋國交中斷。契丹割鴨綠江東地數百里以賜之。妻以蕭恆德之女。

第四節 顯宗時代之外交

宋太宗至道元年。西歷紀元九七七年成宗殂。從子誦。景宗子立。是爲穆宗。太后皇甫氏攝政。嬖臣金致陽得幸於后。生子。

驟遷閣門通事舍人。專國政。引用戚黨。盤據朝廷。王多病無子。太祖諸孫皆早世。獨大良君詢。太祖第五子尙在。

太后忌之。詢懼禍。削髮爲僧以自晦。太后陰有以呂易嬴之意。王知其謀。遣使迎詢於神穴寺。召西北面都巡

檢使康兆。遼史作肇入宿衛。是時中外怙怙。風言王已長逝。宋眞宗祥符二年。後高麗穆宗十二年四兆舉兵平州。

今黃海道平山郡以靖內亂爲名。迎立大良君。是爲顯宗。廢穆宗爲讓國公而弑之。誅致陽。流太后及其黨與於遠方。

自爲吏部尙書。參知政事。次年契丹聖宗起兵問罪。破兆兵於通州。今平安北道宣川郡執而誅之。進圍西京。今平壤王奔

揚州。今京畿道畿道復由廣州。今京畿道畿道經公州。今全羅北道至羅州。今全羅南道契丹進破開京。今京畿道開城會天大雨。駝馬疲乏。不能前

進。聞王已遠遁。乃班師。王還京。遣使詣契丹請和。契丹召王入朝。不從而築興化。鎮名在今平安北道義州通州。今平安北道宣川郡

龍州。今平安北道龍川郡鐵州。今平安北道鐵山郡郭州。今平安北道郭山郡龜州。今平安北道龜城郡六城以備邊。契丹責王有貳心。遣使來索六城。

不與。契丹兵屢侵邊境。王不得已。復稱臣於宋以乞援。是時眞宗方與契丹和。忙於封禪天書。汲汲以粉飾昇

平爲務。無暇顧及邊事。天禧二年。契丹聖宗開泰七年契丹東平郡王肅排押。率師大舉來侵。王以姜邯瓚爲

上元帥姜民詹副之。拒戰於興化。大破其兵。僵尸蔽野。獲其駝馬甲仗無算。排押走還。王知契丹終不可敵。宋終不可恃。復遣使請和。稱藩奉貢。契丹許之。

第五節 德宗文宗之外交

宋仁宗天聖九年。西歷紀元一〇三一年。顯宗殂。子德宗欽立。乘契丹有內亂。與之絕好。修北境邊防。築石城。西自鴨綠

江口。東經寧遠。平安道。今咸鏡南道。高麗郡。至定平之都連浦。爲北方第一層要塞。契丹遣使來詰責。不聽。

宋仁宗景祐元年。西歷紀元一〇三四年。德宗殂。弟靖宗享。文宗徽相繼在位。復修好於契丹。文宗留心政治。崇節儉。審

刑獄。優禮宿儒。提倡孔學。稽察長吏之勤惰。訪問百姓之疾苦。內政逐漸整理。適值宋仁宗、英宗、神宗相繼在

位。中國人才輩出。文教大興。王心慕之。造巨舶。欲由海上與中國交通。憚契丹干涉。不果。宋仁宗熙寧元年。後高麗文宗朝

麗文宗二十二年。朝廷遣使黃慎來諭王。王大悅。優待之。逾年。遣民官侍郎金悌奉表入貢。元豐元年。後高麗文宗朝


廷復遣左諫議大夫安燾等。齎詔來聘。舉國大表歡迎。是時契丹已改國號曰遼。士風漸流於惰弱。而武力猶

未全衰。王通好宋遼。仍從遼受封冊。適值女真勃興。乘方張之勢。與宋聯合滅遼。後高麗北境與女真爲鄰。於

是國際關係日益複雜。

後高麗世系表 王氏自太祖開國傳二十五世至忠烈王。距爲蒙古所征服。又傳六世至恭愍王。顯爲辛氏所篡。辛氏傳二世而恭讓王瑤復國。尋爲李氏所篡。而國亡。王氏共傳三十二世。辛氏

二世凡五百五十六年



(一) 肅宗顯 在位十年
(二) 睿宗僖 在位十七年
(三) 仁宗楮 在位二十四年

(四) 毅宗昖 在位二十四年

(五) 明宗皓 在位二十七年
(六) 康宗禔 在位二年
(七) 高宗旺 在位四十六年

(八) 神宗曄 在位七年
(九) 熙宗諤 在位七年

(十) 元宗植 在位十五年
安慶公攄

(十一) 忠烈王昀 在位三十四年
(十二) 忠宣王璋 在位五年

(十三) 忠肅王燾 在位十七年
復位八年

(十四) 忠惠王禎 在位一年
復位五年

(十五) 忠穆王昕 在位四年
(十六) 忠定王昖 在位三年

(十七) 恭愍王顥 在位二十三年

(十八) 辛禡 在位十三年
(十九) 辛昌 在位一年

(二十) 恭讓王瑤 在位三年
神宗玄孫

第三章 大理之衰亡與後理之建國

第一節 大理之盛衰

大理段氏自太祖思平建國。盡有雲南地。思平在位八年。以後晉出帝開運元年西歷紀元九四四年殂。子思英立。是爲文經帝。逾年。其叔父思良廢之爲僧而自立。是爲文武帝。在位七年。以後周太祖廣順二年西歷紀元九五二年殂。子思聰立。是爲廣慈帝。適宋大將王全斌平蜀。還京師。請取雲南。負地圖進。太祖鑒唐之禍。以玉斧畫大渡河爲界。曰。「此外非吾有也。」由是段氏得安據南詔。相安無事。

思聰在位十七年。以宋太祖開寶二年西歷紀元九六九年殂。子素順立。在位十六年。以宋太宗雍熙二年西歷紀元九八五年殂。子昭明帝素英。在位十四年孫宣肅帝素廉。在位十年曾孫秉義帝素隆。在位四年相繼在位。宋仁宗天聖四年。素隆禪位爲僧。姪素真立。是爲聖德帝。素真在位十五年。復禪位爲僧。孫素興立。是爲天明帝。

素興以宋仁宗慶歷元年西歷紀元一〇四一年卽位。性好遊狎。廣營宮室。多植花草。每春月挾妓載酒。自玉案三泉。溯爲九曲流觴。男女列坐。鬪草簪花。日夜行樂。在位三年。國人廢之而立太祖曾孫智恩之子思廉。是爲興宗孝德帝。

思廉卽位後第九年。宋仁宗皇祐四年廣源州。在今東京諒蠻儂智高反。陷邕橫。今廣西等州。朝廷以樞密副使狄青爲荆湖宣撫使。督諸軍討之。次年正月。青夜度崑崙關。在南寧東北崑崙山上大破智高於邕州。智高走大理。思廉殺之。函首送京師。於是段氏始聞於中國。思廉在位三十一年。以宋神宗熙寧八年。西歷紀元一〇七五年禪位爲僧。子廉義立。是爲上德帝。


廉義在位五年。爲其臣楊義貞所弑。清平官高昇泰討誅之。立廉義之姪壽輝。是爲上明帝。在位一年。禪位於思廉之孫正明。是爲保定帝。爲君不振。人心歸高氏。在位十三年。以宋哲宗紹聖元年。西歷紀元一〇九四年禪位於高昇泰。出家爲僧。大理亡。自太祖思平建國。凡傳十四世。一百五十八年。

第二節 大中之迭興與後理之紹統

高昇泰者。高方之裔。方助太祖起兵。滅楊氏。有功。封岳侯。分治成紀、巨橋等地。子孫世襲。傳至智昇。以戰功加太保。封德侯。賜白崖茹甸之地。尋晉封鄴關。卽今雲南省城侯。智昇生昇泰。有材器。事段氏爲清平官。兼九爽之事。楊義貞弑廉義。昇泰奉父命。起東方爨粵兵討誅之。而立壽輝。輝以智昇爲布燮。亦清平官之一昇泰襲鄴關侯。輝在位一年。災異迭興。因禪位於正明。正明優柔不振。羣臣遂推戴昇泰卽位。改國號曰大中。是爲表正帝。在位二年。寢疾。遺命以國仍還段氏。宋哲宗紹聖三年。西歷紀元一〇六六年殂。其子泰明。奉正明之弟正淳卽位。是爲中宗文安帝。段氏復興。號後理國。高氏相之。政令皆出其門。國人稱爲高國主。段氏擁虛位而已。

大理世系表

姓段氏自太祖思平開國傳十四世一百五十八年禪於高氏



第四章 女真之勃興與遼室之顛覆

烏蘇里江、松花江流域。爲通古斯民族根據地。地勢苦寒。爲天然現象所驅。常有南下之勢。三國六朝時代。其族以高句驪爲代表。憑藉奉天東部爲根據地。經略遼河流域。與鮮卑之慕容燕時常構兵。及後魏勃興。中國北部歸於一統。高句驪見勢不敵。知難而退。乃轉鋒南下。經略朝鮮半島。略取鴨綠江、大同江流域。建立王國。與中國對峙者數百餘年。高句驪衰亡。鴨綠江、大同江流域。一時爲中國所有。其遺族大祚榮東走出塞。略取吉林東部爲根據地。建立渤海王國。與中國競爭鴨綠江及遼河流域。適值新羅勃興。統一朝鮮。契丹猖獗。略據東蒙。渤海西下南下形勢。爲其所阻。乃轉鋒東北下。經略黑龍江、烏蘇里江流域。略取吉林、黑龍江兩省。與俄領阿穆爾省及東海濱省南部。與唐室對峙者二百餘年。其後唐室衰微。渤海亦爲契丹所滅。通古斯民族皆隸於契丹部下。北宋中葉以後。契丹內政逐漸腐敗。尙武之風。蕩然無存。人民日流於文弱。通古斯民族之女真。乘勢勃起於松花江流域。西下併吞契丹。略取內外蒙古。復南下侵略中國內地。略取黃河流域。建立大帝國。與南宋、西夏對峙。自是以後。通古斯、蒙古、混血族所建立之大帝國告終。純粹之通古斯民族與純粹之蒙古民族所建立之大帝國。乃陸續出現於世界矣。茲述其事蹟如左。

第一節 契丹之漢化

遼室全盛時代。實在聖宗之時。至興宗時。餘威猶震。幅隕之廣。武力之雄。實在有宋以上。道宗卽位。國勢寢衰。任用奸臣耶律伊遜爲相。專國政。皇后蕭氏。姿容冠絕一時。工詩。善談論。好音樂。伊遜嫉其明敏。使宮婢單登等。誣后與伶官趙惟一私通。賜后自盡。后所生之太子濬。幼而好學。善騎射。以母故。有憂色。伊遜使護衛耶律查刺。舊作札拉誣告都宮使耶律薩喇。舊作撒刺等謀廢立。按驗誣服。皆殺之。廢濬爲庶人。遷於上京。伊遜使人陰殺之。復殺濬妃蕭氏。又欲害濬之子延禧。道宗漸悟其奸。出之興中府。坐謀出奔及私藏兵甲罪。伏誅。道宗好文。輸入中國文化。漢文漢詩。一時流行。採用科舉制度。登庸新進人物。復崇拜佛教。手寫華嚴經。又令太子寫經。親迎佛骨。禁止殺生。一歲而飯僧三十六萬人。一日而祝髮者三千人。日日言慈悲。言功德。而骨肉之間。不能相保。羣小雜進。朝政日非。契丹固有慄悍之風。消亡殆盡。蒙古諸部時常背叛。遼室疲於兵役。卽位之後十八年。宋神宗熙寧六年復遭大雪。平地丈餘。馬死者十六七。遼室益衰。道宗在位四十六年。以宋徽宗建中靖國元年。西歷紀元一〇一年一殂。孫延禧卽位。是爲天祚帝。天祚荒淫酗酒。不恤國政。每歲遣使市名鷹海東青於海上。道出生女眞。使者貪縱。徵索無藝。女眞厭苦之。適值生女眞完顏部富強。有凌駕諸部之勢。與其別部赫舍哩部。舊作石烈部構兵。赫舍哩部酋長阿蘇。舊作阿疏奔遼。完顏部屢索不得。其酋長阿古達窺遼邊備廢弛。遂以索叛人爲名。公然與遼宣戰矣。

第二節 女真之起源

女真之先爲古之肅慎氏。元魏時稱勿吉。隋時稱靺鞨。分七部。曰粟末部。曰伯咄部。曰安車骨部。曰拂涅部。曰號室部。曰黑水部。曰白山部。唐初黑水、粟末二部最強。粟末部初附高麗。李勣破高麗後。其酋長大祚榮保東牟山。創立渤海王國。黑水部居混同江。即松花江在今吉林烏喇城東南發源長白山北流會鄂諾河又東合黑龍等江入於海之東。長白山、鴨綠江之源。南鄰高麗。北接室韋。西界渤海。鐵甸。東際海。舊附於高麗。開元中入朝於唐。詔置黑水府。以其部長爲都督刺史。朝廷爲置長史以監之。賜都督姓李氏。名獻誠。領黑水經略使。其後渤海強盛。黑水部隸屬之。朝貢遂絕。渤海亡後。附屬於遼。其民在南者繫籍於遼。號熟女真。在北者不籍於遼。號生女真。已而避遼興宗諱。改名女直。其人戇朴勇鷙。自推豪俠爲酋長。僻處契丹東北隅。宋太祖時。屢遣使貢馬。太宗淳化二年。首領野里雞等上書。請伐契丹。太宗降詔撫諭。而不爲發兵。自是朝貢遂絕。眞宗大中祥符三年。契丹伐高麗。道由女真。女真與高麗合兵拒之。是爲有宋勃興以來女真與遼構兵之始。

完顏氏之始祖曰函普。自高麗來居完顏部。凡六傳而至烏古部。舊作烏古迺稍役屬諸部。會五國。城名在今吉林寧安縣東北遼時自此而東富鼎赫部。舊作蒲鼎部節度使巴延瑪勒。舊作拔乙門叛遼。遼將致討。烏古部襲而擒之。獻於遼廷。遼主召見。燕賜加等。以爲生女真部節度使。始有官屬。紀綱漸立。然不肯受印。繫遼籍。其部內舊無鐵。隣國有以甲冑往鬻者。以厚價買之。得鐵既多。因以修弓矢。備器械。兵勢稍振。前後歸附者衆。

宋神宗熙寧七年。遼道宗太寧元年西歷紀元一〇七四年烏古館卒。子合理博舊作鉢嗣。合理博嚴重多智。每戰未嘗披甲。襲位

之初。內外潰叛。合理博乃因敗爲功。變弱爲強。遂破和諾克。舊作恒赫薩克達。舊作散達烏春。烏木干。舊作窩謀罕等。部

落漸強。初建官屬統諸部。其官之長。皆稱貝勒。舊作勃極烈

宋哲宗元祐七年。遼道宗太寧八年西歷紀元一〇九二年合理博卒。弟蒲拉舒舊作頗嗣。紹聖三年。遼道宗壽隆二年西歷紀元一〇九八年蒲拉舒

卒。弟盈格舊作盈哥嗣。以兄和琢舊作者子薩拉噶舊作撒改爲國相。是時赫舍哩部酋長阿蘇阻兵爲難。盈格自往伐之。

阿蘇往訴於遼。遼遣使止盈格勿攻。盈格不聽。遂取阿蘇城。留兵守之。

宋徽宗崇寧元年。遼將蕭哈里舊作海里叛。亡入女真阿克占舊作阿典部。遣其族人烏達喇舊作達刺至生女真。約同舉

兵。盈格執之。會遼命盈格討哈里。盈格募兵得千餘人。兄子阿古達舊作阿打曰。『有此甲兵。何事不可圖也。』

遂次混同江。蓋先是女真甲兵未嘗滿千也。至是遼兵追哈里者數千人。而不能克。盈格謂遼『退爾軍。我當

獨取哈里。』遂使阿古達與戰。執而殺之。因大破其黨。函哈里首獻於遼。遼主天祚大喜。賜予加等。盈格自是

知遼兵易與。益自肆矣。

次年。遼天祚乾統三年西歷紀元一一〇三年盈格卒。兄子烏雅舒舊作烏鴉來嗣。與高麗通好。部族日強。天祚如長春州。幸混同江釣

魚。生女真酋長在千里內者。以故事皆來朝。適遇頭魚宴。遼史國語解上歲時釣魚得頭魚輒置酒張宴與頭鵝宴同續綱目誤作魚頭天祚命諸酋

次第起舞。至阿古達。辭不能。但端立直視。諭之再三。終不從。他日天祚密諭北院樞密使蕭奉先曰。『阿古達

雄豪不常。可托以邊事。誅之。否則必貽後患。」奉先曰：「彼麗人不知禮義。且無大過而殺之。恐傷向化心。設有異志。蕞爾小國。亦何能爲。」乃止。阿古達歸。疑天祚知其有異志。且以天祚淫酗。不恤國政。遂稱兵。先併旁近族。政和三年。遼天祚天慶三年。西歷紀元一一一三年。烏雅舒卒。阿古達嗣。自稱達貝勒。舊作都勃極烈。

第三節 阿古達之舉兵與遼之敗北

先是烏雅舒在位。屢索阿蘇於遼。遼不與。阿古達襲位。復相繼遣普嘉努。舊作蒲家奴。舒固特。舊作古乃。等索阿蘇。遼終不許。舒固特歸。具言遼主驕肆廢弛之狀。阿古達乃召所屬備衝要。建城堡。修戎器。遼遣使詰責之。不聽。遼遂發渾河。在今遼寧瀋陽縣南源出遼外下流至海城縣入遼即小遼水也。北諸軍益東北路統軍司。阿古達聞之。遂爲先發制人之計。徵集諸部兵得二千五百人。數遼之罪。告於天地。進攻遼軍。破之。殺其將耶律色錫。舊作謝十。遂取寧江州。故城在今吉林新城境內。

石頭城子之西松花江東

天祚聞寧江州陷。以司空蕭嗣先爲東北路都統。發契丹奚軍三千及京中禁兵等七千屯於珠赫。舊作河店。今吉林扶餘縣城南有肇州故城舊名。阿古達帥衆來禦。未至混同江。會夜方就枕。若有扶其首者三。寤而起曰：「神明警我也。」卽鳴鼓舉燧而行。黎明至混同江。遼兵方壞凌道。阿古達選壯士十人擊走之。因帥衆繼進。遂登岸。與遼兵遇。會大風起。塵埃蔽天。阿古達乘風奮擊。遼兵潰。將士多死。獲免者十有七人。遼東北諸州多叛降女真。遼人嘗言：「女真兵滿萬則不可敵。」至是始滿萬矣。政和五年。西歷紀元一一一五年。正月。阿古達遂稱帝。

號金。改元收國。更名旻。是爲金太祖。以弟烏奇邁

舊作吳乞買

爲阿木班貝勒

官之尊貴者舊作諸班勃極烈

薩拉噶、舍音

合理博第五子

舊作斜也

爲固倫貝勒

國相也舊作國論勃極烈

蕭嗣先之喪師也。其兄樞密使奉先懼嗣先得罪。輒奏「東征潰軍。所至劫掠。若不肆赦。恐聚爲患。」天祚從

之。嗣先但免官而已。自是諸軍相謂曰「戰則有死無功。退則有生無罪。」故士無鬪志。遇敵輒潰。遼遣僧嘉

努

舊作家奴

爲使持書往金議和。阿古達復書曰「歸我叛人阿蘇。遷黃龍府

治所在今吉林農安縣

於別地。然後議之。」遼

不聽。金人進薄益州

故城在今遼寧開原縣境內

遼遣都統額爾德以騎兵二十萬、步卒七萬禦之。戰於達囉克

舊作達魯古

遼黃龍府地

遼兵敗績。金遂取黃龍府。

天祚聞警。下詔親征。率蕃漢兵五十餘萬。出長春路。渡混同江。副都統耶律卓諾作亂。伏誅。天祚還軍和斯布

達岡

在混同江西北

阿古達自將追擊。破之。遼將高永昌據遼陽以叛。金人攻永昌。殺之。於是遼東京州縣及南路繫

遼女真皆降於金。

遼以宗室越王淳

興宗曾孫

爲都元帥。率師拒金。戰於蒺藜山

在今遼寧興城縣外

敗績。金遂取遼顯、乾、懿、濠、復、成、川、

惠、八州

皆在今遼寧境內

於是遼河流域皆入於金。

遼遣耶律訥格

舊作奴哥

如金議和。金主復書曰「能以兄事朕。歲貢方物。歸我中京、上京、興中府、三路州縣。以親

王、公主、駙馬、大臣子孫爲質。還我行人及元給信符。并宋、夏、高麗往復書詔表牒。則可。」旣而訥格復至金。金

使呼塔噶舊作胡突衰與俱如遼。免取質子及上京、興中府、所屬州縣。裁減歲幣之數。且曰：「必以兄事我。冊用漢儀。方可如約。言如不從。勿復遣使。」遼主從之。凡七遣使如金。議冊禮。金乃使烏凌噶贊謨如遼。遼冊金主爲東懷國皇帝。金主以無兄事之語。又不稱大金。而云東懷。乃小邦懷其德之義。語涉輕侮。怒不受。自將攻遼上京。克之。於是西喇木倫、老哈木倫、流域亦入於金。遼勢日危。

第四節 宋金之聯合與遼之滅亡

是時宋徽宗在位已久。國內無事。屢遣宦官童貫等經略西方。稍有成功。貫遂志得意滿。以恢復幽燕爲己任。宰相蔡京等從而附和之。徽宗昏庸。爲其所惑。先後遣武義大夫馬政、右文殿修撰趙良嗣等使金。約定夾攻遼。其條約列左。

一、金取中京大定府。兵自平地松林在今熱河克什克騰部西南趨古北口。宋取燕京析津府。兵自白溝夾攻。彼此兵不

得過關。

二、事定後。以山前後十七州歸宋。

三、歲幣之數同於遼。

於是金以舍音都統內外諸軍。尼瑪哈、幹布、幹喇布等副之。進薄中京。宣和四年。克之。天祚走雲中。燕京留守諸臣張琳、李處溫等奉越王淳稱帝。尼瑪哈追襲天祚。天祚走夾山。故城在今綏遠烏喇特旗西北金人進克西京。朝廷遣童

貫、蔡攸等。勒兵巡邊以應金。前後遣都統制种師道、劉延慶等。兩次攻燕。皆爲遼所敗。貫密遣使如金。求如約夾攻。金知宋無能爲。遂引兵自居庸關入。克燕京。

初。朝廷與金約。但求石晉略契丹故地。而不及營、平、滹、三州。營平二州後唐莊宗明宗時爲契丹所陷。滹州石晉時契丹以俘戶置。既而欲并得

之。遣趙良嗣往求。金不可。且責宋出兵失期。詔許於歲幣四十萬外。更歲加燕京代稅錢一百萬緡。並置榷場互市。金人求糧。許以二十萬石。始以燕京及涿、易、檀、順、景、薊六州及武。遼置治神武縣。朔、二州來歸。而營、平、灤及山後

諸州皆不與。盡掠其吏民金帛而東。大兵所得。惟空城而已。

宣和五年。西歷紀元一二三年。金幹喇布襲遼天祚於青塚。王昭君墓在今遼寧化城南。獲其子女族屬從臣。天祚奔西夏。都統蕭

特烈等。以天祚次子梁王雅里走西北部稱帝。未幾卒。復立興宗孫耶律珠爾。尋爲亂兵所殺。是年八月。金

太祖殂。弟烏奇邁立。是爲太宗。聞夏洶護天祚。乃致書於夏。使執送。因割西邊地與之。自是夏遂稱蕃於金。兩

國信使不絕。六年。天祚去夏境。復渡河。謀恢復。戰敗。走党項。次年。至應州。金將洛索獲之以歸。遼亡。時宋徽宗

宣和七年。西曆紀元一二五年也。遼自建國至是。凡九主。二百一十年而亡。於是漠南、漠北。皆入於金。金國

勢強大。始南向侵略中國矣。

金世系表一 女真節度使時代

姓完顏氏自烏古耶始爲遼生女真部號金使傳六世至阿古達遂滅遼稱皇帝國號金

函普 — 烏魯 — 跋海 — 綏可 — 石魯 — (一) 烏古朮

和琢 — 薩拉噶 — 尼瑪哈

(二) 合理博 — (六) 太祖阿古達

(五) 烏雅舒

烏奇邁


舍音 — 博濟

(三) 蒲拉舒

(四) 盈格

第三編 近古史

金世系表二 建國以後。
自太祖始稱帝凡傳十世
一百二十年爲蒙古所滅



第五章 後高麗對宋金之關係

女真之根據地。在今吉、黑二省。及俄領東海濱省南部。其南境直抵朝鮮咸鏡道之東北。與後高麗爲鄰。自成宗以來。時常接觸。有時貢獻方物。有時侵擾邊境。宋神宗元豐五年。後高麗文宗三十六年。西歷紀元一〇八二年。文宗殂。傳子順宗。勳。宣宗運。孫獻宗昱。而至肅宗顥。適值東女真部酋長盈格、烏雅舒、相繼在位。國勢甚張。以高麗爲其祖所自出。頗表示好意。會女真有內亂。發騎兵至定州。今咸鏡南道定平郡。關外。邊將以女真窺邊入奏。朝廷大驚。詔門下侍郎林幹將兵拒之。與女真將石適歡戰。敗績。復遣樞密院使尹瓘擊之。又敗。宋徽宗崇寧四年。西歷紀元一一〇五年。王發憤憂悶而殂。子睿宗俱立。勵精圖治。行考課。求直言。紹述先王遺志。以尹瓘爲元帥。吳延寵副之。發兵十七萬伐女真。大破之。築英。在今咸鏡北道吉州。福。在今咸鏡南道端川郡。雄。在今咸鏡北道吉州。吉。同上。咸。在今咸鏡南道咸興郡。宜。在今咸鏡南道德源府。六州。公嶮。在今吉州西北。通泰。在今吉州南。平。戊。未詳所在。三鎮之城。號爲北界九城。徙南境之民以實之。悉復高句驪舊境。女真糾合諸部。大舉兵來攻。尹瓘等禦之。屢敗。失亡甚衆。九城遼遠難守。調兵轉餉。中外騷然。會女真亦厭兵。宋徽宗大觀三年。西歷紀元一一一三年。遣使臣裊弗來議和。乞返侵地。王許之。遣承宣崔弘正、與女真使臣居慰伊。盟於咸州門外。罷兵修好。盡撤九城守備。移其戰具資糧於內地。以其地還附女真。仍以都連浦之石城爲界。

宋徽宗政和三年。後高麗睿宗八年西歷紀元一一三年烏雅舒卒。弟阿骨打立。屢破遼兵。自稱金帝。國勢日張。王依違於遼金之間。不敢爲左右袒。遼遣使來徵兵伐金。不應。金亦以方有事於遼。不願賈高麗之怨。邊境粗安。王乘隙伐遼。取保州。改爲義州。自此以後。高麗西北境。始以鴨綠江爲界。王知用兵之不易。偃武修文。養老恤孤。興學立教。日與儒臣講習六藝。政治清平。適宋徽宗以大成樂下賜。王遣李資諒入朝致謝。徽宗諭資諒。使代招致金人。資諒極言女真狡猾不可交。王亦因醫師楊宗立還朝之便。極陳金人不宜接近。徽宗不能用。宣和四年。西歷紀元一一二二年睿宗殂。子仁宗楷立。依違於宋金之間。取模稜態度。宋欽宗遣閣門祇候侯章使高麗。命王發兵擊金。王辭以天災流行。府庫焚蕩。不奉詔。徽欽被虜以後。高宗遣刑部尙書楊應誠使高麗。求設法迎援二帝。王遷延不應命。屢遣使往來於金。以事遼之禮事之。邊境久安。國內無事。王優柔寡斷。惑於陰陽禍福之說。寵幸僧人。於是大權下移。內亂踵作。文宗以來之郅治。從此墜矣。

第四期 蒙古族大一統時代

第一章 女真党項之衰微與蒙古之崛起

通古斯蒙古混血族之侵入中國。始於匈奴、東胡。匈奴對中國之國際關係。始於戰國末年。及前趙劉淵、後趙石勒之時。其強盛達於極點。至大夏赫連定、北涼沮渠牧犍之衰亡而中絕。其別部馬加人。乃移入東歐。組織匈牙利王國。東胡對中國之國際關係。始於戰國末年。及後魏、北周、北齊時代。其強盛達於極點。至遼室衰亡而中絕。其遺族耶律達什。乃遷居中亞。建設西遼帝國。匈奴、東胡、相繼西遷。純粹之通古斯民族乃出現。略取黃河流域。建設女真帝國。驅逐漢族於江南。其後金室衰亡。通古斯民族勢力中絕。純粹之蒙古民族始出現於世界矣。由來蒙古民族之根據地。在今貝加爾湖以南。氣候寒冷。空氣乾燥。地多森林。不產五穀。土人爲天然現象所鍛鍊。性質慍悍。體魄強健。尙武好鬪。輕死生。重氣力。游牧爲業。長於騎射。對於中國本部及亞洲南部各國。常示侵略之勢。其始見經傳。在有唐之時。唐史附載於室韋傳中。稱之曰蒙兀室韋。唐書或曰蒙兀部。唐書宋人稱之曰朦骨。契丹事蹟曰萌古。中興錄曰盲骨。松漠紀聞皆同音異譯也。室韋者。唐代黑龍江上流流域民族。

之總稱。唐代之蒙古。居現在外蒙古土謝圖汗部幹兒汗(Orkhan)即今鄂爾渾河流域。附屬於室韋。有宋時代。移居不兒罕(Borkhan)山麓。其地爲土拉(Tola)河即今圖拉河。幹難(Onou)即今鄂嫩河。怯綠連(Kerulen)河。即今克魯倫河。三川發源地。水草較爲豐富。宜於牧畜。部族漸強。金室勃興以後。時常與金衝突。顧以部落散亂。無統一之能力。仍爲金所羈縻。南宋中葉以後。金室溺於漢化。武力漸衰。適值蒙古偉人成吉思汗降生。統一本族諸部。略取內外蒙古。驅逐金人於中國內地。於是通古斯民族之勢力驟衰。蒙古民族之勢力乃蒸蒸日上矣。茲述其事蹟如左。

第一節 成吉思汗之家世

成吉思汗(Tchinguiz-Khan)者。姓卻特。舊作奇握溫。名特穆津(Temoutchin)舊作鐵木真。世爲蒙古部酋長。唐末。其十世祖托本默爾根(Daguboun-Bayan)始徙居布勒哈爾台。即不兒罕山麓在今外蒙古賽音諾顏部之哈喇和林東北百餘里。生勃端察爾(Baudantchar)舊作孛端父兒。後裔蕃衍。各自爲部。居烏桓之北。與衛拉特舊作畏羅。奈曼(Naiman)舊作乃蠻。九姓回鶻故城和林接壤。世奉貢遼金。而總隸於韃靼。七傳至哈不勒(Caboul-khan)遂轄蒙古全部。始有汗號。金熙宗天會十三年。宋高宗紹興五年。遣萬戶呼沙呼舊作胡沙虎伐之。不能克。久之。呼沙呼糧盡。引還。蒙古追襲。大敗諸海嶺。皇統七年。宋紹興十七年。哈不勒子忽都刺(Cobilai)稱可汗。勢益彊。與金叛臣達賚舊作達懶。餘黨相應。援入金界。敗其兵。大掠而歸。金都元帥烏珠討之。連年不能克。乃與議和。割西平河即臘胸河今克魯倫河。下游北二十七團寨。

與之。歲遺甚厚。且冊爲蒙輔國王。忽都刺不受。傳至伊蘇克依。(Ajissougai Bahadour) 哈不勒孫成吉思汗父舊作也速該併合諸部。勢愈盛。生特穆津。後爲塔塔爾部所斃。特穆津生十三年而孤。育於其母諤楞。(Ouloun Elke) 舊作月倫之手。居幹難。怯綠連。兩河間地。部衆多棄之而歸於其族人泰楚特。(Tajuts) 舊作赤烏。屢瀕危幸免。久之附者稍衆。

第二節 蒙古勃興以前四圍諸國之形勢

當是時。蒙古四鄰皆敵國。其東居北大山。今大興安嶺北。有塔塔爾部。(Tatars) 即韃靼其北傍菊海。今貝加爾湖東南。有泰楚特部。其西瀕薛靈哥水。(Selanga River) 今色楞格河有默爾奇斯。(Merkits) 舊作蔑里乞等部。其南有克喀。(Kerats) 舊作克烈部。塔塔爾之東偏負山。有翁吉喇特部。其西南北界大漠。南傳長城。有汪古部。(Onguts)泰楚特之西。菊海西岸。有衛拉特部。皆韃靼種人。與蒙古同族。泰楚特迤北。菊海東岸。有土默特。(Tounotes)等部。默爾奇斯之南。克喀之西。北負按臺山。今阿爾泰山南襟沙漠。有奈曼部。爲西面之強鄰。其南踰大漠。有唐兀國。即西夏一衛拉特之西。烏斯水。今葉尼塞河上游有烏斯。撼合納。等部。奈曼之北。謙河。(Ken River) 今葉尼塞河兩岸。有奇爾濟蘇部。(Kirgises) 即唐點夏斯今哈薩克人猶稱之爲乞兒吉思其南有輝和爾。(Uigur) 即回鶻國。哈刺魯。(Karluk) 即葛羅祿部。奇爾濟蘇之北。直昂哥拉河。(Angoras River)與謙河合流處。有昂哥拉部。更西瀕雅爾達實河。(Irisk River) 今額爾齊斯河有失必兒部。(Sibers) 即鮮卑今西伯利亞得名始此哈刺魯之西。有西遼帝國。失必兒之西。

有不里阿耳。在今俄屬喀馬河其西南有康里(Cancalis)今鹹海北及等部。西遼之西有西域國。即花刺不
Kame River 濱里阿耳之西有俄羅斯國。今俄屬大俄康里之西有奇卜察克(Kiptchaks)今裏海黑及阿速(Aces)亞今
小俄等部速海等部。西域之西徧有木刺夷(Mulahida)今裏海南報達(Bagdad)今東土耳其等國。俄羅斯之西。
岸波斯境有孛烈兒。即波蘭馬札兒(Magyars)今奧屬二國。木刺夷之南有乞里灣(Kernar)即克報達之南有天方。
今阿刺伯其西有密昔爾(Misir)今埃及等國。概與蒙古異族。是爲當時亞洲及歐洲東部非洲東北部形
麥地那勢。

第三節 蒙古內部之統一

韃靼諸部中。惟泰楚特地廣兵強。乘蒙古主少國危之際。糾合諸部兵三萬來攻。特穆津率部下兵。分爲十三
 翼。擊敗之。因厚結其下使附己。泰楚特部人多叛歸之。會塔塔爾部叛金。特穆津帥衆會金師滅之。以功授察
 袞圖魯。舊作察兀禿魯猶中國招討使

是時克埒部酋長王汗。舊作汪罕暴虐。多殺戮昆弟。其弟額爾克哈喇。以奈曼兵擊之。王汗走蒙古。王汗故嘗與伊
 蘇克依友善。特穆津事以父禮。深相結。先後合兵攻同族月兒斤部。與默爾奇斯部酋長托克托。奈曼北部酋
 長博囉汗。及泰楚特部餘衆。皆克之。翁吉喇特等部聞之懼。共立札木喀(Djamouca)札只刺特爲古
 兒。普也汗。潛師來襲。特穆津逆擊。大破之。翁吉喇特部降。博囉汗復糾衆來侵。特穆津與王汗合兵擊敗之。已而

王汗與特穆津交惡。乘間來襲。特穆津以寡敵衆。擊退之。復遣使詐降。因襲破其兵。王汗走死。奈曼南部酋長迪延汗。又糾合諸部來攻。特穆津大破之。殺迪延汗。先後收滅各部族。遂以宋寧宗開禧二年。西歷紀元一大會諸部長於幹難河源。建九旂白旗。自號爲成吉思汗。時年五十二歲。是爲元太祖。尋起兵征奈曼餘衆。殺博囉汗。迪延汗子庫楚類汗。(Guchuluk) 舊作屈出律及托克托奔雅爾達實河。特穆津追殺托克托。庫楚類汗西奔西遼。奇爾濟蘇、衛拉特、失必兒等部。及輝和爾國、哈喇魯部。皆先後來降。托克托諸子將奔輝和爾。其酋拒戰而逐之。乃西遁。於是按臺山陬地咸入蒙古。始南向經略中國矣。

第四節 党項之漢化

是時西夏雜居中國已久。立學校。開科舉。逐漸漢化。國勢寢衰。崇宗晚年。屢與南宋期會。約夾攻金。不克。卒稱臣於金以求免禍。宋高宗紹興九年。西歷紀元一三九九年崇宗殂。子仁孝立。是爲仁宗。受金人冊命。不復通使於宋。在位五十二年。以宋光宗紹熙四年。西歷紀元一一三三年殂。子純祐立。是爲桓宗。在位十二年。其從弟安全弑之而自立。是爲襄宗。宋寧宗開禧元年。西歷紀元一一〇五年成吉思汗以兵來侵。大掠而還。嘉定二年。復以兵來侵。入靈州。襄宗納女請降。西夏自是益衰。夷爲蒙古屬國。嘉定四年。西歷紀元一一一一年襄宗殂。從子遵項立。是爲神宗。

第五節 女真之漢化

西夏既降。中國西部已無敵國。蒙古兵乃轉鋒東下。侵略金室領土。金自太宗在位。屢次大舉南下。侵略宋室

領土盡取黃河流域。宋人奔避於江南。稱姪納貢以求自保。宋高宗紹興五年。西歷紀元一三五年太宗殂。兄之孫亶

西歷紀元
一三五年

太宗殂。兄之孫亶

立是爲熙宗。任用宗室尼瑪哈、幹布、烏珠等爲將相。屢次侵宋。互有勝負。雖國家多故。而吏清政簡。百姓樂業。

紹興十一年。宋與金和。劃淮水及秦嶺山脈爲界。以伯父之禮事金。稱臣納貢。歲幣銀二十五萬兩。絹二十五

萬匹。金於境內建五京。上京會寧府、東京大寧府、南京大興府、遼陽府、西京大同府。置十四總管府。凡十九路。上都、南京、河北京、平東京、北京、西京、山東、河北、遼陽、金州、大寧、大興、南京、東京、平定、大同、西京、上都。

陽上
府京
西會
京寧
大府
同中
府京
南大
京定
大府
興東
府京

置十四總管府。凡十九路。

上京咸平東京北京西京
中都南京河北東北西京山東

東大河南東北南京
西名河東北南
鳳翔鄜延慶原臨洮
於是金之疆域。東至於海。西抵賀蘭。南距淮水及秦嶺。北逾沙漠。幅隕之廣逾於宋。

東鳳翔延慶原臨洮
西大名河東北南京

於是金之疆域。東至於海。西抵賀蘭。南距淮水及秦嶺。北逾沙漠。幅隕之廣。逾於宋。

已而尼瑪哈、幹布、烏珠相繼卒。皇后費摩舊作斐滿氏干政。熙宗爲后所制，內不能平，因縱酒自遣。醉後往往殺人。

悲舊
滿作

氏干政。熙宗爲后所制。內不能平。因縱酒自遣。醉後往往殺人。

大臣人人自危。紹興十九年。西歷一四九一年其從弟亮弑之而自立。是爲廢帝。亮淫虐凶暴。遠在熙宗以上。卽位

西歷紀元一
四九一

其從弟亮弑之而自立。是爲廢帝。亮淫虐凶暴。遠在熙宗以上。卽位

之次年。殺太宗子孫七十餘人。尼瑪哈子孫三十餘人。諸宗室五十餘人。太宗及尼瑪哈後皆絕。復殺舍音子

博濟。及其族百數十人。並殺左副元帥薩里干舊作撒離喝撒等。夷其族。老臣舊將。一時俱盡。復納其叔母阿蘭舊作懶

舊作撒
離喝

等。夷其族。老臣舊將。一時俱盡。復納其叔母阿蘭阿舊懶作

阿舊
懶作

及諸宗婦於宮。紹興二十三年。遷都於燕。改燕京爲中都大興府。以汴京爲南京。削上京之名。只稱會寧府。又

改中京大定府爲北京。而東京遼陽府、西京大同府、如故。尋復納其諸從姊妹於宮。分屬諸妃位下。紹興三十

西歷紀元一
一六一年
大殺宋遼宗室之在其國者。趙氏、耶律氏、死者凡百三十餘人。遂謀大舉入寇。其太后圖克

西歷紀元一
一六一年

大殺宋遼宗室之在其國者。趙氏、耶律氏死者凡百三十餘人。遂謀大舉入寇。其太后圖克

坦氏固諫。亮怒。弑之。自將兵六十萬侵淮南。朝廷以老將劉錡爲江淮浙西制置使。節制諸路軍馬。屯揚州以

備金。都統制王權違錡節制。潰於昭關。亮遂入廬州。進破揚州。劉錡病篤。還屯鎮江。於是兩淮皆失。亮自將大

軍進破和州。臨采石。欲渡江。會參贊軍事中書舍人虞允文。奉命犒師。收權散兵。拒戰於采石。大破金兵。亮東趨揚州。途中聞宗室東京留守曹國公烏嚕已自立於遼陽。諸將耶律元宜。唐古烏延等共弑亮。引餘衆北還。烏嚕卽位。更名雍。是爲世宗。

世宗恭儉仁慈。其人格與南宋之孝宗相等。卽位後之第五年。南北講和。與民休息。羣臣守職。上下相安。家給人足。倉廩有餘。國人號稱小堯舜。在位二十九年。以宋孝宗淳熙十六年西歷紀元一八八九年。太子允恭先卒。孫原王璟立。是爲章宗。

是時金室承平日久。逐漸漢化。國勢寢衰。世宗深憂之。卽位後之第十一年。諭太子曰。「吾兒爲儲貳。朕當措天下。無復有經營之事。但無忘祖宗純厚之風。以勤修道德爲孝。明信賞罰爲治而已。」十三年。復謂宰臣曰。「會寧乃國家興王之地。自海陵遷都永安。女真人寢忘舊風。朕時常見女真風俗。迄今不忘。今之燕飲音樂。皆習漢風。蓋以備禮也。非朕心所好。東宮不知女真風俗。第以朕故。猶尙存之。恐異時一變此風。非長久之計。甚欲一至會寧。使子孫得見舊俗。庶幾習效之。」云云。後復禁女真人譯爲漢姓。世宗常御睿思殿。命歌者歌女真詞。顧謂太子諸王曰。「朕思先朝所行之事。未嘗暫忘。故時聽此詞。亦欲令汝輩知之。汝輩自幼惟習漢人風俗。不知女真純實。至文字語言。或不通曉。是忘本也。自今當體朕意。」云云。章宗承安八年。復勅女真人不得改爲漢姓。學南人裝束。其拳拳以保守舊風爲念如此。可謂思深慮遠矣。顧天演淘汰之公理。優者勝而

劣者敗。凡文化程度較低之民族。與文化程度較高之民族雜居時。例被同化。絕非政府強制之力。所能禁止。女真之文化程度。遠在漢族以下。自不能逃此公例。茲將女真被同化之點。列舉如左。以供參考。

一、女真文學之創造與漢文學之發達。女真舊無文字。及太祖起兵。獲契丹人及漢人。始通契丹字及漢字。太祖天輔三年。宋徽宗宣和元年。命固新依仿漢字楷書。因契丹字制度。合本國語。製女真字行之。號爲女真大字。後復製女真小字。世宗時代。創設國語學校。以女真文譯論語、孟子、五經、孝經、揚子、文中子、唐書等書。政府慣例。凡學士大夫。必須通女真文字。顧女真文字之流行。限於上流社會一階級。不能普及於一般國民。漢文之勢力範圍日益擴張。女真文字之勢力範圍日益縮小。官吏登庸之法。純以漢文爲標準。君主亦多從事於漢學。其中若熙宗善讀論語、書經、及五代史。廢帝亮及世宗、章宗、俱好詩。世宗在位時代。常賞牡丹於燕京。皇族以詩唱和者凡十五人。章宗在位時代。學士院以唐杜甫、李白、韓愈、劉禹錫、杜牧、宋歐陽修、三蘇、王安石等之集二十六部。獻之朝廷。帝大喜。勅有司購求遺書。極力提倡漢學。當時文人學士。若党懷英、趙秉文、元好問等。皆極一時之選。現今所存金人之著作。若全金詩、與金文最等。其文字之光華流麗。實足代表有金一代漢文學發達之狀況。可謂盛矣。

二、戶口之減少與武力之衰退。由來文學之發達。與武力之發達。不能成爲正比例。學術思想既日益進步。尙武之風自日益退步。兵力之減少。亦金室亡國一最大原因也。初、女真部民皆無徭役。壯者悉爲兵丁。平

居則漁畝射獵。有警則下諸部徵之。凡步騎之仗糗皆自備。其部長曰貝剌。行兵則稱明安。舊作穆昆。謀克明安猶千夫長。穆昆猶百夫長也。太祖之時。以三百戶爲一穆昆。十穆昆爲一明安。凡以衆附者。率以穆昆明安之名授之。其組織略與前清八旗之都統、參領、佐領相似。其後太宗熙宗相繼在位。略取河北、河東、陝西、河南諸路。猶慮士民懷貳。乃於熙宗天眷三年。宋紹興十年創屯田軍。凡女真及奚契丹降人。皆自本部徙居中州。計其戶口。授以官田。使自播種。春秋量給其衣。若遇出師。始給錢米。凡屯田之所。自燕南至淮隴之北皆有之。築壘於村落間。與漢人雜處。後復集女真族於各地。築城以居。其組織略與前清各省之駐防旗相似。其後屯田之人。逐漸漢化。習於怠惰。傭漢人爲農奴以耕。遊手好閒。無所事事。生活逐漸困難。乃賣卻不動產。轉移四方。於是明安穆昆戶口之數。逐漸減少。據世宗大定二十三年統計表。凡明安二百零二。穆昆一千八百七十八。戶六十一萬五千六百二十四。口六百一十五萬八千六百三十六。所墾之田。共一百六十九萬零三百八十頃。是爲金室全盛時代之明安穆昆戶口總數。其後蒙古南下。金勢日衰。宣宗之時。以一百二十五人爲一明安。三十人爲一穆昆。哀宗之時。以百人爲一明安。二十五人爲一穆昆。其戶口削減之甚可知矣。

三、財政之紊亂 戶口之削減。既足爲金室致命傷矣。而財政之紊亂。亦日甚一日焉。金室之初興也。行物力推排法。調查人民財產之多寡。因貧富以定賦稅之等差。大致與王安石之手實法相似。又名通檢。太宗入

中原以後。四十年不復調查。廢帝亮南侵之時。徵發忽起。始知當時人民富力與賦稅大相懸絕。世宗卽位。遣使臣二十六人巡視各地。重行推排。其後司財政者不得其人。弊竇叢起。欲以輕減人民之負擔。而負擔乃愈重。章宗晚年。與南宋構兵。雖戰勝攻取。而兵力財力俱困弊。

章宗在位十九年。以宋寧宗嘉定元年西歷紀元一〇八〇年。一殂。叔父衛王永濟立。是爲衛紹王。永濟柔弱鮮智能。章宗無子。疎忌宗室。故立之。有詔至蒙古。傳言當拜受。成吉思汗問新君爲誰。使者曰。「衛王也。」汗遽南面唾曰。「我謂中原皇帝是天上人做。此等庸懦亦爲之耶。何以拜爲。」卽乘馬北去。金使還言。永濟怒。欲俟蒙古入貢。就害之。成吉思汗知之。遂與金絕。益嚴兵爲備。

第六節 成吉思汗之南侵與金室西北州郡之淪沒

是時蒙古內部統一已久。成吉思汗乃整理內政。設驛遞之制。以便交通。嚴盜賊之罰。凡盜馬及駱駝者處以死刑。盜小物者賠償三倍。以保護社會秩序。蒙古人好酒。醉後必鬪。汗乃限制飲酒。每月只許飲三次。以保護治安。蒙古人以獸爲糧。然盡數取之。仁者不爲。且後難爲繼。汗乃加以限制。每年自三月至十月。禁止射獵。以保護野生動物。有大事則開庫魯泰會議。萬機決於公論。於是法嚴分行。人知自勵。

內政既整理。乃議經略外國。宋寧宗嘉定三年。金廢帝永濟大安二年。蒙古太祖五年。遂率師侵金。先是金於邊外築長城。自黃河源迄東海。遣汪古部一軍守其衝。至是汪古部降於蒙古。導蒙古兵入險。金外險盡失。西北諸州皆陷。金主

永濟遣招討使完顏糾堅 (Ouanien Kioukien)

舊作九斤

監軍完顏鄂諾勒 (Ouanien Ouannou)

舊作萬奴等

率師四十萬拒戰於野狐嶺。

在今萬全縣東北勢極高。唼雁飛過此遇風輒墮。

敗績。名將精兵死者甚衆。蒙古乘勝遂克居庸關、紫荆

關及古北口。萬里長城之內險亦失。西京及太行山左右諸州郡皆陷。中都日危。金主永濟起西京敗將赫舍

哩呼沙呼 (Hescheri Tsianganou)

舊作紇石烈忽糾虎

爲右副元帥以拒之。

嘉定六年。

西歷紀元一三一三年

呼沙呼作亂。弑永濟而立章宗之兄昇王珣。是爲宣宗。自爲太師、尙書令、都元帥。專國

政。蒙古兵進至懷來。大破金元帥右監軍珠赫喀高琪 (Tehouhou-Kaoki)

舊作朮虎高琪

兵。高琪懼罪還殺呼沙

呼。宣宗以高琪爲左副元帥。蒙古兵進圍中都。分兵侵略河北河東州郡。時中原諸路之兵皆僉往山後防遏。

蒙古盡驅其家屬來攻。父子兄弟往往遙呼相認。由是人無固志。所至皆下。凡破金九十餘郡。兩河山東數千

里人民殺戮幾盡。金帛子女牛馬羊畜皆席卷以去。屋廬焚毀。城郭丘墟。

是年故遼宗室耶律留格。

舊作留哥

起兵龍安。

即黃龍府

大破金兵。取金遼東州郡。自立爲遼王。都咸平。

故城在今遼寧鐵嶺縣

尋遣使降蒙古。蒙古以爲元帥。使居廣寧。蒙古大將穆呼哩 (Moucouli)

舊作木華黎 攻金北京。破之。盡取遼西州郡。

於是遼河流域皆陷。成吉思汗還自山東。屯中都城北。金宣宗遣使請和。以廢帝永濟女及金帛童男女各五

百馬三千與之。蒙古兵引還。出居庸關。收所虜山東兩河少壯男女數十萬。皆殺之。中原之民靡有子遺矣。

金宣宗旣與蒙古和。以兵弱財匱不能守中都。乃議遷都汴。成吉思汗聞之。怒曰。旣和而遷。是有疑心而不

釋憾。特以議和爲款我之計耳。」復圖南侵。會金護衛虬軍作亂。乞降於蒙古。成吉思汗遣兵援之。與合兵圍中都。留守完顏承暉(Ouanien Tchín-Kaei)自殺。遂破中都。吏民死者甚衆。宮室爲亂兵所焚。火月餘不滅。金祖宗神御及諸妃嬪皆沒於蒙古。成吉思汗駐軍魚兒灤(Yourli)在今察哈爾興和縣西遣別將僧格巴圖舊作三哥帥萬騎。自開道趨潼關。不能下。遂襲汴京。距城二十里而還。會聞奈曼庫楚類汗取西遼。將與默爾奇斯部餘衆聯合。乘釁東窺。乃悉以金事付穆呼哩。拜太師國王。總統諸軍。承制行事。經略太行以南。而自將諸軍西上。經略中央亞細亞。

第二章 蒙古西征以前大食帝國形勢之變化

隋唐之交。東亞之漢族。與西亞之閃族。(Semitic Races)各產出一大帝國。分據東西兩洋。成對立之形勢。唐室自太宗高宗逝世。內亂踵作。國勢寢衰。及安祿山亂後。遂一蹶不振。四圍領土。皆屬他人。退守中國本部一隅。保有古來殘局。薩拉森帝國。亦自阿卜伯克(Abu-bekr)殂後。國內漸分黨派。競爭權利。互相傾軋。至奧瑪耶(Omayya)朝末年。遂爆發而不可收拾。東西分裂。成爲數國。時常構兵。東方之突厥遺族。西方之哥德遺族。乘之蠶食帝國邊境。領土逐漸縮小。主權入於外人之手。教祖子孫。僅擁哈利發之虛號。爲他人傀儡。陵

夷以至於亡。亦可慨也。由來回教特色。同化力弱。排外力強。長於壓制。而短於撫馭。對於被征服之異教徒。不強之以必宗回教。亦不與以參政權。及服兵役之義務。被征服者對於政府。除去納稅以外。無特別關係。愛國心自然薄弱。回教之真精神。限於上流社會。不能普及於一般國民。薩拉森帝國勢力範圍日益擴張。上流社會之人。愈不敷分配。以少數之回教徒。制服大多數之異教徒。國基自然薄弱。加以教祖沒後。宗派漸分。同出一師。各明一義。其始不過學術方面之競爭。繼則變為政治方面之傾軋。學術競爭。則人才輩出。政治傾軋。則國家危亡。由學術而移及國家。以排斥異教徒之排外力。排斥異宗派。所謂其父報仇殺人。其子必至行刦。貽謀之不善。固亦教祖所不及料也。茲述其事蹟如左。

第一節 穆罕默德正統之盛衰

先是教祖穆罕默德殂後。無子。宗室阿力 (Ali) 尙穆罕默德公主法提瑪 (Fatima) 以館甥資格。謀為相續人。教祖岳父宗室阿布伯克以忠厚重望。為大眾所推而得之。非其始願之所及也。阿布伯克即位後。纂修可蘭經。加以歷來父老之口傳。修正教旨。名曰素尼 (Souna) 贊成修正之教旨者。尊哈利發為教主之正統。稱素尼派。反對者尊阿力為教祖之嫡系。稱十葉派 (Sheeah) 回教分派之源。起於此時。現在波斯為十葉派。土耳其為素尼派。阿布伯克在位僅二年而殂。宗室文瑪爾 (Omar) 被選即位。是為第二代哈利發。六三四至六四〇年。西歷紀元六三五年。唐太宗貞觀九年。遣兵攻東羅馬。征服西里亞巴勒斯坦腓尼西亞等地。蠶食東羅馬東境。六三三年。遣將加雷德

(Kaled) 擊波斯。略取歐夫拉底士河外地。六三六年。別將沙達易布阿必瓦喀(Sâad, Ibu, Abi, Wakas) 復率師擊波斯。大破其兵於加迭西亞。(Cadesia) 次年。破喀塔西方。(Ktesiphon) 盡收美索不達米亞地。國王伊嗣俟(Isdigerd or Yezdegard) 東走。六四一年。唐太宗貞觀十五年復大舉西向圖恢復。戰於尼哈文(Nehawend) 敗績。波斯遂亡。伊蘭高原皆爲薩拉森帝國所有。

是年。西征大將亞姆盧(Amrrou or Amroo) 破埃及。略取尼羅河流域。於是薩拉森帝國領土。東至伊蘭高原。西抵非洲東北岸。文瑪爾自奉甚儉。飲冷水。食大麥麵包。衣服檻褸。等於乞丐。自稱 Emir-al-mummenin 信徒之君 爾後代代之哈利發。皆以此爲稱號。信義也

文瑪爾在位十年。殂。教祖之祕書宗室鄂斯曼(Othman or Osman) 被選卽位。是爲第三代哈利發。四至六五

六五 紹教祖遺志。遣兵西伐。征服非洲北部。略取羅得(Rhodos) 島。

鄂斯曼優柔寡斷。在位十二年。爲反對黨所弑。教祖之女塔阿力被選卽位。是爲第四代哈利發。六五至六六一 宗

室摩亞威耶(Muawiyah or Moawiyah, Merwân) 者。教祖從叔祖奧瑪耶之曾孫。時爲敘里亞總督。以復先帝之仇爲名。舉兵作亂。六六一年。使刺客弑阿力而自立。徙都於敘里亞首府大馬色(Damascus) 稱奧瑪耶(Omayya or Omoniah) 朝。六六一至七四九 是爲奧瑪耶朝始祖。穆罕默德正統從此遂絕。

第二節 奧瑪耶朝之興亡

自是以後。摩亞威耶子孫。君臨大馬色者垂百年。紹教祖遺志。出兵征伐四方。東取花刺子模。(Khwarism or Khorism) 布哈拉(Bukhara or Bokhara) 撒馬爾罕(Samarkand) 侵略印度河流域。其勇將庫提拔(Katibau) 侵入天山南路。略取唐室領土。以乏水草故。引還。西圍君士坦丁都城。蠶食東羅馬領土。略取非洲北岸全部。直抵大西洋濱。復北越直布羅陀海峽。滅西哥德王國。略取伊比里(Iberian) 半島。於是薩拉森帝國領土。東抵葱嶺。與唐室接境。西抵大西洋。越海抵法國南境之羅亞爾(Ioire) 河。與法蘭克王國接境。幅隕之廣。在羅馬全盛時代以上。東與唐室交通。西壓歐洲諸國。國勢強大。爲當時第一。顧國內黨派分立。日事傾軋。朝政逐漸腐敗。至十一代哈利發梅爾萬(Marwān or Merwān) 在位之時。各派教徒。擁戴宗室。大起衝突。薩拉森帝國遂瓦解矣。

第三節 阿拔斯(Abbas)朝之隆盛

初阿力之被弑也。其子孫避難。東奔波斯。熱心傳教。士人以其爲教祖嫡系。多信仰之。創立法提瑪派。色尙綠。奧瑪耶朝極力撲滅之。不克。教祖之叔父阿拔斯子孫。亦與奧瑪耶朝有隙。遂自立爲一宗派。弘布於哥刺森(Khorasan) 附近。稱阿拔斯派。色尙黑。奧瑪耶朝直系宗派盛行於敘里亞。色尙白。伊斯蘭(Islam) 教分而爲三。互相傾軋。阿伯派與法提瑪派連合。抵抗奧瑪耶派。西曆紀元七百五十年。唐玄宗天寶九年 奉阿拔斯之玄孫阿蒲羅拔(Abul Abbas or Abdullah) 爲主。舉兵作亂。擊破奧瑪耶朝兵。破大馬色。奧瑪耶朝最後之哈

利發梅爾萬走死埃及。阿蒲羅拔自立爲哈利發。是爲阿拔斯朝始祖。中國稱之曰黑衣大食。

阿蒲羅拔在位五年。七五〇至七五四年以唐玄宗天寶十三年殂。庶兄阿蒲恭拂 (Al-Mansur) 卽位。賢明好學。七

五六年。建新都於底格里十河西岸。定名曰報達。其地當東西要衝。爲交通孔路。唐肅宗至德中。遣使通好於

唐。發兵助平安史之亂。在位二十年。七五四至七七四年以唐代宗大歷九年殂。三傳而至訶論王 (Haroun-al-Ras-

chid or Rashid) 文化大興。唐德宗貞元年間。大發兵東攻吐蕃。以故吐蕃不得專力攻唐。訶論王在位二

十一年。七八六至八〇七年以唐憲宗元和二年殂。再傳而至阿爾買蒙 (Al-Mamun) 訶論第二子 紹曾祖父之志。獎勵科

學。搜集希臘諸大家遺書。譯爲阿剌伯文字。以供國人研究。於是星學、數學、醫學、地理學、同時發達。史學亦萌

芽。阿拔斯朝建國以後七十年。爲薩拉森東帝國極盛時代。壟斷世界商權。東自中國、印度、馬來半島、及南洋

羣島。西至非洲北岸之伊夫里基加 (Ifrikia) 今法領突尼斯附近 北自亞特 (Atel) 河。現在俄國境內之窩瓦河 南至非洲東岸

之桑給巴爾 (Zangibar) 今英領 全世界之貨物。皆薈萃於報達。商賈雲集。市內交通機關。異常發達。運河橋梁。

星羅棋布。樓閣觀宇。密如櫛比。繁盛甲於天下。與上古之亞歷山大港、君士坦丁城、相伯仲。裏海、地中海、紅海、

阿剌伯海、印度洋、及中國之南海。無處不有薩拉森東帝國商船出沒。報達一府。實爲東西學術之淵藪。商工

業之中心點云。

自訶論王以來。代代獎勵學術。學術日益發達。人民多流於文弱。阿剌伯固有尙武之精神漸失。阿爾買蒙在

位二十年^{八三三}至^三以唐文宗太和七年殂。弟蒙塔新 (Montassim or al Mutassim) 卽位。國勢漸衰。東方諸省多叛。蒙塔新慮本國兵不足恃。乃募突厥人爲奴僕。訓練成禁衛軍。自後歷代君主。皆倚禁衛軍爲左右手。漸成尾大不掉之勢。君主廢立。多出其手。政權爲軍人所左右。哈利發惟唯諾仰成而已。

第四節 奧瑪耶朝之西遷與法提瑪朝之隆盛


初、阿拔斯朝之勃興也。逮捕奧瑪耶派教徒。誅戮甚慘。發先朝陵寢。殲戮其子孫。奧瑪耶朝宗室阿布達拉曼 (abd-el-Rahman or abderrahman) 出奔埃及。輾轉西下。遂航海至西班牙。西班牙教徒不願受阿拔斯朝統治。乃奉戴阿布達拉曼爲哈利發。誅鋤反對黨。統一境內。七五五年^{唐玄宗寶十四年}定都於哥爾多華 (Cordova) 是爲薩拉森西帝國之始祖。中國稱之曰白衣大食。其後經過黑沙母 (Hisham) 一世、阿布達拉曼二世、阿爾哈克母 (Al-Hakem) 一世、阿布達拉曼三世等。歷代皆英主。平定內憂外患。國勢日張。阿拔斯朝屢遣兵擊之。不克。

阿力之後裔母依斯 (Muiz) 亦不滿意於阿拔斯朝。乃憑藉非洲北岸爲根據地。經略埃及等地。九六九年^{宋太祖開寶二年}創立法提瑪朝。建新都於尼羅河畔。名曰開喜拉 (Al-Kahira) ^{今埃及都城改羅}自立爲哈利發。是爲薩拉森南帝國。與東西南兩帝國成鼎足對立之局。法提瑪朝後起最強。屢遣兵北上。侵略敘里亞。與東帝國構兵。復獎勵學術。都城之圖書館藏書至十萬卷。西帝國之奧瑪耶朝亦獎勵學術。國有圖書至六十萬卷。著述家

至三百餘人。西曆八世紀以後。東帝國衰微。中央政權。入於突厥人之手。西帝國兵威猶盛。屢遣兵東上。經略地中海沿岸。略取干地亞西西里等島爲屬地。東帝國集全力以防禦西方。東方之政治勢力範圍漸不振。哥刺森、烏許、(Oxiana)等省。陸續背叛。突厥遺族乘之。侵入帝國內地。哈利發之主權。逐漸入於蘇丹(Sultan)之手。薩拉森東帝國。事實上遂已滅矣。


Ommeyade Caliphs of Damascus

Merwân 1. 64, A.H.=684,, A.C.



阿母河流域地方。與突厥民族有特別關係。兩漢時代之大月氏王國。南北朝時代之嚙唎王國。皆起於此地。

第三章 蒙古西征以前中亞及波斯諸國形勢之變化



隋唐之交。突厥帝國勃興。併吞嚙噠。其疆域東至黑龍江濱。西抵鹹海東岸。南至萬里長城及阿母河。北抵貝加爾湖。幅隕之廣。爲當時亞洲諸國最。唐室勃興以後。突厥衰亡。其遺族回紇。猶據有外蒙古。與唐室南北對峙。唐室中葉以後。回紇爲黠戛斯所滅。其遺族南走。分據甘肅西部及新疆東部。有宋勃興以後。葱嶺以東天山南北路等地。猶爲回紇所據。葱嶺以西俄領土爾其斯坦。及阿富汗。俾路芝。波斯。美索不達米亞等地。亦遂漸移入突厥遺族伽色尼 (Ghazni) 塞爾柱 (Seljucks) 兩王朝之手。突厥民族之勢力驟張。薩拉森東帝國之威靈。掃地盡矣。

第一節 泰黑耳 (Taher) 蘇法爾 (Soffar) 薩曼拿 (Samana) 及布耶 (Buya) 王朝之迭興與東大食帝國之瓦解

先是大食既滅波斯。益拓地而東。分設長官。轄治各地。薩拉森東帝國中葉以後。主權日替。東方諸侯。弱肉強食。建邦啓土。與中央政府對峙。方唐室衰微。河北方鎮。呈割據形勢之時。大食東方藩鎮。亦呈割據之形勢。東西兩大帝國。末路情形。歸於一致。儻使古人有知。安得不同病相憐也。茲述其事蹟如左。

先是阿爾買蒙即位之次年。唐憲宗元和九年西歷紀元八一四年將軍泰黑耳據波斯東部以叛。篡都哥刺森。在裏海東南今波斯東北境稱泰黑耳王朝。是爲波斯復立國之始。八六八年。唐懿宗咸通九年錫司丹 (Seistan) 流寇耶古布伊布來特 (Yakub Ibu Reith) 起兵破哥刺森。滅泰黑耳王朝。西攻波斯。威壓薩拉森東帝國。創立蘇法爾王朝。耶古布殂。

弟亞姆耳 (Amr) 立。國勢益張。九零一年。唐昭宗天復元年亞姆耳殂。國勢寢衰。尋爲薩曼拿王朝所滅。薩曼拿王朝之始祖。爲伊士邁 (Ismail) 本波斯豪族薩曼拿之曾孫。初起於烏忸河 (Oxus River)。今阿母河外。莫都布哈拉。利用尊攘政策。與薩拉森東帝國聯合。夾攻蘇法爾。滅之。併吞哥刺森及波斯。創立王國。九二七年。後唐明宗天成二年部將裏海 (Kaspi) 省總督壇布士 (Kabus) 復據地自立。尋傳位於其子布耶。是爲布耶王朝。於是波斯復分爲二。尋薩曼拿朝藩臣亞爾波泰金 (Alptagin) 作亂。略取現今阿富汗及印度。建立王國。是爲突厥民族復興之始。

第二節 伽色尼 (Ghazni) 王朝之興亡

亞爾波泰金者。本突厥遺族。爲薩曼拿王室第五代君主阿布都米里克 (Abdul Merik) 家奴有功。漸擢至哥刺森總督。九六一年。宋太祖建隆二年阿布都米里克殂。亞爾波泰金與嗣王有隙。率所部東南下。走蘇里曼 (Suliman) 山。止於伽色尼城。即今阿富汗屬之喀斯那略取波斯東部。自立爲國。是爲伽色尼王朝始祖。九七六年。宋太宗太平興國元年亞爾波泰金殂。子伊薩克 (Isaac) 卽位。在位僅二年而殂。無子。妹婿蘇布克提金 (Subuktigin) 卽位。蘇布克提金者。自稱波斯王室後裔。舊爲亞爾波泰金家奴。屢征印度有功。漸擢至大將。尙公主。卽位以後。復連年征印度。克堪達哈爾 (Kandahar) 城。略取奔札比 (Punjab) 克什米爾 (Kashmir) 等地。九九七年。宋太宗至道二年蘇布克提金殂。遺詔次子伊士邁嗣位。長子馬木德 (Mahmud) 不服。襲執之而自立。馬木德雄勇

有大志。卽位以後。先修好於故主薩曼拿朝。薩曼拿朝不納。馬木德怒。舉兵攻之。九九九年。宋眞宗咸平二年。廢薩曼拿朝最後之君主曼蘇爾(Mansur)併吞其國。定都哥刺森。一〇〇二年。大舉兵攻印度。前後二十五年間。凡侵入十七次。盡取恆河印度河流域。疆域之廣。東至恆河。西至底格里士河。南至阿剌伯海。與濱地亞(Vindhya)山脈。北至阿母河。包有印度大半。及阿富汗、俾路芝、波斯全境。俄領土耳其基斯坦一部分。是爲伽色尼王朝全盛時代。馬木德在位三十餘年。提倡學術。獎勵商業。保護回教。回教文明輸入印度。印度星學數學輸入回教諸國。王提倡之力居多。

一〇三〇年。宋仁宗天聖八年。馬木德殂。二子爭立。國內亂。勢漸衰。長子穆罕默德(Muhammed)卽位。次子穆薩

俄德(Musaod)時鎮守伊斯巴漢(Ispahan)要求割讓波斯方面領土。分國而獨立。穆罕默德怒。自將征之。中途部將謀叛。執之以降於其弟。於是穆薩俄德盡有伽色尼王室領土全部。是時塞爾柱朝已勃起於布哈拉。經略中央亞細亞。伽色尼西北境。時常被兵。穆薩俄德勇武善戰。創立學校。獎勵文教。民望甚優。顧以東征印度北防塞爾柱朝故。歲無寧日。一〇四〇年。宋仁宗康定元年。爲塞爾柱朝所破。王乃避強攻弱。移兵侵略印度。擬遷都印度河流域。是年。率師東下。經略拉賀里(Lahore)。英領印度之本若首府在印度河上流。中途兵變。弑穆薩俄德。而立其兄穆罕默德。穆薩俄德之子摩都德。復起兵擊殺之而自立。於是印度諸國。乘勢攻其東南。塞爾柱朝侵其西北。國勢日衰。傳數世。至倍拉穆(Beramu)與黑拉特(Herat)。現今阿富汗西北一大都會。附近酋長高爾(Ghor)

家有隙。一一五二年。宋高宗紹興十二年高爾酋長起兵攻之。屠伽色尼城。倍拉穆東走印度。殂於途。子哥士婁(Chosroes)立。遷都拉賀里。乞援於塞爾柱朝。謀恢復故地。是時西遼已建國。塞爾柱朝勢寢衰。力不能發救兵。哥士婁僅保守印度殘部。與都庫什山以北領土。爲塞爾柱朝所蠶食。以南領土。爲高爾朝所蠶食。西曆紀元一八六年。宋孝宗淳熙十三年高爾王穆罕默德(Mohammed)襲破其都城。執最後之君主哥士婁模里克(Chosroes Murik)於是伽色尼朝遂亡。凡傳十五世。二百二十六年。

第三節 塞爾柱王朝之興亡

伽色尼王朝。雖係突厥民族所創。顧其所憑藉者。乃薩曼拿王朝勢力。與本族固有之勢力無涉也。及塞爾柱王朝勃興。純粹之突厥王國始又出現矣。茲述其事蹟如左。

先是有唐中葉。回紇爲黠戛斯所滅。其遺族旃特勤南走。據有甘肅西部及新疆東部。宋初。稱可汗者共有三人。甘州有可汗王。西州有克韓王。新復州有黑韓王。成鼎峙之局。西夏勃興以後。甘州回紇爲其所滅。西州回紇逐漸得勢。移居垂河。在西河上流之八刺沙袞。(Belasagun)與葛羅祿部合兵。侵略中央亞細亞。布哈拉附近之突厥遺族。乘機侵略伽色尼朝領土。奉烏古斯部。西人疑卽烏孫酋長塞爾柱爲首領。馬木德殂後。伽色尼朝勢力漸衰。塞爾柱之孫多格盧爾伯克(Toghrul Beg)乘勢西下。一〇四〇年。宋仁宗康定元年越阿母河。略取哥刺森等地。質都尼沙不耳。(Neshabur) 在今波斯東部伽色尼朝兵敗。退守與都庫什山以南。尋滅布耶王朝。略取

裏海等省。盡取波斯全境。一〇五五年。宋仁宗至和二年入報達。擁哈利發。號令天下。東帝國之哈利發與之和。冊爲蘇丹。使專國政。自此以後。政權入於蘇丹之手。哈利發但擁虛位而已。

已而多格盧爾伯克自稱 Emir al Omra 諸王之王 是爲塞爾柱朝始祖。一〇六三年。宋仁宗嘉祐八年殂。兄子亞爾

波阿爾斯蘭 (Alp Arslan) 卽位。勇武善戰。人皆稱爲獅子王。西侵小亞細亞。與東羅馬構兵。大破之。擒其帝

羅曼狄基尼 (Romanus Diogenes) 徵金百萬以贖。且約歲輸車幣。乃許和。一〇七二年。宋神宗熙寧五年亞爾

波阿爾斯蘭爲其下所弑。子梅利克沙 (Malek Shah) 卽位。勇武有遠略。遷都伊斯巴漢。東征中央亞細亞。

盡取西瀾河流域。會埃及之法提瑪朝侵報達。梅利克沙自將救卻之。哈利發授爲禁衛軍元帥。一〇八四年。

宋寧宗元豐七年西攻西里亞小亞細亞等地。盡取之。據有耶路撒冷府。又踰葱嶺。降喀什噶爾 (Kashgar) 於是塞

爾柱王朝領土。東至天山南路之西偏。西抵小亞細亞。南至興都庫什山麓。北至西瀾河流域。幅隕遼闊。威振

一時。一〇九二年。宋哲宗元祐七年梅利克沙殂。諸子分領其國。勢始寢衰。虐待基督教徒。激而成十字軍之役。前

後戰爭互二百年。歐洲武士死者數百萬。會西遼德宗來侵。花刺子模酋長亦乘勢獨立。塞爾柱王朝遂衰。一

九四年。宋光宗紹熙五年遂爲花刺子模所滅。

第四節 西遼之興亡

東胡民族之根據地。在遼河上流。由漢至唐千有餘年。烏桓、鮮卑、契丹、更迭據之。部落雖不同。其民族則同也。

遼室衰亡以後。東胡民族根據地。爲女真所有。宗室耶律達什奔西域。略取中亞。建立帝國。與宋金對峙。幾及百年。傳世之久。雖不及吐谷渾。而領土之廣大則遠過之。不可謂非東胡民族之光寵也。茲述其事蹟如左。

耶律達什舊作大石者。遼太祖八世孫。字重德。通遼漢文字。善騎射。舉進士。擢翰林。歷泰祥二州刺史。遼興軍節度使。天祚奔雲中後。達什與燕京留守張琳李處溫等。奉耶律淳稱帝。燕京陷後。達什西奔。天祚於圖魯卜舊作突呂不部。天祚責而赦之。宋徽宗宣和六年。天祚謀出兵恢復燕雲。達什諫以宜「養兵待時。不可輕舉。」天祚不從而敗。達什遂殺北院樞密使蕭伊錫。自立爲王。率衆西走。至哈吞。城名舊作可敦。在古庭州東北。駐北庭都護府。會西鄙七州十八部王。諭以興復事。得精兵萬餘。置官吏。立排甲。具器械。又遺書假道於回王伯勒格。(Bilik) 舊作畢勒哥。伯勒格得書。卽迎至邸。願質子孫爲附庸。送至境外。所過敵者勝之。降者安之。兵行萬里。歸者數國。獲牛羊駝馬不可勝計。宣和七年。西歷紀元一二五一年。率回紇葛邏祿等國兵至塔什干。舊作尋思罕。即撒馬兒罕。經略中亞。西域諸國合兵十萬。號呼爾察。西城大將軍名。來拒戰。達什分所部爲三軍。進擊。大破之。盡取阿母河以北地。回回國。即花剌子模。王來降。貢方物。又西行至克喀木。(Kerman) 舊作起兒漫。即今波斯給爾滿部。羣臣共尊達什爲帝。仍舊國號。改元延慶。是爲西遼。西人稱之曰黑契丹。(Kara Khitai)上尊號曰天祐皇帝。是爲西遼德宗。西人稱之曰古兒汗。(Gour Khan)

時宋徽宗靖康元年。西曆紀元一二六年也。尋率師東歸。奠都於呼遜鄂爾多。即八剌沙衮。Bela Sagoun。舊作虎思斡耳朶。In-sorgo。在今俄領中央亞細亞。亞摩斯克之重河濱。次年。命都元帥蕭額哩埒等。率七萬騎東征。謀恢復故地。行萬餘里。無所得。牛馬多死。

勒兵而還。

德宗在位二十年。以宋高宗紹興六年西歷紀元一三六六年。后蕭氏稱制。號感天皇后。(Tabouyan)攝政七年殂。

子伊喀(Yelin or Yiei)立。是爲仁宗。在位十二年。以宋高宗紹興二十四年西歷紀元一五四年。子幼。妹普蘇

完(Ponsowan)稱制。號承天皇后。是時金主完顏亮昏虐。國內亂。有可乘之機。普蘇完無遠志。與其夫都爾

伯舊作桑弟布固濟蘇沙喇舊作朴占通。出都爾伯爲東平王而殺之。其舅烏拉琳舊作幹起兵問罪。以宋孝

宗乾道四年西歷紀元一一六八年。殺普蘇完及布固濟蘇沙喇。而立仁宗次子卓勒古。(Tchiloucou)舊作直在位三

十四年。適值蒙古族勃興。奈曼部長庫楚類汗避兵西下奔西遼。卓勒古以女妻之。庫楚類與花刺子模通謀。

乘卓勒古出臘。伏兵襲執之。而據其位。西遼亡。凡傳國五世。七十七年。時宋寧宗嘉泰元年。金章宗泰和元年。

蒙古太祖稱帝前五年。西曆紀元一二〇一年也。


第五節 花刺子模(Khwarizm)之建國

初、西遼之勃興也。併吞天山南北路及俄領中央亞細亞。合諸小國而成一大帝國。民族複雜。統御不易。故勢力一衰。諸小國卽分離而獨立。其中嶄然露頭角者。爲花刺子模國。

花刺子模者。本波斯東北部一省。唐時名爲貨利習彌迦(Khwarazm)在阿母河之西。裏海之東。鹹海之南。始祖努什的斤(Nushtegin)本塞爾柱朝第三代君主米利克沙(Melik Shak)家奴。執刀衛左右。甚見寵


任。除奴籍。爲侍臣。漸擢至花刺子模總督。其子庫脫拔丁穆罕默德。(Couth-ud-din Mohammed) 乘塞爾柱朝之衰。據地自王。稱花刺子模沙。(Khwarizm Shah) 或譯爲察譯爲殺皆同音異譯也 都玉龍傑亦城。(Urgency) 即漢康居小王奧韃城今俄領中央亞細亞阿穆達林省烏爾根赤城 中國稱之曰回回國。穆罕默德列子阿切斯(Atsiz) 立。適值西遼德宗來攻。拒戰。敗績。被擒。約定稱臣奉貢。乃釋歸。阿切斯列子伊兒阿斯蘭(II Arslan) 立。適值塞爾柱朝攻西遼。敗績。伊兒阿斯蘭乘機侵略其邊地。取哥刺森。盡有波斯東北境。稱臣於西遼。以絕東顧之憂。伊兒阿斯蘭列子塔喀施(Tacusch) 立。西曆紀元一一九四年。滅塞爾柱朝。殺其最後之王多格盧爾。(Toghrol) 盡取波斯全土。遂入報達。自稱蘇丹。擁哈利發那昔爾。(Nasir) 號令天下。塔喀施列子阿拉哀丁穆罕默德 (Alai-ud-din Mohammed) 立。深以入貢西遼爲辱。與撒馬兒罕(Samarkand) 酋長合兵敗之。尋併吞撒馬爾罕布哈拉(Bukhara) 等地。盡取阿姆河流域。建新都於撒馬爾罕。而稱玉龍傑。亦爲舊部。復南越興都庫什山。滅高爾王朝。略取阿富汗全境。會奈曼部長庫楚類汗。爲蒙古所敗。奔西遼。陰圖篡立。穆罕默德方以納貢爲辱。與之合兵滅西遼。略取霍蘭河即錫河以南地。於是花刺子模領土。東至帕米爾高原。西至底格里士河流域。南至阿富汗。北至錫爾河。奄有古波斯及昭武九姓諸國之地。幅隕之廣。爲西方第一。

東 大 食 分 裂 表




西遼世系表

世	姓	耶律氏	遼之宗室	遼亡奔中亞	建國凡傳五
世	(有女主人)			七十七年爲奈曼所滅	



花 刺 子 模 世 系 表



第四章 蒙古西征以前印度半島形勢之變化

自來有文事者。必有武備。印度人文化最發達。武力最不發達。印度宗教。常能支配東方各民族心靈。印度政治。常受東方各民族所支配。亦歷史上一怪現象也。先是秦漢之交。摩揭陀帝國衰亡。印度西北部主權。入於大月氏人之手。兩晉時代。笈多王朝勃興。一旦恢復之。傳世未幾。仍爲嚱嚩人所征服。南北朝末年。烏菟王朝勃興。印度主權復入於本族。傳世僅百餘年。復爲混血之喇諦善特族所攘奪。自有唐中葉以後。至有宋勃興以前。印度半島西部霸權。實在喇諦善特族之手。其後喇諦善特族衰微。回教徒遂乘勢侵入。佛教之根據地。爲回教徒所攘奪。自是以後。凡千有餘年。印度主權。始終在回教徒之手。佛教雖盛行於東亞。而在本國則勢力消滅殆盡。溫都教勢力亦不振。突厥民族及蒙古民族。先後侵入印度。創立若干帝國王國。壟斷印度權利。壓制阿利安民族。直至有清中葉以後。回教徒之勢力始衰。基督教徒勢力遂乘勢侵入。全印度之主權。壟斷於英人之手。佛教徒遂終古不振矣。

第一節 伽色尼王朝勢力之侵入

回教國之首領。最初占領印度者。爲伽色尼王朝。伽色尼王朝者。本突厥民族。其系統及其本國盛衰興亡事

蹟已見上章。茲從略。只述其對印度關係。伽色尼朝第三代君主蘇布克提金未卽位以前。屢攻印度。印度人恨之。九七七年。印度拉賀里酋長介普爾(Jaipal)自將來攻。蘇布克提金乘暴風。要其歸路。大破之。虜其象五十頭。約賠款百萬 Dirham 許和。介普爾既歸而背約。蘇布克提金以索賠款爲名。大舉越蘇里曼山。侵入印度。破介普爾兵。取白沙瓦(Peshawar) 在印度西北境居印度河上流 留兵駐守之。於是壇不耳(Khyrb) 谷兩端。爲伽色尼王朝所有。印度西境無險可守。時常被兵。馬木德卽位後。前後侵入印度十七次。其中十三次。係以征服奔札比爲目的。一次以征服克什米爾爲目的。其餘三次。皆遠征恆河流域。是時西北中三印度。小國棋布。靡所統一。及回教徒侵入。始聯合併力以拒之。血戰二十五年。印度兵多敗。馬木德之衆。侵略及於罽饒夷(Kanauj) 瓜梨俄爾(Gwalior) 搜姆拿特(Somnath) 等地。焚掠極慘。到處破壞偶像。溫都教徒大遭荼毒。介普爾拒戰。敗績。從印度習慣。登火壇自焚死。其餘酋長戰沒者甚多。顧終不能抵制敵兵。西北印度皆爲伽色尼王朝所有。一〇三〇年。馬木德殂。自此以往。凡一百五十餘年。一〇三〇年至一〇八六年。西北印度主權。皆在伽色尼王朝之手。爲印度河流域霸國。

第二節 高爾王朝之興亡

高爾王朝之先祖。爲阿富汗境內高爾城酋長。時與伽色尼王朝構兵。馬木德在位時代。征服之。降爲屬國。塞爾柱王朝勃興。略取興都庫什山以北各地。伽色尼王朝兵敗。退保山南。高爾王朝乘釁。侵略其南部。一一五

二年。宋高宗紹興二十二年高爾王阿拉胡丁 (Alai-ud-din) 破伽色尼城。大肆屠掠。伽色尼王子哥士婁東奔印度。徙都拉賀里。一一五六年。宋高宗紹興二十六年阿拉胡丁殂。子塞福胡丁 (Seph-ud-din) 立。一年而被弑。從弟格亞士胡丁 (Ghiat-ud-din) 立。以弟希哈潑胡丁 (Shahab-ud-din) 爲大將。經略印度。一一八六年。克拉賀里滅伽色尼朝。自此以後。以拉賀里爲根據地。逐漸南下。蠶食西北中三印度。一一九一年。宋光宗紹熙二年大舉攻特里 (Delhi)。英領印度一大都會在奔札比南境中途爲印度兵所邀擊。大敗走還。一一九三年。復率本國救兵。大舉南下。是時喇諦善特族中之朱漢 (Chauhan) 族。據有亞基米爾 (Ajmere) 多馬刺 (Tomara) 族。據有特里。拉多爾 (Rāhtör) 族。據有闕饒夷。各建立王國。三方對峙。朱漢族最強。其王自稱普里士威拉加 (Prithwi Rā-
三大君主之義。與拉多爾族互爭北印度霸權。朱漢族戰勝諸國。略取特里等部。一時爲北印度共主。闕饒夷王怒。誘高爾人入寇。希哈潑胡丁自將赴之。破特里及亞基米爾。殺朱漢王。次年。破闕饒夷。殺拉多爾王。徇西北印度諸部。皆下之。盡取印度河及斯特雷去 (Sutlej) 河流域。喇諦善特族諸部之不服者。走入印度河濱之沙漠。其遺族至今猶存。西人稱之曰拉介普他拿 (Rajputana) 次年。格亞士胡丁殂。希哈潑胡丁歸國卽位。更名穆罕默德。遣大將拜喀提亞基爾 (Bakhtiyar Khilji) 率師東征。一一九九年。克拔哈 (Behar) 恆河中流
右岸都會在今東印度 一一〇三年。下三角州。征服孟加拉。盡取恆河流域。孟加拉王拉克什曼生 (Lakshmansan) 東走俄里沙 (Orissa) 哥喀爾 (Ghakkār) 族不服。舉兵作亂。破拉賀里城。侵掠北印度。穆罕默德自將東征。

一二〇六年宋寧宗開禧二年三月。次於印度河濱。夜中爲敵人所襲。敗死。兄子穆罕默德立。國勢漸衰。花刺子模屢侵掠其邊境。穆罕默德無力拒敵。稱臣納貢。以求免禍。在位七年。爲花刺子模黨人所弑。高爾朝亡。其阿富汗境內舊領土。皆爲花刺子模所有。

第三節 奴隸王朝之興亡

伽色尼、高爾兩朝。雖爲西北印度共主。然其根據地皆在阿富汗境內。勢力範圍。伸張至印度內地。其情形與大月氏、嚙噠相似。而享國之綿延。則遠不及焉。非實行建立突厥王國於印度者也。其實行建立突厥王國於印度內地者。則以奴隸王朝爲始。

奴隸王朝始祖。爲古他布胡丁。(Kutab-ud-din) 初爲高爾王朝大將。鎮守印度。一二〇六年。穆罕默德被刺。鎮守印度諸將皆據地自王。古他布胡丁亦自立於特里。盡取蘇里曼山以東濱地亞山以北各地。奄有印度大半。世以其嘗爲高爾王朝奴隸。故稱奴隸王朝。在位五年。以一二一〇年宋寧宗嘉熙三年殂。子亞蘭(Alam)立。庸懦無遠略。印度境內諸大將。皆其父故等夷。各據地以叛。諸大臣廢之。而立其父之養子亞爾泰姆西(Altamsh)擊諸將。皆破之。恢復恆河印度河流域。會蒙古帝國勃興。太祖特穆津自將征花刺子模。破之。盡取中央亞細亞及阿富汗俾路芝等地。花刺子模最後之王札蘭丁奔印度。蒙古兵沿喀布爾河低地追之。破塹不耳谷要塞。會天盛暑。蒙古兵皆北人。多疾疫。王遣兵扼印度河以拒之。蒙古兵乃還。

一二三六年。宋理宗端平三年王殂。女拉吉雅(Raziya)立。精通回教經典。勤於爲政。能斷大事。國人畏服。上尊號曰蘇丹拉吉雅(Sultan Raziya)。女王寵幸阿比西亞國(Abyssinia)出身之奴隸。諸將不悅。一二四〇年。宋理宗嘉熙四年廢之而立其弟。自此以後。王室漸衰。大權入於奴隸出身之宰相巴爾漢(Balhan)之手。蒙古人時常南侵。地方鎮將亦多背叛。內憂外患。一時交迫。一二六五年。宋度宗咸淳元年巴爾漢遂自立。嚴刑峻罰。以繩羣下。擊諸將皆破之。多所屠滅。威名遠震。一時獨立君主稱臣納貢受其保護者。凡十五國。一二八六年。元祖至元二十三年巴爾漢殂。子開課拔德(Kei-Ko-bad)卽位。在位二年。爲刺客所弑。部將介拉盧胡丁(Jalal-ud-din)殺王子而自立。是爲基爾吉(Kijig)朝。奴隸王朝亡。凡傳十主八十三年。一二八〇年。元至十三年

第五章 成吉思汗之西征與花剌子模之顛覆

第一節 奈曼之衰亡

夏金相繼衰微。東方已無大敵國。蒙古兵乃轉鋒西上。經略中亞。先是奈曼庫楚類汗奔西遼。乘其主卓勒古出獵。襲執之而據其位。別娶一妃。妃勸以從佛教。汗從之。諭民間奉佛。虐待天方教徒。迫令改教。橫征暴斂。戶監以卒。人民嗟怨。聞成吉思汗南侵。遂誘奇爾濟蘇土默特等部同舉兵。與默爾奇斯部餘衆結合。謀恢復故

地。成吉思汗遣大將哲伯(Tchebe)舊別由南道擊庫楚類汗。蘇布特(Souboudai)舊作沙由北道擊默爾奇斯部。同時並進。命長子卓齊特(Djutchi)舊作赤擊奇爾濟蘇等部。皆下之。因留駐其地。爲兩將後援。蘇布特追敵及於蟾河今俄領中央亞細亞錫爾達利亞省之吹河北。盡殲其衆。哲伯先取天山西北西遼故地。庫楚類汗敗兵。退保天山南路。哲伯下令。命人民信教自由。西遼遺民大悅。到處迎降。庫楚類汗西奔。哲伯追至巴達克山(Badakhshan)界。斬之。奈曼平。葱嶺東西各地皆入於蒙古。遂與花刺子模接壤。

第二節 花刺子模全盛時代

先是、花刺子模王喀喀施在位時。利用薩拉森東帝國哈利發那昔爾名義。滅塞爾柱王朝。略取伊拉加吉姆(Irac-adjem)省爲領土。建立大國。擁哈利發。號令天下。那昔爾心不平。密與高爾王格亞士胡丁書。具言「花刺子模志在兼併。宜與西遼連合。南北夾攻。可以得志」云云。其後喀喀施殞。子阿拉哀丁穆罕默德在位。滅高爾王朝。檢故籍得書。大怒。發檄廢那昔爾。立阿力後裔西葉德阿拉烏爾穆盧克(Seyid ala-ul-mulouk)爲哈利發。起兵納之。進至伊拉加吉姆。酋長俄高爾模士(Ogoulmouch)迎降。那昔爾遣盜刺殺之。穆罕默德怒。自將進攻。法而斯(Fars)酋長阿塔畢沙特(Atabey Sâd)拒戰。敗績。被執。割一城請和。約定稱臣納貢。乃釋歸。亞塞爾拜然(Azerbaïdjan)酋長阿塔畢鄂思伯克(Atabey Euzbec)拒戰。敗績。請降。受約束。穆罕默德大兵長驅西下。那昔爾大懼。遣大臣士齊克西哈白胡丁西威的(Scheikh Schihab-ud-din Si-

niwardi) 請和不許。進兵至伊西達不特 (Essedabad) 山。時方秋初。天忽變。大雨雪。人馬凍死者甚衆。前鋒敗沒。乃引還。至伊拉加吉姆。分領土與諸子。以伊拉加吉姆省。封長子屋肯哀丁 (Rokn-ud-din Goursaidji)。以起爾曼 (Kerman) 克息 (Kesch) 模克蘭 (Mukran) 等省。封次子吉亞特哀丁 (Ghiath-ud-din Tiz-Sehah)。以伽色尼、拜密安 (Bamian) 高爾、波斯特 (Bost) 等省。封三子只拉而哀丁。忙果必而體 (Djelal-ud-din Mangoubirti)。即元史之札蘭丁而立幼子鄂斯拉克沙 (Ozlag-Schak) 爲皇太子。以花刺子模、哥刺森、馬散地蘭 (Mazenderan) 等省封之。身還布哈拉。國人皆竊議其私祿位於子。

皇太后土而堪哈敦 (Turcan Khatoune) 本康里族 (Cancalis) 巴牙烏脫 (Bayavutes) 部汗勤克石 (Djinkeschi) 公主。與鄂斯拉克沙之生母同族。愛幼孫。王承母志。越次立之。康里部人多仕於王廷。屢立戰功。王倚其力以戡定諸國。有兵四十萬。突厥人及康里人居多數。皇太后權亦緣是等於王。皇太后懿旨。與王之詔書。同時並行於州郡。發生同等效力。州郡無所適從。惟調查發布日期之先後。以爲從違之標準。擇其最近者施行之。康里人性情殘忍。喜殺伐。每戰勝敵國。必屠戮其人民無算。被征服者怨之。諸王子所封之地。皆新被征服之州郡。對於王室。多懷惡感。王國領內之民族。雖同奉回教。而宗派不同。時常內訌。形勢如此。幅隕雖大。國本未固。一有外患。必現土崩瓦解形勢。徵之西遼往事。已成前車之鑒矣。

第三節 蒙古與花刺子模衝突之遠因 成吉思汗之大舉西上

是時天山西北西遼故地。已入蒙古。荏苒悉靖。行旅無阻。有花刺子模商人馬黑摩特。(Mahmoud)布哈拉商阿里火者。(Ali-khoqja)訛脫喇兒。(Otrar)一作鄂商幼士石夫。(Yousouf)同時還自東方。攜有成吉思汗詔命。致聘且修好於王。王怒其措辭太倨。欲不受。納馬黑摩特之諫。勉強受之。使三人復命。適又有商人還自東方。汗遣使人組織商隊。隨行購物。有衆四百五十人。皆輝和爾人。行至西爾河畔之訛脫喇兒。城主哈伊兒汗。(Gairkhan)伊那兒只克。(Inaldjoue)利其財。盡拘之。以間諜報於王。王命處以死刑。惟一人得脫歸報。成吉思汗驚怒且慟。誓雪仇恥。先遣突厥人波合拉。(Bogra)偕二蒙古人。出使花刺子模。責以執送禍首。王不聽。殺波合拉。剃隨行二蒙古人鬚。釋歸以辱之。成吉思汗大怒。

宋寧宗嘉定十一年。成吉思汗十三年西歷紀元一二一八年成吉思汗大舉西征。命皇弟幹赤斤。(Udjunkin)留守。皇子卓齊特。(Djoutchi)舊作赤察罕台。(Tchagatai)舊作察諤格德依。(Ogotai)舊作窩圖類。(Touloui)舊作拖從。會師於雅爾達實河。輝和爾哈刺魯諸王皆以兵從。號六十萬。休兵於河畔者八閱月。次年秋。兵進。自雅爾達實河上流。直南行。經別失八里。今新疆迪化道阿力麻里。今新疆伊犁道等地。迤邐而西南。遂至忽章河。今西爾河薄訛脫喇兒城。時花刺子模王都於撒馬爾罕。城高守固。難遽下。布哈拉在其西。其舊都玉龍傑亦更在西北。汗乃分軍爲四。留次子察罕台。以一軍攻訛脫喇兒城。命長子卓齊特將右軍。循河西北下。向斡的。(Djend)略取忽章河下流。流域。阿剌黑。(Alac)速客圖。(Sougton)托海。(Togai)三將將左軍。循河東南上。向白訥克特。(Benaket)

略取忽章河上流流域。自將中軍渡河。徑趨布哈拉。直擣其中堅。則新舊都交通路中斷。呼應不靈。先破布哈拉。乃折而東。攻撒馬爾罕。其計劃如是。

第四節 布哈爾撒馬爾罕玉龍傑赤之陷落 穆罕默德之走死

初卓齊特之西征奇爾濟蘇也。花刺子模王阿拉哀丁穆罕默德起兵救之。至海哩（Cath）、哈迷池（Cath-mitch）兩河間。見屍骸狼籍。情狀極慘。始知奇爾濟蘇兵敗。蒙古兵已撤陣東旋。王自將追之。卓齊特遣使來修好。以捕獲戰利品一部分奉贈。王不從。與蒙古兵大戰移日。左軍潰。蒙古右軍與中軍合。直擣王之中軍。右軍司令王子札蘭丁。擊退蒙古左軍。以右軍來援。力戰至黃昏。蒙古兵始退。王知蒙古兵不可侮。不敢再追。至是聞蒙古兵大舉南下。極耐苦戰。益惶惑。遂委國而去。汗命哲伯、蘇布特、窮追之。戒以「遇敵衆則勿與戰。而待後軍。敵逃則極追勿釋。所過降者撫之。不降則攻下之。不易攻則舍去。勿久頓兵堅城。」

王之棄新都而去也。蒙古兵甫渡忽章河。識者勸王速徵花刺子模等處兵。結一大軍備戰。號召國人。同仇敵愾。力扼阿母河。則外險雖失。猶有內險可守。王惑於「印度暑熱多山。敵不敢進」之說。欲赴伽色尼。行至中途。長子屋肯哀丁遣使來迎。云伊拉加吉姆有兵餉可以固守。王又變計從之。是時札蘭丁從行。請自爲元帥。總兵守阿母河。王斥其少不更事。不許。已而訛脫喇兒、布哈拉及撒馬爾罕相繼陷落。蒙古兵渡阿母河。王大驚。亟遁。哲伯、蘇布特率師泅渡河。尾追不少懈。輾轉俱抵裏海濱。王窮蹙。逃入海島。憂憤而殂。二將盡獲所遺

珍寶及王太后王妃以獻。王子札蘭丁自立爲王。還軍花刺子模省。諸將嫉札蘭丁英明。不願受其節制。奉其弟阿斯拉克沙作亂。札蘭丁奔尼沙不耳。

嘉定十三年。西歷紀元一蒙古兵進攻花刺子模。阿斯拉克沙出奔哥刺森。中途爲蒙古兵所襲。戰沒。札蘭丁

奔伽色尼。成吉思汗命長子卓齊特、次子察罕台、進攻玉龍傑赤。一作烏爾韃赤 Keurcan- the Orandji or Urandje守將庫馬爾(Khou-

nar)力戰。蒙古兵死者甚衆。卓齊特與察罕台不和。軍氣因而不振。成吉思汗怒。命三子諤格德依爲攻圍

軍司令長官。節制諸軍以代之。遂破其城。盡屠其衆。死者數十萬人。汗自將進攻忒耳米特(Terned)。在阿

北岸今忒耳迷克之。屠其城。分兵征服巴達克山等地。命四子圖類將兵進攻哥刺森。爲哲伯蘇布特後援。汗自引兵

渡阿母河而南。將進攻札蘭丁於伽色尼。班勒紇。今阿富汗城迎降。成吉思汗忌其富庶。恐爲後患。屠之。進至

塔里寒(Talecan)山。圍敖撒雷特(Nosuret Couch)。戰勝之要塞。今喀塔干在波爾包圍七閱月。破之。屠

其衆。遂引大兵南下。

第五節 哥刺森伽色尼黑拉特(Herat)之陷落 札蘭丁之出奔

當時。圖類兵已克哥刺森。破超西(Thouss)尼薩(Nessa)西比薛瓦(Sebzavar)默夫沙然(Merv-sch-

ahidjan)。省內四大都會之一塞爾柱朝米利克沙舊尼沙不耳。哥士斐時代等城。盡屠其衆。發薩拉森東帝

國訶論王陵。取其金寶。到處破壞城郭。焚燒閭里。屠戮人民。伊蘭高原最富庶之地。鞠爲茂草。波斯、安息、薩拉

森、歷代之精華。蕩然無遺。折而東。與成吉思汗合兵南下。察合台、窩闊台、俱引兵來會。屠克多安(Kerdouan)城。遂越興都庫什山。圍拜尼安(Banian)城。察合台子莫圖根(Moatougan)中流矢卒。成吉思汗怒。屠其城。

是時札蘭丁屯兵於普羅南(Peronan)之平野。與蒙古先鋒失吉忽禿忽(Schiki Contoucou)兵衝突。部將阿剌克(Agrac)力戰。大破蒙古兵。其同僚伊民米里克(Emin Melik)與之爭功。毆辱之。王畏伊民米里克兵強。不敢正其罪。阿剌克怒。引兵去。諸將多怨叛。土兵勢漸衰。王不得已。急歸伽色尼。中途聞成吉思汗大兵來襲。王兵微將寡。度力不能勝。乃東南奔印度。成吉思汗自將追之。至申河_{印度河}畔。大破其兵。王乘馬浮申河而遁。餘衆皆爲蒙古所殲滅。成吉思汗遣大將巴剌(Bela)土爾台(Toutai)渡河追王。自將循申河右岸。侵略印度西北境。巴剌等渡河陷拜亞(Biah)城。進圍毛利丹(Mouletan)要塞。會天氣暑溼。士卒多病。又不知王所在。乃大掠毛利丹、拉賀里(Lahour)法里海不耳(Ferehabour)米利克普耳(Melik-pour)等省而還。於是中西北三印度皆罹兵燹。嘉定十六年。<sub>西歷紀元一
二二三年</sub>班師。歸途遣兵屠伽色尼及黑拉特二城。於是伽色尼省富庶地方。亦化爲荒野。置達嚕噶齊(Darougaz)<sub>舊作達魯花赤
猶華言掌印官</sub>監臨其地。餘民無幾。攻錫司丹(Sistan)城。不下。以天暑止進兵。留哲伯蘇布特二將征奇卜察克而還。初欲由印度。道出西夏。行未數程。聞西夏叛。又道葦不可行。乃旋師。仍循來路而歸。宋理宗寶慶元年。<sub>西歷紀元一
二二五年</sub>還至幹魯朵。計西

征一役。前後八年。蒙古擴張之勢力範圍。西抵波斯。南至印度。亞洲一大部分。已歸其掌握矣。

第六章 哲伯蘇布特之西征與東歐諸國之降附

第一節 奇卜察克阿速奇加賽斯(Circasses)等部之陷落

奇卜察克(Kiptchaks)舊作欽察者。亦突厥民族中之游牧民族。在烏拉嶺西。裏海黑海北。占領歐洲東北部一

大平原。與東羅馬、匈牙利、俄羅斯、保加利亞(Bulgaria)及康里等國接境。俄人稱之曰波羅錫。(Poloutsi)

平原之民之意也。匈牙利人與羅馬人稱之曰高曼(Coumans)因高班(Couban)河而命名也。土耳其方音與之發音混合

其地即唐初突厥所屬之可薩部。初烏孫自元魏時西徙葱嶺。至唐中葉。復自東而西。偪可薩部西

走。而據其故地。今裏海東濱有城名烏孫哈達猶言烏孫城。烏孫之音轉爲烏錫(Visti)他國稱之則皆曰奇卜察克。至是其酋亦

納思。以納默爾奇斯酋霍都召覲。汗乃命哲伯蘇布特二將北征。循裏海西以往。而大軍皆在裏海東南。聲氣

不相聯絡。汗乃命卓齊特分兵。駐屯鹹海裏海間。固南軍後路。且爲西師聲援。汗未學兵法而全暗合兵法史稱其用兵如神良非溢譽。二

將沿途破降諸小國。西北入谷兒只。(Georgia)今東土耳其之亞喀爾悉克。擊敗其衆。以其境內道尤險。退而東入失兒

灣(Schirvan)今東土耳其之埃里溫。破打耳班(Derbend)譯爲古門波斯於此築長城爲要道。令失兒灣沙君以嚮導

來。至則殺一人以徇。令不善導者視此。遂引兵繞越寬田吉思海。今裏海輾轉度大和嶺。今高加索山鑿石開道而北。是時太和嶺西北有強國曰阿速。(Ases)阿速者。在今俄國東南境。背高加索山。面頓(Don)河。發源俄國東南境。經當科薩克斯省南流入亞速海。以阿速部得名。都蔑怯思城。今亞細亞東岸。在阿速海東北岸。立國已多歷年所。先是鮮卑族居其地。後有粟特族自東來奪之。鮮卑人半竄於歐北。爲羅馬所邀擊。殲焉。時復有部落曰耶仄爾。即漢書奄者。居裏海西。高加索山北亦東來族類。而服屬於粟特。東漢時有哥德(Goths)族酋亥耳曼。亦自東來。粟特族潰敗不復振。宋元嘉七年。芬族酋阿的刺(Attila)帥其族西徙。伐波斯。取其北部米顛地。進破哥德族。亥耳曼自殺。其族西竄歐洲。獨耶仄爾部河山四塞。恃險久存。後稱愛蘭士(Alans)阿速其轉音也。阿速西北當頓河濱。有部落曰奇加賽斯(Circasses)其人善馳驟。以突騎著。即今俄領當科薩克斯省之可薩克兵是也。此兩部皆北方民族。慄悍善戰。至是蒙古兵踰太和嶺。侵入阿速境內。阿速與奇卜察克、奇加賽斯等部合兵拒戰。蒙古兵少。又迫於險。乃以甘言誘奇卜察克使引退。乘勢出險。擊破阿速等部聯軍。進追奇卜察克兵。乘其不意。奮擊大破之。殺其酋長庫灘(Coutan)之子與弟。庫灘率餘衆北遁。二將遣使告捷於卓齊特。卓齊特分兵大半來助。遂以宋寧宗嘉定十五年西歷紀元一二二五年冬。乘窩瓦河冰合。下阿斯達拉干(Astrakhan)。在裏海西北岸。城遇庫灘兵。又敗之。遂分兵爲二路。復引而西。一追庫灘敗兵。過頓河。一至亞速海之東南。破奇加賽斯、阿速等部。遂自亞速海履冰以至黑海。入撒吉刺之地。今俄屬克里米亞之森佛羅波爾。Semferopol大掠而北。兩軍復合。庫灘遁入俄羅斯境。乞援於其

塔加利智 (Galitch) 公米士提士勞夫 (Mestislav)

第二節 俄羅斯諸王侯之敗沒

俄羅斯者。西北大國也。唐懿宗咸通三年。西歷紀元八六二年始立國於白海南。後拓地益廣。南鄰黑海。北宋時。行封建

制。諸侯王各以其地分畀子孫。裂爲七十國。日事內鬩。至是米士提士勞夫與瓦拉的米爾 (Vladimir) 兩公

克尼斯 (Kniezs) 與多數小侯會商。允庫灘請。起聯軍出境迎敵。哲伯等聞之。遣使來告。蒙古惟討庫灘。與

俄素無釁。必不相犯。俄以爲餌。已殺其使。引兵渡的尼博河 (Dnieper) 發源於俄國西南境下流入黑海 二將見其勢盛。

陽示怯退以誘之。敵亟追十餘日。及諸阿里吉河。今入裏海東南隅之阿特列克河 時俄兵八萬二千。分屯南北。南軍爲基輔

(Kiev) 及查爾尼俄弗 (Tchernigov) 等部兵。北軍爲厄加得黎諾斯拉等部及奇卜察克兵。南軍先渡河。戰

於鐵兒山。西史作孩耳桑。疑卽今庫善地 大敗。得渡河而脫者無幾。餘衆殲焉。北軍不知。蒙古軍猝至。圍之三日。誘使出。疾攻

之。俘馘無算。獲其王大小密思思老。一基輔王年長故爲大一查爾尼俄弗王年幼爲小 檻致於卓齊特。殺之。是役俄亡六王。七十侯。兵

士十死其九。舉國大震。時列城皆無備。惟俟兵至乞降。幸蒙古軍不深入。但西北抵諾佛哥羅 (Novgorod)

等城。大掠而還。捷聞。成吉思汗遂定四子分地。以現今俄領西比利亞 (Siberia) 西部、俄羅斯 (Russia) 東

部。封長子卓齊特。以中領中亞 (Chinese Turkistan) 與俄領中亞 (Russian Turkistan) 封次子察罕

台。以奈曼 (Naiman) 及奇爾濟蘇 (Kirgises) 故地。封三子諤格德依。以蒙古本國故地及女真方面之

地。封四子圖類。宋寧宗嘉定十七年。四歷紀元一卓齊特引兵西就國。命哲伯蘇布特率師東旋。歸途乘勝。遂滅康里。

第三節 康里之破滅

康里者。古高車後。其居地近漢康居。直今鹹海北。而西及裏海。西與奇卜察克南與花刺子模接壤。花刺子模王阿拉哀丁穆罕默德母士而堪哈敦。本康里公主。多用族人爲將。前殺蒙古商人之訛脫刺兒城主哈伊兒汗。卽王母之弟也。康里與花刺子模接近。素跋扈於西亞。至是哲伯等乘勝。遂躡其部。康里本仍游牧舊俗。旣被兵。部落遂潰。地歸卓齊特。其部人有歸元朝者。入兵籍。後遂置康里衛。王族子孫仍授康里王爵。仕於朝。功名文學多顯著。

第七章 蒙古之南侵與夏金之淪滅

第一節 金與西夏及宋之互訐

花刺子模衰亡。西亞大部分俱入於蒙古。成吉思汗乃轉鋒東下。經略西夏。金太宗晚年。高宗時代。宋與金議和。八十餘年未嘗交兵。及爲蒙古所攻。求救於金。金不能爲出師。夏人怨之。遂侵金。取其西邊地。宋寧宗嘉定

七年。復貽書於朝廷。請會師伐金。不報。

金既困於蒙古。復擾於夏。朝廷用眞德秀議。罷其歲幣。金疆宇日蹙。謀伐夏。不果。欲取償於宋。嘉定十年。金宣宗興

定元年。分道大舉南侵。朝廷亦下詔北伐。傳檄招諭中原官吏軍民。兩軍互有勝敗。而金則兵財大竭。十三年。

金置九公府於河朔。謀藉以保捍。然卒無濟。尋皆破滅。蒙古將穆呼哩定金地過半。十六年。西歷紀元一

宣宗殂。子守緒立。是爲哀宗。次年。遣使請和。夏亦遣使修好於金。稱弟而不稱臣。各用本國年號。金遣使報之。

遂及夏平。

第二節 夏之衰亡

夏雖與金和。然構難十年。精銳兩盡。宋理宗寶慶元年。成吉思汗還自西域。以夏納逃人。又不入質子。復伐之。

取甘肅州、西涼府及靈州。進次鹽州川。是時夏神宗已殂。子獻宗德旺卽位。次年。寶慶二年西歷紀元一二二六年以憂殂。從

子覲立。是爲末帝。成吉思汗留兵圍夏都。而自引兵略金地。行至六盤山。在今甘肅固原縣構疾。殂於薩里川哈喇圖

今鄂爾多斯右翼前旗西南有哈柳圖河東南流合金河入之之行宮。生卒皆以亥年實年七十三歲稱尊號凡二十二年。夏主

覲出降。諸將遵汗遺命。殺之而後發喪歸。夏凡傳十二世。二百五十八年而亡。自元昊稱帝。凡十主。合二百一

年。時宋理宗寶慶三年。夏主覲二年。蒙古太祖二十二年。西曆紀元一二二七年也。

第三節 金之衰亡

初、成吉思汗預自知將殂。使召諤格德依圖類至。宣遺命曰。「予爲爾曹創此基業。無論四方。自此之彼。皆有一歲程。爾曹欲克敵得衆。必須衆志成城。乃獲永享。予殆將歿矣。歿後爾曹當奉諤格德依爲主。察罕臺雖不在側。諒無違異。」言畢。麾使出。自率兵略宋地。至武階。宋四川制置使鄭損棄沔州。今略陽縣而遁。陽平白水仙人三關。漢中西面之險。以三關爲最。陽平關在寧羌縣東北。古陽安關地。六朝以後。謂之陽平。非三關。時白馬城之陽平關也。白水關在寧羌縣西南。見四川昭化縣接界。仙人關在鳳縣西南。之險遂失。時金盡棄河北、山東、關陝。惟併力守河南。保潼關。東西二千餘里。立四行省。帥精兵二十萬以守之。汗疾亟。謂左右曰。「金精兵在潼關。據山阻河。難遽破。若假道於宋。下兵唐鄧。直擣大梁。潼關兵千里赴援。億弗能戰。破之必矣。」言訖殂。第四子圖類監國。

越二年。宋理宗紹定二年諸王百官開庫魯泰大會。奉諤格德依爲蒙古大汗。是爲太宗。始立朝儀。皇族尊屬皆拜。頒大札薩克。華言大令也禁擅殺。定算賦。繼父遺志。四年。復侵金。初。金降人李昌國言於圖類曰。「金遷汴將二十年。其所恃以安者。潼關黃河耳。若出寶雞以侵漢中。不一月可達唐鄧。大事集矣。」圖類然之。言於太宗。至是使綽布干來假道。至沔州。統制張宣殺之。太宗使圖類將兵南侵宋境。入大散關。破興元府。今陝西南鄭縣南略地至西水縣。故城在今四川閬中縣破城寨百四十而還。四川軍民死者甚衆。折而東。入饒風關。在石泉縣西由金州而東。渡漢江。五年。蒙古將蘇布特圍汴。金關東西諸將完顏哈達、伊喇豐阿拉等。撤兵還救。爲圖類兵所邀擊。殲焉。是年十二月。蒙古再遣使來議夾攻金。朝廷許之。金哀宗以汴京不能守。出奔河北。六年正月。攻衛州。爲蒙古兵所敗。

走歸德。其臣富察固納作亂。幽哀宗於照碧堂。尋伏誅。汴京西面元帥崔立作亂。以城降蒙古。執后妃諸王送蒙古軍。哀宗走蔡州。遣使來乞糧。朝廷不與。京湖制置使史嵩之使部將孟珙率師會蒙古兵圍蔡州。次年正月。哀宗傳位於其宗室承麟。孟珙與蒙古連兵入蔡。哀宗自縊。承麟爲亂兵所殺。金亡。凡傳十帝。一百二十年。時宋理宗端平元年。金哀宗天興三年。蒙古太宗六年。西曆紀元一二三四年也。

次年。蒙古始建都城於和林。(Karakorum) 即今外蒙古賽音諾顏部右翼左末旗布兒罕山東北 周五里許。以爲會同之所。

第八章 綽馬兒罕之西征與札蘭丁恢復策之失敗

初。花刺子模王札蘭丁之東遁也。沿途擊敗印度別部兵。聞蒙古軍來追。謀入特里。奴隸王朝第三代君主阿爾泰姆西(Altunsh)發兵拒之。乃退入朱提。在今克什米爾西北收集舊部落。兵勢漸振。西南行至信地(Sindh) 印今度西敗其兵。破數城。阿爾泰姆西大舉兵來援。札蘭丁見勢不敵。謀西歸。恢復舊業。會蒙古軍凱旋。乃留將守高爾。而自引兵循喀喇庫穆大沙漠。西嚮起爾曼。時西遼故將薄拉克。嘗降花刺子模爲宮官者方殺起爾曼酋。略有其地。至是首先降附。遂入伊士巴漢。(Ispahan)伊拉加吉姆。哥刺森。(Horasan)馬散地蘭三省皆降。遂西攻薩

拉森東帝國哈利發於報達。以報其致蒙古兵之仇。復北攻亞塞爾拜然。(Azerbaijan) 兩敗谷兒只兵。克其第弗利斯 (Tiflis) 都城。在高加索山南古拉不尼河上流會薄拉克已輸款蒙古。以「札蘭丁勢大宜亟除」爲請。札蘭丁方東伐木刺夷。(Mulahida) 在裏海南岸蒙古兵驟至。與戰。大敗。蒙古兵亦死傷甚衆。又聞成吉思汗疾篤。乃亟退。乘虜獲。渡阿母河而去。札蘭丁逃匿。久之始出。谷兒只聞其新敗。糾合高加索山南北各部族。謀大舉復仇。阿速、奇卜察克、亞美尼亞、苦國。即新唐書在大食西突厥可薩部北之苦國等部落皆聚會。凡四萬人。札蘭丁以計離而敗之。遂與薩拉森東帝國之哈利發和。受封爲波斯可汗。又伐喀拉達格。在亞塞爾拜然省穆魯木湖東北破其城。其酋長糾埃及羅姆。(Rum) 摩蘇爾。(Miser) 諸部兵來拒戰。敗歸。甫欲議和。而蒙古兵又已奄至。是時太祖已殂。太宗卽位。以西域久不定。二年。西歷紀元一三〇年命大將綽兒馬罕。統三萬人西征。札蘭丁謀乞師於鄰國。不果。兵稍集而無食。新定諸部見其勢敗。皆殺守兵以應蒙古。札蘭丁出奔。蒙古兵逐於後。迂道以避。入山中爲怨家所刺死。花刺子模王朝亡。時宋理宗紹定四年。蒙古太宗三年。札蘭丁卽位後之第十一年。西曆紀元一二三一年也。

綽兒馬罕既滅札蘭丁。遂乘勝經略四鄰各部落。時花刺子模東境。有起爾曼、黑拉特諸部。西北有谷兒只、小亞美尼亞、摩蘇爾。一小國在底羅姆諸國皆攻下。或招降之。城輸款。民納貢賦。又亞勒伯西、埃及、即安有提阿基督教部。時歐洲十字軍第五役方終。德帝腓特烈與埃及酋喀部主伯海門脫五世。即德國撒爾薩侯黑耳曼時爲義團長亦

來降。別部之基督教人亦納款輸賦。

起爾曼爲薄拉克所據。遂自立國。受薩拉森東帝國哈利發封冊。稱蘇丹。西域故稱西遼爲喀喇契丹喀喇黑也。以薄拉克爲西遼人因亦謂爲黑

契太宗時。遣子入朝而邊卒。猶子忽都馬丁立。憲宗時。轄魯。元史作旭烈兀一作實喇又西征忽都馬丁迎降。作錫里庫西史作火拉兀

黑拉特國。肇始於高爾。高爾前王格亞士胡丁。以洛撒巴格封其相臣弟。傳子。會蒙古西征。高爾已亡。而洛撒

巴格獨以險固得久存。自結於蒙古。其後嗣於憲宗初入朝。封以高爾故地。北及阿母河。東南至印度河。世爲

西域東境附庸。屬伊兒汗國。享國百餘年。至帖木兒帝國勃興時始滅。

小亞美尼亞 (Little Armenia) 在亞美尼亞西南國。故奉基督教。其王海屯一世在位。會蒙古攻羅姆。羅

姆王乞師。不應。蒙古既勝。遂納款。憲宗三年。入朝。帝優遇之。居五十日。遣歸。取道撒馬爾罕以返。著有紀行日

記。今猶存。

谷兒只故奉基督教。屢侵犯回教人地。故札蘭丁伐之。太宗七八年。蒙古兵復侵入。其女主逃避。招之不歸。乃

立其猶子。蓋夫弟之孽子爲王。女主仰藥死。其子降於巴圖。定宗初皆入朝。乃析其國爲二。使其猶子主東境。子主西

境。皆有王號。而東爲上國。

羅姆國在黑海南。本東羅馬國屬地。宋神宗元豐三年。塞爾柱朝王米利克沙弟蘇里曼沙 (Suliman Shah) 帥突厥人。烏古斯人八萬帳。自撒馬爾罕來奪其地。建都於可尼。仍東羅馬之名。名其國曰羅姆。第八世王格

亞士胡丁 (Ghiath-ud din Kai Khosra) 嗣位。五載而蒙古兵至。戰敗。乃降。歲貢金錢布帛及馬若干。後二年殂。有子三人爭國。定宗令分國而治。憲宗初。一子入朝。道卒。二子猶交闕不已。會轄魯西征至。迄以憲宗命。令分國爲二。自是世附蒙古。役爲外藩。

初。近馬魯有突厥人名喀伊。爲康里族。其酋曰伊特拉格羅耳 (Ertogru) 帥其衆四百四十戶。避兵往亞美尼亞。後八年。蒙古兵踵至。復避往黑海南小亞細亞地。羅姆王使居於昂哥拉 (Angora) 與東羅馬鄰。生齒既繁。其子曰鄂多曼 (Ottoman) 卽鄂多雄武有大略。遂率徒黨據東羅馬近境。元世祖至元三十年。西歷一三九二年 自立爲國。是爲鄂斯曼土耳其帝國開基之主。

喀拉達格。部名。亦城名。在務魯木湖 (Urmia L.) 在裏海西高加索山南東北隅。今波斯亞塞爾拜然省。 其酋兼轄大馬色 (Damascus) 嘗擊卻札蘭丁兵。卒後。其妻入朝。太宗厚撫之。詔西域鎮帥。悉返其侵地。

初。太祖分地與諸子。獨遺花刺子模。如公家之產也者。故四子皆得遣官蒞治。以分賦稅。其後諸王橫索。馳使擾民。科則多不平準。鎮帥阿兒渾。於定宗憲宗卽位之初。兩預會議。上陳其弊。定宗嘉之。諸王稍斂。憲宗卽位。命與從官集議以聞。乃議援摩訶末伊耳瓦赤所定阿母河北計。丁出賦例。按貧富分則。禁外此一切科斂。毋聽諸王濫發勅令。報可。乃分花刺子模爲四省。省官稱瑪里克。自是政事始漸具條理。

第九章 巴圖之西征與奇卜察克汗國之創立

第一節 不里阿耳之破滅

先是成吉思汗南征印度之時。命長子卓齊特與大將哲伯蘇布特、西征裏海黑海以北地。成吉思汗班師。詔卓齊特來會。途中卓齊特以病辭不至。成吉思汗凱旋至斡魯朵。(Ordaus)會卓齊特卒。年甫三十餘歲。有子十餘人。巴圖(Batu)拔舊作最英武。有大略。太宗既滅金。奇卜察克、俄羅斯等部。猶時常反覆。太宗七年。西紀元一二三五年。以巴圖爲元帥。皇子庫裕克。(Cuyuc)舊作貴由。合丹、皇姪莽賚扣。(Manghu)舊作蒙哥。鄂爾多、卓齊特子貝達爾。(Baidar)察罕子皇孫海都。(Haidu)等從之。老將蘇布特爲副元帥。領前鋒。帥師五十萬西征。次年滅不里阿耳。即布哈爾之音轉。西史之 Bulgharia 又即 Bukhara 之音轉。不里阿耳者。故吐火羅都城。縛喝國種人。本亞洲民族。後徙入歐洲東境。性獷悍。棲穹廬。業游牧。奉異教。在歐又分東西二部。東部居裏海北。烏拉嶺西。直窩瓦河東。喀馬河(Kama R.)在窩瓦河東北。發源於烏拉山脈西南。流入窩瓦河。其都城今名控噶爾。(Kumaur)距喀山城二百五十里。成吉思汗西征時。哲伯蘇布特二將兵曾躡其境。既降而復叛。至是蘇布特首入。毀其都城。悉平其部。於是不里阿耳東部入於蒙古。

西部源出於東。因歲饑而分徙。立國於黑海西。巴爾幹半島北。屢侵略東羅馬。帝國北境大遭荼毒。奔避失產者。無慮數萬人。西曆紀元一〇一八年。宋眞宗天禧二年爲東羅馬所滅。遺族雜居於巴爾幹半島。有明中葉以後。東羅馬爲土耳其所滅。遺族隸於土耳其。西曆紀元一八七九年。清德宗光緒五年俄土戰役告終。以柏林會議之結果。始復立爲自治州。奉戴德國聯邦中之巴丹堡(Patzenberg)侯亞歷山大(Alexander)爲保加利亞大公。稱藩於土。即今之保加利亞是也。

蘇布特既滅不里阿耳。次年。宋理宗嘉熙元年蒙古太宗九年西曆紀元一二三八年遂破奇卜察克。其酋八赤蠻亦納思子敗逃裏海島中。莽賚扣追擒之。其子拜都察克舉族迎降。東北濱窩瓦河諸部族咸讐服。海北底定。遂入俄羅斯。

第二節 俄羅斯諸部之陷落 攸利二世之戰死

俄前喪師於外。至是已逾十四載。境內無事。諸侯王惟事內閱。不遑外禦。蒙古兵自東南侵入。遣使招安額里齊舊作也烈贊諸侯。命獻上財產十分之一。諸侯拒之。蒙古兵進攻。屠其城。遂北陷墨斯科(Moscow)今俄屬熱列士

復東趨瓦拉的米爾(Vladimir)都城。俄共主攸利即伊高二世。命二子留守。而自引兵北駐錫第河(Sit River)(窩瓦河之支流)以待諾佛哥羅等部援兵。蒙古兵圍其都城。次年破之。自此分軍爲數部。一軍北至錫第城。圍俄大營。攸利二世戰死。全軍殲焉。復北趨諾佛哥羅。未至而退。轉而西南。一軍攻禿里思哥今威德比斯科城堅守不下。傷亡甚多。益軍往助。閱二月始克。屠其城。血流成渠。獲其王。投渠中溺死。一軍東南嚮窩瓦河、頓河、下游行。敗

奇卜察克兵。酋長庫灘西北遁馬札兒。餘衆皆降。遂平奇加賽斯阿速等部。十一年。拔阿速之蔑怯思都城。分軍東渡窩瓦河。略不里阿耳北境。直至烏拉嶺西北地。少休士馬。乃謀南俄。十二年。攻克基輔等城。俄諸侯王陸續西遁告急。南俄地略定。乃進規孛烈兒馬札兒兩部。

第三節 佛雷斯達德 (Vahlstadt) 之戰

孛烈兒者。今之波蘭。在俄國西方。時分四部。馬札兒者。今之匈牙利。在俄國西南。其酋長怯憐。一作克拉克又作貝拉即匈牙利

王伯刺治格連 (Gian) 城。濱多瑙河。而常駐河東之佩斯 (Pest) 城。兩部互相依如輔車。馬札兒山險四塞。用

兵甚難。巴圖乃議分軍爲五。自引大軍從南路攻馬札兒。命貝達爾海都等從北路攻孛烈兒。十二年冬。貝

達爾遣前鋒掠孛烈兒境。尋自將大隊至。十三年。戰敗敵軍。遂焚克拉科 (Cracow) 進取拉的波爾。孛烈兒王

北奔里格尼自 (Lignitz) 與其兄細勒西亞 (Silesia) 侯顯理 (Henry) 合。集衆三萬。分五軍。第一軍爲乃

捏迷思。突厥人俄人舊稱曰耳曼曰人。即由敦騎士。第二軍、第三軍皆爲孛烈兒人。第四軍亦乃捏迷思人。第

五軍則細理自統所部。戰於里格尼自城西北佛雷斯達德之野。乃捏迷思人先進。蒙古軍佯敗以誘之。既離

其後軍遠。乃以突騎圍攻。一軍盡沒。其後四軍來援。亦敗。細理中矛墜馬死。蒙古兵以竿挑其首。徇下所部。馘

敵耳凡九囊。又西南入波希米 (Bohemia) 境。折而東南行。與巴圖大軍聯合。

第四節 潮寧河之戰

巴圖之南下也。先遣英人是人爲本國所逐投巴圖軍故。馬札兒諭降。怯憐不應。亦不設備。僅遣將守哈嘔山。今奧屬喀爾巴阡隘。伐木塞道。先是庫灘率四萬戶來奔。怯憐納之。至是民間以納降召兵相咎。怯憐不得已。下庫灘於獄。

十三年。巴圖自將大軍。破山隘木道而入。怯憐下令集兵。甫三日。游騎已至佩斯城下。怯憐欲俟援師大集而後出戰。基督教士烏孤領以爲怯。率衆出禦。敗績。一軍盡沒。惟烏孤領脫歸。民間迫怯憐殺庫灘。怯憐不得已。從之。庫灘部衆散而之布加利亞國。

巴圖大軍既入馬札兒。蘇布特一軍亦自東南踰山陟險來會。怯憐集兵而出。巴圖引退。過渾寧河。今奧屬東駐軍。三面環水。有險可扼。且林密足以自蔽。怯憐率大衆追至。見橋東有守兵。不能過。乃駐兵河西。以千人守橋界。環車爲營。懸盾於上。儼如壁壘。而設備甚怠。且無林木擁蔽。舉動瞭然。相持數日。巴圖見敵雖衆可乘。下令乘夜以一軍攻橋。一軍由下游潛渡。遂以礮逐守橋兵。凌晨渡河。下游軍亦渡而成列。環圍敵營。矢下如雨。相持至午。勝負未分。巴圖乃命開西南圍使逸。而自後馳逐。敵衆士崩瓦解。死者甚衆。河水盡赤。怯憐西奔。巴圖及蘇布特大軍進至禿納河。即多瑙河。拔馬茶城。即佩斯城。餘軍亦深入克捷來會。巴圖休軍。分遣土人治各城。收賦餽軍。尋自將乘冰合渡河。西攻格連等城。皆未下。分軍西循奧境。直至地中海北威內薩(Venice)國界。其合丹一軍。初由馬札兒東南。摩爾達維亞境內問道。踰山入林。襲下魯丹城。選乃捏迷思人勇者六百爲嚮

破襪拉幾亞等城。與巴圖大軍合。連兵渡河。復追怯憐。自格連至布達。不遇。聞已入奧界。遁往南境。旋入地中海島。因自後追之。所過城堡皆不攻。既至。則怯憐又自島乘舟北徙。乃引而東。大掠塞爾維亞境。餘軍仍駐河東。

時怯憐致書教皇及德帝。謂多瑙河北地。悉爲蒙古所得。恐將侵入德境。適德帝與教皇方有兵事。不暇東救。歐洲全境。震駭不知所措。乃捏迷思諸部民。皆荷擔遠遁。會太宗討至軍。乃以鮑瑪錦后稱制之元年。宋理宗淳祐二年西歷紀元一二四二年下令全軍東返。巴圖與合丹合軍而東。經塞爾維亞、保加利亞等國。多瑙河東諸軍。亦嚮東南而退。巴圖至高加索山北。討平奇卜察克叛者。次年。至窩瓦河。散遣諸軍。整治部地。建奇卜察克汗國於歐亞兩洲之交。定都薩萊。(Sarai)統轄西亞東歐各地。

第十章 呼必賚之南征 後理之衰亡與吐蕃安南之降附

太祖太宗兩代。西亞東歐咸入版圖。獨青海、西藏、雲、貴、及印度支那半島地方。因道路險遠。與蒙古猶未接觸。太宗殂後。子定宗庫裕克。從子憲宗莽賚扣。相繼在位。憲宗卽位之元年。命弟呼必賚圖類第四子總治漠南。開府金蓮川。在察哈爾赤城縣獨石口北金世宗納涼之地。地產黃花狀若芙蓉而小。故以爲名。次年。分漢地封宗屬。呼必賚得關中及河南懷孟等地。

尋使將兵擊後理。

第一節 後理之盛衰

後理自中宗正淳復國以後。以高泰明爲相國。執政柄。宋徽宗崇寧二年。使高泰運奉表入貢。求經籍藥書。大觀二年。正淳禪位爲僧。子和譽立。是爲憲宗宣仁帝。

正和五年。封高泰明平國公。次年卒。高泰運代主國事。入貢於宋。詔授和譽雲南節度使。封大理國王。宣和元年。以高量成昇泰姪爲相。號中國公。是時國家多難。諸王子內爭。三十七蠻部外叛。和譽鬱鬱不樂。在位三十九年。以宋高宗紹興十七年。禪位爲僧。子正興立。是爲景宗正康帝。

正興卽位以後。高量成請老。姪壽貞、壽昌相繼代主國事。稱中國公。正興在位二十五年。以宋孝宗乾道八年。禪位爲僧。子智興立。是爲宣宗功極帝。

智興時代。鄯闡酋長李觀音得作亂。奪壽昌位與其姪貞明。阿機復起兵逐貞明。奉壽昌復位。貞明遂據鶴慶。自稱明國公。高妙音自白崖起兵襲鄯闡。國多內亂。智興在位二十八年。以宋寧宗慶元六年殂。子智廉立。是爲享天帝。

智廉卽位以後。遣使入貢於宋。求大藏經。在位五年。以開禧元年殂。弟智祥立。是爲神宗。征三十七蠻部。降之。封高隆鄯闡王。以高泰祥爲相國。舉賢育才。時和年豐。稱治世焉。在位三十三年。以宋理宗嘉祥二年。禪位爲

僧。子祥興立。是爲孝義帝。

淳祐四年。蒙古兵來侵。祥興遣將高禾迎戰。敗績。死之。十一年。祥興殂。子興智立。是爲天定賢王。次年。蒙古憲宗使其弟呼必賚大舉來侵。以大將烏特哩哈達舊作兀良合台總諸軍事。分三道進。自臨洮今甘肅臨洮縣。元屬臨洮府。遂由此取道。自洮岷而松潘也。經行山谷二千餘里。至金沙江。即古麗水。以產金沙故名。源出西番流逕雲南故麗江諸府境下。流至四川馬湖入大江。興智命高泰祥總兵守金沙江。與蒙古兵相持。蒙古兵乘革囊及筏潛濟江。摩莎蠻今雲南故麗江府主迎降。進薄大理城。泰祥回師拒戰。敗績。興智奔鄯闡。泰祥退屯統失邏。今姚安縣募兵於三十七蠻部。未至而蒙古兵已長驅深入。泰祥被執不屈死。蒙古兵進破鄯闡。虜興智。後理亡。時宋理宗寶祐元年。蒙古憲宗三年。西曆紀元一二五三年也。後理自建國至是。共傳八世。一百五十七年。總計段氏大理後理二國。共傳二十二世。三百一十五年。

後理世系表 段氏大理國表。正帝正明之弟。傳八世。一百五十七年爲蒙古所滅。

(一) 中宗正淳 十二年

(二) 憲宗和譽 三十九年

(三) 景宗正興 二十五年

(四) 宣宗智興 二十八年

(五) 享天帝智廉 五年

(六) 神宗智祥 三十三年

(七) 孝義帝禪興 十三年

(八) 天定賢王興智 二年

第二節 吐蕃之降附

大理既亡。雲南西北部皆入於蒙古。蒙古兵乃轉鋒西上。經略吐蕃。吐蕃自開國閱十四傳。至多里隆贊時。已興佛教。厥後累葉崇奉推闡。佛教益盛。及棄隸踏贊爲贊普。娶唐金城公主。延中天竺僧巴特瑪撒巴等至其國。欲使馴崇。乃集國衆。從之受祕咒諸法。遂開後世刺麻華言無也教一派。自是其教日盛。勢凌國主。唐昭宗大復九年西歷紀元九〇一年。則達爾瑪嗣爲贊普。力裁抑之。爲教徒所弑。其後再傳。佛法復興。益加崇獎。刺麻勢愈熾。南宋理宗嘉熙年間。刺麻班第威令行於全國。至是蒙古兵至。其酋蘇固圖舊作唆火脫懼而出降。兵威所加。鮮不款附。呼必贊遂班師。留烏特哩哈達攻諸夷之未附者。

先是有西域僧納摩舊作那摩者。本竺乾國人。與兄鄂托齊舊作幹脫亦俱學浮屠。仕於蒙古。定宗在位。嘗命鄂托齊佩金符。奉使省民瘼。憲宗即位。復尊禮納摩。令總天下釋教。鄂托齊亦貴寵用事。至是復有西僧帕克巴舊作八是巴者。本吐蕃薩斯嘉人。舊作薩斯迦姓足克袞氏。舊作族款相傳自其祖多爾濟。舊作朵赤以其法佐國主。霸西海十餘世。時年十五。往謁呼必贊。與語大悅。日見親禮。及後卽位。尊爲國師。統釋教。

第三節 西南諸蠻部之降附

呼必贊班師以後。烏特哩哈達自吐蕃進攻白蠻、烏蠻、鬼蠻、諸部。據唐書南蠻傳。蠻有東西。西蠻謂之白蠻。東蠻謂之烏蠻。又有大勃弄、小勃弄。其言曰。故又謂之鬼蠻也。皆在今雲南中部。所向風靡。羅羅斯即今及阿伯俱下兩國大懼。舉國以降。又乘勝攻

下阿魯諸酋。西南夷悉平。得五城、八府、四郡、蠻部三十七。時宋理宗寶祐三年。蒙古憲宗五年。西曆紀元一三五五年也。

第四節 大越李氏之衰亡與安南陳氏之建國

西南夷降後。雲南全省及諸土司皆入於蒙古。蒙古兵乃轉鋒南下。經略交趾。交趾自李公蘊篡立以後。傳子德政。孫日賀。累世稱臣於宋。受冊封爲靜海軍節度使。安南都護。交趾郡王。宋神宗熙寧初。日尊擊破占城兵。虜其王。國勢驟張。始自稱皇帝。是爲聖宗。建國號曰大越。改元寶象。而仍稱臣於宋。熙寧五年。西曆紀元一〇七二年。日尊殂。子乾德立。是爲仁宗。八年。大舉兵寇嶺南。陷欽、廉、邕等州。詔以郭達爲招討使。趙卨副之。總兵八萬南征。大破其兵於富良江。在今安南北境。其上游卽雲南之文江。李仙江。山普洱流逕安南境。會白鵝歸化等江入海。取其廣源州、門州、思浪州、蘇茂州、枕榔縣等地。皆在今安南北境。乾德懼。請降。許之。自此以後。仍稱臣奉貢。時常在邊境互市。徽宗大觀初年。貢使至京。乞市書籍。上嘉其慕義。詔除禁書外。餘書許其市。宋室南遷以後。乾德臣節無改。紹興二年。西曆紀元一一三二年。乾德殂。從子陽煥立。是爲神宗。神宗殂後。傳子天祚。是爲英宗。宋孝宗淳熙元年。進封安南國王。英宗殂。傳子高宗龍翰。孫惠宗吳昌。吳昌無子。傳位於次女佛金。是爲昭聖女皇。佛金見陳日昞而悅之。納爲婿。因禪位於日昞。李氏凡傳九世。二百十六年而亡。時宋理宗寶慶元年。大越昭聖女皇元年。西曆紀元一二二五年也。

陳日昞者。天長漁家子。從叔守度爲李氏殿前指揮使。昞八歲。因得入侍。卽位後。以佛金爲后。父承居攝。守度

爲太師。統國政。是爲安南太宗。至是蒙古兵入境。遣使諭降。日暎不應。囚其使。蒙古兵進至洮江。江即今富良人戰敗。日暎走海島。蒙古得前所遣使於獄中。以破竹束體入膚。比釋縛。一使死。蒙古人怒。屠其城。留九日。以天氣暑溼。人馬多病。乃班師。復遣使招日暎還。日暎見國都殘毀。大怒。執蒙古使。次年傳位於其子光昺。是爲聖宗。始與蒙古議和。受封爲安南國王。約定三年一貢。烏特哩哈達班師。留兵鎮守雲南。時宋理宗寶祐六年。蒙古憲宗八年。西曆紀元一二五八年也。

大越世系表 李氏傳九世二百十六年禪於陳氏

- (一) 太祖李公蘊 在位十八年
- (二) 太宗德政 十七年
- (三) 聖宗日尊 十七年
- (四) 仁宗乾德 五十六年

崇憲侯

- (五) 神宗陽煥 十一年
- (六) 英宗天祚 三十七年
- (七) 高宗龍翰 三十五年
- (八) 惠宗吳昞 十四年

- (九) 昭聖女皇佛金 二年
- 陳日暎

第十一章 轄魯之西征與伊兒汗國之創立

第一節 西征之動機

先是巴圖西征以後。亞洲西北部咸入蒙古版圖。而西南部猶未盡服。太宗末年。駐守伽色尼等處之蒙古兵。逾中河。攻印度。圍拉賀里城。特里王遣兵赴援。中途兵士作亂。倒戈反向。拉賀里無援。城遂陷。蒙古兵亦旋返。自此以後。時常侵擾印度邊境。定宗卽位之初。邊遠屬國。若俄羅斯。以至摩蘇爾等。或身來朝。或遣子弟入貢。其以鄰國資格。派遣使臣陪位襄事者。則有羅馬教皇。薩拉森帝國。哈利發。木刺夷。阿剌伯。各酋長。王會之盛。古所未有。定宗皆厚賜之。犒及從者。惟木刺夷使不見禮而遣歸。哈利發使則諭使歸告其主。襲遇蒙古人無禮。如不改。行且加兵。定宗在位僅三年而崩。西域出兵之事卒不果。憲宗卽位。命皇弟轄魯(Huagur or Khuloghin)舊作旭烈兀 類第五子爲元帥。總兵伐西域。大將綽勒們諾延舊作抄馬那顏郭侃等從。別遣大將薩里等征印度。克什米爾等部。受轄魯節制。薩里入敵境。大掠而還。印度西北部多入於蒙古。

第二節 木刺夷之破滅

木刺夷(Mulahida)者。亦回教徒。其義爲舍正入歧。蓋同教人相詈之辭。非國名也。回教自教主穆罕默德

殂後。別派踰百數。於哈利發外。又別立阿力後裔爲伊曼。(Imam) 亦教首之謂特權其後十葉教復歧爲伊

十邁(Ismael)教。實爲木刺夷所自起。相傳北宋中葉以後。教徒相率至波斯地。分據海隅山隘。築堡以居。其

酋居於低廉。(Dilem) 今奧海西南濱波斯伊蘭部內山地 其教規不禁飲酒。務蓄刺客。與有隙者。輒刺殺之。鄰國君相多被其

害。成吉思汗西征。木刺夷遣使輸款。憲宗二年。宋理宗淳祐十二年西歷紀元一二五二年 詔以木刺夷凶悍無道。遣轄魯西征。以

奈曼人奇塔特布哈爲前鋒。帥萬二千人先行。次年。至庫黑斯坦。(Kuhistan) 省名在北下數堡進至稽

寒。即今馬散地西攻乞都卜拉布 城險峻。堅守久不能下。越二年。轄魯帥郭侃等至木刺夷。其國塹道置

毒水中。侃破其兵五萬。下一百二十八城。六年。進至乞都卜寨。遣侃等諸道並進。架礮攻之。守將卜者納失兒

降。復遣使往諭其酋兀魯兀乃算灘納款。兀魯兀乃遷延不應命。復西進。抵德馬文城。再招降。仍不至。乃分三

道並進。逼其都城。兀魯兀乃延宕計窮。乃因卜者納失兒出降。其父阿力。即西史阿力愛丁 據西城不下。侃攻破之。走

據東城。復攻破。殺之。得其藏貨甚夥。事定。盡屠其民。木刺夷凡傳七世。一百七十六年而亡。時宋理宗寶祐四

年。蒙古憲宗六年。西曆紀元一二五六年也。

第三節 薩刺森東帝國之破滅

木刺夷既平。波斯全境皆入於蒙古。西域諸小國。前後降附者凡三十餘國。轄魯遂進兵西下。經略美索不達米亞。是時美索不達米亞地方。尙爲薩刺森東帝國所據。自哈利發那昔爾在位時代。屢與鄰國開釁。時常構

兵。花刺子模亡後。帝國東境。漸與蒙古爲鄰。形勢日逼。那昔爾列。再傳至亞爾模斯他錫姆。(Almustassim) 蒙古兵屢侵邊境。至是轄魯以大兵西下。帝國財政總長謨牙代丁。本十葉教徒。怨亞爾模斯他錫姆虐待其同教。陰通蒙古。悉以虛實告。勸其進兵。並誣亞爾模斯他錫姆令裁兵以節餉。轄魯使人致書招降。亞爾模斯他錫姆不從。反大言以激怒之。欲殺使者以絕蒙古。大臣力諫。乃止。

轄魯得報。議進兵。亞爾模斯他錫姆問計於羣臣。謨牙代丁勸以納賄行成。副宰相哀倍丁不從。議久之。始令集兵。謨牙代丁不迅籌餽。踰五月。兵始集。餽仍遷延不發。亞爾模斯他錫姆復遣使往說蒙古軍。謂曩凡攻報達者。無不受天譴。歷引故事爲證。轄魯斥其妄。將自進征。薩刺森東邊守將迎降。適憲宗遣星者至軍。極言攻報達不祥。將有天殃。而木刺夷降將卜者納失兒素仇哈利發。力白其誣。且引哈利發嘗見殺於人之事以折星者。轄魯遂決計深入。分軍爲三。一軍發羅姆經摩蘇爾。自西北進。一軍自東南羅耳今魯利斯丹進。轄魯自將中軍。自東境進。七年。西渡底格里士河。決河灌覆敵軍。遂抵報達城東。城分東西。跨大河。西城無壁壘。東城固之以甃。河東軍圍其三門。河西軍沿河上下游。泊舟置礮。以防其逸。攻具畢備。遂進攻。破敵兵四十餘萬。克西城。進圍東城。六日而破。死者以數十萬計。亞爾模斯他錫姆以船走。有浮梁扼之。乃降。轄魯至其宮。令畢獻庫儲。復詰窖藏。目於井而出之。金寶充牣。搜其宮中。侍婦女七百人。內監千人。遂招降吉西斯丹。今亞拉畢斯丹 Arabistan 以氈裹亞爾模斯他錫姆置通衢。以騎蹴踏而殺之。東大食亡。時宋理宗寶祐六年。蒙古憲宗八年。出奔(Hegira)

紀元六五六年。西曆紀元一二五八年也。阿拔斯朝凡傳三十七世、五百零九年而亡。

阿拔斯朝宗室阿卜而哈辛奔阿刺伯。旋至敘里亞。世祖中統初年。西曆紀元一埃及王比拔而斯迎至國。立

爲哈利發。受其冊命。自稱蘇丹。以兵納之。東踰歐夫拉底士河。宗室哀而哈勤聚衆來會。與蒙古兵戰。敗績。阿

卜而哈辛不知所終。哀而哈勤奔埃及。自稱哈利發。自此以後。累世爲埃及寓公。至有明中葉。始爲土耳其所

滅。

第四節 敘里亞小亞細亞諸國之征服

轄魯既克報達。遂鼓行而西。行三千里。馬行二至天房。敵將詐降。郭侃嚴爲備。敵果來襲。與戰。大破之。其酋降。

下其城一百八十五。

是時馬米路克(Mameluks)奴隸之義本蒙古種薩拉人據埃及兼領敘里亞國勢方張轄魯進至大馬色

與戰。不利。折而北。經略小亞細亞。破巴爾幹半島諸國聯軍。約爲屬國。尼加亞(Nicaea)之東羅馬朝廷遣

使來修好。西歐耶教諸國皆來請和。將聯兵以當回教諸國。復命郭侃西渡海。收富浪國。今英屬塞浦路斯折而

東。至石羅子國。即今波斯失羅子城以奇兵襲破敵。其酋奧思即西史之台白利司部阿塔卑即阿塔畢降。九年。破

兀林。約在今法爾西界游兵四萬。其酋懼而降。得城一百二十四。南至起爾曼。酋長忽都馬丁算灘降。西域

平。自西征至此。凡七年。拓境幾萬里。後遂以所得地封轄魯。號伊兒汗(Ilkhan)國。定都低廉。爲元之西南

重鎮。

是時亞洲全土。除印度一部分及西伯利亞外。皆入蒙古勢力範圍。歐洲東北境一大部分。亦入於蒙古。蒙古帝國之事業。在世界政治史上。有莫大關係。顧在世界文化史上。乃全無價值。其結果幾等於零。(Nero)由來蒙古民族。本無固有文化。及征服異族後。亦到處破壞。絕無建設。所經過之地方。市街化爲焦土。人民化爲蟲沙。多年繁盛之都會。變爲荒涼之曠野。自元以後。中國文明驟然退化。無復漢唐宋代之發達。長安、洛陽、彰德、江寧、開封、成都等處。遍地荒蕪。有麥秀黍離之慨。西方之報達、尼尼微(Nineveh)馬的安(Madians)大馬色、伽色尼、撒馬爾罕等處。亦徧罹兵燹。埃及文明、美索不達米亞文明、阿剌伯文明。亦掃地盡矣。

第十二章 蒙古東征以前後高麗內政之變化

第一節 權臣之跋扈

後高麗自建國以後。內憂外患。紛至沓來。外患則爲遼與金。內憂則權臣及武人是也。初睿宗之逝世也。仁宗尙幼。睿宗諸弟年長。頗有覬覦王位之意。后父李資謙仁宗外祖奉仁宗卽位。自爲中書令。專國政。納其女爲王妃。宗戚黨羽。徧布要地。誅竄大臣之不附己者。威權震於一時。王心不平。內侍祇候金粲等。與上將軍崔卓、吳卓。

謀起兵誅之。率師入宮。殺其黨拓俊臣。俊臣之兄門下侍郎同平章事俊京。舉兵犯闕。殺金榮等。幽王於資謙第。資謙進毒謀弑王。王妃詐蹶而覆之。得免。已而俊京與資謙漸生嫌隙。王諭俊京使圖資謙。執而流之。靈光今全羅南道俊京恃功驕橫。王數其罪而流之。大樸復歸於王室。宋高宗紹興十六年。西歷紀元一四六六年王殂。太子昀立。是爲毅宗。東宮侍讀鄭襲明。舊爲毅宗帥。至是受遺詔。輔政。襲明方嚴。上敬憚之。已而信讒。免襲明官。襲明憤慨仰藥死。宦者鄭誠用事。王信其言。恣意聲色。建離宮於大內之東。亭臺池榭。窮奢極麗。日夜與幸臣遊宴。其中賦詩飲酒。爲流連之樂。又崇奉佛教道教。大修寺觀。齋醮之費不貲。庫帑不足。佞幸之臣。暴斂民財以補助之。臺省直臣竄逐殆盡。羣臣希旨。多言祥瑞。迎合取容。般樂怠傲之空氣滿朝。文人學士。多風流放誕。以樂天知命自命。無復以國事爲意者。文學美術工藝頗有進步。而政治之腐敗已極。於是反動力起。霹靂一聲。山岳震動。天翻地覆。生物絕滅。鄭仲夫李義方之亂起。衣冠之族。一網打盡。王之首領亦不保。王室威靈掃地。文教亦頽廢矣。

第二節 武人之專橫

是時文人驕傲。輕蔑武士。士遊幸無常。武士隨行。飲食不以時至。往往饑凍而死。軍人憤懣不平。宋孝宗乾道六年。西歷紀元一一七〇年大將軍鄭仲夫。與散員李義方李高等謀。因人心不平作亂。盡殺朝廷文官。無貴賤皆死。執王遷於巨濟。南道迎立王弟皓。是爲明宗。遣工部郎中庾應圭使金。以前王有疾禪位入告。金世宗疑之。遣詢

問使完顏靖往詰問。乾道九年。

後高麗明宗三年

東北面兵馬使金甫當起兵討仲夫等。以張純錫柳寅俊爲南路兵

馬使。奉毅宗復位。居慶州。安北都護府襲執甫當。送開京。義方鞠而殺之。甫當臨刑時。言文臣皆預謀起義。義

方遂大殺朝臣。衣冠之族皆盡。復使將軍李義政攻慶州。破純錫等兵。執毅宗而弑之。投其尸於坤元寺之北

淵。自此以後。武人日益跋扈。上自三京。

東京西京南京

四都護府。

安東安西安南安北

八鎮。

廣忠清普南

之長官。下至郡縣館驛

之末僚。皆爲所壟斷。當時朝臣。皆目不識丁之徒。民間有欲讀書識字者。皆就僧院習之。儒教糟粕。借佛教徒

法力。維持一線光明於黑暗世界。世道人心。凋敝如此。名教綱常。掃地以盡。逆臣叛將。遂接踵而起矣。

已而西京留守趙位寵。起兵討仲夫等。傳檄東北境。岳嶺。

今黃海道慈悲嶺

以北四十餘城皆應之。義方以同平章事

尹麟瞻爲大將。率師擊之。戰於岳嶺。敗績。位寵進逼開京。義方大怒。自將擊破之。乘勝窮追。至大同江邊。遇伏。

敗績。復命尹麟瞻攻之。圍西京。城久不拔。位寵食盡。遣使附於金以乞援。世宗不許。執其使送義方。麟瞻遂拔

西京。殺位寵。西北四十餘城皆下。時宋孝宗淳熙二年。金世宗大定十五年。後高麗明宗五年。西曆紀元一

七五年也。

西京既平。義方日益恣橫。納其女爲太子妃。壟斷政權。鄭仲夫之子筠嫉而殺之。仲夫自爲門下侍中。貪婪無

厭。其子筠及其黨羽宋有仁等用事。賄賂公行。家僮門客。皆依勢爲奸。專恣日甚。將軍慶大升討斬之。奉大權

歸於王室。王柔懦性成。溺於燕安。日以遊戲爲事。宦官盜弄國柄。政以賄成。政治之濁亂。甚於毅宗之時。王

又深懼武臣。惟恐拂其意。史官文克謙修國史。直書毅宗被弑事蹟。上將軍崔世輔自由改竄之。李義旼以大逆不道之人。仍秉朝政。王因循不敢討。反優禮之以買其歡心。將軍崔忠獻誅義旼。夷三族。盡戮其黨與。於是大權歸於崔氏。忠獻兇橫。多殺朝臣。宋寧宗慶元三年。西歷紀元一九七年幽王於昌樂宮。迎立王弟晫。是爲神宗。忠獻與其弟忠粹爭權。殺之。自爲三重。大匡。守太尉。上柱國。專國政。賣官鬻爵。賄賂公行。自以亂暴。殺人多。恐變生肘腋。出入常以壯士自隨。選士卒之強有力者。直宿其家。號曰都房。宋寧宗嘉定四年。西歷紀元一四〇四年神宗殂。子諤立。是爲熙宗。忠獻自爲守太師。門下侍郎。同中書門下平章事。王嘉其擁立之功。待以不臣之禮。呼爲恩門相國。冊封晉康侯。忠獻宴冊使及諸王於私第。設備之盛。爲古來人臣家所未有。王徒擁虛位。事事受制於忠獻。起居動作。俱不得自由。外雖忍受。內實不堪。內侍王濬明知其情。謀伏僧兵以誅忠獻。事泄。被殺。宋寧宗嘉定四年。西歷紀元一一一一年忠獻廢王。遷於江華島。放太子祉於仁川。迎立明宗之子貞。是爲廢宗。越二年。宋寧宗嘉定六年西歷紀元一二一三年子晫卽位。是爲高宗。是時契丹遺族金山金始二王子來侵。忠獻易之。不設備。敵勢日盛。到處蹂躪。忠獻擅權既久。專以荒淫爲務。不恤國政。自以起家卒伍。驟秉政權。殺戮朝臣。荼毒百姓。立四王。廢二王。殘忍暴虐。無所不至。顧猶不敢公然謀大逆。常自言熙宗之得保首領以沒。係己仁恕所致。冠履之倒置如此。吁。可怪矣。忠獻卒。子瑀嗣。自爲吏兵二部尙書。參知政事。檢查忠獻生前所占領之公私田。各還附於其主。登庸寒士。以

收人望。置政房於私第。令百官至私第上政簿。羣臣奔走恐後。是時蒙古兵來侵。瑀脅王遷於江華島。瑀卒。子沆嗣。自爲吏兵二部尙書。樞密院副使。尋進門下侍中。擅威福。羣臣有忤旨者輒戮之。沆卒。弟埴嗣。年少暗劣。疏斥賢士。登庸輕薄。大司成柳璥。將軍金仁俊。都領郎將林衍等。相與謀誅之。時宋理宗寶祐六年。後高麗高宗四十五年。西曆紀元一二五八年也。自忠獻擅國至是。傳四世六十餘年而亡。政權復歸於王室。

次年高宗殂。太子僖立。是爲元宗。以金仁俊爲侍中。封海陽侯。總朝政。仁俊恃功驕恣。家臣諸子爭以聚斂爲事。人多怨之。樞密副使林衍與仁俊有隙。密與宦者崔璥謀殺仁俊及其諸子。捕其黨皆殺之。衍復殺璥。自握政柄。尋與侍中李藏用謀廢王遷於別宮。迎立王弟安慶公涓。適太子諶還自蒙古。中途聞變。走還蒙古告難。蒙古遣兵部侍郎黑的使高麗。責問廢立之事。林衍憂懼不知所措。從黑的勸。奉王復位。王將入朝於蒙古。衍恐王漏泄廢立之事。使其子惟幹從行以監王。會蒙古已知其情。遣使責問。衍聞之。憂懼而卒。王還自蒙古。將還都舊京。衍子惟茂代父執政。不從。御史中丞洪文系等。諭三別抄。執惟茂誅之。中外大悅。三別抄者。左右別抄。及神義軍。掌巡行各處。詰姦除暴。崔瑀執政時始置。優其餉糈。倚爲爪牙。自此以後。常爲權臣所利用。金仁俊誅崔埴。林衍殺仁俊。胥賴其力。及王還都舊京。三別抄頗懷疑貳。將軍裴仲孫。盧永禧等。率之據江華島以叛。王以金方慶爲追討使。與蒙古兵討破之。賊遁入珍島。風全羅南道又轉入濟州島。恃險猖獗。久不服。卒爲方慶所殲滅。

自權臣專政以後。繼以武人擅權。一害甫去。一害又生。國王徒擁虛器者百五十年。至是武人政治。始從根本取消。而蒙古勢力已侵入內部。王室威靈不振。朝鮮半島之政治勢力。遂折入蒙古矣。

第十三章 蒙古之東征與後高麗之降附

第一節 契丹與東真之騷擾

先是蒙古兵起。金人疑契丹遺民有他志。下令契丹戶一。以女真戶二夾居。嚴防之。故遼宗室耶律留哥不自安。以宋寧宗嘉定五年。西歷紀元一遁至隆安。即黃龍府改名起兵抗金。聚衆至十餘萬。遣使附於蒙古。屢敗金兵。次年自立爲遼王。盡取遼東州郡。都咸平。在今遼寧鐵嶺縣八年。入朝於蒙古。其將耶厮不據遼東叛。自稱遼帝。尋爲其下所殺。推其丞相乞奴監國。與行元帥鴉兒代統其衆。留哥以蒙古兵來討。乞奴兵敗。東渡鴨綠江。由北界今平安道進侵忠州。今忠清北道溟州。今江原道江陵郡轉掠咸鏡道。王京震駭。是時猛將勁卒。皆隸崔忠獻父子。王師羸弱不堪戰。兵馬使金就礪等率之拒敵。雖小有克捷。而敵勢日盛。會賊黨金山殺乞奴。自稱國王。統古復殺金山而自立。喊舍又殺之。亦自立。內訌屢起。酋長屢易。而氣餒卒不少衰。是時金遼東路宣撫使蒲鮮萬奴。爲蒙古所逼。東走朝鮮半島。據高麗北境。自號東真王。屢侵北邊。兵勢甚盛。

耶律留哥以蒙古契丹兵歸討亂黨。行經後高麗北境。高麗人洪大宣詣軍降。蒙古元帥哈真遂與蒲鮮萬奴合兵擊喊舍。王遣元帥趙冲及金就礪等與聯合。圍喊舍於江東城。在今平壤破之。喊舍自殺。餘黨皆降。王遣使奉牛酒犒師。稱臣奉貢於蒙古。時宋寧宗嘉定十一年。蒙古太祖十三年。後高麗高宗五年。西曆紀元一二一八年也。

第二節 薩里台之役

蒙古既代後高麗。半契丹亂黨。歲徵重幣以充貢賦。後高麗疲於供應。宋理宗寶慶三年。蒙古太祖二十一年蒙古使臣珠古舊作還古還自高麗。中途爲人所殺。蒙古疑爲高麗所爲。謀伐之。因時方有事於中國及西域。不果。紹定四年。蒙古三年蒙古太宗命將軍薩里台舊作撒禮塔與嗣遼王薛閣留哥長子伐高麗。由北界進至王京。分兵侵略忠州清州。所過之處。無不殘滅。王遣使請和。厚贈土物。上表稱臣。蒙古置達嚕噶齊。監治其地。逾年。太宗遣皇子庫裕克及諸王按赤台等擊東真。滅之。於是朝鮮半島北境。折而入於蒙古。

第三節 也窟車羅大之役

已而崔瑀奉王幸江華島以避兵。盡殺蒙古所置之達嚕噶齊七十二人。蒙古兵復來侵。王師屢敗。王不得已。以族子永寧公綽爲王子。質於蒙古以乞和。蒙古遣使命王還都舊京。時崔瑀已卒。其子沆、崱相繼執政。不許。蒙古大將也窟車羅大等來侵。前後數次。殺戮人民無算。宋理宗寶祐六年。高麗將趙暉等。以利州咸鏡南道永興

郡以北之地。叛降於蒙古。蒙古置雙城總管府於和州。以暉爲總管。屯重兵以戍之。壓迫高麗日甚。王不得已。使太子僖入朝於蒙古。毀江華城。宋理宗開慶元年。王薨。元宗卽位。還都舊京。上書於蒙古。請免侵擾。還俘逃。皆許之。王遣使入貢。又身自入朝以謝。尋改名植。林衍廢王。立安慶公渭。都統領崔垣等據西京五十餘城。附蒙古。世祖受之。改西京爲東寧府。畫慈悲嶺爲界。遣兵討衍。送王復國。以皇女下嫁王世子愜。宋度宗咸淳十年。西歷紀元一王殂。愜立。更名晡。久之。復更名昞。是爲忠烈王。自是以後。高麗降爲蒙古屬國。代代受冊封。事元純用藩臣禮。元常干預其內政焉。

第十四章 蒙古勃興之原因

自成吉思汗稱尊號以後。僅十九年。業舉今內外蒙古、滿洲、與中國本部黃河流域各省、新疆、亞洲中西北三部、暨歐洲東北部咸隸版圖。後嗣蒙業承庥。幾混一全亞。旁瞞歐非。至今歐人譚之。猶懷乎動容。其所繇奏此空前之偉績者。內部之原因有五。

一、蒙古國典。非經庫魯泰大會議所共推戴者。不得爲蒙古大汗。庫魯泰者。合宗室諸王、大將、及羣藩、邊遠若俄羅斯羅姆谷兒只法列魯。若萬戶千而共合爲一大會。開議於東方鄂嫩克魯倫兩河源。成吉思汗而斯克時木摩蘇爾之屬。

肇基之地也。以其國家幅員廣大。非智勇兼備。能效法成吉思汗者。不可爲共主。故蒙古大汗。必選偉人。素饜全國輿望者。

二、蒙古人自幼卽事畋獵。嫻騎射。故騎兵精銳。大率人各畜馬三四匹以上。輪班休息馬力。終日馳騁而勞頓。

三、騎兵忽促赴前敵時。飢餐羊馬之乳。渴不得水。則飲其血。如是者能撐持旬日。行不費糧。戰不反旆。故進行極速。所向無前。

四、蒙古兵制。典兵官視兵數多寡。爲爵秩崇卑。長萬夫者爲萬戶。千爲千戶。百爲百戶。皆直隸於大汗。於各萬戶千戶百戶中。選萬人充宿衛。爲大中軍。軍士則初有蒙古軍。皆本國人。有探馬赤軍。爲諸部族。其法。家有男子十五以上。七十以下。無衆寡盡僉爲兵。十人爲一牌。設牌頭。上馬以備戰鬪。下馬則屯聚牧養。孩幼稍長。又籍之。曰漸丁軍。萬戶千戶百戶多有封地。或世襲。所部民事皆稟焉。違卽治之。不須上請。故事權統一。而兵數亦無缺乏之虞。

五、蒙古起朔方。其俗不待蠶而衣。耕而食。無假農桑。惟事畜牧。牧事不必壯男。雖婦孺亦可承乏。故軍士雖出征。其家仍不免征徭。大都妻子代輸之。沙漠萬里。牧養蕃息。雖頻年用兵。而上供無闕。外部之原因有四。

一、中國方面。 唐室衰微以後。內部分離爲數十小國。時常構兵。漢族疲於內訌。宋室勃興。雖統一中國本部。而內外蒙古及東三省爲遼所據。黃河流域上流爲夏所據。漢族與東胡民族西藏民族。各建立一大帝國。互訌者百餘年。南北西三民族俱疲於奔命。遼至衰亡以後。女真民族之金勃興。驅逐宋於揚子江流域。仍成三國對立形勢。互訌者又百餘年。三民族俱疲於奔命。鵠蚌相持。漁翁得利。蒙古兵一起。三國皆土崩瓦解。非蒙古人亡之。三國之自亡也。亞洲東部所以易於統一者。此爲最大原因。

二、西域及波斯方面。 薩拉森帝國分裂以後。亞洲領土隸於阿拔斯朝。阿拔斯朝衰微。東方酋長多乘勢作亂。略取領土。稱王稱帝。泰黑耳朝、蘇法爾朝、薩曼拿朝、布耶朝、伽色尼朝、塞爾柱朝、高爾朝等。更起迭仆。維持勢力各數十年。至百餘年。塞爾柱朝衰微。東胡民族乘勢西下。建立西遼帝國。突厥別部之土耳其蠻 (Turcmans) 人。復建立花刺子模王國。與之對峙。西方之閃民族、伊蘭民族、與東方之突厥民族。東胡民族、互訌。更無餘力以禦外患。蒙古人侵略西域。所以易於成功者。此爲最大原因。

三、東歐方面。 俄國自祿利克 (Ruric) 建國以後。尙未入歐洲列國國際關係範圍。祿利克王朝之相續法。兄終弟及。以年之長幼爲序。長者承襲中央政府爲君主。幼者分封藩國爲諸侯。其結果。俄國國內生出無數小侯國。初猶以內政統一之必要。推尊年長者一人爲共主。節制諸藩。其後漸成尾大不掉之勢。君主生前。卽豫定死後之領土分配法。以免諸子之紛爭。於是愈分愈破碎。無一強有力者。故蒙古兵西

征東歐。如入無人之境。

四、西歐方面。西歐自羅馬帝國衰亡以後。神聖羅馬皇帝與羅馬教皇爭權。十字軍東征之時。發皇權力達於極點。東征失敗以後。人民崇拜教皇心漸冷。各國王侯乘機提倡國粹主義。(Nationalism)排斥皇帝詔書及教皇令旨。自爲政治上及宗教上之主權者。權不集於中央。而分集於各國政府。歐洲中原政治上無中心點。再起十字軍。大非易易。蒙古兵西征歐洲。所以未遇大抵抗者。職此之由。

第十五章 元初之分國制度

蒙古自太祖開基。至世祖滅宋。入主中國。首尾甫七十四年。一二〇六年至一二七八年竟締造一曠世之大帝國。今案其開拓疆土之次序。列表於左。以供參考。

大 汗	其時代所征服之土地
太祖特穆津	內外蒙古 滿洲 中國西北部 天山南北路 中亞阿母錫爾兩河流域 阿富汗 波斯東半部及高加索山附近
太宗諤格德依	中國中部 朝鮮 西伯利亞西南部 歐洲東北部

憲宗莽賚扣	中國西南部	西藏	法領越南	西亞細亞一帶	印度西北小部
世祖呼必賚	中國南部				

世祖初年。蒙古屬土。除北亞北部與南亞南部外。橫絕亞洲大陸。遠跨歐洲。宗室諸王。於此大帝國中。各有分地。其間尤大之國有四。

一、奇卜察克汗國。初太祖平西域東歸。定四子分地。以鹹海裏海北奇卜察克地。封長子卓齊特。其後巴圖

西征還。提封益廓。使瓦拉的米爾 (Vladimir) 王主俄北部。查爾尼俄弗 (Chernigov) 王主俄南部。建幹

兒朶 (Ordous) 於窩瓦河下游。曰薩萊 (Sarai) 在今俄國薩拉德夫省 每歲春。沿河東岸。北至保加利亞之幹兒朶。

秋南駐薩萊。號爲爾阿泰幹兒朶。譯卽金帳殿 又建喀山城於河東。薩萊城於海北撒吉刺地。使其子居之。以兄幹

兒朶讓位於己。分以東方錫爾河北等地。復以弟昔班從征俄有功。使居幹兒朶牧地之北。以西至烏拉河。幹

兒朶之帳殿色尙白。昔班尙青。以別於巴圖之金。其後俄人遂以分三家之後裔。有白帳青帳金帳汗之目。巴

圖後王世爲總汗。其全國轄境。東至今葉尼賽曠野。西至今匈牙利多瑙河下流。南盡高加索山。北負喀拉海。

(Kara Sea) 定都薩萊。

二、察罕臺汗國。初太祖以西遼故地封察罕臺。東界約至阿力麻里 (Almalik) 傳至篤來帖木兒。封地

益廓。別失八里 (Bishbalik) 東南悉歸所轄。子孫嗣王。其全國轄境。西抵錫爾河。東接天山。都阿力麻里。

三、諤格德依汗國。初、太祖以愛密爾河 (Emil R.) 即今新疆塔爾巴哈臺南百里之額米爾河 流域畀太宗。傳至定宗。其太子

潛邸湯沐邑。後子孫世守。全國轄境。大抵據按臺山麓。即奈曼及奇爾濟蘇故地。今塔爾巴哈臺一帶。及俄領

西伯利亞西南部。都葉密里城。

四、伊兒汗國。初、太祖以和林舊地分與圖類。蒙古源流幼子爲圖類守產是也。西史謂蒙古俗父遺產幼子多分幹赤斤之名。惟幼子得稱義。即守竈圖類以幼子從父。儼

如家主。後太祖崩。遂監國。所分部兵亦獨多。太祖部兵十二萬九千人。圖類得十萬一千餘人。得四千耳。諸將帥大率舊部。憲宗、世祖、以是得承大統。

轄魯封西域。子孫世守。其全境東踰阿母河。北極三海間地。西抵斡里亞、阿剌伯。南盡波斯灣。

以上爲蒙古四大汗國。皆太祖後裔。此外若伊蘇克依 (Yissogai Bahadour) 次子哈布圖哈薩爾 (Djout-

chi Cassar) 舊作朮赤哈薩兒。太祖次弟。力能裂人爲二。滅奈曼時。戰最力。故太祖優賞之。命其後與皇子鈞禮。子伊遜克

(Yessouneouch) 舊作也。生哥。嗣。當世祖時。屢膺重任。統兵助討阿里克布克。享壽最高。分地在阿爾渾河。今黑龍江

西部烏爾順河。枯輪淖爾。今呼倫海拉兒。今呼倫縣故海拉爾廳在今額爾近鄂齊錦後王封域。後閱再傳至勢格都兒。

(Schingecour) 與納延同叛。爲世祖所誅。分其軍。今內蒙古兩科爾沁、及札賚特、杜爾伯特、郭爾羅斯、四子部

落、茂明安、烏刺特、青海和碩特、九部皆其後。

三子哈準。(Cadijoun or Cadjiken) 太祖三弟。分地在東方。近長城女真地。又近伊奇喇斯部、哈蘭真。山名。近東北

哈那山。界即今烏哈那山。解爲沙陀。額刺特。及兀爾古以河。即今烏拉圭河在內蒙古子按只歹。 (Ilchidai) 兒吉歹。舊作伊嗣。憲宗世祖

皆重之。遇大事必與商。後閱四傳至哈丹 (Cadan) 亦以與納延同叛。見誅。

四子特穆爾諤齊錦 (Temugon Uchuguen) 舊作鐵木哥幹人稱烏真諾顏。諾顏爲官赤斤太祖幼弟。太祖愛其幼弟。

延之上坐。其子亦令位己子上。分與軍五千。故部衆甚盛。分地在蒙古東北面。界外已無蒙古人。大率太祖諸

弟。惟彼分地最廣。轄軍最多。自今呼倫池以東。洵爾河。今建洵南縣於其南。南北。嫩江東西。皆屬之。子塔察兒嗣。世祖召

宗王議事皆預焉。常討敗阿里克布克。久襄軍政。壽甚高。後閱四傳至納延。 (Nayan) 乃舊作與諸宗王結海

都同叛。世祖征之。或誅或赦。軍盡分析。其後人遂無復分地。今內蒙古翁牛特部乃其後。

五子伯勒格台。以獨爲異母弟故。序居末非最幼也。性溫慧而樸。偉幹多力。掌太祖克喀蘇魯克。華言野外牧場事。即本傳。太祖

宴同族。或來盜赤勒不兒。解爲馬勒。斫其臂。傷甚。伯勒格台顧自言傷不至死。不可由己致隙。太祖尤賢之。及後用

兵平諸部。無役不從。摧鋒陷陣。不避艱險。太祖嘗曰。有伯勒格台之力。哈薩爾之射。此余之所以得天下也。

其見稱如此。嘗賜以蒙古民三千戶。及廣寧路。今遼寧北鎮縣。恩州二城。戶一萬一千六百三。以爲分地。又於幹難怯

魯地。疑即鄂諾克魯倫兩河間。建營以居。子極多。相傳有百。壽尤高。世祖平江南。加賜江西信州路及鉛山州二城。戶一萬

八千。薨。長子罕禿忽嗣。性剛猛知兵。從憲宗出征。多戰功。傳子霍歷極。以疾廢。世祖俾居恩州以統其藩人。武

宗至大三年。薨。子塔出嗣。性謙厚好學。通經史。能卹民。封廣寧王。今內蒙古阿巴噶。阿巴哈納。二部。皆伯勒格

台後。

外此如太祖第六子闊列堅。及太宗以下諸帝子。皆各有分地歲賜。又蒙古制。皇子、公主、恩禮鈞。宗室駙馬。通稱諸王。其後世祖入主中國。復大行封建。其一字王金印則有燕秦晉之屬。二字王金印則有燕秦晉之屬。二字王金印則有燕秦晉之屬。則有安西、鎮南、雲南、白蘭、卽吐蕃所并之白蘭王名鎮南藏之屬。外國降附。受王封者。又有高麗、緬國、安南之屬。其自開國以來。累朝佐命諸功臣。亦皆分封爲萬戶、千戶、百戶。各轄有土地人民。以故幅隕極廣。藩屬孔多。控馭匪易。


世祖既有天下。凡滿洲、內蒙古、中國本部、青海、西藏、及中央亞細亞、皆爲所領。高麗、交趾、亦爲所羈縻。又於名義上、統御伊兒汗等四大汗國。實握蒙古帝國之全權焉。世祖爲鎮撫藩屬計。乃建阿母河行省。以統葱嶺以西。置嶺北行省。以制杭愛山以北。開阿力麻里元帥府。以監天山北路。設別失八里元帥府。以治天山南路。設立遼陽及征東行省。以督滿洲及朝鮮。又於中央置中書省一。於內地置行中書省八。曰河南。曰陝西。曰四川。曰甘肅。曰雲南。曰浙江。曰江西。曰湖廣。治中國本部及番蠻分鎮藩服。其下有路一百八十五。府三十三。州三百五十九。軍四。安撫司十五。縣一千一百二十七。是爲蒙古全盛時代之疆域。

蒙古世系表 一成吉思汗以前


托本默爾根 (Douboun Bayan)


二
阿倫果幹——李端察爾——巴噶哩台哈必齊——瑪哈多丹——海都
(Alon-tova) (Bondandjar) (Bouca) (Mokha Todan) (Caidou)

拜星呼——斂巴該
(T'ai-Schingcor) (Ioumbagai)



蒙古世系表二太祖後裔





轄魯……………伊兒汗
亡於帖木兒帝國
外蒙古四部
阿里克布克……………鎮南王脫歡


蒙古世系表三 哈布圖哈薩爾後裔

也古(Yekon)——阿兒哈孫(Harcassoun)——伊遜克(Yessouncouh)——
哈布圖哈薩爾——脫古(Foucou)——伊遜克(Yessouncouh)

愛每根(Finegan)————————勢格都兒(Schingcour)……………內蒙古科爾沁等九部
蒙古世系表四 哈準後裔

哈準——按只歹(iltchidai)——察忽刺(Djacaulah)——哈刺忽兒(Claour)——
哈丹(Cadan)——勝格納哈兒(Schikileour)

蒙古世系表五 特穆爾諤齊錦後裔

特穆爾諤齊錦——禿格察兒諾延 (Togatchas Nayan)—— (Djibou)——

——哀楚兒 (Adjoul)——納延 (Nayan)……內蒙古翁牛特部

蒙古世系表六 伯勒格台後裔

伯勒格台——罕禿忽——霍歷極——塔出……內蒙古阿巴噶等二部

第十六章 元初之東西交通

初、太宗在位。慮奉使者率經民地。既稽時。復擾民。欲令各千戶分出夫馬。定立驛站。非急務。均須乘驛馬。毋得經民地。商諸察罕臺。察罕臺善之。允於所轄境內置驛。東接太宗所置者。西接巴圖所置者。太宗於是以此意布告諸王駙馬等。皆以爲便。始置守驛等戶。整治所排驛站。站各設夫二十。備置鋪馬與使者廩餼羊馬及車牛。均著爲令。有闕者沒其家財之半。嘗自謂嗣位後增四善政以此與減金及無水復分遣探馬赤駐守各城。處穿井合下立探馬赤事並言則其重要可知其葱嶺東西故西遼花剌子模等地。自太祖時已入版圖。閱數十年。漢土雜居。果穀被野。後歷朝遞有開拓。

屬藩直極南亞。跨東歐。彼此商販互通。行旅無阻。職此數端。遂令東西洋交通之局。嶄然一新。其自西徂東者。陸道從中亞出天山南路。或由西伯利亞南出天山北路。遠關其販途於和林及燕京。海道自波斯經印度達中國。福建之泉州福州諸港。稱世界最大商埠。外國人之來流寓者。殆以萬數。意大利人馬哥孛羅（Marco Polo）威內薩人東遊至燕謁元世祖世祖信用之在元二十餘年徧探東亞各地歸途航中國海渡麻刺甲海峽達印度沿海入波斯灣而歸著有世界奇觀一書日本之名始傳於歐洲以爲金寶充初之國阿非利加人伊綳巴達等。其遠遊我國。皆在是時。蒙古大汗重致遠人。一切色目。咸與登進。故阿剌伯及波斯之學者軍人。意大利。法蘭西之畫家職工等。來仕其朝者頗多。是以西方之天文。算學。砲術。皆得傳入中國。中國之羅盤鍼活板術等。亦於是時傳至西方。

是時歐洲之人。爲回教所轢。法蘭西。德意志。諸侯王等。方再興十字軍。與之盛兵相攻。耶穌教徒。皆謀聯盟蒙古。以壓回教勢力。宋理宗淳祐五年。理宗二十一年西歷紀元一二四五年羅馬教皇英諾森（Innocent）四世。遣柏朗嘉賓東謁定宗。越八年。理宗二十九年爲寶祐元年西歷紀元一二五三年法蘭西王路易九世。亦使教徒羅柏魯東來聘問。朝憲宗於和林。自蒙古建國以來。各教傳布。皆許自便。且以謀吞併回教各國故。不得不用遠交近攻策。於耶穌教國。不能不與修好。故蒙古大汗。於西士東覲。皆爲慰接。世祖既立。且遣使西謁教皇。請派教士來中國傳教。至元三十一年。西歷紀元一三九四年蒙迭哥爾維諾航海來華。世祖許建教會於燕京。爾後耶穌教徒。來者滋益多矣。已而元亡明興。東西交通中止。耶穌教乃廢絕云。

第十七章 元世祖東征以前日本政體之變化


自來國體與政體。截然劃爲兩途。中國國體。每隨政體爲轉移。主權者一有變更。國體常爲其附屬品。有不欲變而不得之勢。日本之國體。不與政體相混雜。主權者雖屢易。國體絕不因之而生搖動。此亦大陸民性喜變化。島國民性喜保守。一特徵也。茲述其事蹟如左。

第一節 皇權時代

一、草創時代 日本之爲國。獨立東海中。與地球各國均不相鄰。自神武迄仲哀天皇。皆爲草創時代。當時人民朴野。未脫榛狉之俗。其勢力範圍。東不踰常陸。今本洲茨城縣西不踰筑紫。今九州福岡縣較之當今日本全境。猶不及五分之一。本洲舊有土人之蝦夷。九州舊有土人之熊襲。時常猖獗。與大和民族相軋轢。神功皇后攝政。國勢驟張。西南奄有九州。壓服熊襲民族。越海侵略朝鮮半島。壓服三韓民族。自此以後。中國文化。經由新羅。百濟。間接輸入日本。大和民族逐漸開化。神功攝政六十九年殂。應神。三一七〇至三二〇〇至仁德。三二〇〇至三三九至履中。四〇〇至四一〇至反正。四一〇至四二〇至允恭。四二〇至四三〇至安康。四三〇至四四〇至雄略。四四〇至四五〇至清寧。四五〇至四六〇至顯宗。四六〇至四七〇至仁賢。四七〇至四八〇至武烈。四八〇至四九〇至繼體。四九〇至五〇〇至安閑。五〇〇至五一〇至宣化。五一〇至五二〇至欽明。五二〇至五三〇至十五天皇。相繼在位。皇別大臣


蘇我氏、神別大連物部氏、大伴氏、皆以世臣輔政。欽明時代、佛教由中國輸入。大臣蘇我稻目崇奉之。大連物部尾輿、中臣鎌子、極力排斥。說欽明焚佛寺、投其像於水火。自是與蘇我氏有隙。欽明殂。敏達天皇卽位。稻目之子馬子、尾輿之子守屋、鎌子之子勝海輔政。傾軋日甚。敏達在位十四年。五七二至五八五殂。馬子與皇后炊屋姬謀。奉皇弟大兄卽位。是爲用明天皇。在位二年。五八六至五八七殂。守屋謀立皇弟穴穗部。馬子與皇子廩戶謀。殺穴穗部及守屋。滅物部氏之族。於是大權悉歸於蘇我氏。馬子奉皇弟泊瀨部卽位。是爲崇峻天皇。

物部氏系統表



大伴氏系統表

神武朝元勳 六代孫
 道臣命……………武日 從日本武
 尊東征 武以 仲哀朝大連
 大連始於此 室屋 允恭至武烈
 七朝大連 談 戰死於
 新羅 金村——狹手彥
 阿被布告…咋



二、蘇我氏專政時代 崇峻惡馬子專權。與廢戶謀誅之。廢戶不聽。馬子懼。弑帝。奉敏達皇后炊屋姬即位。稱推古天皇。是爲日本有史以來女主稱尊之始。推古係欽明皇女。與敏達爲同父異母兄妹。而爲敏達皇后。日本古來倫理大都如此。以現今眼光觀之。實屬不可思議。推古之母堅鹽媛。本蘇我稻目之女。故馬子立之。推古即位以後。立廢戶爲皇太子。攝政。大興佛教。以慈悲忍耐。化猛鷲慄悍之俗。馬子專權。推古守府。行祭則寡。

人之治。廢戶講經說法。粉飾昇平。定朝官之冠位。凡十二階。於是官制之等級粗備。定官曆。採用中國曆法。以干支紀年。又制憲法十七條以垂訓戒。是爲日本最古之法令。復遣使於隋以求佛經。是爲中日正式國際交通之始。

推古在位三十六年。五九三至六二八。殂。廢戶及馬子已先數年卒。馬子之子蝦夷。奉敏達之孫田村卽位。是爲舒明天皇。舒明多病。不親政事。蝦夷負定策之功。專恣日甚。舒明在位十三年。六二九至六四一。殂。蝦夷奉皇后寶皇女稱帝。是爲皇極天皇。蝦夷請老。子入鹿爲大臣。輔政。驕恣甚於其父。大興土木。爲其父與己身造壽藏。稱大陵小陵。僭用天子衣冠。第宅擬於宮闕。殺廢戶之子山背大兄。夷其子弟妃妾。兼併人民土地。以自肥殖。朝野嗟怨。皇極在位之第四年。四四五年。中臣鎌足與皇子中大兄密謀誅之。皇極因禪位於中大兄。中大兄與鎌足奉皇極之弟輕卽位。是爲孝德天皇。

蘇我氏系統表

彥太忍信命

孝元帝皇子

房主忍男武雄心命



武內宿稱

景行成務仲哀
應神四朝大臣

羽田矢代

使百濟

巨勢小柄



境部摩理勢

堅鹽媛

欽明妃
用明推古母

法提郎媛

舒明
夫人

赤

兄

天智朝
左大臣

小姊君

欽明妃
崇峻母

石寸名

用明媛

三、大化革新時代 孝德即位以後。遷都於難波。今大阪府史稱之曰難波朝廷。立中大兄爲皇太子。廢大臣大連等官。設左右大臣及內大臣。充正宰相。以鎌足爲內大臣。輔政。鎌足慷慨有才略。以天下事爲己任。輸入唐室文化。大修國政。是年八月。下革新之制。派使臣於畿內六縣。校大小所領之人衆。新造戶籍。校定田畝。檢收從來臣連伴造國造等所有之人民土地園池水陸之利。使與百姓共之。悉收人民私有之兵器。納之國庫。又詔諸大寺。檢呈僧尼奴婢田畝之實數。九月。遣使諸國檢查戶口。禁止買賣土地。於是富者不能兼併。貧者不至匱乏。百姓大悅。尋下詔。放免臣連伴造等私有之人民。收其私有土地爲國有。別賜食封。或布帛以償之。於是人民始得爲自由之身。定畿內之境界。分郡爲三等。選國造之賢良者爲郡司。設關塞斥候防人。以保護諸國要塞。設驛馬傳馬。以便交通。制鈴契傳符。以爲官使往來之據。復改定田制。依戶籍計帳。立班田收授之法。男

女生六歲。班給口分田。身沒。入官。取百分之三爲田租。改賦役之制。定調及傭役之法。以絹絲棉布魚鹽等土產爲調。布米爲庸役。參酌隋唐官制。定新官制爲十三階。始定年號曰大化。是爲日本有年號之始。史稱之爲大化革新時代。

四、近江朝廷時代。孝德在位十六年。六四五至六五四。殂。姊皇極復位。稱齊明天皇。是爲女主重祚之始。皇太子中大兄。內大臣鎌足執政。徙都於大和之飛鳥。東攻蝦夷。破之。擴張領土至下野。今栃本縣。越後。今新潟縣。西援百濟。與唐

室構兵。收績。自此以後。壹意與唐修好。不敢復謀西侵。齊明復位七年。六五五至六六一。殂。太子卽位。是爲天智天皇。遷都於近江。今滋賀縣。命內大臣鎌足與遣唐留學生玄理等同撰律令。於是大和朝廷始有成文法。史稱之曰近江朝廷令。始設學校。教育諸生。於是日本日益開化。

五、壬申之亂。天智卽位以後。立皇弟大海人爲皇太弟。以皇子大友爲太政大臣。與鎌足同輔政。大友天性明悟。博通古今。有文武才幹。天智奇愛之。有輔立之意。大海人亦狡險。富於政治經驗。不甘久居人下。於是漸與天智有隙。天智四年。病篤。召皇太弟。囑以後事。太弟不應。請出家修道。乃剃髮。逃居吉野。今奈良縣吉野郡。舍人

以下多從之。詔立大友爲皇太子。天智在位十年。六六二至六七一。殂。太子卽位。是爲弘文天皇。是時鎌足已卒。主少國疑。朝無重臣。大海人舉兵吉野作亂。諸國司多叛應之。京師震駭。詔御史大夫蘇我果安、巨勢比等率師討大海人。王師敗績。弘文走山前。京都園城寺附近。自殺。在位僅八閱月。年二十五歲。史稱之曰壬申之亂。

六、清見原朝廷之治。次年大海人自立。是爲天武天皇。遷都於飛鳥清見原宮。變更大化以來革新之政。大率多復古制。改位號。增階級。定諸王以下之位爲十二階。諸臣之位爲四十八階。分天下姓氏爲八等。一曰真人。以賜皇別。二曰朝臣。三曰宿禰。以賜貴族。四曰忌寸。以賜中國朝鮮歸化人。五曰道師。以賜技藝之職。六曰臣。七曰連。皆舊貴族被貶黜者。八曰稻置。於是姓氏制粗備。定朝儀。廢拜跪及匍匐禮。行立禮。詔百官詳陳利國福民之術。遣使巡行天下。分諸國之境界。兼巡察國司郡司百姓之狀況。設兵政長官。以諸王充之。詔諸王以下。初位以上。人各蓄兵飼馬。以備緩急徵調。又詔諸國習陣法。授近畿民以兵器。詔文武官習騎射。兵器皆精利。有窳敗不適用。或人不習騎射者。親王以下。皆科以相當之罪。其練習通達者。雖犯死罪得減等。於是法嚴令行。兵勢日強。史稱之曰清見原朝廷之治。

七、奈良朝廷時代。天武在位十五年。六七二至六八六。皇后鸕野讚良。天智第二皇女臨朝稱制。三年。皇太子草壁卒。遂自立。稱持統天皇。是爲日本第三女帝。在位十年。六八七至六九六。禪位於皇孫輕。草壁之子。是爲文武天皇。尊持統爲太上天皇。是爲日本有史以來太上皇之尊稱出現之始。顧乃加於女帝之上。殊覺稱謂不倫。先是大化革新以後。天智擬增修法典。未成而殂。天武繼之。至是復命知太政官事忍壁親王。與中臣鎌足子藤原不比等。等踵其業。共成令十一卷。律六卷。史稱之曰大寶律令。是爲日本中古時代最完備之法典。不比等以功擢右大臣。納其女爲皇后。是爲藤原氏握政權之始。復遷都平城。和建左京右京。定坊條之制。摹倣長安之制。規

模宏壯。自此以後。至光仁天皇。凡經過七代。七十五年。皆建都於此。史稱之曰奈良朝廷時代。

文武在位十一年。六九七至七〇七。母安倍稱制。是爲元明天皇。穗積親王與藤原不比等輔政。先是天武在位。詔

川島忍壁兩皇子。與儒臣稗田阿禮等。纂修國史。文武在位。詔太安萬呂踵其業。至是告成功。凡三卷。定名曰

古事記。用和漢混合文體。復詔紀清人三宅藤麻呂等。作日本記。用漢文體。尋復纂修諸國風土記。是爲日本最古之歷史地理著作。

元明在位七年。七〇八至七一四。皇女冰高文武之姊卽位。稱元正天皇。在位九年。七一五至七二三。禪位於文武之子首。是謂

聖武天皇。是時藤原不比等已卒。贈太政大臣。諡文忠。擢其四子爲顯官。聲勢赫奕。復立其女安宿媛爲皇后。

於是藤原氏之勢益盛。聖武篤信佛法。失政頗多。寵幸僧玄昉。大修塔寺。在位二十五年。七二四至七四八。傳位於皇

女阿閉。是爲孝謙天皇。

孝謙亦信佛法。秕政尤多。寵幸藤原不比等之孫仲麻呂。授紫微內相。主兵柄。在位十年。七四九至七五八。傳位於天

武之孫大炊。是爲淳仁天皇。仲麻呂日益用事。賜姓名曰惠美押勝。拜太師。敍正一位。數子皆爲顯官。權勢薰

鑠。孝謙自稱太上皇。寵幸僧道鏡。縱其出入宮禁。醜聲漸播。淳仁固諫。孝謙不悅。會押勝以謀反誅。孝謙因誣

淳仁與押勝通謀。廢之而自立。淳仁在位六年。七五九至七六四。而廢。孝謙復位。稱稱德天皇。以道鏡爲太政大臣。專

國政。尋進位法王。以其黨基真爲法參議。基真之師圓興爲法臣。法王之月俸準乘輿。法臣準大納言。法參議

準參議。道鏡出入警蹕。乘鸞輿。服食擬於王者。政無大小無不與。基真恃勢暴橫。凌侮縉紳。道路畏之如虎。道鏡之弟淨人起布衣。八年而至從二位。大納言。道鏡好土木。多營佛寺。稱德亦奢靡無度。公私凋弊。國用匱乏。復殘刑以逞虐。殺無辜。人民嗟怨。奈良朝之政大衰。

稱德復位五年^{七六五至七六九}。天武之統絕。參議藤原百川與左大臣藤長手等謀。迎立天智之孫白壁。是爲光仁天皇。於是大統復歸於天智系。流道鏡等於遠方。皆卒於配所。除煩苛之政。以休養民力。罷冗官。裁冗費。置檢稅使。以檢查諸郡國會計。綱紀復張。

八、平安朝廷時代 光仁在位十二年^{七八〇至七八一}。殂。子山部即位。是爲桓武天皇。遷都於山城^{今京都市}。稱平安京。自此以後。至明治二年。凡一千零七十六年間。皆都於此。其市街布置。頗倣長安。道路寬闊整直。坊市皆規則不紊。宮城在市之北方。規模弘壯。尋以田村麻呂爲征夷大將軍。東攻蝦夷。大破之。於是日本領土擴張至陸奧出羽。

桓武在位二十四年^{七八二至八〇五}。殂。子安殿即位。是爲平城天皇。寵幸尙侍藤原藥子及其兄仲成。讒殺皇弟伊豫。在位四年^{八〇六至八〇九}。以病傳位於皇弟神野。是爲嵯峨天皇。自稱太上天皇。居平城之離宮。藥子日侍上皇左右。言無不從。遂勸重祚。已爲皇后。上皇漸惑其說。嵯峨知之。多稱疾不視事。遂有遜位之意。因奉上神器。上皇不受。而藥子之謀益急。嵯峨元年九月。藥子矯上皇詔。遷都平城。人心洶洶。帝大怒。捕仲成下獄。宣布藥子


罪狀。褫奪官位。逐之。宮。上皇怒。發兵與藥子同車。將赴東國。諸司及諸衛兵皆從。左馬頭藤原真雄等力諫。不聽。帝聞警。詔征夷大將軍田村麻呂。發兵塞美濃路。上皇知事不濟。還安宮。薙髮爲僧。藥子仰藥死。廢皇太子高岳。上皇之子立皇弟大伴爲皇太弟。高岳出家爲僧。法名真如。後入唐求佛法。遂赴印度。至羅越國。爲虎所傷而卒。是爲日人入印度者之始。

先是太政官即內閣以太政大臣左右

大臣爲長官。統攝庶政。以大納言輔之。其後復置中納言及參議。與聞政

事。嵯峨元年。始置藏人所。設藏人頭二人。以四位之辨官及近衛中將各一人充之。侍於殿上。掌傳宣詔命。出

平 安 京 略 圖



納章奏之事。後遂專掌機密。復設別當一人爲其長官。常以左右大臣兼領之。於是朝廷大權。由太政官移於藏人所。復設檢非違使廳。兼掌糾彈、逮捕、起訴、裁判等事。置別當爲長官。威權甚重。其命令準詔書。稱爲廳宣。違反應宣者。罪與違勅等。於是衛府、彈正臺、刑部省、京職之職權。皆入於檢非違使廳。大寶_{文武年號}以來之官制漸紊。

嵯峨在位十四年。_{八一〇至八二三}傳位於皇弟大伴。是爲淳和天皇。立嵯峨第二皇子正良爲皇太子。淳和在位十年。_{八二四至八三三}傳位於正良。是爲仁明天皇。立淳和皇子恆貞爲皇太子。恆貞自以立不以序。恐有後禍。上表辭位。不許。

先是藤原氏自押勝、仲成。相繼以謀反誅。勢力稍衰。不比等之玄孫冬嗣。器局溫雅。才兼文武。寬和容衆。有時望。自桓武時始用事。嵯峨時爲藏人頭。淳和時爲右大臣。仁明在東宮時。納其女順子爲妃。生長子道康。仁明卽位時。道康年已七歲。仁明七年。淳和上皇殂。九年。嵯峨上皇殂。彈正尹阿保_{平城天皇子}希旨。上密書。譖東宮帶刀伴建岑等。欲奉太子赴東國作亂。仁明信之。廢太子恆貞。東宮官屬坐貶者數十人。立道康爲太子。以冬嗣子良房爲右大臣。輔政。於是藤原氏之勢益盛。帝性奢靡。後宮用財無度。由是府藏空虛。賦斂益急。

仁明在位十七年。_{八三四至八五〇}殂。太子道康卽位。是爲文德天皇。立良房女明子爲皇后。第四子惟仁爲太子。時年未滿一歲。后所生也。帝以其幼冲。欲立長子惟喬。憚良房不果。帝性聰察而多病。在位八年。_{八五一至八五八}禪位

於太子。是爲清和天皇。年甫九歲。進良房太政大臣。攝行萬機。以其弟良相爲右大臣。同輔政。是爲藤原氏專政之始。尋納良房兄女高子於後宮。生皇子貞明。自此以後。攝政一職。爲藤原氏專有。品。皇后一職。爲藤原氏女子專有。品。皇太子一職。爲藤原氏外孫專有。品。藤原氏代代代納女於後宮。立其所生者爲太子。藉外祖母舅之勢力。奉戴幼主。攝行國政。竊弄威福。於是皇室衰微。大權旁落矣。

第二節 藤原氏專政時代

良房攝政七年卒。以其子基經爲右大臣。輔政。清和在位十八年。八五九至八七六傳位於皇子貞明。自稱太上天皇。年甫二十七歲。貞明卽位。是爲陽成天皇。年甫十歲。以基經爲太政大臣。攝政。陽成之母高子自來品行不修。陽成少有母風。長而昏暴。起居無度。常以祈年祭之前日手殺人。基經深憂之。在位八年。八七四至八八四基經廢之。遷於二條院。迎立仁明帝第三皇子于時康。稱光孝天皇。是爲日本有史以來人臣廢立君主之始。藤原氏之勢益張。光孝在位三年。八八五至八八七以病傳位於皇子定省。是爲宇多天皇。委政於基經。詔萬機巨細之事。皆關白太政大臣。關白之稱始此。自此以後。幼主在位。大臣攝政。及年長歸政。改名關白。爲藤原氏世職。基經卒。子時平爲大納言。輔政。帝惡藤原氏專橫。擢耆儒菅原道真權大納言。輔政。以分時平之權。宇多在位十年。八八八至八九七傳位於皇太子敦仁。是爲醍醐天皇。以時平道真爲左右大臣。輔政。時平年少氣銳。任情爲政。道真不能制。醍醐與宇多上皇密謀。欲委政於道真。道真固辭不受。時平忌道真。譖其有異志。出爲太宰權帥。卒於貶。

所。凡朝臣之不黨於藤原氏者皆坐貶。於是藤原氏益橫。

醍醐在位三十三年。八九八至九三〇皇子寬明即位。是爲朱雀天皇。以時平弟忠平爲左大臣。輔政。是時平安京

奠都已久。權臣勢家各自封殖。國用不給。豪華奢侈之風。流行於中上流社會。清和宇多二帝。皆以上皇資格。削髮爲僧。稱法皇。王公貴人多效法之。於是僧人之資格愈高。佛教愈隆。慈悲主義流行於社會。馴至流於寬縱。刑政廢弛。有罪者幸免。勤儉尙武之風掃地。軍人多輟業以嬉。地方豪猾往往兼併平民土地。國司郡司之威令不行。小民無告。多流離草澤。京師畿外。盜賊蜂起。殺守令。掠吏民。朝廷無力制之。有警輒令僧人誦經說法。期以佛力制服。

天慶二年。朱雀即位後第九年宗室平將門桓武舉兵下總。今千葉縣北部作亂。陷上總。今千葉縣南部下總。常陸。今茨城縣武藏。今東京府西部琦玉

縣南等國。自稱新皇。伊豫今愛媛縣介官名猶隋之通判藤原純友舉兵南海國。今四國道一帶應之。掠四國中國。今山陽道一帶陷太宰

府。今福岡縣朝廷震駭。次年。大舉兵征破之。將門純友相繼伏誅。史稱之曰天慶之亂。宗室平貞盛桓武後源經基清和

之皆以戰功。拜鎮守府將軍。由是源平二氏之勢寢盛。

先是日本上古時代。宗室多留居京師。其後宗室漸多。乃分居郡國。大寶令施行以後。皇兄弟皇子孫稱親王。其外稱諸王。至五世。則降爲臣。賜姓列爲貴族。出身皆與以六位。隨才任使。以省封戶之費。國司郡司之初設也。在職每四年。或六年。例一遷代。其後往往重任。其子孫徙居郡國。大抵皆宗室貴戚。地位勢望。與平民不

同。往往私有土地。號稱大名小名。蓄奴僕爲私兵。相與習弓馬。爭雄長。關東諸國今東海道地方遼闊。遺利尤多。大名小名久居此地。蓄田園。長子孫。對於中央政府。將有半獨立之勢。至是經基貞盛。皆以功拜將軍。鎮守東方。由是武將之勢日盛。漸成封建之勢。

朱雀在位十六年。九三一至九四六傳位於皇弟成明。醍醐第十子是爲村上天皇。進忠平位太政大臣。以其子實賴師輔爲左右大臣。同輔政。村上勵精圖治。而爲藤原氏所牽掣。不能有爲。皇太子憲平多病。上欲廢之。立其弟爲平。憚藤原氏不果。

村上在位二十一年。九四七至九六七殂。憲平即位。是爲冷泉天皇。時忠平已卒。實賴進位太政大臣。充關白。冷泉多病。實賴專國政。廢爲平。立皇弟守平爲太弟。

冷泉在位二年。九七八至九七九傳位於守平。是爲圓融天皇。以師輔子伊尹爲太政大臣。攝政。三年。伊尹罷。弟兼通爲太政大臣。充關白。兼通與弟兼家。名位相軋。各納女後宮。競爭權利。互相毀謗。貞元二年。圓融第八年兼通卒。臨終。薦從弟賴忠爲太政大臣。充關白。以沮兼家。由是兄弟之間。交惡益甚。

圓融在位十五年。九七〇至九八四禪位於從子師貞。冷泉嫡子是爲花山天皇。立從弟懷仁。圓融嫡子爲太子。懷仁爲兼家外孫。兼家欲奉之早即位。已握政權。乃使次子道兼。誘花山薙髮爲僧。在位僅二年。九八五至九八六懷仁遂即位。是爲一條天皇。以兼家爲太政大臣。攝政。

兼家晚年窮極奢侈。作居室於東三條。規模擬於清涼殿。兼家卒。長子道隆代爲關白。次子道兼常自謂有功於父。大不平。居父喪無戚容。宴飲遊戲如故。時人醜之。正歷四年。一條即位後第七年道隆疾篤。以子伊周攝行省事。越二年。道隆卒。伊周自以爲己必代父職。已而朝廷以道兼爲關白。七日而卒。復以其弟道長爲右大臣。充文書內覽。輔政。伊周大失望。詛呪朝廷。又與弟隆家。邀劫花山法皇。上大怒。左遷伊周爲太宰權帥。隆家爲出雲權守。尋召還。復位。

是時伊周之妹定子爲中宮。道長之女彰子爲女御。皆在後宮。定子年長位尊。彰子恃父勢。不甘久居於下。乃詔立定子爲皇后。彰子爲中宮。時年甫十三歲以調和之。自此以後。歷代君主。皆以立二后爲定例。定子先生皇子敦康。伊周大喜。以爲將來必立爲太子。俄而彰子生皇子敦成。伊周大失望。復詛呪敦成。事覺。詔停朝參。俄復復位。於是法令日益廢弛。

一條在位二十五年。九八七至一〇一一殂。從弟居貞。冷泉第二皇子即位。是爲三條天皇。三條患目疾。不能親臨朝會。道長屢諷帝辭位。帝不得已。傳位於從子敦成。一條第二子在位凡五年。一〇〇一—一〇一六敦成即位。是爲後一條天皇。年甫九歲。立三條皇子敦明爲太子。長於後一條十四歲。道長以左大臣攝政。尋以老辭位。以其子賴通爲內大臣。攝政。三條法皇尋殂。道長白太后。廢太子敦明。立皇弟敦良。一條第三子後一條同母弟道長女彰子所生。爲太弟。道長英邁。有才略。工詩歌。善射御。藉累世之權威。專國政三十餘年。女爲三朝皇后。子爲攝關。黜陟任心。朝臣無貴賤。皆夤緣惟恐。

不及。道長好貨。賣官鬻爵。賄賂公行。田園遍天下。府庫充溢。富踰帝室。賴通在位。專恣尤甚於其父。由是上下咨嗟。人心離怨。

長元元年。後一條前上總介平忠常反。陷安房。今千葉縣。安房郡。朝廷發東海東山二道兵征之。越三年。不克。甲斐

梨守源賴信擊降之。於是武臣之勢日盛。源氏平氏藤原氏之宗人。散布郡國。割據土地。父子相繼。根深蒂固。

朝廷漸不能制。國司郡司多身居朝廷。遙領郡國。有鞭長莫及之勢。於是政柄下移。諸國土地人民。大抵歸武人私有。朝廷命令。不能行於州郡。中央之勢日微。

後一條在位二十年。一〇三六至一〇六七。弟敦良即位。是爲後朱雀天皇。進賴通位爲左大臣。充關白。後朱雀在位

九年。一〇三七至一〇四五。病篤。傳位於長子親仁。中宮藤原子。生賴通外孫。欲立次子尊仁。皇后禎子。內親王。爲其太子。賴通持異議。乃止。

親仁即位。是爲後冷泉天皇。賴通之弟能信密勸帝立尊仁。帝從之。立尊仁爲皇太弟。以能信爲太弟太傅。後

冷泉在位二十三年間。一〇四六至一〇六八。皆以賴通執政。威權不少衰。


後冷泉殂。尊仁即位。是爲後三條天皇。時賴通已卒。弟教通爲左大臣。充關白。後三條剛健嚴明。博通古今。諳



練世故。久居東宮。深惡藤原氏之擅權。又恨賴通之不臣。即位以後。痛裁抑之。親覽國政。乾綱一振。教通名爲

關白。備員而已。帝在位四年。一〇六九至一〇七二。傳位於皇子貞仁。將以上皇資格。於院中聽政。以奪攝政關白之權。


尋殂。未果。然自是藤原氏之勢力不振。院宣之政。從此始矣。

藤原氏系統表





良 相 文德朝 右大臣 多美子 清和女御
順 子 仁明女御稱五條后文德帝母




師尹 冷泉朝
左大臣
濟時 一條朝大
納言大將
城子 三條皇后小
一條院母

公季 後一條朝太政
大臣仁義公
安子 村上皇后冷
泉圓融母

道長 後一條攝
政關白太
政大臣稱
法成寺入
道
超子 冷泉女御
三條帝母
詮子 圓融女御
一條帝母

教通 後三條朝
關白
能信
彰子 一條中宮
後一條母
研子 三條中宮
威子 後一條中宮
嬉子 後朱雀後宮
後冷泉母
寬子 小一條院妃

信長 白河朝太
政大臣
生子 後朱雀
女御
歡子 後冷泉
皇后



第三節 院政時代

藤原氏以內寵專政。代代擁立幼主。利用太后爲傀儡。盜弄國柄。天皇幼冲。處於被動地位。有英主起。不甘受藤原氏愚弄。及生前先傳位於皇子。自己退處於太上皇地位。實行監督政策。以避權臣擅定策之勳。於是政府實權。由權臣之手。移入上皇之手。號稱院政。亦政治上。一小革命也。茲述其事蹟如左。

初、貞仁之卽位也。稱白河天皇。政出宸衷。不受權臣牽掣。在位十四年。一〇七三至一〇八六。傳位於皇子善仁。是爲堀河天皇。白河自爲上皇。於院中聽政。置院司。以別當爲長官。置判官代、主典代、殿上人、藏人、武者所、等官。官職與禁中相似。上皇詔令稱院宣。院宣之勢。在詔勅以上。自此以後。變爲院政時代。大權皆入於上皇之手。天子拱手。關白備員而已。

白河剛決嚴明。而性好奢侈。又深信佛法。薙髮爲僧。稱法皇。屢幸諸寺。造佛像寶塔以萬數。親寫大藏經。嚴禁捕魚與鳥。祭祀皆用素饌。用財無度。民生凋弊。而寺產及豪族之莊園益盛。諸大寺多私養兵。時常爭鬪。興福延歷等寺尤甚。延歷寺僧兇暴。世稱之曰山法師。白河嘗歎曰。天下不從朕命者。唯鴨河之水。雙陸之采。與山法師而已。堀河在位二十一年。一一〇八七至一一〇八七殂。子宗仁卽位。是爲鳥羽天皇。白河法皇仍聽政。鳥羽在位十六年。一一〇八至一一一三傳位於皇子顯仁。是爲崇德天皇。

崇德天治四年。崇德六年白河法皇殂。年七十七歲。凡聽政四十三年。鳥羽上皇繼續聽政。鳥羽多內寵。女御藤原

得子最幸。保延五年。崇德十年生皇子體仁。生後三月。立爲崇德之太子。越二年。強崇德遜位。由是兩宮有隙。

崇德在位十八年。一一一四至一一一四而內禪。體仁卽位。是爲近衛天皇。年甫三歲。鳥羽出家。稱法皇。聽政如故。近衛

在位十四年。一一一五至一一一五年十七歲而殂。崇德上皇欲立其長子重仁。得子不聽。力勸鳥羽法皇立崇德同母

弟雅仁。是爲後白河天皇。年三十一歲。令德無聞。朝野失望。保元元年。後白河元年鳥羽法皇殂。崇德上皇入臨。

侍臣稱遺詔不納。崇德大怒。密告左大臣賴長謀復位。賴長與前檢非違使源爲義及其子爲朝。右馬助平忠

正等奉崇德舉兵。後白河亦徵爲義之子下野。今椽木縣守義朝。忠正之侄安藝。今廣島縣西部守清盛等入衛。擊破上皇

兵。賴長中流矢卒。崇德薙髮入仁和寺爲僧。後白河遷之於隱歧。島名在本洲西南日本海中隱山陰道清盛親斬忠正。義朝亦

殺爲義及其諸子。上皇黨羽坐死者七十餘人。處流刑者甚衆。史稱之曰保元之亂。皇室將門爭權內訌。子弟

親弑父兄。朝廷反以爲功。不問其罪。倫常盡矣。焉能久乎。

後白河在位三年。一一五八至一一五六傳位於皇子守仁。是爲二條天皇。後白河稱上皇。在院中聽政。中納言藤原通

憲博學多才。練達事務。有寵於上皇。至是棄官爲僧。改號信西。在院中用事。權中納言藤原信賴有寵於上皇。

謀爲近衛大將。信西諫上皇而止。信賴怒。稱疾不朝。是時太宰大貳平清盛與信西爲姻家。權勢薰鑠。源義朝

時爲左馬頭。忌之。信賴遂與相結。平治元年。二條元年十二月。舉兵圍上皇於三條殿。縱火焚宮。死者甚衆。乃幽上

皇。遷帝於黑戶御所。自爲大臣大將。以義朝爲播磨今兵庫縣南部守。時清盛在熊野。聞變。舉兵西上。密遣使迎帝與

上皇至其營。擊叛軍。大破之。義朝走尾張。今愛知縣南部爲守將所殺。信賴伏誅。黨與死者甚衆。史稱之爲平治之亂。

二條帝烝於近衛之皇后。納之入宮。羣臣力諫。上皇亦以爲言。不聽。權大納言藤原經宗、參議檢非違使別當

藤原惟方有寵。恃勢弄權。因勸帝親政。上皇聞之不悅。流二人於遠方。自此兩宮不協。政令出於二途。國事日

壞。

第四節 平氏專政時代

先是攝政關白之職出現。歷代設置如正官。政權皆歸之。於是三公等於虛設。後三條即位後。收政柄入皇室。裁抑攝關之權。自此以後。藤原賴通之子孫。雖代代襲充攝關。備員而已。後三條係三條皇女禎子內親王所生。與藤原氏無血族關係。即位以後。立後朱雀皇女馨子爲皇后。自此以後。皇后一職。爲皇女、皇族源氏女。與

藤原氏宗女之共有物。外戚與攝關分離爲二。藤原氏之勢力日衰。白河禪位以後。政權入於上皇。非院中人不得與聞政事。攝關一職。益成贅旒矣。

平氏者。本桓武天皇之後。貞盛以後。降爲武人。家世不顯。貞盛之玄孫忠盛。自白河時始用事。歷事五朝。位至刑部卿。子清盛以保元平治之戰功。敍正三位。拜參議。尋敍從二位。累遷大納言。是爲武臣超拜公卿之始。二條在位七年。一一五九至一一六五。太子順仁卽位。是爲六條天皇。年甫三歲。後白河上皇仍聽政。後白河第二皇子憲仁。係清盛內姊平滋子所生。清盛因勸後白河立爲六條太子。時年六歲。以叔父爲從子皇儲。以三歲之天皇而有六歲之太子。亦前古所未聞也。

六條在位三年。一一六六至一一六八。傳位於憲仁。自稱太上天皇。時年甫五歲。稱新院。憲仁卽位。是爲高倉天皇。後白河仍聽政。清盛恃上皇勢。頗專橫。後白河厭之。欲去之而未能。乃薙髮。稱法皇。清盛進位內大臣。敍從一位。尋拜太政大臣。復辭職。削髮爲僧。號淨海。建別業於攝津之福原。徙居之。而握政權如故。納其女德子爲高倉中宮。弟經盛教盛俱拜參議。賴盛權大納言。子重盛爲內大臣。宗盛爲近衛大將。知盛爲參議。重衡權近衛中將。凡一門爲公卿者十六人。國司郡司六十餘人。領有三十餘國。權傾人主。富逾帝室。驕奢貪暴。靡所不至。治承元年。高倉第九年。權大納言藤原成親。成經。檢非違使平康賴等。謀起兵誅之。後白河法皇亦與謀。事洩。清盛殺成親等。欲幽法皇。重盛力諫而止。於是後白河與清盛之嫌怨日深。重盛資性忠恪。沈毅有度量。中外屬望。

清盛專政。重盛屢諫爭。兇暴爲之少戢。三年。重盛卒。後白河法皇與關白基房謀。乘清盛不在京。沒收其所領。清盛怒。率兵入宮。免基房以下三十九人官。幽法皇於鳥羽宮。高倉不悅。乃議禪位。

高倉在位十二年。一一六九至一一八〇傳位於皇子言仁。是爲安德天皇。高倉之庶兄以仁。與前兵庫頭源賴政等。舉

兵討清盛。不克而死。是年八月。賴政之宗人賴朝起兵伊豆。今靜岡縣東部伊豆半島其從弟義仲起兵信濃。今長野縣討平氏。

關東豪傑多起兵應之。清盛以嫡孫維盛爲元帥。弟忠度子知盛副之。發東海東山二道兵擊賴朝。至富士川。

在今靜岡縣軍潰。維盛等遁歸。東海北陸二道源氏諸宗人各舉兵應賴朝。京都近傍延歷園城二寺。僧徒亦舉兵

應之。清盛子清房率兵破園城寺。焚堂塔六百三十七宇。重衡亦以兵焚東大興福二寺。斬首二百餘級。僧徒

之勢稍絀。而外兵日盛。清盛意頗沮。

養和元年。安德第一高倉上皇殂。清盛解後白河法皇之幽禁。奉之還宮。聽斷萬機。是年閏二月。清盛卒。次子宗

盛自爲內大臣。輔政。發兵分道擊諸源。皆敗績。壽永二年。安德第三七月。義仲與其叔父行家。率東山北陸二道

兵。進屯延歷寺。後白河法皇潛幸其營。宗盛劫安德帝。舉族奔太宰府。後白河與義仲謀。立安德弟尊成爲帝。


是爲後鳥羽天皇。年甫四歲。後白河仍聽政。義仲恃功驕橫。與賴朝爭權有隙。自請總領平氏故地。又請發兵


討賴朝。後白河不得已。許之。賴朝使弟範賴義經擊義仲。義仲拒戰於宇治勢多。二地皆在今京都市東敗死。平氏乘源

氏內訌。復舉兵東上。築一谷城於攝津。今兵庫縣北境移安德居之。屯重兵以備戰。範賴義經既破義仲。乘勝進攻一

谷城大破平氏兵。宗盛奉安德泛海奔屋島。在今四國香川縣高松市西北次年二月。義經以舟師襲屋島。大破之。宗盛泛海西奔。會範賴已襲取九州。屯兵於豐後。今九州縣絕其歸路。平氏還兵至壇浦。在今下關市東門司北下關海峽內為義經所迫。大敗。清盛之妻二位尼。抱安德帝沈於海。教盛以下皆戰死。宗盛被執。平氏亡。時宋孝宗淳熙十二年。日本後鳥羽天皇文治元年。西曆紀元一一八五年也。平氏自清盛當國。至是凡二十餘年而族滅。大權皆入於源氏。

平氏世系表





第五節 鎌倉幕府時代

初、源賴朝之起兵也。關東豪傑多附之。富士川之戰。擊敗平氏兵。欲乘勝直逼京師。部將千葉常胤等請移據鎌倉。略取常陸陸奥等國。先固根據地。然後大舉西上。從之。營幕府於鎌倉。以和田義盛爲侍所別當。主兵柄。大江廣元爲政所別當。握政柄。三善康信爲問注所執事。掌刑罰。分國號令。皆由此出焉。是爲鎌倉幕府之始。

賴朝勇武有大略。而殘忍嫉妬。既滅平氏。嫉其弟義經功大。奪其兵。又與叔父行家不和。義經與行家連兵抗賴朝。賴朝擊破之。殺行家。義經走陸奥。依酋長藤原秀衡。賴朝請於朝廷。置守護於諸國。置地頭於莊園。世家富豪產之私。以監督地方兵政財政。自爲總地頭。握財政兵馬大權。徵諸國賦稅以供兵餉。自此以後。國司郡司及領家大地之權。皆入於守護地頭之手。鎌倉幕府漸成政治之中心點。總地頭執行宰相之事。政府大臣等於虛設矣。

先是藤原氏自清衡以來。累世爲奧羽鎮守府將軍。領有當今宮城、岩手、山形、秋田、青森等五縣地。兵勢甚盛。清衡卒。傳子秀衡。以匿義經故。得罪賴朝。秀衡卒。子泰衡嗣。畏賴朝之威。斬義經。函首以獻。範賴不自安。尋爲賴朝所殺。賴朝嫉泰衡富強。將圖之。文治五年。後鳥羽舉兵擊泰衡。大破之。泰衡走死。於是陸奥出羽皆入於賴朝勢力範圍之內。次年入朝京都。自爲權大納言。兼右近衛大將。賴朝不欲久居京都。尋解兩職。自爲六十六國總追捕使。進號征夷大將軍。開府鎌倉。自此以後世襲此職。握政權者百五十餘年。日本國內主權者之位置一變。而卒不肯稱王稱帝。聊以自娛。累世將軍仍奉戴皇室爲共主。退居於臣子之列。自賴朝開此例後。足利尊氏、織田信長、豐臣秀吉、德川家康等皆踵其轍。鳥國英雄。只自命爲桓文。不願自居於操莽。就大陸人之眼光觀之。亦異事也。

賴朝在職十年卒。子賴家襲職。時年十八。母政子攝政。政子之父北條時政。爲源氏創業元勳。自賴朝以來。久

握政柄。至是與其子義時、及大江廣元、三善康信、和田義盛、比企能員等十三人同輔政。事皆決於時政。將軍拱手仰成而已。

賴家在職四年。疾篤。時政與政子謀。稱賴朝遺命。解賴家職。分國爲二。以賴家之子一幡爲總守護。兼關東二十八國地頭。賴家之弟實朝爲關西三十八國地頭。賴家岳父比企能員聞之。大怒。與賴家密謀誅時政。謀洩。時政殺能員。夷其族。并殺一幡。幽賴家於伊豆之修禪寺而弑之。立實朝爲將軍。自專國政。暴橫滋甚。惑於後妻牧氏之言。欲弑實朝。而立其壻平賀朝雅。事洩。政子與義時及諸將謀。黜時政。幽於伊豆之北條。殺牧氏及朝雅。於是大權悉歸於義時。

順德天皇建保元年。

宋寧宗嘉定六年

信濃人泉親衡奉賴家子千壽丸舉兵討義時。和田義盛之子義直、義重、姪胤長等。皆與其謀。事洩。被執。義盛請赦之。義時赦義直、義重。而胤胤長於陸奥沒收其財產。義盛大怒。舉兵攻義時。義時擊殺之。夷其族。其餘黨復謀奉千壽丸舉兵京都。謀洩。千壽丸被執自殺。義時自兼侍所別當。總兵柄。於是北條氏之勢日盛。

實朝資性溫雅。長於和歌。然大權不在握。孤立於上。爲權奸所制。嘗鬱鬱不樂。先是賴家被害時。其子公曉年甫四歲。後出家爲僧。補鶴岡八幡宮別當。憤其父慘死。謀殺實朝而代其位。義時復陰使人慫恿之。欲收漁人之利。順德天皇承久元年。


宋寧宗嘉定十二年

實朝拜右大臣。兼左近衛大將。行拜賀禮於鶴岡八幡宮。義時從實朝至。

樓門。詐稱疾不肯入。實朝既登樓。公曉自暗中躍出。刺殺之。義時使人捕殺公曉。源氏之正統絕。自賴盛至實朝。凡傳三世、二十七年而亡。史稱之曰鎌倉三代時代。

源氏世系表

清和天皇 — 貞純親王 — 經基 — 滿仲



第六節 北條執權時代

實朝既死。幕府大權悉歸於北條氏。義時請於政子。迎賴朝妹之外玄孫藤原賴經於京都。立爲源氏後。襲征夷大將軍職。年甫二歲。義時利其幼稚而立之。自爲執權。握政柄。自此以後。政權入於陪臣之手。天皇拱手。攝關伴食。將軍仰成。冠履倒置。莫此爲甚。皇室貴族多不平。釀成承久之亂。於是陪臣之勢日張。皇室威靈愈不振矣。

先是後鳥羽天皇在位十五年。一一八四至一一九八傳位於皇子爲仁。是爲土御門天皇。自爲上皇。在院中聽政。而大

權已入於幕府。朝廷舉動。皆受制裁。上皇不平。密謀興復。鑄兵器。練武士。以爲制服關東之計。土御門在位十

二年。一一九八至一二一〇傳位於皇弟守成。是爲順德天皇。後鳥羽上皇仍聽政。會北條氏滅源氏。上皇益不平。順德

在位十一年。一二一〇至一二二〇傳位於皇子懷成。是爲仲恭天皇。後鳥羽上皇仍聽政。承久三年。後鳥羽與順德密

謀舉兵討北條氏。土御門以時機不至。力諫不聽。是年五月。下院宣。削奪義時官爵。徵兵於諸國以討之。義時

使其弟時房。子泰時。朝時等。舉兵犯闕。陷京都。遷後鳥羽於隱岐。山陰道西小島土御門於土佐。今四國高知縣尋徙阿波。今四國

國德島縣遷順德於佐渡。北陸道西小島是後三上皇皆卒於配所。廢仲恭。立高倉天皇孫茂仁。是爲後堀河天皇。殺與謀

之公卿大臣數十人。沒收其領土三千餘所。以賞戰士。稱爲新補地頭。留時房泰時等居京師。置府於六波羅

南北。屯重兵以監督朝廷。是後朝廷舉動。皆仰鎌倉鼻息。天皇廢立。胥出其手。史稱之曰承久之亂。

後堀河三年。義時爲其奴所刺而死。泰時代爲執權。握國政。泰時寬厚溫雅。識量過人。改其父所爲。事皇室及將軍盡禮。持身節儉。勤於爲政。在職十八年。政平訟理。四條天皇仁治三年。宋理宗淳祐二年泰時卒。孫經時襲職。越四年卒。弟時賴襲職。是時將軍賴經在職已久。憤北條氏跋扈。常欲圖之。讓職於其子賴嗣。陰與時賴之從父光時及三浦光村等謀誅時賴。事洩。時賴流光時於伊豆。殺光村。夷其族。遷賴經於京都。廢賴嗣。迎立後嵯峨皇子宗尊爲大將軍。自此以後。將軍一職。爲皇子所有。北條氏奉皇子爲傀儡。竊弄威福。日益恣橫。時賴留心政事。得士民歡心。後深草天皇康元元年。宋理宗寶祐四年時賴卒。子時宗尙幼。叔父長時攝職。逾年卒。叔父政村攝職。龜山天皇文永三年。時宗就職。政村佐之。適值元室勃興。後高麗望風降附。東亞局面。將有統一於蒙古民族之勢。遣使渡海。諭日本入朝。時宗倔強不服。於是東征之役起。蒙古民族與大和民族之衝突。始出現於世界。倭寇之禍。從此始矣。

鎌倉將軍略譜

源賴朝 <small>源朝子初名兵衛佐小名鬼武者</small>	在職九年	年五十三	執權北條時政
源賴家 <small>賴朝子小名萬壽</small>	在職五年	年二十三	執權北條時政
源實朝 <small>賴家弟小名千幡</small>	在職十七年	年二十八	執權北條時政、義時、
藤原賴經 <small>源實朝子</small>	在職十八年	年三十九	執權義時、泰時、經時、時賴、時房、

源賴朝與藤原賴經血統關係表


源賴朝

女

藤原能保

女
攝政良經

道家
賴經
賴嗣



第十八章 元世祖之東征與仁寇之猖獗

第一節 黑的般弘之奉使

日本自宇多天皇時代。罷遣唐使。與中國斷絕交通。自此以後。經過五代兩宋。凡三百餘年。除去估客僧徒私渡外。始終無正式國際關係。蒙古勃興以後。兵力所及。望風降附。歐亞兩洲民族。除最北最西一部分外。幾乎皆入其勢力範圍。獨日本一島國。歸然獨立於東海中。不肯低頭納款。蒙古人憾焉。世祖至元二年。宋度宗咸淳元年。日本龜山天皇又元二年。後高麗元宗祜六年。西歷紀元一六六八年。使黑的般弘。介高麗致書於日本。語多威嚇。至耽羅。遇暴風。不至而還。四年。高麗元宗遣潘阜齋國書及元之國書使日本。至太宰府。留五月。候鎌倉幕府消息。不得要領而還。五年。世祖復遣黑的般弘持書抵對馬島。日本拒而不納。僅執其二島民。一口塔次郎。一口彌次郎。而還。世祖召見。待之以禮。諭以欲其國來聘。並非逼迫。但欲耀名之意。六年。命高麗奉中書省牒。送還所執者。亦不報。

第二節 趙良弼之奉使

會趙良弼自請奉使。世祖憫其老。不許。固請。乃授祕書監以行。給兵三千衛送。良弼辭。獨與書狀官二十四人俱。七年。申命高麗送國信使。通好日本。期必達。舟至筑前今津島。在今福岡縣西北境。博多灣西。津吏望見使舟。舉刃相向。良

弼登岸宣旨。今津守延入板屋。以兵環之。滅燭大譟。良弼凝然自若。天明。太宰府吏陳兵四山。問來狀。良弼數其不恭。仍喻以禮意。府吏求國書。良弼不與。越數日。復來求書。且曰：「我國自太宰府以東。上古使臣未有至者。今大朝使至。而不以國書見授。何以示信。」良弼折以隋唐故事。詰以何獨不見元使。復索書不已。詰難往復數四。至以兵脅。良弼終不與。但頗錄本示之。書意略云日本素號知禮國王君臣寧肯漫爲弗思之事如即發使與良弼偕來其或猶豫以至用兵夫誰所樂爲王其審圖之太宰府知不可屈。乃致副本於鎌倉。而遣彌四郎者入朝。世祖宴勞遣之。時日本傳聞蒙古強盛。頗懷疑懼。京都朝廷修禳兵法。太宰府送良弼於對馬。九年。良弼遣書狀官偕日本使二十六人先歸。謂「太宰府西守護所言。王京去此尙遠。願先遣人從奉使回報。」至京師。求見。世祖疑國主實使之。而詐云守護所。詔下廷議。皆以爲然。謂彼懼我加兵。故發此輩伺吾強弱。乃屏不令入見。尋遣還。復命高麗再致書。令必通好。仍不報。十年。良弼還。具陳日本不恭狀。并及爵號、州郡、風俗、土宜。世祖怒。用兵之意遂決。

第三節 錫都之役

十一年。使錫都等率師東征。高麗以兵助戰。尋復以忽敦洪茶邱爲總管。與高麗將金方慶等。以蒙古、漢、高麗兵一萬五千。戰艦九百。發合浦。拔對馬。轉攻壹歧。陷之。遂及肥前沿海郡邑。舍舟登岸。騎而進。至今津佐原百道原赤阪諸地。還上舟。會矢將盡。又大風雨。多觸礁。遂還。

第四節 范文虎之役

十二年。復遣使杜世忠等賫書往。高麗導送達長門室津。在今下關西至太宰府。送之鎌倉。是時北條時宗執權。取鎖國主義。堅拒元使。至是復以書辭無禮。竟殺世忠等。會方有日本商人持金來中國易銅錢。世祖許之。建淮東宣慰司於揚州。命沿海官司通日本商舶。及聞世忠等見殺。復決計聲討。先遣周福等至書。暫緩師期。至則又見殺。是時宋室已亡。內地無警。至元十八年。日本後宇多天皇弘安四年。命錫都范文虎等帥師十五萬東征。一偕高麗兵發合浦。一發江南。兩軍會於壹歧平戶。即元史之平壤。在今長崎縣西北境。等島。錫都兵先至對馬。遂進攻壹歧。至太宰府。府告急於鎌倉。時宗議遷二上皇。後嵯峨後深草。而徵兵守京。元兵所至。人竄匿。聞兒啼輒搜捕。至有先殺兒而遁者。戰於志賀島。今福岡縣博多灣北之半島。小獲利。遂進至宗像洋。今福岡縣宗像郡西北洋面。文虎兵適會。泊於能古志賀二島。時日本諸道兵皆會。而元兵之在筑肥間者。樓船蔽海。以鐵鎖聯舟爲營。列弩外向。日本船小。不能仰攻。輒敗沒。礮聲震天。諸國洶洶。民有懼色。譌言四興。願元將多苦航海。議攻議退不相下。又不卽決。金方慶力主進攻。說不聽。遂移泊鷹島。即元史之五龍山。在今佐賀縣西北伊萬灣內。會復見颶徵。文虎氣餒。擇堅艦先走。尋風大作。艦多覆沒。諸將皆棄軍歸。其在鷹島下者。數十餘萬人。推張百戶爲主。方伐木造舟欲還。日本人來襲。多死。餘二三萬人。被虜至八角島。盡殺蒙古、高麗、漢人。而留新附軍。即南人。謂爲唐人。不殺而奴之。是役。元全軍十五萬人。歸者不及五之一。文虎所帥江南軍十萬。歸者三人耳。諸將歸。尙持飾敗狀。尋江南殘卒于閩等逃還。始言其實。高麗兵一萬。死者六七千餘。時宗仍令嚴海防。命九國軍番戍。明年。寇高麗邊海。燒居室掠子女而去。王晞復發蒙古軍戍全

州日助兵艦百五十。備再舉。二十年。加嗜征東行省左丞相。欲復發兵征進。詔各路拘水手。造船艦。民不勝苦。廷臣多諫止。不聽。

二十一年。遣王積翁與補陀即浙江定海縣東之普陀山僧如智。航海使日本。舟人有不願遠行者。共謀殺積翁。使命終不達。會趙良弼言。日本俗狠勇嗜殺。地多山水。得其人不可役。得其地不加富。不如勿擊。便世祖納之。又值西南用兵。無暇兼顧。乃下詔罷征日本。專事安南。自是元不復東窺。日本九州之邊民。遂乘隙侵略中國內地。倭寇之禍。遂與元代相終始矣。

第十九章 元世祖之南征與海南諸國之內屬

印度支那半島地方。唐時曾羈縻於中國。唐衰。復分離而獨立。蒙古憲宗在位時代。命世祖將兵南征。滅大理。降安南。一時勢力範圍。擴張至現今法領越南北部。世祖即位以後。復命諸王桑阿克達爾、鎮南王託歡等分道南征。緬甸、交趾、占城、及南洋羣島等國。皆陸續內屬。元室威靈。以及於海外矣。茲述其事蹟如左。

第一節 緬之征伐

緬。即古西南夷之朱波。漢之掸國。唐之驃國。宋之緬崇寧四年云緬入貢蓋舉其國與蒲甘。次年云蒲甘入貢蓋舉其都城今之英領緬甸與

車里老耄等九宣慰是也。蒙古自滅大理。西南境直與緬接。時緬王都忙乃甸。即今蠻德勒城 Mandalay 明一司合稱西南十慰武記名併阿羅漢。今阿刺干部 Aungmye 在緬甸南境綠馬耳他萬 Martaban 海隅後印度。世祖至元八年。大理等處帥府遣人使緬。招諭其王內附。尋導其使來以聞。十年。詔遣使往諭。不應。

十二年。金齒。元初置金齒宣慰司於銀生崖。後以遠不可守。移於近地。即今雲南保山縣。故永昌府治是也。土司阿郭以事怨緬王。上言緬人之來。乃爲覘

國。已願招戚黨內附。且陳入緬有三路。由天部馬一由驃甸一由江頭城。願爲嚮導。十四年。緬人怨金齒千額總管

阿禾內附。攻其地。欲立砦於騰越永昌間。時大理路蒙古萬戶忽都等奉命伐永昌。西未降部族駐南甸。阿禾

告急。忽都等疾行赴援。與緬軍遇於汗干。蒙古軍僅七百人。緬衆約四五萬。象八百。馬萬匹。忽都下令。賊衆我

寡。當先衝河北軍。乃分軍爲三隊。戰敗之。追擊再敗之。破其十七砦。逐北轉戰三十餘里。敵衆及象馬自相蹂

躪。死者無算。蒙古軍無一死者。尋雲南省復遣尼雅斯拉鼎。率蒙古鑾輿等軍征緬。至江頭。疑即今八莫城。在騰衝縣西南緣雅舊藏布江。

招降土戶凡三萬五千二百。以天熱還師。具言可擊狀。十九年。遂遣諸王桑阿克達爾。督諸軍往

擊之。次年。分道攻破江頭城。二十二年。緬王遣使乞降。不果。二十三年。益兵進征。拔太公城。次年。至忙乃甸。會

緬王庶子作亂。幽王殺王世子及大臣等。元使亦遇害。大兵進破蒲甘。緬王南竄白古。復汎海至錫蘭。大兵死

者七千餘。以糧盡班師。緬王始還其國都請降。乃定歲貢方物。於甘緬城置邦牙宣慰司。以兵戍之。於是自今

西藏東南偏。至散處何撒母 (Assam)。在緬甸西北境。金齒諸夷及暹國。今暹羅皆相繼入貢。成宗大德元

在緬甸西北境。金齒諸夷及暹國。今暹羅皆相繼入貢。成宗大德元

年册封緬酋的立普哇拿阿迪提牙爲緬國王。賜銀印。

第二節 占城安南之征伐

占城。今法領印度支那中國交趾地。唐以前爲林邑國。卽秦象郡之林邑縣。今爲廣和城亦曰衙莊漢改林邑爲象林縣。

屬日南郡。漢末。邑人區連。乘中原喪亂。殺縣令。稱林邑王。是爲林邑建國之始。後世或入貢。或自帝其國。中國

未嘗羈縻之。晉初。區氏嗣絕。外孫范熊繼立。林邑遂世爲范氏。劉宋文帝元嘉中。交州刺史檀和之等擊破之。

隋文帝仁壽末年。驩州道總管劉方攻克其地。分爲蕩、農、冲、三州。尋改爲比景、海陰、林邑三郡。隋亂。故王范梵

志復王其地。唐太宗貞觀中。范氏嗣絕。肅宗至德中。國人立范氏戚諸葛地。更號環王。憲宗元和初。入寇驩愛

等州。安南都護張丹擊破之。遂棄林邑。南徙於占。今之平順城卽後阮福映所封之農奈是也號占城國。周世宗顯德中。及兩宋。常

遣使入貢中國。受封册。所統州大小三十八。通不盈三萬家。宋孝宗淳熙中。襲破真臘。今柬埔寨及寧宗慶元

中。真臘大舉復讎。俘殺幾盡。更立真臘人爲王。遂爲真臘屬國。元初。臣於安南。世祖至元十五年。索多以江南

已平。遣人至占城招撫。還言其王有內附意。詔遣使册封爲占城郡王。諭使入朝。十七年。其王表貢請降。十九

年。命索多卽其地立省以撫治之。王子補時負固弗率。凡使臣經其國皆見執。世祖怒。命索多討之。破其城。王

子遁入山谷。遣其臣寶脫禿花陽納款以緩師。而潛殺元使皇甫傑等百餘人。索多等久乃覺其詐。遣兵攻之。

轉戰至木城下。阻隘不敢近。敵兵旁截歸路。軍殊死戰。得出。遂引還。世祖怒占城叛服不常。詔封皇子託歡爲

鎮南王。與左丞李恆。往會索多兵進擊。復以安南與通謀。令軍行。假道於其國。且徵助兵糧。

初。安南聖宗光晷之請降也。元詔諭以六事。一王親朝。二質子弟。三編民數。四出軍役。五納賦稅。六置達嚕噶齊以監臨其地。又索流寓回鶻。責光晷受詔不拜。及待元使不以王人禮諸罪。光晷於元要素皆不應。表請罷本國達嚕噶齊。元亦不許。且促踐前六事倍急。

至元十四年。光晷卒。子日烜嗣。元又責以不請命自立。趨使親朝。日烜累表陳情。詔諭以「如不自覲。則積金以代爾身。兩珠以代爾目。副以賢士方技子弟工匠各二。以代爾士民。不然。修爾城。整爾軍。以待我師。」職此諸端。兩國故積有嫌釁。至是復徵助軍糧。日烜仍拒親朝及助軍。但允稍供糧於境上。

二十一年。瓊州上言。交趾通謀占城。遣兵船爲應援。日烜書辯。不省。元兵壓境。日烜言其國至占城。水陸非便。遣兵分道拒守。託歡屢移書假道。不納。益修兵船。爲迎敵計。託歡乘間縛棧爲橋。渡富良江。與日烜大戰。破之。索多軍亦自占城來會。自入其境。大小七戰。取地二千餘里。王宮四所。先是日烜於十六年。已禪位於太子吟。是爲仁宗。自爲太上皇。至是父子奔清化。其弟益稷率所屬來降。然交兵雖敗。而勢猶盛。適盛夏淋潦。軍中疫作。死傷者衆。占城竟不可達。乃謀引兵還。交趾上相陳光啓等率諸路兵追襲。軍潰。李恆戰死。託歡等走。索多軍相去二百餘里。猶未之知。亟趨脫歡營。交人邀諸乾滿江。富良江別流力戰而死。

二十四年。復詔託歡。與右丞程鵬飛。參知政事樊楫等。督諸軍擊安南。分兵三道。水陸並進。凡十七戰。皆捷。遂

深入其境。日烜再棄城入海。託歡追之。會天氣暑溼。將士多疾疫。不能進。諸蠻復叛。所得險隘皆失守。遂謀引還。日烜復集散兵守東關。在安南北境。遇託歡歸路。諸軍且戰且行。日數十合。賊據險竊發毒矢。樊楫與右丞相阿巴齊戰死。託歡走還。日烜尋遣使來朝。進金人自代以贖罪。二十七年。日烜卒。子日燁即吟遣使來貢。三十年。日燁禪位於太子炆。是爲英宗。即元史之陳日燁。其後朝貢不絕。占城王已先於二十一年。遣其孫奉表歸款。至是乃俱罷兵。

第三節 海外諸番國之征伐

海外諸番國。惟馬八兒。Malabar 今南印度麻打拉薩 與俱藍。Corran 即宋史之注釐明史之小葛 足

綱領諸國。而俱藍又爲馬八兒後障。比餘國最大。至元間。索多招諭諸番。占城、馬八兒俱奉表稱藩。惟俱藍諸

國未下。十六年。遣使招俱藍。次年。至其國。國王附進降表。約來歲入貢。再遣使往招諭。十八年。自泉州入海。行

抵僧伽那即僧伽羅山。阻風乏糧。乃先往馬八兒國。欲假陸路以達俱藍。其國宰相二人。私輸款於元使。十九年。使

抵俱藍國。王拜受詔。遣其臣入貢。時也里可溫及木速蠻等酋。皆在其國。聞元使至。相率來告。願朝貢。蘇木達

今蘇門答臘國亦因之乞降。使還。復說下數小國。至二十三年。來朝貢者。國凡十。時諸國多奉回教。王號算彈。即蘇丹。人

名亦多襲大食之遺。

世祖撫有四夷。其出師海外諸番者。惟瓜哇(Java)之役爲大。瓜哇即古閩婆國。劉宋文帝元嘉中。始與中

國通。其後復絕。至宋太宗淳化中。其王木羅茶遣使來朝貢。徽宗大觀中。復入貢。元初。與瓜哇通使。往來修好。後其王黥元使之面。使還。世祖怒。二十九年。遣史弼等將兵三萬。舟千艘。討之。師會於泉州。自後渚啓行。三十年。至枸欄山。今巴當島在瓜哇西北。議方略。進至吉利門。今卡里門。瓜哇正北。瓜哇海中。及杜並足。今蘭木濱在瓜哇北岸。分軍下岸。水陸並進。水軍自杜並足由戎牙路。今馬都拉小島。名在瓜哇東北。於麻喏巴歇。今馬溫。浮梁前進。赴八節澗。今八馬步。軍自杜並足陸行。會瓜哇國王爲隣境葛郎國所攻殺。其壻土罕必閣耶舉國降。遣人來迎。大軍會於八節澗。澗上接杜馬班。今蘇拉巴雅。在瓜哇東北。王府下通蒲奔大海。乃瓜哇咽喉必爭之地。又其謀臣希寧官。沿河船舶。觀望成敗。屢招諭不降。諸將於澗邊設營。留兵守河津。而率水陸軍並進。希寧官懼。棄船宵遁。獲鬼頭大船百餘艘。留重兵鎮澗及海口。大軍方進。土罕必閣耶遣使來告急救。軍進至麻哈巴歇。屢敗葛郎兵。旋分軍三道伐葛郎。水軍泝流而上。一軍由東進。一軍由西進。土兵繼其後。與葛郎兵十餘萬交戰。自卯至未。連三戰。敵敗奔潰。擁入河死者數萬人。殺五千餘人。葛郎國王入內城拒守。元軍圍之。且招降。是夕。國王哈只葛當出降。撫諭令還。旣而土罕必閣耶潛叛去。留軍拒戰。元將遇害者數人。軍士死者三千餘人。弼等力戰禦之。得還。遂并取哈只葛當妻子官屬百餘人。及地圖戶籍。所上金字表以還。時亦一再遣使招諭瑠求。即隋之流求。今日本沖繩縣。卒以言語不通。不得要領。僅掠其生口百數十人而返。然元自是國威播於南洋焉。

第五期 漢族勢力恢復時代

第一章 宗室諸王之構兵與蒙古大帝國之瓦解

中國自古以來。相傳治國之大法有二。一曰父子相繼主義。所以泯宗室之紛爭。一曰中央集權主義。所以杜強藩之跋扈。凡此者。皆歷代英主。經過幾許艱難閱歷。始決定之方針。從之者吉。違之者凶。莫或易之者也。獨蒙古建國規模則異是。蒙古國勢偉大。非一世英雄。有統御全國之能力也。不足以爲其主。乃創爲庫魯泰大會議。由宗室諸王大臣與諸藩。聯合選立君主。於是父子相繼之制度破壞。蒙古幅員遼闊。種族龐雜。非廣建羣藩。厚其勢力。不足以制服異族。乃建立四大汗國。統轄歐亞各民族。於是中央集權之制度亦破壞其始也。太宗定宗相繼嗣位。宗室輯睦。尙無間言。及定宗崩。錫哩瑪勒與憲宗爭位。而內亂一作。憲宗崩。阿里克布克與世祖爭位。而內亂再作。於是海都以謬格德依汗國勢力闖於北。都斡以察罕臺汗國勢力闖於西。諸卜納延與哈丹勢格都兒等闖於東。與世祖爭大汗位置。奇卜察克汗國君主忙哥帖木兒。(Mangu Timur)伊兒汗國君主阿八哈。復從而交闖於其間。世祖竭全國兵力。與之角逐於外蒙古。僅得蕩平納延哈丹勢格都

兒等兵。而海都都幹竟不服。及成宗嗣位。海都之子微伯爾。與都幹相繼歸命。諾格德依汗國旋爲王師所滅。然西方三大汗國。自是不服中央命令。互相構兵。又時與大汗國衝突。中央自成宗逝世以後。歷代君主。多爲權臣所擁立。丞相專權。天子守府。忙於內亂。更無餘力以經略域外。於是蒙古大帝國遂瓦解。復成列國對立之形勢矣。茲述其事蹟如左。

第一節 蒙古內亂之遠因

初、太宗之在位也。以孫錫哩瑪勒太宗第四子庫春爲嗣。太宗在位十三年。以宋理宗淳祐元年。西歷紀元一二四一年

病酒而殂。第六后馬真錦舊作乃氏奉遺詔。稱制於和林。皇子庫裕克得凶聞。倉猝自歐洲來奔喪。后欲立爲

太宗嗣。待巴圖來會議。而巴圖托病。屢愆行期。后臨朝之四年。乃集諸王百官。開庫魯泰大會議。立庫裕克。淳

祐六年。西歷紀元一二四六年庫裕克卽位。是爲定宗。在位三年。以淳祐八年。西歷紀元一二四八年殂。后烏拉海額舊作幹兀錫立海迷失

抱皇姪錫哩瑪勒聽政。凡太宗子孫。多主張遵太宗遺詔。立錫哩瑪勒爲大汗。諸王大臣不從。後二三年。諸王

巴圖、大將烏特哩哈達舊作兀良合等。一再開庫魯泰大會議。巴圖首建議推戴莽賚扣。衆皆踴之。淳祐十一

年。西歷紀元一二五一年東西諸王將。共推莽賚扣卽大汗位。是爲憲宗。

憲宗卽位以後。錫哩瑪勒及諸弟心不平。憲宗誅其黨與。殺定宗后及其用事大臣。禁錮錫哩瑪勒於摩多齊。

在和林西北分遷太宗系統諸王於各邊。定其封地。太宗舊部軍。別擇親王將之。以防其擁衆爲亂。遣使詣察

罕臺藩地及漢地察究違命諸臣凡附太宗後者皆逮究復遣兵巡察奇爾濟蘇等處。頒便宜事於國中。罷不急之役。諸王大臣濫發牌印詔旨宣命盡收之。自此以後。蒙古內政始歸一。然而分離之端兆於此矣。

第二節 阿里克布克之亂

宋理宗寶祐五年。

憲宗七年

憲宗與世祖率師分道南侵宋。命少弟阿里克布克

舊作里不哥

居守和林。以阿拉克岱爾

輔之。越二年。憲宗殂於軍。世祖引兵北還。諸王哈丹、穆格、塔齊爾俱會於開平。

在今察哈爾獨石縣東北

轄魯自西域遣使

勸進。惟阿里克布克不至。廉希憲等力言『先發制人。後發人制。逆順安危。間不容髮。宜早定大計。』世祖然

之。遂不及待庫魯泰大會議。遽自立爲蒙古大汗。阿拉克岱爾及六盤守將等密謀推戴阿里克布克。世祖使

廉希憲宣撫陝西以制之。次年。阿里克布克稱帝於和林。憲宗諸子及察罕臺系諸王皆附之。世祖遣伊遜克

太祖次子

將兵挫其前鋒。尋自將征之。時阿拉克岱爾等關隴之軍已爲廉希憲所破。阿里克布克駐謙讓州。

今克

穆克穆齊克西史謂阿里克布克夏居阿爾泰冬居奇爾濟蘇所轄境即其母湯沐地寬廣三日程近阿爾泰河

懼兵力不敵。遣使約歸款。世祖允之。遂自和林還京。

留伊遜克駐防。次年。阿里克布克襲敗伊遜克兵。復據和林。進兵至漠南。世祖復自將征之。戰於實默圖諾爾。

在今獨石口外敗卻其衆。阿里克布克北遁。王師不窮追。越十日。阿里克布克回軍再戰。不克。旋北遁。尋與察罕臺嗣

王阿魯忽

貝達爾子

構兵。所部羣非議其同室操戈。棄之他適。阿里克布克無兵無餽無援。形勢日蹙。至

元元年。與憲宗諸子及諸謀臣來歸。世祖皆宥之。但誅其謀臣等。然其黨海都仍據地稱兵。屢徵不至。遂釀宗

藩之亂。蒙古大帝國之分裂。從此始矣。

第三節 海都之亂錫喇勒濟之亂與納延之亂

一、海都之亂 海都者。和碩舊作失王子。太宗諸孫也。太祖征西夏。和碩生。西夏爲河西地。蒙古稱河西昔如和碩。

轉爲合申以命名。志武功也。和碩早卒。太宗痛之。自此蒙古諱言河西。惟稱唐古特。 西夏立國始唐時。曾賜國姓。繫以唐志所自。始唐古特音。

轉爲圖伯特今西人稱西 憲宗二年。定太宗後王分地。遷海都於海押立。 在今阿拉套嶺西北。巴勒哈什海。湖東南北接阿爾泰山。西支。

都自以太宗嫡系。不獲嗣大位爲憾。而憲宗奪太宗後王兵柄。志不得逞。憲宗六年。斷事官石天麟使北邊。海

都羈留之。不使歸。世祖初。附阿里克布克。攻宗王察罕臺汗阿魯忽。 察罕臺孫 爲所敗。及阿里克布克降。仍自恃路

遠。朝使屢徵。皆以馬瘦道遠爲辭。不應召。世祖推恩諸王。亦賜以金帛。並以蔡州分隸之。而海都有異志。區區

歲賜分地。非所慕。又權略過人。善於籠絡。卓齊特後王如伯勒克等咸與善。太宗分地在愛密爾河者。亦多屬

之。其南境與察罕臺汗國接壤。至元三年。阿魯忽薨。世祖遣八拉克 察罕臺孫 歸國嗣位。欲藉其力以制海都。八

拉克與海都戰於錫爾河。敗其兵。掠人畜無算。宗王奇卜察克汗忙哥帖木兒 巴圖孫 助海都兵。回攻而勝。八拉

克退至河南。脅布哈爾撒馬爾罕民戶助軍實。備再戰。會有爲之和解者。乃罷兵。而布哈爾等地。海都亦得分

其歲入。八拉克西攻伊兒汗汗阿八哈。 轄魯長子 海都亦助以兵。七年。八拉克戰敗歸。旋殂。閱再傳皆知祚。海都輔

立八拉克子都幹。 舊作篤哇 得其助。於是窩闊臺系統與察罕臺系統聯合爲一。與元室抗。海都之勢始劇矣。

二、錫喇勒濟之亂。先是海都叛逆漸著。廷議致討。世祖謂宜懷之以德。遣使詣海都。海都悅其辯。厚贈之。又詣忙哥帖木兒處計事。忙哥允爲外應。襲海都。後忙哥兵果至。海都禦之。而八拉克又至。乃乞和於忙哥。忙哥罷兵。且助以軍五萬。合敗八拉克。海都由是無西顧憂。復與八拉克之子都幹和。於是奇卜察克察罕臺窩闊臺三汗國聯爲一系。以與元室抗。至元十二年。海都都幹以十二萬衆圍高昌。即輝和爾王火赤哈兒的斤於火州城。久之始解。於是敕追海都八拉克金銀符。次年。命丞相安圖輔皇子北平王諾摩罕備邊於阿力麻里。諸王錫喇勒濟。舊作昔里吉脫脫木兒。舊作托克帖木兒等咸從。先遣使諭海都。令罷兵來朝。海都聽命退軍。而安圖軍已克火和。即宗王大王部曲盡獲其輜重。海都地隣火和。懼安圖乘勝侵略。乃遣使者歸。以安圖之事上聞。明非已罪。十四年。脫脫木兒等合謀。夜劫諾摩罕。并執安圖。遣使通好於海都。海都弗納。諸王叛者相屬。西書謂太宗後人及察罕臺別皆叛世祖命巴延北征。遇其衆。遏於鄂爾坤河。夾水而陣。相持既久。俟其懈。麾軍爲兩翼。擊破之。錫喇勒濟奔雅爾達實河。脫脫木兒奔奇爾濟蘇。巴延襲奪其輜重。錫喇勒濟不能援。脫脫木兒以爲怨。遂附於撒里蠻。憲宗子裕隆哈實子竹籬木忽兒。布里克子來從。不聽。與之戰。脫脫木兒敗遁。被執。見殺。撒里蠻失助。錫喇勒濟奪其兵。拘而致諸奇卜察克汗。中途遇其舊部。奪取返攻。錫喇勒濟衆叛。被執。併執籬木忽兒。將獻諸朝。東經納延地。納延受籬木忽兒賂。邀劫之。僅以錫喇勒濟來獻。世祖賜撒里蠻以地及軍。而流錫喇勒濟於海島。籬木忽兒旋詣海都。後亦來朝。

三、納延之亂。二十一年。奇卜察克都指揮使圖圖爾哈舊作土土哈奇卜察克王子拜都察克子等。謀知海都虛實。破其精兵。海都敗走。得所俘掠軍民。會石天麟語海都以宗親恩義。及臣子逆順禍福之理。海都悔悟。乃遣天麟與諾摩罕安圖等皆歸。明年海都復犯邊。圖圖爾哈等共禦之。二十四年。納延舊作乃顏特穆爾諤齊錦四世孫反於遼東蓋山海諸王哈丹。哈丹世孫四勢格都兒哈布圖哈薩爾四世孫等應之。約海都相犄角。海都亦允助兵。世祖恐其聯合。先遣使撫安諸王納恰等。解其謀。令巴延於和林阻遏海都。而親征納延。自江南行海運至遼河以轉餽。軍疾行。二十五日即至其境。分蒙古及漢軍爲二。漢軍以李庭董士選統之。及遼河。納延黨擁衆十萬進逼。世祖親麾諸軍圍之。納延以車環衛爲營。堅壁不出。王師三十營。間以漢軍步隊。皆執長矛大刀。軍進退時。與騎卒共乘一馬。及敵則下騎先進。世祖乘輿。駕四象。與有戰臺。置中軍旗鼓。或獻計。彼衆我寡。當以疑退之。於是世祖張蓋據胡牀坐。進酒。敵按兵觀之。不敢進。李庭引壯士十餘人。抱火礮夜入其陣。礮發。敵潰。遂命蒙古漢軍並進。敵軍飛矢及乘輿前。士選等出步卒橫擊之。戰自辰至午。納延敗走。追獲誅之。帝還京。詔皇孫特穆爾太子精吉木第三子即成宗撫諸軍。留討哈丹等。

四、海都之猖獗及其薨逝。二十五年。海都都幹迭犯邊。特穆爾鎮金山。屢遣將擊卻之。次年。海都兵至和林。宣慰使奇卜等叛應之。北鄙大震。世祖親征。皇孫晉王噶瑪拉太子精吉木長子與海都戰於杭海。今外蒙古杭愛山失利。被圍。圖圖爾哈引勁卒陷陣。翼王出。二十九年。諸王穆爾特穆爾叛從海都。巴延敗諸哈斯圖嶺。曾有譖巴延與

海都通者。詔授皇孫特穆爾以皇太子寶。撫軍徵巴延還。未發而海都兵復至。巴延欲誘使深入成擒。且戰且行。七日。諸將固請速戰。還軍擊敗之。海都遂脫去。

是年秋。圖爾哈略地至金山。獲海都之戶至千餘。進攻奇爾濟蘇。三十年。師次謙河。踏冰行數日。始至其境。盡收其五部之衆。屯兵守之。海都引兵至。復敗之。擒其將。

成宗元貞初年。海都犯西番界。大德元年。圖爾哈之子綽和爾舊作牀兀兒北征。踰金山。屢大挫海都軍。是時寧

遠王庫克楚世祖第八子總兵北邊。怠於備禦。三年。成宗命兄子海桑成宗兄達爾瑪巴拉之長子即武宗即軍中代之。軍至金山。奈

曼特部落降。五年。海都都幹大入。兵越金山而南。止於鐵堅古山。今外蒙古札薩克圖汗部右翼後末旗之匝麥山地因高以自保。八月。

海桑與戰於迭怯里古。今底們赤魯海都軍潰。越二日。海都悉衆來。大戰於合刺合塔。今哈喇阿吉爾夏山王師失利。海桑親

出陣力戰。悉援諸軍而出。明日。復戰。軍分五隊。海都乘之。海桑揮軍力戰。突出敵陣後。乃返。綽和爾與都幹相

持於兀兒禿。今阿勒台嶺以精銳馳其陣。奮擊殺都幹兵幾盡。阿什剌都幹中膝。號哭遁去。海都雖勝。不能獨留。亦

引軍歸旋廂。

五、都幹徹伯爾之內訌與謬格德依汗國之淪滅 先是至元二十七年。海都遣兵助伊兒汗國叛將景赤尼

佛魯慈。擾呼羅珊。今波斯東北境之哥刺森後乃敗退。於是伊兒汗國與之爲敵。奇卜察克汗國白帳汗鄂爾多魯孫那延

與族人貴烈克戰。海都都幹助貴烈克。於是那延亦與爲敵。凡十五戰。那延勢不支。時成宗已立。乃遣使入朝。

乞王師與伊兒汗國三面合攻海都等。成宗將允之。擬大舉親征。爲太后所阻。乃謝以徐議。至是海都殂。或欲立其子烏魯斯。都幹以已得國。由於徹伯爾。亦海都子故援立之。大德七年。均遣使請息兵。詔報使。命置驛以俟其來。八年。九年。兩使復踵來。各賜銀幣。尋都幹與徹伯爾以子弟構釁。遽失歡。十年。戰於忽甕撒馬爾罕中路。徹伯爾敗。再戰。都幹敗。乃議和。將成。徹伯爾部衆多散處。都幹乘其不備。遂躡所轄地。時海桑亦踰金山。迫烏魯斯。獲其妻孥輜重。抵雅爾達實河。受程爾特穆爾諸王降。盡俘徹伯爾家屬營帳。元史曰赤察兒傳一掠取餘其部人凡兩部十餘萬口餘衆悉潰。徹伯爾僅以三百人奔都幹。窩闊臺汗國亡。海桑駐冬金山。降王禿曲滅復叛。與戰。敗之。自海都倡亂。東西諸王。室蒙古先定東土故太祖諸弟多封於東至太宗以下子孫則多封於西故阿力麻里爲定宗子分地海都都幹得分據金山南北元史謂之東諸侯西諸侯多效尤不靖。至是北邊始悉平。乃處諸降人於金山之陽。而王師屯田於山北。

是年都幹殂。子寬闊立。未二歲而殂。宗王達里忽繼立。都幹次子怯伯乘其飲宴。刺之死。徹伯爾乃與禿曲滅等合攻怯伯。爲所敗。不敢復留。武宗至大三年。遂來朝。禿曲滅行至中途。爲怯伯人所殺。

初世祖以海都叛。詔積其分地五戶絲爲幣。俟其來降賜之。至是徹伯爾來朝。武宗命備述其故以與之。使知愧。設宴大廷。康里脫脫卽席陳西北諸藩始終離合之由。去逆效順之義。且告祀太廟。達里忽旣見殺。國人立都幹長子也先不花。盡併海都故地。諤格德依汗國於是全亡。地悉入於察罕臺汗國。徹伯爾無所歸。遂羈留於中國。仁宗延祐二年。封汝寧王。閱再傳至孫忽剌台。爲泰定帝太子。起兵拒文宗。兵敗。不知所終。

第四節 奇卜察克汗國之向背及其對於歐洲諸國之關係

奇卜察克汗國始祖巴圖。自太宗末年建國。盡取歐洲東北部。憲宗二年。西歷紀元一
二五二年復遣將深入孛烈兒。大掠而歸。三年。憲宗遣使括俄羅斯戶口。六年。西歷紀元一
二五六年巴圖遣長子撒里答(Seitak)入朝。比至。聞巴圖殂。憲宗令西歸嗣位。道卒。更立烏拉赤。(Ulaghji) 撒里答子或
謂巴圖子尙幼。令巴圖元妃輔以聽政。未數月。亦殂。七年。令巴圖弟伯勒克嗣位。並以其國屢易主。慮屬部有變。特簡親臣出鎮俄羅斯。伯勒克於憲宗初元。將兵衛從。有翊戴功。比卽位。信天方教。常集教士於鄂爾多。講論教律教理。太祖裔入天方教者自伯勒克始。始遣官查閱俄羅斯戶口。計丁出賦。城鎮民數及千若萬者。設官一。而以八思哈爲蒙古理民
主稅之官三總其事。田賦十取一。牲畜百取一。教士獨免。諾弗哥羅城不服。他城亦然。幾釀大變。俄王亞歷山大知不可抗。極力鎮撫其民。復自入謁請罪。伯勒克拘留之。旋病歿。厄加得黎諾斯拉王達尼爾逐蒙古官。併同族地。蒙古將來征。按兵不攻。諭使歸順。而助攻立陶宛部。(Lithuania)達尼爾畏威聽命。遣弟從行。征服立陶宛族。次年。諸王諾垓卓齊特
曾孫等伐孛烈兒。達尼爾之子弟復從征。至克拉科。憲宗崩。阿里克布克僭號。立察罕臺孫阿魯忽嗣汗位。以爲己助。伯勒克附世祖。不從。叛。阿里克布克令阿魯忽備禦西兵。旣而自相戰爭。復議和。而阿魯忽爲伯勒克所敗。未幾。阿里克布克歸朝。伯勒克軍亦罷。

轄魯旣平報達。殺最後之哈利發亞爾模斯他錫姆。屠戮回教徒無算。卓齊特後王從征至西域者。或以罪誅。

或猝病歿。伯勒克疑爲轄魯所害。令諸垓將兵問罪。戰於打耳班。(Derband)先敗後勝。埃及王比拔而斯與轄魯有兵怨。知伯勒克同教。思引爲援。世祖中統三年。發使贈以哈利發家乘。並貽書請勿擾東羅馬。初東羅馬初東羅馬

伯勒克部兵所侵埃及。使至阻不聽。渡黑海。經東羅馬境以達。伯勒克優禮遣歸。使者歸述云帳以白氈製飾以綢緞珠寶汗正坐妃旁坐

大官數十列坐。復遣使至埃及。致書謂己昆弟四人皆人教。願合約以攻轄魯。比拔而斯優禮款接。復書致幣。並可蘭

經纏頭布一方。由麥加禮拜堂取至。以伯勒克不能親詣瞻謁。遣人代行。故持此以贈。至元元年。復馳書請勿

犯東羅馬邊界。二年。西歷紀元一諾垓南侵伊兒汗國。傷目而退。伯勒克率大軍繼至。相持於庫爾河。(Kur

River)。在今特蘭士高加索境。殂於軍。羣臣奉柩歸葬薩萊。巴圖孫忙哥帖木兒(Mangu Timur)立。

忙哥帖木兒既立。與海都約和。連兵抗拒王師。諾垓自擅於古爾斯克、疴勒爾等地。娶東羅馬王密給爾八世

之私生女。助之輔立西不里阿耳王。敗其兵。殺僭立者。忙哥帖木兒亦與東羅馬修好。凡三遣使詣其都。即君士坦

丁俄羅斯諸王互相讒害。里伯斯克王譖熱列士王冒天方教。忙哥帖木耳怒。拘王迫其改教。王不從。又因素

與蒙古官不協。遂見殺。里伯斯克王子復譖熱列士王子於諾垓。至元十五年。諾垓引兵擾熱列士地。是年。阿

速叛。遣兵往征。瓦拉的米爾王狄米得里一世之弟從軍。平其亂。十七年。厄加得黎諾斯拉王。從蒙軍入孛烈

兒。攻城。爲其別部酋所敗。

十八年。西歷紀元一忙哥帖木兒殂。弟脫脫蒙哥(Tuda Mangu)立。狄米得里一世爲其弟所讒。十九年。脫

十八年。西歷紀元一

脫蒙哥與其弟以一軍令擾其境。直至諾佛哥羅狄米得里逃依諾垓。諾垓與脫脫蒙哥不協。二十年。仍立狄米得里爲王。招致古爾斯克、柯勒爾王來從。不聽。諾垓怒。發兵擾其境。明斯克等處王亦不附。諾垓殺之。據其地。以蒙古兵四千助東羅馬王平北境亂。軍歸。敗不里阿耳境內他族。

二十二年。西歷紀元一脫脫蒙哥諸猶子禿拉布哈 (Tulabugha) 等廢脫脫蒙哥而據其位。西史謂四人共主國事

是年冬。發兵侵馬札兒。直至多瑙河。會雪消水漲道溝。敗歸。次年復入孛烈兒。凡無城堡地悉被掠。會軍中疫作。乃返。忙哥帖木兒第五子托克托 (Toktu) 率衆侵入打耳班。攻伊兒汗國。軍鋒甚利。而國中忌之。乃退軍避他所。潛引諾垓爲援。諾垓設筵招禿拉布哈等至。伏兵殺之。奉托克托卽位。時元世祖至元二十七年。西歷紀元

一二九也。

諾垓旣輔立托克托。繼又不協。旋卒。諸子爭王位內訌。又與托克托構兵。境內紛擾無寧宇。俄列邦王訴其首邦瓦拉的米爾王狄米得里一世之過。三十一年。托克托遣兵往討。狄米得里避而之諾佛哥羅。是年卒。其叔父彌海勒二世立。

先是海都都幹倡亂。西道不通。自忙哥帖木兒後。諸王自擅於遠。不復承奉朝廷。海都卒。其子徹伯爾與都幹皆歸命。托克托首先效順。武宗至大元年。遣使於托克托。自是以後。奇卜察克歷代君主皆服從元廷命令。

第五節 察罕臺汗國之向背

察罕臺汗國始祖察罕臺。於太宗崩後數月亦殂。孫合剌旭烈忽監國。定宗以傳孫不傳子爲非。令察罕臺子也速蒙哥嗣位。也速蒙哥性嗜飲。事皆決於其妃。憲宗立。命合剌旭烈忽殺也速蒙哥。代其位。旭烈忽奉命行。未至而卒。旭烈忽之妃倭耳干納。行憲宗命。殺也速蒙哥。自監國者九載。中統元年。西歷紀元一阿里克布克僭號。始立阿魯忽以代之。使爲己援。而徵求無藝。阿魯忽怯於供應。悔從逆。殺其使。將歸命於朝。三年。阿里克布克遣將擊之。戰於布拉城及寒里木淖爾。敗沒。阿魯忽恃勝輕敵。還駐伊犁河濱城中。散遣其兵。未幾。敵第二軍繼至。入自鐵門。破阿力麻里城。阿魯忽敗退。踰天山。南至和闐。喀什噶爾。阿里克布克亦至阿力麻里駐冬。阿魯忽復退至撒馬爾罕。阿里克布克久掠阿魯忽之地。戶口逃亡。餓糧無出。又病疫。部下將士以其多殺阿魯忽之衆。皆蒙古人。自戕同類。羣議其非。多棄之他適。阿里克布克失衆。慮阿魯忽乘弱來攻。乃使倭耳干納偕馬思忽惕往議和。阿魯忽娶倭耳干納。任用馬思忽惕。治布哈拉。撒馬爾罕等地。收其財賦。軍勢復振。海都初附阿里克布克。攻阿魯忽。爲所敗。及阿里克布克等入朝。王大臣議免其死。世祖命付轄魯伯勒克。阿魯忽。三王審議以聞。二王皆議亦爲是。阿魯忽則謂己之立非由朝命。未便置詞云。

至元三年。阿魯忽殂。察罕臺曾孫八拉克嗣位。七年。八拉克殂。海都輔立其子都幹。與之聯兵內犯。大爲元廷患。其詳已見於第三節。茲從略。

第六節 伊兒汗國之向背及其對於西方諸國之關係

一、阿八哈之嗣位。伊兒汗國始祖轄魯。自憲宗末年建國。爲元室西南強藩。世祖至元二年。西歷紀元一

魯殂。長子阿八哈(Abaqa)少從西征。親軍事。有戰功。轄魯受封。令轄東境三部。至是聞計來奔喪。掌轄魯鄂

爾多之首領大臣曰伊而喀。會諸大將。議遵遺命立新君。阿八哈遜於弟。衆不可。復欲俟朝命。衆以一道阻期

遠。君位不可久虛。爲辭。勸進再三。乃卽位於察罕淖爾。地近哈馬丹 Hamadan 察罕蒙古卽位禮。羣臣從新君

朝日。皆解帶置於項。向日九叩首。新君入幄登座。羣臣朝賀如初禮。案元祕史太祖嘗向日將繫帶挂於項上

知當日蒙古禮儀阿八哈自以未奉冊命。不敢遽登座。設小座於下以受朝。分遣諸臣掌機務財賦。諸子弟轄諸屬部。

定都於第弗里斯。(Tiflis) 在高加索山南庫爾河上流冬夏別駐。夏駐阿拉拉特。埃里溫西南山昔耶庫。波斯語謂黑山在伊冬

駐埃里溫。或報達。或楚喀圖。近哈馬丹

二、阿八哈與奇卜察克汗國之衝突。次年。諾垓將奇卜察克兵。侵至打耳班。在高加索山東與海西岸沿黑海裏海間鐵路伊兒

汗國邊將與戰於亞拉斯河。(Aras River) 在庫爾河南下流入庫爾河無勝負。諾垓傷目而退。阿八哈自至。聞奇卜察克

汗伯勒克親率大軍南來。乃退渡庫爾河。撤河梁以守。兩軍隔河相持十五日。伯勒克思改道自谷兒只(Ge-

orgia) 在高加索山脈西境境進兵。會病卒。軍亦罷。阿八哈遂於庫爾河北特蘭斯高加索地。築邊牆。使蒙古及木速而

蠻人邏守。

埃及王比拔而斯(Pybars)知阿八哈初嗣位。又北有奇卜察克之難。不遑遠略。乃發兵攻巴勒士登(Pa-

lestine) 基督教徒。奪其境內瀕海數地。至元三年。侵小亞美尼亞。亞王海屯一世乞援於阿八哈。援兵未至。王子立盎已兵敗被擒。比援兵至。敵兵已退。海屯與埃及議和。贖子歸國。旋以老傳位於立盎。時阿八哈東鄙有警。聽其行成。

三、阿八哈與察罕臺汗國之衝突。是年。察罕臺汗阿魯忽殂。其妃倭耳干納立。謨拔來克沙。前王合剌時八拉克在朝。世祖命歸國輔治。八拉克返國後。廢謨拔來克沙而自立。與海都戰。既而修好。思讓阿母河南呼羅珊部以益己封。海都與阿八哈不睦。亟贊成之。五年冬。遣馬素特爲使。陽謂西域故公家地。太祖四子裔皆得分。陰則探道路。闕軍情。既至。阿八哈厚款之。贈以太祖御服。出示歲計簿籍。明無餘財。馬素特既得簿籍。不辭而去。先沿途留騎以待。易馬疾馳。阿八哈遣兵追之。及諸河。則已在舟中矣。馬素特既返。八拉克遂起兵攻伊兒汗國。海都遣兵助之。太宗定宗察罕臺諸孫畢從。分軍爲四。渡阿母河。括境內馬備戰騎。括民間牛。取皮製盾。先遣使來伊兒汗王庭。告以伽色尼及印度河東居中之地。皆應屬己。祖察罕臺速以相讓。守將不允。八拉克遂自將渡河進軍。會宗王有受舊部餽馬者。用以分贈諸王。因校良劣。起釁忿事。或引去。八拉克屢勝呼羅珊等處守兵。召黑拉特酋長來謁。許以呼羅珊益封。令毋助阿八哈。且籍呼羅珊富戶姓名以獻。七年。阿八哈自亞塞爾拜然即今波斯西北省名進兵。會世祖遣使赴伊兒汗國王庭。中途爲八拉克所獲。乘間逸去。遇阿八哈大軍。以敵情告。阿八哈自將大軍至徒思。在巴達克山遣使往與八拉克議和。許割伽色尼。起爾曼兩部。八拉克諸

將、或謂可以許和。或謂「軍入敵境。宜乘勝進。奈何自沮。阿八哈西鄙多事。必不自至。言自至者妄。」或又謂「既欲和。何必渡河。」議論紛紜。莫衷一是。八拉克乃遣諜往偵阿八哈大營。覘其果親至與否。邏者獲之。阿八哈欲將計就計。令人僞爲急遞。譁譟入營。謂北兵已過打耳班。卽倉皇傳令。拔營而西。盡棄輜重。殺諜而故縱其一。自駐兵平原待戰。諜逸者以所見聞歸報。八拉克自將大軍追擊。見阿八哈惟餘空營。委棄輜重甚多。益信爲實。復前行。將出山。突遇阿八哈大隊。分左右中三軍。法爾斯、羅耳、兵皆從。八拉克軍奮力進戰。阿八哈左軍將敗。老將某見事急。下騎堅坐。麾兵再接。諸軍氣益奮。乃大勝。八拉克墜馬。援他騎而上。始得脫。潰兵渡阿母河。不能成列。至布哈爾。僅餘五千人。以墜馬受傷。乘肩輿入城。海都所遣來助諸宗王多叛去。八拉克復集兵三萬與戰。殺之。使其弟往告海都。海都拘之。自將兵來攻。會八拉克殂。乃引還。時世祖至元七年。西歷紀元一二七〇年也。

阿八哈既勝。仍留將駐守呼羅珊。自引軍西行。至低簾。遇土人行刺。應卽木刺。夷人。羅耳王下馬亟救。得免。益封羅耳旁境及吉西斯坦地以旌其功。是年冬。世祖使命至。錫以冠服。冊封爲汗。阿八哈至是重行卽位禮。奇卜察克汗忙哥帖木兒亦遣使來賀。八拉克殂後。其子都幹等與阿魯忽二子合兵攻海都。躡阿母河北地。數戰而數敗。阿八哈諸臣謂「彼之爭。我之利也。然必有一勝。勝者併其衆。禍必及我。宜先擾其地。勿使生聚。」乃遣兩軍一渡阿母河而北。一自呼羅珊循阿母河而西。擾烏爾根赤 (Urghendj) 基發 (Khiva) 地。至元九年

間。河北一軍入布哈爾。焚掠七日。虜民五萬以歸。阿魯忽二子帥兵來追。奪還所俘之半。阿母河北居民益不聊生。後數年。馬素特復來治。始復業焉。

四、阿八哈與埃及之衝突。先是巴勒士登基督教徒爲埃及所攻。數年。兵不解。乞援於伊兒汗國。阿八哈令駐羅姆將薩馬噶爾帥兵萬人攻埃及以救之。至元八年。入敍里亞。抵亞勒伯。埃及守兵皆遁。比拔而斯聞警。自將由大馬色 (Damascus) 來援。蒙古兵始退。埃及兵取汗曼城而歸。次年。蒙古兵又奪汗曼。毀其城。俘其民。當薩馬噶爾起師時。比拔而斯欲與蒙古和。遣使來謁阿八哈。使者無意中偶泄「忙哥帖木兒屢約合兵來攻」一語。阿八哈聞之。勃然離座。越日遣歸。和議不成而兵起。九年。遣使至大馬色。要比拔而斯自來議和。比拔而斯亦要阿八哈自往以答之。是年冬。蒙古攻貝希斯尼。比拔而斯自將來援。以馬駝負舟。舟可分可合。既至歐夫拉底斯河。步卒乘舟。騎兵泅水。敗守河蒙兵。殺其將。攻城軍乃退。十一年。令阿刺伯人往擾蒙古界。至埃及耳在摩蘇耳境城。先是至元五年。比拔而斯與小亞美尼亞約。息兵十載。及是方七載。遽以不遵約納貢。及多築城堡事相責。廢前約。次年。入小亞爾美尼亞。分兵赴貝希斯尼。牽制蒙古援兵。大掠而去。是年冬。蒙古將復攻貝希斯尼。以天寒糧乏退兵。

先是羅姆兩王分治。始共一相。繼各自置相。東王相號配而幹迺。猶言宰相發西王嘗通使埃及事。蒙古監治官以聞。轄魯令殺之。西王逃入東羅馬。時東羅馬方與伊兒汗國修好。以公主妻轄魯。轄魯受之而拘之於別城。未

幾。奇卜察克汗伯勒克與不里阿耳人擾東羅馬。過巴爾罕山。入其城。繫西王而去。伯勒克殂。忙哥帖木兒封之於撒吉刺之地。東王獨主羅姆全境。而權歸配而幹迺。王如守府。積不能平。配而幹迺復賄結蒙古官。誣王謀叛。既得覆命。宴王於私第。以弓弦縊之死。立王幼子。年甫四歲。嗣位至九年。國中貴臣欲背蒙從埃。與配而幹迺謀。配而幹迺亦通埃。而陽助蒙。泄其謀。貴臣多逃入埃。以國中虛實告。勸王發兵攻羅姆。至元十四年。比拔而斯兵至亞勒伯。分兵赴歐夫拉底斯河阻援兵。自將兵入羅姆。先敗蒙古小隊。繼遇大軍。凡十一隊。每隊二千人。統以二將。配而幹迺亦以兵從。比拔而斯躬冒矢石督戰。大破蒙古兵。殺其二將。蒙兵死者幾七千。埃兵亦陣亡無算。遂破羅姆。收下各城。配而幹迺奉其王逃避。遣使詣埃及軍賀捷。比拔而斯令歸國治事。以畏蒙古不敢遽應。比拔而斯亦畏蒙古不敢久留。即班師。羅姆旁近小部曰阿喀蠻。疑即昂哥拉之土耳其人案西史載後此二十三年即元大德三年土耳其會阿曼始略可尼之伊士米爾據以建國亦叛蒙。冒埃幟。以擾羅姆都城可尼。偵阿八哈將至。乃退。阿八哈聞敗。自將起兵援之。比至戰地。埃及兵已先一月去。阿八哈見積尸如山。大哭。詈配而幹迺不多出兵以助。怒羅人從埃。大殺掠。大臣力諫乃止。令王弟留掌羅姆兵。歸途經一堡。堡長出謁。請容一言。曰：「汗所讐者埃。今多俘羅民何也。」阿八哈大慚。責諸將不善導己。盡返所俘。既聞配而幹迺陰結埃及。乃數以三罪。一讐至不亟報一戰而逃一敗後不即來謁而戮之。遣重臣往羅。整飭庶事。

比拔而斯凱旋至大馬色病殂。其長子嗣立。至元十六年。被廢。大將開拉溫。奇卜察克人蒙古掠賣入埃欲自立。恐衆不

服。立其次子甫七齡。遍樹黨與。旋廢王自立。次年。蒙古兵乘埃內亂。破亞勒伯。下其三城。大掠而去。十八年。阿八哈命弟莽孤帖木兒 (Mangu Timur) 帥師大舉西侵。谷兒只小亞美尼亞兵皆從。與開拉溫戰於哈馬、賢木斯中界。埃人詐降。臨陣刺莽孤帖木兒墜馬受傷。軍亂。敵兵乘之。遂敗。時蒙古右軍已敗埃左軍。追至賢木斯城下。駐待後繼。久不至。偵知中左軍皆潰。亦亟退。埃兵逐於後。軍渡歐夫拉底斯河。多溺斃。或避入沙漠。亦飢渴死。阿八哈自將爲後繼。破河濱數堡。未渡河而前軍敗。遂退。大恚憤。十九年。歸至哈馬丹。遇暴疾而殞。

阿八哈在位時代。提倡文化。法律、歷算、輿地、音樂家。一時輩出。人才稱盛。境內頗治。又以與東羅馬公主密結爾結婚。故善遇基督教人。與教皇及英法等國。數通使命。以上所舉史實。蒙古諸宗王或與大汗戰。或自相構兵。同室操戈。紛擾如此。自此以後。大汗及諸汗國內亂復相繼。於是蒙古大帝國遂瓦解。漸瀕於淪滅之域矣。

第二章 元室之衰亡與韃靼衛拉特之內訌

由來蒙古民族。長於戰爭。短於政治。有元之初。皇族皆英武。以之創業雖有餘。以之守成常不足。此亦天然力

與遺傳性有以致之。非一朝一夕所能變更者也。世祖英明。猶不能弭內亂。在位三十餘年。疲於兵役。成宗以後。帝位絕續。恆啓紛爭。權臣因之。藉擁戴功。盜弄國柄。重以順帝之荒淫懦弱。寵幸喇嘛。專擅威福。橫征暴斂。租稅繁重。又濫發紙幣。紊亂財政。復值水旱饑饉頻仍。小民困窮無告。乃挺而走險。以爲最後抵抗政府之手段。於是漢族革命軍遂起。有元帝室奔避塞北。復返其洪荒草昧之狀態矣。茲述其事蹟如左。

第一節 韃靼衛拉特之起原

韃靼衛拉特雖同出於蒙古。而其系統各異。有明初年。二族互訐於北方。成祖用從橫捭闔策。操縱於其間。使之互相牽掣。不爲明室邊患。宣德以後。衛拉特驟強。併吞韃靼。統一漠北。南下與中國爲敵。釀成土木之變。天順以後。衛拉特驟衰。韃靼勢復盛。略取黃河套爲根據地。侵略中國邊境。爲明室患者百有餘年。至隆慶年間。諳達就撫。韃靼始少衰。然明室勢力亦不振。滿洲勃興於東方。併吞漠南漠北。漢族勢力與蒙古族勢力同歸於盡。中國本部及內外蒙古。統一於滿洲勢力之下。漠南漠北復爲一家矣。茲述其事蹟如左。

一、韃靼之起原。先是明太祖初元。征虜大將軍徐達北征。入大都。今北平元順帝走開平。次年。副將軍常遇春克開平。順帝走和林。逾年。殂於應昌。今內蒙古克什克騰旗達里泊近傍子阿裕錫哩達喇。舊作愛猷識里達臘立。是爲昭宗。是年。左副將軍李文忠克應昌。虜元皇子密迪哩巴拉。舊作買剌及后妃諸王官屬數百人。昭宗走和林。以大將庫庫特穆爾。舊作撒麻帖木兒爲丞相。屢進兵南向。侵略明室邊境。謀恢復中原。不克。洪武八年。庫庫特穆爾卒。十一年。昭

宗殂。子特古斯特穆爾舊作脫古思木兒立。二十一年。征虜大將軍藍玉襲特古斯特穆爾於捕魚兒海。在今克什克

里。大破之。獲其次子迪保努舊作地保奴。及妃主以下男女七萬人。馬牛駝羊十五萬匹。特古斯特穆爾北遁。將依

丞相耀珠於和林。行至圖拉河。爲叛將伊遜岱爾所襲。衆遂散。獨與十六騎俱。耀珠來迎。欲共往依庫庫特穆

爾。與前係會大雪。不得發。伊遜岱爾兵猝至。遂遇害。子恩克卓哩克圖立。二十五年殂。弟額勒伯克尼古埒

蘇克齊立。建文元年。爲衛拉特酋長烏格齊哈什哈所弑。子琨特穆爾舊作坤帖木兒立。四年殂。有郭勒齊舊作鬼力赤者。

篡立。去帝號。稱可汗。去國號。稱韃靼。於是有元入塞以來所漸漬濡染之中國聲名文物。一切皆蕩然無餘。復

返其遊牧民族態度。郭勒齊兵強。南侵明。西攻衛拉特。一時統一漠北。明成祖起兵北平。遣使與郭勒齊聯和。

其國公趙圖魯根等率衆助戰。並厚加犒賜。及成祖卽位。屢遣使致書。賜之銀幣。並及其知院阿魯台。舊作阿魯

名烏格德勒庫爲元太祖弟哈布圖哈爾後裔阿薩特之子。時郭勒齊與衛拉特相仇殺。數往來塞下。敕邊

將各嚴兵備之。永樂三年。阿魯台別部酋索和爾等。先後來歸。未幾。阿魯台殺郭勒齊。而迎琨特穆爾汗之弟

布尼雅錫哩。舊作木雅失里於別失八里。立爲可汗。卽特穆勒汗。成祖以書諭和。不聽。遣給事中那驥往使。見殺。帝怒。七

年。遣征虜大將軍邱福等五將軍。均靖難功臣。將精騎十萬北討。時韃靼君臣已爲衛拉特所襲破。徙居臚朥河。卽

魯倫河。大兵渡河。輒作敗以誘敵。福銳意乘之。敗死。全軍盡沒。事聞。帝益怒。念諸將無可任者。遂決意親征。八年。

自將衆五十萬出塞。至臚朥河。更其名曰飲馬。布尼雅錫哩聞之懼。邀阿魯台俱西。不從。衆潰散。君臣始各爲

部。君西奔。臣北走。帝追及布尼雅錫哩於鄂諾河。麾兵奮擊。大敗之。布尼雅錫哩盡棄所有。以七騎遁。遂移師征阿魯台。度飛雲壑。一統志明成祖北征度漠驛站自呼倫池返開平有飛雲壑諸處阿魯台乞降。帝察其詐。命諸將嚴陣以待。已而阿魯台果悉衆來犯。自率千騎當中堅。帝自將精騎衝擊。矢下如雨。阿魯台墜馬。遂大奔。追奔百餘里。殲其後隊。遂班師。布尼雅錫哩走依衛拉特。旋殂。子德勒伯克汗立。阿魯台遣使來貢馬。納之。十一年。封爲和寧王。以阿魯台遣使來貢馬。納之。十一年。封爲和寧王。自是以後。來誣告衛拉特馬哈木特弑其主布尼雅錫哩請發兵討賊願率所部爲前鋒故有是命案蒙古源流謬勒哲依特穆汗蓋善終而明史以爲見殺殆實錄據阿魯台所誣告而書修史者遂誤採之

阿魯台羈縻於中國。

二、衛拉特之起原。

舊作瓦剌者。

亦蒙古部落。在撻鞬西。兀亡。其強臣孟克特穆爾。舊作帖木兒。據之。成祖起

兵北平。與之通和。已而孟克卒。衆分爲二。其渠曰瑪哈木特。舊作瑪哈木元臣孛齊哈什哈之子現今四衛拉特中準噶爾杜爾伯特兩部之祖曰太平。曰巴圖博囉。舊作把禿字羅成祖卽位。遣使往告。屢加諭賜。六年。遣使來貢馬。仍請封。次年。

詔封瑪哈木特爲順寧王。太平爲賢義王。巴圖博囉爲安樂王。自是歲一朝貢。十二年。瑪哈木特擁兵飲馬河。

揚言襲阿魯台。實將人犯。成祖聞警。親征。大破其三部衆於和拉和錫袋。舊作忽蘭忽失溫在和林東斬王子十餘人。部將

衆數千級。追奔度兩高山。至圖拉河。敵皆遁。次年。遣使卑詞謝罪。貢馬。受之。十四年。阿魯台敗衛拉特。來獻捷。

瑪哈木特尋卒。奉使者歸。言拒命概由彼一人。彼旣卒。餘二王皆可撫。因復遣使往勞二王。十六年。瑪哈木特

子托歡。即蒙古源流巴克穆遣使來朝。請襲爵。受封冊。及賜祭。自是復奉貢。

三、韃靼衛拉特之衝突。韃靼德勒伯克汗卒於永樂十三年。厥後曠十餘年無主。宣德元年。科爾沁在喜峯口東北八百七十里亦哈布圖哈薩爾後裔烏濟錦諾延之子阿岱台吉擁有蒙古餘衆自立爲汗。哈爾古楚克特古思特穆爾第三子遺腹子阿寨與其母及阿魯台往依之。阿岱汗勢驟張。西征四衛拉特。敗托歡兵而還。

韃靼衛拉特既互相衝突。各欲結好於明。借明之勢力以驅除異己者。明成祖用雙方離間策。抑強助弱。常使漠北二大勢力平均。以收互相牽掣之效。先是阿魯台爲衛拉特所敗。窮蹙來附。數年生聚蕃富。浸桀驁。拘朝使。寇興和今察哈爾興和縣。永樂二十年。成祖再親征出塞。阿魯台懼。北遁。帝曰。「阿魯台悖逆。恃有烏梁海。」遂移師征之。大捷。次年復出塞。聞阿魯台爲衛拉特所破。部落潰散。乃駐軍會別部王子來降。遂班師。二十二年再舉深入。不見敵。有疾而還。仁宗初年。阿魯台來貢。納之時。阿魯台數敗於衛拉特。其屬先後來歸。勢日益蹙。乃率其屬東走烏梁海。駐牧遼塞。宣宗宣德九年。阿魯台徙居穆納山舊作母納山。在今烏喇特旗西。爲托歡所襲殺。其子諤博爾齊延舊作阿只俺等來歸。阿岱汗亦爲托歡所迫。竄額濟納在外蒙古札薩克圖部。西南今爲土爾扈特旗。外爲納款。而數擾邊。朝廷遣將追擊。大破之。阿岱汗遠遁。尋爲托歡所殺。托歡既殺阿魯台。遣使來獻捷。且請獻玉璽。勅溫慰而卻之。仍加厚賜。

第二節 烏梁海朵顏三衛之起原

烏梁海舊作兀良哈者。故元大寧路迤北境。洪武初。元遼王、惠寧王、朵顏元帥府內附。已數爲韃靼所抄。乃卽其地。

分置三衛於潢河北。曰泰寧。

今土默特阿魯科爾沁等部地。

曰朵顏。

今喀喇沁放漢奈曼翁牛特巴林等部及熱河等地。

曰福餘。

今科爾沁郭爾羅斯杜爾伯特札賚特等部地。

俾部長各領其衆。互爲聲援。朵顏地險兵強。勢力雄厚。時大寧衛北。尙有全寧衛。全寧衛北。始爲三衛。邊外諸衛。總隸北平行都司。大寧特行都司所治地。終洪武世。未嘗內徙。建文初年。靖難兵起。成祖誘執寧王權。乃選烏梁海三千人爲奇兵。從戰。數有功。及天下既定。遂割大寧近三衛地以與之。自是洪武中所築諸城盡廢。北邊失一重鎮。宣德三年。宣宗巡邊。敗烏梁海之衆於寬河。在今喀喇沁左翼南。是爲中國與三衛衝突之始。正統初年。額森居漠北。喀喇沁等部俱屬之。復誘脅朵顏諸衛。窺伺塞下。九年。英宗遣將分道討三衛。稍有斬獲。俱無大功。而諸將並膺封賞。其後巡邊者多以斬擊邀功。由是三衛積怨。遂導衛拉特入寇。景泰元年。三衛乞居大寧廢城。不許。令近邊二百里外駐牧。始更徙而南。然邊外甌脫地尙遠。後至天順末。形勢日蹙。邊牆以外。視爲敵國。大寧始盡爲三衛所有。宣府遼東聲援日隔。嘉靖十一年。巡撫王大用欲通朵顏。與厚賂。城其霧靈山。在馬蘭關外遼化縣境。不果。及萬曆以後。諸酋分部散居。莫能自振。乃折而東。合於滿洲。遂爲殘薊之本云。

第三節 韃靼之中衰與衛拉特之強盛

先是永樂初年。蒙古族雖內屬。顧分韃靼衛拉特兩部。東西對峙。相仇殺不已。明成祖兩利而俱存之。使之互相牽掣。以收漁人之利。宣德年間。衛拉特酋長托歡襲殺韃靼酋長阿魯台於穆納山。復殺賢義安樂二王。盡有其衆。欲自稱可汗。衆不可。乃共立托克托布哈。舊作脫脫不花。以先所併阿魯台之衆歸之。自爲丞相。居漠北。正統

四年。殂。子額森舊作先立。稱太師淮王。於是北部皆服屬額森。托克托布哈徒擁虛名。不復能相制。君臣並遣使入貢。朝廷亦兩答之。來使漸增至二千餘人。率桀驁不奉法。邀索甚奢。額森饒勇略。攻破哈密。執王及王母。既而歸之。又結婚沙州赤斤蒙古諸衛。破烏梁海。脅朝鮮。邊將知其必爲寇。屢疏聞。是時太監王振專國。不以爲意。十一年。額森攻烏梁海。遣使抵大同乞糧。並請見守備太監。朝廷敕守監毋見。毋與糧。頃之。其部衆有來歸者。言額森謀入寇。托克托布哈止之。不聽。復約諸番共背中國。詔遣使詰問。不報。

自正統初年以來。衛拉特遣使入貢。王振以藻飾太平爲名。賞賚金帛無算。凡所請乞無不與。及是貢使漸增至三千。多虛額以冒餼。振怒其詐。令禮部按實予之。所請又僅得五分之一。額森大愧怒。十四年。西歷紀元一四四九年遂誘脅諸番。分道大舉入寇。振欲專權邀功。挾帝親征。王師潰於土木。在今懷來縣西上被執。振以下皆死。額森進寇

京師。兵部尙書于謙統諸軍拒卻之。次年。額森請和。帝始得歸。

是時衛拉特君臣鼎立。額森專國。兵最多。托克托布哈雖爲汗。兵較少。阿拉知院兵又少。三人外親內疏。其合衆南犯。利多歸額森。而害則均受。英宗被執以後。托克托布哈遣使入貢於中國。時景帝在位。從尙書胡濙王直等議。厚賞賜以間之。

托克托布哈娶額森姊。生子。額森欲立之。托克托布哈以額森專權。積有嫌。靳不許。額森疑其與中國通。將害已。遂治兵相攻。托克托布哈敗走。明景帝景泰三年。額森追弑之。遂乘勝迫脅諸番。東及建州烏梁海。西及赤

斤哈密諸衛。自立爲大元特克紳大可汗。虐使烏梁海三衛。徧徙其部落於黃河穆納山等地。三衛不能堪。其酋相繼亡歸中國。額森恃強。日益驕橫。荒於酒色。景泰六年。阿拉知院攻殺之。韃靼部摩倫汗。明人謂復殺阿拉。奪額森母妻並其玉璽。額森諸子。案李罕六傳至額森生子二長博羅納哈勒爲杜爾徙居晶河。原作于弟。姪等往依哈密。自是衛拉特遽衰。部屬分散。其後世次不可考。數傳至博汗生子曰烏林台巴丹。太師遂統部落。是爲準噶爾之始。又天順中衛拉特阿失帖木兒入貢。明以其例厚賚之。

第四節 哈密土魯番之交涉

去嘉峪關千六百里有哈密。故漢伊吾盧地。元末。以威武王納古里鎮之。卒弟思克特穆爾嗣。洪武中。明太祖既定輝和爾地。置安定等衛。以徧哈密。恩克特穆爾懼。將納款。成祖卽位。遣使招諭。遂入貢。詔封忠順王。自是世爲明西藩。後衛拉特日強。哈密爲所侵。役屬之。

哈密西有土魯番。輝和爾族據之。元時設萬戶府以統其衆。明成祖永樂四年。遣官使別失八里。道其地。以綵幣賜之。其萬戶賽因帖木兒遣使入貢。六年。其國番僧亦來朝。成祖卽加封號。厚賚之。二十年。其酋與哈密偕貢。尋酋爲別失八里王所逐。走投京師。成祖憫之。命爲都督僉事。遣還故土。酋德中國。仁宗洪熙。宣宗宣德。初元。再來朝。朝廷待之甚厚。

先是土魯番介居于闐。別失八里諸大國間。勢甚微弱。後侵掠火州、柳城。皆爲所并。其酋遂僭稱王。明憲宗成

化五年。其酋阿里自稱蘇丹。於是土魯番愈強。而哈密以無主削弱。阿里乘之。遂思兼并。哈密忠順王再傳爲索羅帖木兒。天順末年。被弑。無子。王母弩溫答失力署國事。成化二年。詔以把塔木兒爲右都督。守哈密。把塔木兒卒。子罕慎嗣。九年。阿里乘虛襲破哈密城。虜王母及金印。分兵守之而去。罕慎奔苦峪城。朝廷命高陽伯李文。右通政劉文。往經略。無功而還。厥後旋復旋失。土魯番迭據哈密。孝宗宏治中。其酋阿哈瑪特僭稱汗。侵沙州。追罕東諸衛附己。十七年。阿哈瑪特卒。長子莽蘇爾立。狡桀踰其父。正德嘉靖年間。遂併哈密。且寇甘肅。自是哈密不可復。西方邊禍日急。

第五節 韃靼之復興與內外蒙古諸部之創立

一、阿岱汗以後之內亂。先是阿岱汗爲衛拉特王脫歡所弑。特古思特穆爾之曾孫岱總自立爲汗。特古思特穆爾第三子哈爾古楚克都古楞特穆爾鴻台明景帝景泰三年。爲郭爾羅斯旗名在今吉林扶餘縣境內松花江西岸部長徹卜登所弑。子蒙古勒克喀吉斯立。明謂之馬古可兒旋爲多倫士默特旗名在今熱河朝陽縣境內部長多郭朗台吉所害。岱總初娶徹卜登女。生子摩倫。至是摩倫嗣立。額森死後。摩倫與摩里海明史謂之毛里孩等皆雄視部中。韃靼勢復熾。摩倫旋又爲摩里海所弑。英宗天順七年。岱總弟滿都古勒立。成化三年。殂。統緒又絕。先是阿寨岱總汗之父次子阿噶巴爾濟生哈爾固楚克。額森壻也。哈爾固楚克生巴延蒙克。明謂之伯顏猛可巴延蒙克生巴圖蒙克。成化六年。年七歲。立。號達延汗。明譯爲大元大可汗乃達延之訛即明史正嘉以後所稱小王子者爲元太祖十五世孫

二、達延汗之富強。初、韃靼雖挫衛拉特。顧汗王迭相仇殺。多內訌。國勢不能大振。及達延汗立。有雄略。承積衰之後。諸部角立。躬留漠北。用兵平定諸部。收左右翼三萬衆。於太祖之八百室即太廟前即位。稱汗號。

先是英宗天順六年。摩里海等獲明邊人爲導。入據河套。東西北三面距黃河故漢朔方郡後魏統萬鎮地自寧夏至偏頭關延袤二千里。饒水草外爲東勝衛東

勝外土平衍。敵來一騎不能隱。明初守之。爲久居計。自是韃靼顧居內。而明兵反屯外。朝廷遣將禦之。無功。憲宗成化年間。諸酋相

雄長。結元裔們都埒舊作滿都魯居套中。稱汗。即鄂爾多斯之滿都魯伽嘉色凌舊作札加思蘭爲太師。即永謝布之先後屢大

舉。深入寇邊。九年。總督延綏軍務王越乘敵精銳西出。襲擊其老弱於紅鹽池。在今陝西榆林西北。與寧夏接界。大破之。焚其

廬帳。復邀擊於韋州。在今寧夏靈武縣西南。們都埒等敗歸。妻孥畜產已蕩盡。相顧悲哭去。自是不復居套。間盜邊。不敢

大入。亦數遣使通貢。西陲得少息肩。

孝宗宏治元年。達延汗上書請和。朝廷方務優容。許之。自是與巴延蒙可王等屢入貢。漸往來套中。出沒爲寇。

十三年。與別部和碩連兵深入。轉掠延綏。寧夏數千里。旋復以十萬騎分道入。散掠固原寧夏境。關中震動。自

是迭擾薊遼宣大秦隴無寧歲。

世宗嘉靖年間。達延汗老壽富強。多畜貨貝。稍厭兵。乃挈其曾孫達賚遜駐幕宣府塞外。後復徙帳於遼。此徙

幕東方之始。達賚遜卒。子圖們即明所立。號札薩克圖汗。達延汗諸子圖魯博囉特、巴爾蘇博囉特、阿爾楚博

囉特、鄂齊爾博囉特等。亦由瀚海南徙近塞。所分諸部落。即今內蒙古札薩克蘇特、蘇尼特、鄂爾多斯九旗。在

西北邊者甚衆。而曰濟農。

明史謂之占囊即衰弼哩克圖墨爾根。

曰諳達。明史謂之俺答。

者。據河套。雄黠喜兵。爲諸部長。達延汗

在位七十四年。以嘉靖二十二年。年八十歲。長子圖魯博囉特先卒。孫博迪阿拉克立。二十六年殂。子達賚

遜。明史謂之立。

鄂爾多斯旗及喀爾喀諸部之起原。

初達延汗以次子烏魯斯博囉特爲右翼三萬人濟農。

譯爲郡王們都埒。

伽嘉色凌基之。遂治兵相攻。殺烏魯斯。達延汗怒。遣將帥左翼三萬人往討。鄂爾多斯兵或死或降。餘皆驅至

青海。受降於柴達木河上。們都埒見殺。伽嘉色凌走哈密。亦爲土人所殺。達延汗遂令第三子巴爾蘇博囉特

爲領右翼三萬人濟農。卒。長子袞弼哩克圖墨爾根立爲濟農。號車臣汗。是爲鄂爾多斯。有子九。分牧而處。

今鄂爾多斯七札薩克皆其裔。

服屬於察哈爾。即明史之插漢兒譯言近也以次子諳達。

據十二土默特部而居。領左翼三萬

衆。尤強於諸部。惟達延汗季子格埒森札札賚爾琿台吉留漠北故土。號所部曰喀爾喀。分左右翼。有三汗。曰

土謝圖汗。車臣汗。札薩克圖汗。

四。諳達之強盛。濟農既入居河套。其勢力範圍西抵賀蘭山。嘉靖間。諳達亦據豐州灘。築城架屋以居。謂之

拜牲。

即明史之板升。

時自豐州入套。相率爲明邊患。濟農尋卒。其子朗台吉等散處河西。勢分。諳達獨盛。歲數擾邊。二

十三年。博迪阿拉克汗自萬全右衛入犯。至完縣。京師戒嚴。次年復一再入寇。二十五年夏。諳達使詣大同求

貢。邊卒殺之。秋復來請。邊將疏聞。朝廷不許。諳達怒。遂以十萬騎深入轉掠。西白環慶。東至錦義。皆被兵。三邊

總制曾銑率兵擣敵巢於馬梁山。在林境後。敵始退。銑倡議復河套。帝許之。既而聽大學士嚴嵩譏。殺銑。二十九年。諳達傳箭諸部。大舉自古北口破邊牆而入。薄郿城。大掠而還。自此以後。連年南侵。邊人大困。三十二年。諳達用兵併四衛拉特。勢日張。穆宗隆慶年間。諳達年漸高。又崇拜佛教。忌殺生。始就撫。封順義王。名所居城曰歸化。已而套部濟農諾延達喇。衰弱哩克圖。墨爾根子。亦就撫。朝廷授以官。由是西陲無警。而東部圖們札薩克圖汗。數擁衆寇遼東。總兵李成梁拒之。雖戰比有功。而遼左逐漸虛耗。倭寇乘之。大舉攻朝鮮。幾亡其國。明廷竭全力禦之。卒歸無效。遂起邊人輕視之念。滿洲之禍。從此始矣。

第三章 察罕臺汗國之衰微與帖木兒帝國之創立

方明太祖勃興於東方。憑藉長淮流域爲根據地。滅陳友諒。平張士誠。降方國珍。併吞中國內地各省。驅逐蒙古於漠北。統一東亞時。帖木兒亦勃興於西方。憑藉阿母河流域爲根據地。平察罕臺汗國內亂。滅伊兒汗。破奇卜察克。略印度。摧土耳其。併吞西方各國。統一中亞西亞。漢民族與蒙古民族。同時各產出一大帝國。東西對峙。其形勢與漢初之匈奴相似。而幅隕之廣大過之。與唐初之大食相似。而地勢之逼近過之。其全盛時代。勢力範圍。直抵葱嶺以東。與明室之哈密相距伊邇。東西南大帝國。陸上之勢力範圍。將有臥榻之側不容他

人鼾睡之勢。假令此兩大英雄。統率兩大民族。以干戈相見於疆場。將逐鹿中原。未知鹿死誰手。東洋民族史、政治史、戰爭史、外交史上。將演出非常熱鬧之活劇。獨惜明太祖於克復東亞後。取持盈保泰主義。大殺功臣。以爲子孫萬年基業計。無暇恢復中亞以西漢唐舊境。帖木兒亦於平定察罕臺汗國內亂後。南征西伐。靡有寧日。及明太祖崩。旋亦長逝。無暇恢復蒙古全盛時代舊領土。遂使兩雄對壘。兩民族決戰之機。失之交臂。東洋史上虎跳龍拏之活劇。有煙銷雲斂之觀。讀史者殊嫌寂寞矣。然事機爲天運所湊合。時勢非人力所造成。天不欲使神州大陸。再蹂躪於慄慄殘忍之蒙古人。而故留此四萬里錦繡河山。爲漢民族苟延殘喘粉飾昇平之地。乃故靳此區區之數年壽考。不以與蓋世英雄帖木兒。此固蒙古民族之不幸。抑亦漢民族洪福之所致也。茲述其事蹟如左。

第一節 察罕臺汗國之末路

有元自成吉思汗殂後。僅閱五十年。而蒙古大帝國告成。又閱九十餘年。而大汗國淪滅。諤格德依汗國先已廢絕。亞洲東北兩面。蒙古民族之威靈掃地。獨奇卜察克察罕臺伊兒汗三汗國。猶維持勢力於中亞細亞。先是元武宗至大初年。察罕臺汗也先不花。一作額森布哈併有海都故地。國勢驟張。封其弟古特魯克火者於阿母河南。印度河西。與呼羅珊爲鄰。古特魯克火者卒。其子島特火者立。族兄帖木兒古爾干與之爭國。仁宗皇慶二年。遣使請降於伊兒汗汗合兒班答。(Uljaïtu) 阿魯渾請救兵。合兒班答遣宗王敏干將呼羅珊兵往援之。

島特火者不能禦。渡阿母河。歸見也先不花。請兵復仇。時也先不花方與元師戰於天山。敗績。會朝使自伊兒汗國還京。賁合兒班答所呈之表及方物。經過察罕臺境。也先不花拘使者殺之。及其從者七十人。復引兵禦元師。不勝。仁宗延祐元年。宗王綽和爾敗其兵於亦忒海迷失。在今伊爾斯色克庫里湖。一說在內三南臨阿忒八失河故布魯特游牧地。今併入俄屬七河省。二年。又敗其將於撒馬爾罕。追出其境。至鐵門關。遇其大軍於察赤。又敗之。土耳其斯坦地多爲王師所蹂躪。也先不得志於東。乃思逞於西。是年。遣宗王葛伯克、島特火者、亞索伏兒、帥兵渡阿母河。與伊兒汗國邊將戰。敗之。擾呼羅珊。凡四閱月。嗣因糧乏。又以王師已至伊爾斯色克庫里故。旋軍。葛伯克譖「亞索伏兒奉天方教。陰附合兒班答。雖得呼羅珊而不能守。」也先不花信以爲然。命將率師往逮捕。亞索伏兒拒戰。敗之。慮大軍至力不敵。遣使乞降於合兒班答長子不賽因。(Abusaid)不賽因遣使請命於父。允之。並遣將帥兩軍渡河。爲亞索伏兒聲援。黑拉特王基亞代丁。(Ghiat-ud-din)亦以兵從。次年。也先不花南擊亞索伏兒。不賽因援軍大至。敗也先不花兵。遂掠布哈爾、撒馬爾罕、忒耳迷。民戶以歸。編置希部而干。分地授耕。亞索伏兒入朝於合兒班答。合兒班答令駐屯巴達克山。(Badakhshan)堪達哈爾。(Kandahar)兩山之中。察罕臺汗國自經此鉅創。勢浸不振。也先不花殂後。僅四十年間。凡易十五汗。大都昏暴。政教間迭起紛爭。國勢瓦解。錫爾河南諸部酋長。漸謀據地自王。傳至赤因帖木兒。察罕臺九世孫國內益亂。葱嶺東西中分爲二。各自立汗。互相競爭。元順帝至正十九年。西歷紀元一三五九年一月。祖伯部長獨格耳克帖木兒。卽東部汗位。自將大軍西征。克撒馬爾罕。略

取阿母河流域。西部諸酋長皆降。尋以東部有警。班師。留子以利亞斯科地亞鎮守撒馬兒罕。統轄葱嶺以西諸部。是時中亞以西各國。久經變亂。羣雄割據。四海鼎沸。民有倒懸之戚。蓋世英雄帖木兒乃沈幾觀變。乘釁起兵。創立第二蒙古大帝國矣。

第二節 帖木兒幼年事蹟

帖木兒者。(Tamer) 粹號Tamer-lan者Timur lenk之轉音 故蒙古疏族。以順帝元統元年。西歷紀元一三三三年 降生於柯

提附近之碣石 (Kesh) 地方。少於明太祖者五歲。幼即明敏勇決。置身顛沛中以養成膽識。性尤好兵。嘗仿

成吉思汗遺法。以編置軍隊。稍長。嗣父爲柯提一作喀忒在花刺子模東南距今基發城六十餘里 附近酋長。獨格耳克帖木兒西征。帖

木兒首先降附。從戰有功。獨格耳克班師。留子以利亞斯科地亞鎮守中亞。以帖木兒爲其參謀。帖木兒與以

利亞斯議不協。走花刺子模。募兵擊之。會獨格耳克殂。以利亞斯東歸即位。帖木兒乘釁恢復舊地。起兵與以


利亞斯戰。大破之。數年。遂逐月祖伯族。盡取阿母、錫爾、兩河流域。乃開庫魯泰大會議。奉都幹後裔爲汗。尋復

廢之而自立。定都撒馬爾罕。據察罕臺汗國舊地。建立帝國。年甫三十七歲。時元順帝遜國後二年。明太祖洪


武二年。西曆紀元一三六九年也。

察合台世系表 據市村東洋史要轉載之ドイゾン氏蒙古史

(一) 察合台



ウルクチムル — セスファウル — (二十四) カザン



(十四)グユペル	(二十五)ダニシメンヂイ(窩関台之後)
(十五)イルチルクダイドウレヂ	(三十)カビルシア
(十六)ドレチムル	
(十七)タルンシレン	
チアガム	(十八)アザン
	(十九)ヂンクシ
アブガン	(二十)イスフンチムル
	(二十七)チムルラア
スルガト	(二十六)ピアンクリ
イミルコヂア	(二十八)クルクチムル
	(三十九)エリアスコデア

第四章 帖木兒之勢力擴張與伊兒汗國之淪滅

第一節 喀什噶爾與花刺子模之降附

帖木兒有大志。欲陟成吉思汗之迹。以混一字內。既定阿母、錫爾、兩河流域。遂乘勝東下。踰葱嶺。與察罕臺東部汗克則爾和卓即以利亞斯之弟和親。悉定察罕臺故地。遂西征花刺子模。自此以後。察罕臺汗東國。改稱喀什噶爾汗。隸於帖木兒帝國。

花刺子模故隸奇卜察克汗國版圖。乘其國多內亂。漸具獨立之勢。帖木兒擊破降之。遂乘伊兒汗國之衰。侵入呼羅珊。

第二節 伊兒汗國歷代之內亂

一、布哈之廢立。初阿八哈(Abuka)之逝世也。異母弟台古塔爾(Ahmed Tagudar Khan)卽位。忌阿八哈長子阿魯渾(Urghun)命羅耳王約索甫沙(Joseph Shah)發兵助攻之。約索甫沙感阿八哈舊恩。不欲攻其子。未幾。兵亦罷。時有大臣名布哈者。起家下僚。漸貴用事。台古塔爾頗信任之。而布哈陰歸心阿魯渾。至元二十一年。起兵作亂。從者響應。弑台古塔爾。奉阿魯渾卽位。阿魯渾以布哈爲相。累賜黃金等身以

酬其功。令長子合贊 (Ghazan) 鎮守東方。統轄呼羅珊、馬散地蘭 (Mazanderan) 等地。以大將景赤尼佛魯慈輔之。凡大臣之黨於前王者皆見殺。約索甫沙來賀卽位。歸國。旋病卒。長子額弗拉西阿白嗣位。次子仕於朝。世祖使命至。封阿魯渾爲汗。亦封布哈爲丞相。赦九死罪。阿魯渾乃行卽位禮。凡敕令必由布哈加印而後行。庶事得專決。布哈有治才而性嚴。諸將多與不睦。屢以直諫忤阿魯渾意。或譖其有異謀。布哈疑懼。二十六年。遂密與其黨謀廢立。結谷兒只 (Georgia) 王爲外援。其黨發其事。阿魯渾大怒。捕布哈及其黨。悉誅之。谷兒只東部王以同謀亦死。令西部王瓦世當二世 (Wakhtang II) 兼主東西國事。於是谷兒只復合爲一。

二、景赤尼佛魯慈之叛。是時景赤尼佛魯慈輔合贊鎮守東方。自以與布哈同功一體。懼禍及身。詭言閱兵防河。去合贊他適。陰結黨羽。襲擊合贊行帳於徒思。合贊適他出。未被獲。聞警急往馬散地蘭。擒宗王之與通謀者。檻致於阿魯渾。殺之。進擊景赤尼佛魯慈。不克。先是是年春。奇卜察克兵自打耳班南侵。阿魯渾自將拒之。行至中途。前鋒將已退敵。遂還。聞景赤尼佛魯慈作亂。慮合贊兵少。遣將移兵助討。景赤尼佛魯慈知勢不敵。引兵遠遁。由沙漠繞行東北。經巴達克山。至土耳其斯坦。附於海都。合贊追之。不及。以糧乏。遣援軍西返。自駐邊界以防海都。海都旣得景赤尼佛魯慈兵。遂遣其子阿部干等將兵三萬人。與景赤尼佛魯慈連兵南侵。合贊駐兵徒思。以衆寡不敵。引退。於是景赤尼佛魯慈等大擾呼羅珊境。阿魯渾大發兵擊之。景赤尼佛魯慈遁去。阿魯渾軍亦罷。二十八年。阿魯渾病篤。諸將來視疾。至宮門。不得入。諸將怒。殺用事臣數人。阿魯

渾旋殂。生平酷好丹汞。東方術士趨之如鶩。

三、合贊貝杜之爭國。阿魯渾殂後。弟加沙都（Gashatu）貝杜（Baidu）相繼嗣位。成宗元貞元年。合贊起兵西下。與貝杜爭國。師至第弗利斯。諸王蘇凱等率衆迎降。貝杜遠遁。合贊既入都城。諭民相輯睦。大臣毋陵害其下。下令毀佛寺及基督猶太各教堂。合贊故奉佛。及與貝杜爭國。始改從天方教。且詆異教以收衆心。尋小亞美尼亞王海屯來朝。卑詞厚幣。請無毀基督教堂。合贊允之。改令國中專毀像教祠宇。基督猶太教堂得不廢。復遣尼佛魯慈等搜捕貝杜黨與。及阿魯渾病中爲亂之諸將。誅責有差。

四、蘇凱之亂。是年冬。合贊卽位。去汗號。改稱蘇丹。論翊戴功。拜尼佛魯慈爲大將。位諸臣右。賜券書。尼佛魯慈建議。凡誥命必稱上帝及摩訶末名。印璽改圓式。定百官爵秩。悉從之。察罕臺汗都幹、海都子徹伯爾、知伊兒汗國有內亂。合兵侵呼羅珊。合贊遣宗王蘇凱與尼佛魯慈率師拒之。時帑竭餉絀。預徵次年賦以給軍。蘇凱自以轄魯孫。於序當立。與其黨謀襲殺尼佛魯慈。廢合贊。謀洩。尼佛魯慈空營設伏。伺其至。大破之。蘇凱敗逃。追殺之。叛軍復推阿爾思蘭（Altan）哈布圖哈薩爾後爲主。謀攻第弗利斯城。合贊聞變。慮禁兵少。且習變。乃陽出獵。部勒將士。行及中途。突下令。命迎擊叛衆。初戰不利。會援兵二千人至。遂擊斬阿爾思蘭。盡降其衆。時元成宗元貞二年。西曆紀元一二九六年也。

五、尼佛魯慈之叛。是時禍起宗藩。誅夷狼籍。一月之中。凡誅親藩五。叛臣三十人。事定之後。尼佛魯慈始帥

師至呼羅珊。敵已飽掠。渡阿母河而去。報達鎮將故附貝杜。懼誅。乘亂率所部衛拉特兵叛投埃及。是時埃王開特博噶在位。開特博噶者。本蒙古人。轄魯西征時。埃及人拒戰於賢木斯。轄魯兵敗。開在軍中。年尙幼。爲埃人所虜。埃及將開拉溫愛而撫育之。至元三十年。埃及蘇丹阿式阿甫沙拉哀丁喀里兒被弑。開特博噶時爲大將。討殺亂黨。立開拉溫第三子那錫爾。(Nassir)年甫九歲。次年冬。遂廢之而自立。至是收撫報達鎮將及其黨。並加擢用。

羅姆鎮將亦以其同黨伏誅。舉兵反。合贊遣將討平之。以大羅耳王不助軍餉。殺之。而立其弟。小羅耳王爲同族所殺。合贊執弑王自立者廢之。更立他人爲王。

尼佛魯慈恃功驕蹇。合贊意頗厭之。初。尼佛魯慈助合贊爭位時。慮兵力不足。介報達商人致書埃及國王。依附教誼。乞援兵。比答書至。合贊已得國。尼佛魯慈令記室點竄埃及答書。乃以上呈。至是事覺。或劾其通敵欺罔。時尼佛魯慈將兵在外。自知寵衰。遣私人入朝。偵探消息。其人詣合贊自首。與時相共設計構陷尼佛魯慈。誣以通敵引寇諸罪。盡誅其家屬。大德元年。尼佛魯慈舉兵反。合贊遣將討之。尼佛魯慈兵甚衆。而將校不願從逆。散去大半。軍心搖動。遂潰。尼佛魯慈以數百騎遁入黑拉特。黑拉特王法克哀丁舊爲尼所輔立。納之。大兵追至。圍其城。投書城中。令縛獻尼佛魯慈。王出書示尼。尼益德王。或說尼執王。用其兵以退敵。尼不從。王聞之大駭。遽給尼出。遂爲大兵所擒。及其子弟皆伏誅。尼父阿兒渾。自憲宗二年受命鎮西域。有子九人。多尙主。

一門鼎盛。至是族滅。

合贊既誅尼佛魯慈。下令易服色。以布纏首。廢冠制。駐冬於埃里溫。聞谷兒只有內亂。遣將往平之。立瓦世當三世。(Abakhtang III)大德二年。遣使入貢於元。且以金錢十萬市中國貨物。使至。成宗優禮之。留四年。始遣歸。溫詔報賜甚厚。憲宗朝。有分賜轄魯位下絲帛。儲庫中久。至是遣使頒致。與來使偕行。

六、羅姆鎮將及黑拉特王之叛。先是羅姆鎮將之叛。合贊疑羅姆王馬蘇特(Masud)與通。廢之而立阿雷哀丁。(Alai-ud-din)至是駐羅姆帥復殺副帥以叛。合贊遣兵討之。次年。擊敗其兵。叛將逃入埃及。復引埃兵來犯。擒斬之。

黑拉特王以縛獻叛犯功。受券書章服之賞。既而有異志。不納貢賦。招集羣盜爲兵。使出劫掠。合贊命弟合兒班答往討。相持半月餘。兩軍傷亡甚多。城中教士出爲排解。納金錢十萬的那以乞和。兵乃罷。

羅姆王阿雷哀丁立四年。復立馬蘇特。越四年卒。自是羅姆不復立王。以蒙古官分治之。羅姆故富饒地。自蒙古兵將需索朘削。民不聊生。突厥遺族自太祖太宗時避兵至羅姆西境。擁衆據地。有元之季。日以強盛。號鄂托曼。(Ottoman)厥後吞併諸國。滅東羅馬。是爲現今土耳其帝國之基礎。

第三節 合贊與埃及之競爭

一、埃及之內亂與亞美尼亞之內亂。埃及開特博噶在位。以拉勤爲相。成宗元貞二年。西歷紀元一
二九九年拉勤逐

開特博噶而自立。以寵奴爲相。欲傳以位。慮大臣不服。漸以事罷黜諸大將。擢用己黨。次年。命大將伯克大石擊亞美尼亞。率師出境以遠之。

先是亞美尼亞王海屯二世。入朝於合贊還。以事偕其弟托洛斯赴東羅馬。次弟生拔脫監國。乘兄不在。自立爲主。飾辭欺合贊。受冊封。婚王族女。海屯歸國。不得入。將赴懇於合贊。合贊信生拔脫先入之讒。執海屯。瞞一目。殺托洛斯。其弟君士坦丁乘埃及之警。囚生拔脫而自立。請成於埃及。伯克大石不許。下其城堡十一處。會埃及內亂。諸將奇卜察克等。皆爲奴相所讒構。奔合贊。國中親軍忿譟。統將殺拉勤及奴相。更立他酋。伯克大石聞警。乃退兵。擊滅亂黨。迎立那錫爾。時年十四歲矣。

二、俄倫特期河之戰。奇卜察克等奔伊兒汗國。合贊待以殊禮。賞賚駢蕃。思用其力以謀埃及。兵犯邊。合贊定議親征。下令徵兵。十丁抽五。費六月糧。成宗大德三年秋。發第弗利斯。是年冬。次歐夫拉底斯河邊。留兵萬人守後路。騎卒九萬。以庫特魯克沙謨雷爲前鋒。所過之處。秋毫不犯。軍士偶縱馬食麥田。合贊下令曰。「馬不可以食人食。犯者斬。」諸軍肅然。過亞勒伯及哈馬。皆舍而不攻。前至薩刺買。聞埃及兵已至賢木斯。那錫爾自將。時蒙軍遠征疾馳。馬多斃。將士甚恐。合贊令曰。「埃及親軍驍勇善戰。特馬良利衝突。今我以步隊當之。勝騎戰也。」自薩刺買進軍。距敵百里而止。西歷紀元一二九九年即大德三年陽歷十二月二十二日次日。進至俄倫特期河。忽憶是日爲禮拜三日。教禮不應戰。乃駐軍。而埃及兵猝至。急帥中軍迎戰。調後軍張兩翼禦之。戰少挫。合贊引中軍

退。埃兵逐之。馳一時許。陣復接。蒙軍力戰。埃一軍潰。別軍援之。殊死戰。復出鐵騎五百。短刀奮斫。直衝中堅。蒙古兵士多傷。合贊令兵士以強弩攢射之。馬返奔。亦傷埃兵。庫特魯克沙帥右翼鳴角以進。埃人誤以爲合贊軍。併力攻之。右翼敗。死者近五千。庫特魯克沙率餘騎奔中軍。合贊麾左翼猛進。中軍繼之。以弓箭手萬人居前。矢下如雨。埃前鋒旁翼先後潰。中軍亦不支。蒙軍乘之。遂大潰。遺甲仗滿地。追至賢木斯。薄暮駐營。遣謨雷帥五千人窮追之。是役。合贊以堅忍轉敗爲勝。而右翼之敗。適成餌敵之計。羅姆守將偕亞美尼亞王海屯二世。帥五千人來會。軍勢益張。時亞美尼亞人以圖讖之說。廢君士坦丁。復立海屯。故海屯帥兵請自效。賢木斯城乞降。發其庫藏。分賚將士。進至大馬色。城民迎降。越日。蒙官入城。宣讀合贊諭。謂我來誅亂臣。衛天方教。禁兵士入城擾民。而民亦無得陵異教。其各安堵如故。尋合贊自至城中。訪諸勝蹟。令衛士守一門而閉其餘。雖從官亦不得擅入。民益感德。輸金錢百萬餉軍。顧埃將仍堅守內堡不下。諭降不從。諸將請攻。合贊恐傷民命。不許。亞美尼亞兵怨埃人刺骨。破開薩甲耶城。焚掠成墟。蒙古別隊亦焚毀大巴里亞等城。謨雷追敵。遇輒攻殺之。至喀雜忒城。不及。乃還。時天漸暑。東鄙復有兵警。合贊乃留奇卜察克等三降將。分轄大馬色、亞勒伯、諸省。及地力破里等城。命庫特魯克沙統兵鎮守敘里亞全境。四年春。自將大兵東返。庫特魯克沙攻大馬色內堡。半月不能下。亦去。以軍事委謨雷。

三大馬色之役。初。合贊招降敘里亞全境。諸城知蒙軍不能久駐。埃兵旦夕必復出。故拒命者多。那錫爾歸

國補軍額繕器械。聞合贊已去。亟出兵。手書招三降將回故國。於是奇卜察克等皆叛歸埃。謨雷亦棄敍里亞。全軍東返。據有其地僅百日。

合贊既歸。勵精圖治。廣建築。多行卹民善政。是年秋。復攻敍里亞。次年春。以阻兩班師。乃遣使如埃。請棄怨修好。埃答書願和而詞不屈。六年。奇卜察克汗托克托遣使來。請埃里溫、亞塞爾拜然兩省地。合贊不許。

是年秋。復攻敍亞里。令謨雷秣馬厲兵以待。復遣使如埃。要以稱藩納幣。埃答書不允。且餽軍器。示能用武。合贊怒。拘其使。七年。令庫謨二將與出班等帥五萬衆深入。自駐歐夫拉底斯河東以待。師及哈馬。越大馬色而南。與埃大隊遇。庫特魯克沙敗其右軍。謨雷帥衆追之。尋敵中左軍齊至。庫幾不支。出班等亟來援。始免於敗。薄暮止戰。屯山上。埃兵屯山下。軍勢甚盛。謨雷懼。詰朝戰不利。夜引所部退。埃有俘卒脫歸。言蒙軍中缺水病渴可乘。日出。蒙兵鼓勇下山。埃兵力遏之。殊死戰。至午。蒙兵稍卻。埃兵圍之。空其一面。留蒙兵出路。於是谷兒只兵先潰。諸軍亦相繼潰。望河而奔。有陷淖者。埃兵追於後。次日及之。蒙兵以馬疲不能行。多棄械就死。又或爲嚮導所紿。喝死沙漠。庫特魯克沙歸謁合贊陳敗狀。合贊遂歸。失律諸將各坐罪有差。雖出班殿後有功。膺面獎。猶不免杖。

是年秋。如第弗利斯。蒐簡軍實。圖再舉。遣使至英法諸國。請發兵至敍里亞。復耶穌墓。時東羅馬國以突厥遺族侵犯其境。請援兵。許以王女爲婚。合贊允俟埃及事畢。卽往救之。次年夏。構疾殂。年三十四。遺命傳位於弟。

合兒班答

合贊性沈毅果斷。有治才。良法美意。施諸實政者。班班可考。爲蒙古建國西域以來。僅見之賢主。東羅馬人於其薨。尤痛惜之。謂苟天假之年。羅姆地必能底定。土耳其國必不能興云。

第四節 合兒班答之對外交涉

一、合兒班答之初政。合兒班答時出鎮呼羅珊。聞計。帥諸將西行。至第弗利斯卽位。國人多稱爲鄂爾采圖(Uljaytu)。

卽東洋史之鄂勒哲圖鄂爾采圖。言吉祥以其生時逢吉兆故名。

蘇丹元成宗與都幹徹伯爾皆遣使以悔禍息兵來告。奇卜察

克汗托克托亦遣使來賀卽位。合兒班答釋前王合贊所拘之埃及使。禮而歸之。並遣使偕往約和。九年。徵

起爾曼酋沙喝奇汗。

蘇約兒喀特迷失之子。大德七年受入朝。以其方命不時納貢。留弗遣。收其地歸蒙官轄。

治。西遼國人在西域者。至是位絕。復建新城名蘇丹尼牙。

卽元史之孫丹尼牙。名蘇耳塔納巴德。在科美音西北二百里。王宮教

堂。規制閎麗。徙都之。

二、義蘭境內諸部之征服。初。新都之北。義蘭境內。有小部。負海面山。長僅百八十里。而分十二部。各有土酋

主治。阻山負險。自爲一國。不甚受約束。都幹旣薨。其後王寬闊遣使來告喪。因語及義蘭之地。慕爾國至今負

固。未能討定。都幹諸王深以爲笑。合兒班答恥其言。遣將分帥三軍。自將一軍。四道並進。擊破土酋兵。諸部皆

降。定歲貢額。惟一部乞降。統軍將拒之。仍進兵殺掠。敵據險殊死戰。數將皆戰沒。繼遣將往征。始平其衆。

三、黑拉特之役。黑拉特酋法克哀丁。曩曾因事見伐。師不得志。輸餉行成而罷。至是又不自來朝。十年。遣呼羅珊統將丹尼世門擊之。命交還逃人。並輸三載貢賦。法克哀丁不應。丹尼世門進兵斷其糧道。法克哀丁不得已。乃乞盟。暫以城讓蒙兵。身率部下移屯他所。丹尼世門入外城。內城仍爲敵將摩訶末所守。堅不可攻。丹尼世門遣使告法克哀丁。「不入內城。無以覆君命。爲汝代乞赦罪。」法克哀丁乃諭摩訶末。使開門相延。約無得多攜從卒。丹尼世門先遣其子偕他將入。摩訶末以盛筵款接。比丹入。伏發門閉。父子皆遇害。是年秋。合兒班答遣將往攻之。次年春。進戰不利。築長圍困之。法克哀丁旋病沒。城內糧盡。餓孱相望。摩訶末力竭始降。次年夏。獻俘於朝。行後。遣人追殺之於途。法克哀丁弟基亞代丁 (Ghiat-ud-din) 先爲質子。合兒班答自義蘭凱旋至新都。聞黑拉特事定。乃命基亞代丁嗣位。

四、對埃及之交涉。初、埃及數擾亞美尼亞。合贊以蒙兵千人助戍。大德八年。埃兵入境。殺掠甚衆。次年。復至。敗衄而去。死亡數千人。亞美尼亞王。海屯二世致書亞勒伯守將。請納歲貢罷兵。埃人允之。是年。海屯讓位於姪立盎四世。身入基督教爲僧。十年。合兒班答以妻父亦憐眞爲羅姆鎮帥。其將壁拉爾古屯亞美尼亞境上。十二年。立盎與亦憐眞同人覲。壁拉爾古聞立盎訴己過。又以其旣事蒙。復貢埃。遂擅殺之。亦憐眞奏劾其罪。合兒班答誅壁拉爾古。立海屯季弟鄂金爲王。

是時羅姆西境鄂托曼國寢盛。擾東羅馬屬地。東羅馬王密給爾安多路侏孤二世。思藉蒙古之力。平定其衆。

以女瑪里亞妻合兒班答。蒙古人稱之曰脫司配那哈屯。譯義爲公主至大四年。合兒班答自索尼教改奉十葉教。皇慶元年。宗王科爾迷夫。譯義爲謀反於羅姆。討平之。併其四子皆伏誅。建新城於報達之東。適值埃及內亂。其大將數人來奔。於是對埃及交涉復起。

先是埃王那錫爾以權歸將帥。不樂居位。遜國他適。親軍大將奇加賽斯(Circasses)人比拔而斯(Pybars)自立。號謨難費爾蘇丹。國人不服。殺比拔而斯。迎那錫爾歸國。亞勒伯統將等懼不爲那錫爾所容。帥騎卒千人來奔。合兒班答命官授地。待以優禮。欲乘隙攻敘里亞。是年冬。出師。衆號十萬。谷兒只兵從焉。渡歐夫拉底斯河。攻哈列比堡。逾月不下。遂班師。二年。以長子不賽因(Abusaid)出鎮呼羅珊。時年九歲。呼羅珊夙爲儲君分封之地。故未及其長。卽開藩府。

五、對奇卜察克之交涉。先是奇卜察克汗、國王族巴拔。避禍帥萬人來奔。仁宗延祐二年。以兵往擾花刺子模之地。拔其城。俘民五萬以歸。察罕臺將亞索伏兒聞之。自忽氈引兵疾馳。截其歸路。盡奪俘掠。時奇卜察克汗爲月思別。遣宗王來詰。謂「若巴拔所爲。請君討之。若由君命。則請以兵相見。」合兒班答謝以不知。云「稱兵犯境。非由己命。」殺巴拔父子。禮其使而遣之。

先是阿剌伯麥加城。爲教主摩訶末墓所。摩訶末之壻阿力裔世爲之酋。傳至倭邁宰特。弟兄爭位。埃及以兵助爭者。倭邁宰特以合兒班答奉十葉教。有同教誼。延祐三年。來奔。且乞援。合兒班答遣將帥千人。衛以還國。

四年春。行至巴索拉。爲伯都音即阿剌伯土人夜攻。全軍皆沒。倭邁宰特與所遣將僅以身免。逾年。倭酋始復國。

第五節 伊兒汗國之末路

合兒班答御衆以寬。好酒色致疾。以延祐五年殂。年三十六歲。子不賽因立。年甫十二歲。國中諸貴族漸藐汗令。奇卜察克屢侵其北境。國威愈挫。順帝至元元年。不賽因殂。無子。轄魯之弟阿里克布克遠孫阿白（*Alpagain Khan*）以旁支入繼。呼羅珊、羅姆、諸鎮帥漸謀據地自擅。全國幾瓦解。至正五年。阿思克六阿居汗位。第弗里斯大疫。始遷國都於報達。再傳至轄魯遠孫阿回司。據報達。克復呼羅珊。傳子阿米得。呼羅珊民苦其暴虐。潛歸心帖木兒。明太祖洪武十三年。帖木兒克花刺子模。遂攻呼羅珊。破之。十九年。復征伊兒汗國。侵波斯。破其國都蘇丹尼牙及報達。略亞美尼亞諸部。至底格里斯河濱。悉取其地。阿米得出奔。伊兒汗國遂屬帖木兒。永樂三年。帖木兒殂。阿米得返國。八年。帖木兒第四子沙魯哈（*Shah Rukh*）復攻波斯。克之。阿米得敗死。轄魯之裔遂絕。伊兒汗自宋理宗寶祐六年建國。凡傳十五世。一百五十四年西歷紀元一二五六年至一四一〇年而亡。伊蘭高原之地皆入於帖木兒帝國。

拖雷

（一）旭烈忽

（三）アソツド

（二）阿巴哈
アバカ

（四）阿魯渾
アルグン

（七）合贊
カサン

（八）合兒班答
オルヂアイ

（九）不賽因
アブセイド

（五）カイカト
アラフレンク（十四）ヂハンチムル


タラガイ（六）バイト
アリー（十二）ムスサ

阿里不哥

ソリクナムル
シングカン
スウスヘ
（十）阿白
アルバイガン

（十二）ムハソツド（旭烈忽之後）
（十三）トガチルム（朮赤之後）
（十五）ソレマン（旭烈忽之後）

Note 1. Genealogy of the Ilkhans 伊兒汗世系表



第五章 帖木兒之西侵與奇卜察克汗國之瓦解

第一節 奇卜察克汗國之盛世

1、月思別(Uzebeg Khan)對元廷之交際。帖木兒既併察罕臺、伊兒汗、兩汗國。遂與奇卜察克汗國接境。於是兩國復起衝突。先是奇卜察克汗托克托(Toktu Khan)殂於仁宗皇慶元年。忙哥帖木兒孫月思別舊作月將嗣位。諸將以其奉天方教爲嫌。有異議。謀乘宴會時殺之。或於席間以目示意。月思別託故離席。詢知有變。卽覓騎馳去。引兵捕諸將。皆誅之。延祐元年。遣使以襲位告於元廷。英宗至治三年。再遣使入朝。泰定帝三年。元廷報使。賜月思別及怯列疑係察罕不賽因等三部各有差。文宗至順元年。遣諸王分使月思別及燕只吉臺疑亦係察罕不賽因等。順帝至元元年。月思別遣使入朝。初。卓齊特位下。有舊賜平陽晉州永州分地。歲賦中統鈔二千四百錠。久未頒給。京師亦無所領府治。二年。遣使來求歲賜。以賑給軍站。許之。三年。復遣使朝貢。中書省議置總管府印。正三品。五年。始頒給之。

2、月思別對俄屬國之交涉。初。瓦拉的米爾王狄米得里一世殂。叔父彌海勒二世卽位。墨斯科王優利卽太里三世。冀得首邦之位。托克托以彌海勒年長當立。不允其請。及月思別立。優利娶其妹孔察喀公主。遂與蒙

古將連兵侵瓦拉的米爾。彌海勒退屯的威爾。優利追擊之。兵敗。其妃及蒙古將多被虜。繼知爲奇卜察克公主。禮而遣歸。公主道卒。優利乃以彌海勒鳩殺公主來訴。月思別怒。召彌海勒至。數其罪。將加刑。繼察其誣。釋不治。會有高加索山之行。未卽令歸國。優利賄結左右。矯命殺彌海勒而受封焉。當在延祐五年前其後彌海勒子狄米得里成立。訴父之冤。月思別召優利入朝。使與面質。優利至。狄米得里一見怒發。拔刀殺之。以擅殺論抵。而封其弟亞歷山大爲的威爾王。以雪其父冤。其後的威爾民變。戕殺蒙官。亞歷山大不能治。遁至北斯哥弗城。月思別遣兵代平內亂。召使入朝。不至。遂命墨斯科王宜萬一世(Tan)往討。亞歷山大復出奔。旋來歸請罪。時宜萬志在兼併。忌亞歷山大之得民心。不利己。因進讒。歷指其叛逆。遂見殺。俄西北境立陶宛公國寢強盛。月思別不能制。俄諸王自白色里二世以後常受制於立陶宛

順帝至元六年。月思別殂。在位頗有聲。嘗與埃及蘇丹和親。又與東羅馬及歐洲諸國交通。傳其文化。時意大利威內薩(Venice)人來奇卜察克汗國經商者最盛。阿速海濱實當日歐亞互市之要區云。

三札尼別(Janibeg Khan)之設施。月思別殂後。子札尼別立。能紹述先烈。用兵於馬札兒、孛烈兒、兩部。至正十三年。獻撒吉刺、察赤、密昔爾、弓刀鎖子甲及青白西馬各二匹於元朝。報賜鈔二百錠。伊兒汗國自阿白立後。內亂蠭起。國土分裂。第弗利斯之民。皆避亂北往奇卜察克。有天方教士謁札尼別。痛陳劫掠之慘。民人之困。以同教之誼。勸往平亂。十五年。札尼別引兵入亞塞爾拜然。殺叛將。據第弗利斯。令其子畢兒諦伯

克 (Berdibeg Khan) 留守而自歸。

第二節 奇卜察克汗國之末路

一、奇卜察克之內亂。通計月思別、札尼別兩朝實爲奇卜察克汗國極盛之世。元順帝至正十六年，札尼別殂。畢兒諦伯克北歸嗣位。未幾亦殂。自此國內亂。諸王爭位，自相殘害。順帝末年，黑海之北有克里米 (Crimea) 部。昔班弟脫哈帖木兒之後窩瓦河濱有喀山部 (Kazan Kh.) 裏海之北有阿斯達拉干部 (Astrakhan) 與薩萊城之王爭雄並峙。大抵皆白黨。鄂爾多藍黨一稱月祖伯汗即昔班之後及克里米三汗之後金黨汗正統已絕。汗位如弈棋。自札尼別殂後未二十年凡易十五汗。至明洪武十二年薩萊王馬邁與俄墨斯科王狄米得里二世戰於頓河東大敗。勢頓衰。先是白黨汗烏魯斯一旦得勢逐克里米汗托克塔米失 (Toktamish) 托克塔米失走依帖木兒。帖木兒發兵援之。九年擊破白黨汗遂爲奇卜察克總汗。攻滅諸王馬邁遁去爲人所殺。十五年托克塔米失背帖木兒侵奪帖木兒帝國領土高加索山迤南地。二十七年帖木兒帥兵來攻與托克塔米失戰於烏拉嶺下之托波兒大破之。二十八年復來攻沿窩瓦河西入俄羅斯略墨斯科及阿速海濱兵鋒所向焚掠一空。托克塔米失東奔烏拉嶺爲族人薩提伯克所殺。薩萊阿斯達拉干兩地皆被蹂躪。蒙古將也列哥輔立烏魯斯之子庫特洛克。帖木兒復援立薩提伯克使之旋又廢薩提伯克而立庫特洛克之子博拉特伯克。明惠帝建文二年帖木兒又攻墨斯科大掠而還。明成祖永樂八年博拉特伯克復圍墨斯科不克而退。諸

宗王乘其兵入俄境。奪其國。自是擾攘不定。干戈無虛歲。阿斯達拉干併於薩萊。惟喀山、克里米、如故。克里米王與俄最親。嘗助俄伐其同宗。

二、俄國諸侯之復興。初、奇卜察克盛時。俄諸侯王皆爲屬國。奉冠帶。祠春秋。常則輸賦。變則徵兵。襲位與外交。未經稟命。均不得輒擅。約束之苛。積難忍受。至是乘奇卜察克汗國國勢之衰。漸謀獨立。諾弗哥羅、莫斯科、的威爾、哥斯得羅馬、諸侯勃興。明英宗天順六年。西歷紀元一四六二年。莫斯科王白色里四世卒。子宜萬三世立。勢日

張。八年。敗蒙古兵於喀山。明憲宗成化十四年。薩萊王阿赫邁特伐宜萬。兩軍於倭喀、烏格拉、二河。窩瓦河之交

綏而退。明孝宗宏治十四年。克里米王受俄指使。滅薩萊。王國亡。阿斯達拉干仍自立國。明世宗嘉靖三十一

年。俄王宜萬四世滅喀山。乘勝遂滅阿斯達拉干。明穆宗隆慶五年。克里米王以兩部皆滅爲憾。糾土耳其兵

長驅入俄。破莫斯科。屠殺官民八十餘萬人。毀其城而去。先是烏拉嶺東。有失必兒之地。卓齊特後王建國於

求綿城。其建國於錫爾河濱者。號庫程汗。見圖理琛異域錄求綿作圖敏伊萬四世收撫黑海科薩克部。用其部人月馬克爲


將。明神宗萬曆八年。月馬克帥八百五十人踰烏拉嶺。進至鄂畢河畔。次年。遂征服失必兒。宜萬遣僧徒傳教

其地。蒙古後裔之在西者略盡。惟克里米部傳國最久。土耳其常保護之。清高宗乾隆三十六年。俄后喀德璘


二世 (Catharine II) 遣將取其地。後三年。俄土議和。仍返其地。四十八年。始爲俄所併。今惟布哈拉 (Bok-

hara) 基華 (Chiwa) 兩部主。仍爲卓齊特子昔班之後。


奇卜察克汗世系表 據元史卓齊特本傳及西書訂補



欽察世系表
據市村東洋史要轉載
之ドイゾン氏蒙古史



The Descendants of Batu Khan 拔都世系表



In the above table I have only inserted those names which occur in the text. A more detailed genealogy, as given by Rashid etc., is appended to Von Hammer's Golden Horde.

第六章 帖木兒之南征與印度圖格拉克(Tughlak)王朝之顛覆

第一節 帖木兒南征以前印度形勢之變化

一、基爾吉 (Khitai) 王朝之興亡。托克塔米失之東遁也。奇卜察克汗國勢不復振。西方無警。帖木兒乃轉鋒南下。侵略印度。印度自屢被蒙古兵後。特里奴隸王朝之勢頓衰。元世祖至元二十五年。西歷紀元一
二八八年一部將只拉兒哀丁 (Galal-ud-din) 高爾朝
疏族乘勢篡立。是爲基爾吉王朝。只拉兒哀丁猶子阿老丁 (Ala-ud-din) 饒勇略。至元二十六年。蒙古兵來侵。阿老丁擊破之。復征服西北中三印度。三十一年。復越濱地亞 (Vindhya) 山脈。遠侵南印度。尋弑王而自立。蒙古兵復來侵。阿老丁擊退之。復使其奴隸宦者馬利喀法爾 (Malik Kafur) 率師南征。略取東南兩印度。阿老丁部下多突厥蒙古及阿富汗族傭兵。體魄偉大。勤苦耐勞。遠在印度人以上。故能士馬精強。所向克捷。元武宗至大四年。西歷紀元一
三一一年蒙古傭兵作亂。阿老丁殲其衆。死者萬五千人。沒入其家族爲奴婢。其後蒙古兵屢入寇。奔札比 (Panjab) 鎮將喀亞士哀丁 (Ghiyas-ud-din) 拒卻之。使阿老丁無北顧憂。元仁宗延祐元年。西歷紀元一
三一四年阿老丁爲喀法爾 (Kafur) 所毒而殞。大將古士盧汗 (Khusru-Khan) 殺喀法爾。立木巴里克 (Mubārik) 爲王。木巴里克荒淫無度。古士盧復弑之而自立。古士盧本印度教徒。後改宗回教。故受兵士愛戴。尋復輕侮回教。延祐七年。西歷紀元一
三二〇年爲部下兵士所弑。基爾吉王朝亡。凡傳四主三十三年。一三八八至
一三二〇

二、圖格拉克王朝之盛衰。古士盧死後。亂兵奉喀亞士哀丁爲主。是爲圖格拉克王朝。喀亞士哀丁者。本突

厥民族。以奴隸起家。漸擢至奔札比總督。拒蒙古兵有功。至是被戴爲王。建新都於特里之東。定名圖格拉克堡。(Tughlakabad) 適值蒙古兵復來侵。輸金求免。喀亞士哀丁殂。子摩訶末 (Muhammad) 卽位。摩訶末英武。長於用兵。顧性情猛烈。時或流於兇暴。以故士民不附。摩訶末有大志。卽位以後。大舉兵攻波斯。中途饑缺。軍士譁潰。倒戈反嚮。復發兵十萬侵中國。於喜馬拉雅山幾覆全軍。國庫窮乏。乃鑄銅幣。俾與民間銀幣齊價並行。外國商人來互市者。皆不肯受銅幣。商務由是遂衰。所有銅幣。祇供納稅之用。其幣遂中於國家。惟於南印度頗關疆宇。初卽位時。五印度諸王相率款附。國勢甚盛。第摩訶末篤信天方教。與諸土王及臣民均不相洽。恆用外來之天方教人居政府。復徵重稅。有增至十倍二十倍者。且爲獵人之暴舉。設大園場一。驅平兵。以故臣民益不服。各省叛者蠭起。此撲彼熾。摩訶末南北征討。疲於奔命。元順帝至正十一年。西歷紀元一三五
一 殂於軍。子菲盧司沙 (Firuz Shah) 卽位。革除摩訶末時代虐政。起種種公共事業。鑿池築堰。以便農夫灌溉。設隊商之驛舍。以便行旅。建立禮拜堂學校及病院。以便一般黎庶。復開鑿運河。以便交通。生平善政。不可枚舉。顧以身體孱弱。骨肉之間多隱患。其治不能久。回教徒及印度土人相繼叛亂。傳數世。至最後之王馬木德。(Mahmud) 彌魯特 (Meerut) 在特里東北 叛而獨立。國分爲二。回教徒亂兵與土著叛民。雲擾響應。圖格拉克王朝國威凌夷。勢岌岌不可終日。

第二節 特里之戰

當是時。帖木兒方雄踞中亞。滅伊兒汗國。破奇卜察克汗國。兵鋒英銳。所向無敵。聞印度內亂。率兵九萬二千進征。以右翼三萬騎先發。堪達喀爾。(Kandahar)規取彌魯特。左翼三萬騎。亦繼發布哈爾。渡印度河。襲拉賀里。自將兵三萬二千。以明太祖洪武三十一年。西歷紀元一三九八年發撒馬爾罕。架浮橋。渡阿母河。進踰巴巴山。趨興都庫什。欲出敵不意。冒險而前。會夏日山雪消融。馬不能進。於是晝間停行。俟夜熱減雪凝。自乘轎命人縋曳而下。全軍畢隨。遂下抵山麓。易馬。驅入加非利斯坦。(Kafiristan)突擊之。土人強半見屠。自是取間道。由喀布爾渡印度河。

時右翼兵圍彌魯特已六閱月。城兵不勝飢困。出降。而朱木拿河。(Jumna River)在彌魯特西特里東以久雨漲溢。

右翼兵芻橐皆腐。馬悉倒斃。至是聞帖木兒大軍至。引兵來會。帖木兒給馬補之。尋左翼軍亦至。仍分三隊。大軍由直道。兩翼由間道。均向特里。先攻下其附近各著名都府。乃集諸將會議方略。屯糧械輜重於近地。然後合圍。收俘虜十萬。悉殲之。明惠帝建文元年。西歷紀元一三九九年達特里都城。渡朱木拿河西而陣。蒙古駐營於四圍掘濠。復置柵。繫以樹皮草莖。縛牛足臥於地上以固柵本。更駢列千盾。戒出入。然後始張毳幕。特里王摩訶末出騎兵萬人。步兵四萬人。翼以象陣。以厚革被象身。禦鋒鏑。飾傳毒利刃於其牙端。設樓櫓於其背。弓礮手乘馬。兵士立象隊間。雜投火器。挽強弩。蒙古兵有畏卻者。帖木兒曉以此無足驚畏。特象陣耳。因籌破之之策。下令如左。

一、象突前時。宜揮鐵抓斫其足。

二、欲擾亂象隊。宜縛銳木。或引火樹脂。於野兕^{一云駱駝}之角及背。嚮敵陣驅之。

三、軍中宜發矢石。及施刀槍斫刺。務竭力以中象鼻爲主。

此令一下。士氣百倍。摩訶末軍分左右中三隊。列象陣於前。帖木兒分軍爲二。自將一軍。先於側面進薄。兩軍奮鬪。勝負未決。特里將引兵直衝蒙陣。帖木兒一子陣亡。俄蒙兵聚擊象隊。傷其口鼻。象吼突狂奔。反躪己軍。特里陣大亂。帖木兒下令進擊。復突入象陣。殪其強半。特里軍大敗走。尾追至特里城下。摩訶末乘夜遁去。都人不戰而降。蒙古縱兵大掠。

特里既降。舉國無敢抗顏行者。帖木兒循恆河。繞喜馬拉雅山南麓回軍。途中惟事殺掠蹂躪。無復有對壘之事。適聞土耳其族鄂托曼帝巴牙卽。(Bajazet)乘虛侵其國境。屬地復有叛者。乃急急北歸。留大將幾儒爾汗鎮奔札比。經略印度。摩訶末聞蒙兵退還都。表面上仍爲印度共主。而事勢上特里帝國已成瓦解。各都市多具半獨立之勢。明成祖永樂十年。^{西歷紀元一四一二年}摩訶末殂。有大臣名度刺者。順衆望卽位。幾需爾汗乘釁滅之。遂以帖木兒帝國名義統治其國。

第七章 帖木兒之西征與土耳其之敗北

鄂托曼土耳其 (Ottoman Turks) 者。本突厥一小部落。舊居阿爾泰山麓。西曆紀元一二二五年。宋理宗寶慶元年其酋長蘇利曼 (Suleiman) 爲蒙古人所驅。率領部族五萬人。移居亞美尼亞。其子伊爾特樓格儒魯 (Ertogrul) 臣事塞爾柱土耳其 (Seldjuk Turks) 移居小亞細亞之昂哥拉 (Angora) 附近。伊爾特樓格儒魯卒。子鄂斯曼 一二八八至一三二六 代領其衆。蠶食東羅馬之小亞細亞領土。勢力日張。始建國自稱皇帝。是爲現今土耳其帝國之始。鄂斯曼殂。子烏爾真 (Urchan) 一三二七至一三六〇 立。遂取尼加 (Nicaea) 併吞東羅馬之亞洲領土全部。制定憲法。整理制度。設常備軍。以整頓武備。國勢日盛。烏爾真殂。子木拉特 (Murat) 一三六一至一三八九 立。略取特拉西亞 (Thracia) 莫都亞得里亞堡 (Adrianople) 以逼東羅馬。又征服塞爾維亞 (Serbia) 保加利亞諸小國。包圍東羅馬四面。塞爾維亞、波斯尼亞 (Bosnia) 亞爾巴尼亞 (Albania) 等部。起聯軍抗拒。木拉特自將擊破之。帝亦中傷。沒於陣。子巴牙即立。征服馬其頓 (Macedonia) 希臘各地。又取愛琴 (Aegean) 海羣島。東羅馬水陸交通要道皆斷絕。國勢益危。西歐諸國震駭。德法兩國武士組織十字軍東征。推匈牙利王西吉司門 (Sigismund) 爲元帥。率之援東羅馬。一三九六年。明太祖洪武二十九年巴牙即

自將逆戰於尼哥坡利。(Nikopoli)大破其兵。乘勝圍君士坦丁都城。東羅馬危急。遣間使偷渡亞洲。求救於帖木兒。

當是時。巴牙卽威震四方。人呼之爲雷公。旣破東羅馬兵。又與埃及蘇丹通好。謀夾攻帖木兒。拓地於東方。帖木兒聞警。遽自印度歸。先長驅定屬地之亂。遂入敘里亞。破埃及兵。取大馬色等城。遂移兵入小亞細亞。襲土耳其背面。巴牙卽聞警。遽撤君士坦丁圍。率師三十萬。還救根本。明惠帝建文四年。西歷紀元一四〇二年與帖木兒兵二十萬。大戰於昂哥拉。敗績。被執。檻致撒馬爾罕。愧忿而卒。土耳其之勢中衰。帖木兒遂悉定小亞細亞全土。而東羅馬與土耳其餘衆。分扼守博斯破魯斯。(Bosporus)黑勒斯奔。(Hellespont)兩海峽。帖木兒兵終不得至歐洲而還。

帖木兒嘗言力征經營。猶將碁戲。卽帖木兒所自創。如近世之兵棋。史稱其膽智。及練軍用人之方略。傑出古今。成吉思汗後一人而已。又帖木兒之覘人國。恆假通商之便。諜知其風俗人情。其接外人。恩卹靡不至。當人覲時。輒詢以外國君主相對待之政策。設答詞有不實不盡者。則簡專使以討究之。其算無遺策。匪直名將。亦一大政治家也。

第八章 帖木兒對明室之外交

初帖木兒之起兵也。取遠交近攻策。修好於明。以弭東顧之憂。明太祖洪武二十年。率先諸國。遣使朝貢於明。明亦報賜甚厚。自是頻歲入貢。元時。回回徧天下。及是居甘肅者尙多。詔守臣悉遣之。於是歸撒馬爾罕者千數百人。二十七年。貢馬二百。上表。太祖嘉其有文。次年。命給事中傅安等齎璽書幣帛報之。安至其國。被留。朝貢亦絕。尋令人導安徧歷諸國數萬里。以誇示其國廣大。至永樂三年。安等尙未還。時蒙古特古斯特穆爾汗殂於圖拉河畔。部落漸衰。蒙古王族之來投帖木兒者踵相接。帖木兒亦旣平定四方。聞明室內亂。成祖與惠帝構兵。以爲有機可乘。將大舉伐明。復元室舊業。以混一字內。於是以恢復及傳教爲名。大修兵備。率師二十餘萬東征。明成祖聞之。敕甘肅總兵官宋晟儆備。帖木兒渡錫爾河。至訛答刺。(Otrar) 病殂。年七十一。時明成祖永樂三年。西曆紀元一四〇五年也。其生平所手定地。西抵地中海。東至蔥嶺與恆河。南盡波斯灣。北及俄羅斯中部。一代雄圖。莫與比倫。

第九章 帖木兒帝國之衰亡與西方之瓦解

自來北方民族。性情慍悍。有破壞之能力。無建設之能力。有大英雄起。率之四處經略。雖可縱橫一時。及其人旣亡。則其國亦不能存在。蓋人類社會之競爭。須視國民全體程度如何。以爲優勝劣敗之標準。徒恃奉戴一

二英雄爲首領。事實上不能持久。此北方民族盛衰興亡之慣例。而帖木兒帝國亦莫能例外者也。茲述其事蹟如左。

帖木兒殂後。嗣立者無大英雄。諸子相爭。國內分裂。明成祖永樂五年。四〇七年帖木兒孫哈里(Khalji)

嗣位。遣使送傅安等還朝。且貢方物。成祖厚款來使。報使祭寶。明年。聞黑拉特王沙合魯(Shah Rukh)帖木兒季

子與哈里構兵。遣使齎敕諭解之。使臣徧詣西域諸國。賜之幣帛。諭令入朝。諸酋長咸喜。各遣使偕黑拉特使

臣入貢。自是諸國並至。皆序黑拉特於首。

其後沙魯哈卒。平定內亂。君臨中亞。是爲帖木兒帝國第二次一統時代。顧其勢不能久。明英宗正統初年。按

史正統四年英宗有書諭撒馬爾罕王兀魯伯曲烈干其子兀魯伯曲烈干(Ulugh Beg)在位。右文而戢。國內復亂。於是帖木兒玄孫

阿布賽見明史與天順中鎖魯檀母撒係一人乞援於月祖伯一作月部。

初。巴圖之爲奇卜察克汗也。分封其兄弟爲白帳、藍帳、克里米、三汗。分領阿速海至鄂畢河之地。藍帳汗本居

烏拉爾河以東。西曆紀元一三五七年。元順帝時奇卜察克汗札尼別殂。內亂迭起。藍帳汗乘機占領裏海北岸。稱

月祖伯汗。及帖木兒殂。月祖伯部益乘勢南下。蠶食中亞。至是其部長阿布魯庫發兵。助阿布賽靖內難。復王

中亞。時明景帝景泰三年。西曆紀元一四五二年也。阿布魯庫後復擊破衛拉特部。勢益強。遂爲異日月祖伯

族雄據中亞之張本。

阿布賽即位後。四征不庭。大啓疆宇。東際天山。西臨報達。南盡波斯灣。北濱錫爾河。是爲帖木兒帝國第三次一統時代。顧其勢愈不能久。明憲宗成化三年。西歷紀元一四六七年。阿布賽西征波斯西境突厥酋長哈山布。(Hasan Beg)敗沒。國遂瓦解。帖木兒苗裔各據一方。疲於內鬩。當是時月祖伯部酋長阿布鲁庫已殂。其孫昔班(Shaybani)在位。屢乘隙南下。侵略帝國邊境。明孝宗弘治十三年。西歷紀元一五〇〇年。遂大破帝國兵。陷撒馬爾罕。據有中亞。帖木兒帝國發祥地。入於外人之手。諸王分據一方。各自爲部。不成其爲國家矣。

第十章 波斯西格索比王朝之勃興與基華布哈拉之建國

伊蘭高原地方。爲東西競爭之中心點。太古之時。伊蘭民族據之。建立極大王國。是爲古代波斯。波斯衰亡。伊蘭高原入於希臘民族之手。隸屬敍里亞王國。尋爲迭克(Dake)民族所據。建立安息王國。安息衰亡。伊蘭民族恢復勢力。建立波斯王國。是爲薩贊王朝。後爲大食所滅。於是伊蘭高原入於回教勢力範圍之內。薩拉森東帝國衰亡。伊蘭高原迭爲突厥蒙古人所據。太古文明民族。夷爲北方黃色人種阜隸。直至帖木兒帝國衰微。波斯始復分離而獨立。然其中心點。實爲回教徒之薩拉森帝國苗裔。非復太古伊蘭民族之舊矣。茲述其事蹟如左。

第一節 西格索比王朝之勃興

先是突厥酋長哈山布既破阿布賽。遂據波斯。沒後。諸子爭位。國內亂。先是薩拉森族。有西格索比哀丁者。與帖木兒同時。生有至德。世人神明奉之。其後裔曰奇齊克伊士邁哀耳。(Shah Ismail)爲哈山布外孫。輿望屬焉。明孝宗宏治十五年。西歷紀元一五〇二年遂創立西格索比王朝。統一波斯。

先是回教祖穆罕默德在世。曾謂其門徒。火教之異派有七十。猶太教有七十一。天主耶穌教有七十二。已教將來殆必至七十三。然其沒後。異派數且踰百。大抵論上帝。論神魂。意見略歧。喧呶即起。未大異也。其顯然樹幟相攻者。則以教主之位故。奧瑪耶 (Ommya) 朝哈利發。素薄待其下。阿剌伯人猶未忘穆罕默德教澤。而爲別派攘竊。益疾視摩亞城耶族。自阿力被戕。其次子忽辛 (Hussain) 復失位。教人多以爲不平。雖已有哈利發。仍別立伊曼 (Imam) 亦教首之謂。特不必爲阿力後。勿令他族撓越。謂阿力靈魂。一脈相傳。集於伊曼之體。穿鑿其說者。謂上帝之靈。亦式憑之。而其位益不可變易。阿力後第五世伊曼札非而沙體。(Jaafar-as-Sadik) 已定其長子伊士邁哀耳嗣位。繼以其嗜酒。背教規。黜之。立其次子爲嗣。十葉教人異議又起。謂教主之位。帝鑒在茲。非可朝令夕改。乃羣奉伊士邁哀耳之子爲教主。是爲伊士邁哀耳之教。西域人拉施特書稱木刺夷曰伊士邁哀耳。蓋以教名爲國名也。奇齊克回語小也。此小伊士邁哀耳。或即前伊士邁哀耳之後。與索尼教恆相讎。洎奇齊克伊士邁哀耳王波斯。乃定十葉教爲國教。

第二節 基華之建國

月祖伯族舊奉素尼教。以爭教故。屢南下侵波斯。略取呼羅珊及花刺子模。尋奇齊克伊思馬哀耳與土耳其爭西亞地。花刺子模之月祖伯族猶布魯斯。(Ilbars)遂乘機自立。以明武宗正德十年。西歷紀元一五一五年創建基華汗國。

第三節 布哈拉之建國

先是帖木兒六世孫。即阿孫巴拜爾。(Babbar)以明孝宗宏治七年。西歷紀元一四九四年年十二歲。嗣其父拔汗那國(Ferghana)王位。居錫爾河上。後屢侵四隣。多著奇績。謀復祖業。尋借波斯援。驅昔班於河外。克復中亞。其地居民故亦奉素尼教。不樂巴拜爾與波斯厚。往往思亂。昔班之姪烏巴拉。(Ubaydullah)率月祖伯部之衆。復乘釁來侵。奪布哈拉。建汗國。

第十一章 巴拜爾之南征與蒙兀爾(Mughar)帝國之創立

第一節 巴拜爾之建國

巴拜爾既敗。絕意北爭。退保阿富汗境。宏治十五年。西歷紀元一五〇二年略喀布爾(Kabul)而據之。養精畜銳者凡

二十二年。直至明世宗嘉靖五年。西歷紀元一五二六年。然後規取印度。

是時印度幾儒爾汗已殂。子孫世襲。明景帝景泰元年。西歷紀元一四五〇年。傳國於阿富汗人毘路利路提。是爲路提(Lodis)王朝。其後三世。極暴虐。國勢大衰。國中謀獨立者踵相接。奔札比總督度刺路提至喀布爾。見巴拜爾。勸使入印。重興帝國。於是巴拜爾始謀侵印度。明世宗嘉靖五年。破特里。滅路提王朝。復征服隣近之拉提。苦特族。定穆里坦。(Multan)巴哈爾。(Bhawalpur)等地。自阿母河抵恆河下游。皆爲所屬。遂卽印度帝位。都特里。是爲蒙兀爾帝國。

第二節 弗馬暗之中衰及其復國

嘉靖九年。西歷紀元一五三〇年。巴拜爾殂。子弗馬暗。(Humáyún)立。以弟迦牟蘭。(Kamran)爲喀布爾。堪達喀爾。及奔札比西境總督。時印度王侯咸謀畔。其中屈露多。卽今奔札比庫爾魯王最強大。且得葡萄牙人賣火器爲援。弗馬暗親征。破走之。尋阿富汗人。蓋前代侵入印度留居者希爾。(Sher-shah)復畔。據印度。弗馬暗擊之。屢敗。走奔札比。迦牟羅拒弗納。乃由印度輾轉涉沙漠。投波斯乞援。時嘉靖中葉也。

波斯王奇齊克伊思馬哀耳。以嘉靖二年殂。子達馬斯立。至是助以騎兵萬四千。弗馬暗率之歸。先破迦牟蘭。悉取所屬地。三十四年。西歷紀元一五五五年。遂入印度。時希爾已前卒。閱再傳。國多內訌。弗馬暗一戰破之。遂復國。尋殂。子亞格伯。(Akbar)也。獅子立。

第三節 亞格伯之內治

亞格伯即位時。年纔十四。其國境尙不及今英屬奔札比一省地。大將俾爾蘭汗者。土耳其人。佐弗馬暗恢復舊業。有大功。至是以宰相攝政。尊爲尙父。原作汗爸爸Khan 猶言王父也其後亞格伯奪其權。俾爾蘭汗忿而爲亂。亞格伯擊擒之。宥其罪。祿之終身。亞格伯英明。有大略。達治體。以不世出之才識。施非常之改革。悉平定北中兩印度。尋侵入南印度。征服客貫天方教諸國。置爲行省。招撫土著溫都教諸國。使爲屬藩。又與拉提善特族諸王侯通婚媾。使舊爲天方教徒所蔑視之溫都教徒。得與天方教徒平等。確定長治久安計。以收攬人心。乃得藉其力以擴張領土。遂成統一之業。尋遷都於亞加拉。(Agra) 在特里東南印度農夫納稅。故借逕鄉長之手。頗妨於民。亞格伯革其弊。履畝定稅。以丈量起算。約稅三之一。命直接納諸有司。於法廷訟獄。則置天方溫都兩教判事。使折中持平鞫判。庶政一新。輿情悅服。農工興盛。國以富強。亞格伯主信教自由。嘗集諸教大師會講於前。末年。自創一新教。名伊羅匪。譯言聖神大校以天道爲本原以太陽爲現象時葡人已殖民於臥亞。(Goa) 在西印度南沿海岸亞格伯貽書葡王延宣教師。明神宗萬曆二十三年。西歷紀元一五九五年宣教師遮羅武沙比爾等始來印度。萬曆三十三年。西歷紀元一六〇五年亞格伯殂。在位五十一年。年六十三。朝野哀悼。其在位時。歲入至一億四千萬元。世稱其兼兵家、法家、宗教家之長。爲蒙兀爾朝第一英主。

第四節 亞格伯之外征

初濱地亞山南德干之地。有阿富汗人撒發爾。建伯曼尼朝。後分爲五國。皆奉天方教。其中惟亞瑪那加國 (Ahmadnagar) 最強大。德干之南。有特刺威大 (Dravida) 族。本印度最古之土著。遞經阿利安以下外來諸族之侵逼。漸徙而南。遂建維耶那加國 (Vijayanagar) 於南印度。奉溫都教。恆與天方教諸國爲讐。嘉靖四十四年。與亞瑪那加國戰。大敗。國勢驟衰。亞瑪那加遂獨稱雄於濱地亞山脈以南。

亞格伯之用兵於南印度。實始於萬曆十四年。西歷紀元一五八六年。是時亞瑪那加女主姜皮皮 (Chând Bibi) 在

位。有才略。國之南境。有阿皮西尼亞人。與波斯人世讐。女主委曲居間。使解仇修好。糾合諸天方教國。起聯軍。併力以禦亞格伯。自此以後。十二年間。蒙兀爾帝國南下之勢。爲其所阻。萬曆二十三年。亞格伯太子將兵侵亞瑪那加。失利。二十七年。亞格伯自將攻破其城。未及留戍。旋即引還。其後女主爲部下所弑。亞瑪那加仍不下。亞格伯殂後。其子薩釐。時尊稱之爲耶罕奇朝。Jehangir 譯卽天下勝主。孫沙耶罕 (Shah Jahan) 曾孫奧蘭賽 (Aurangzeb) 洊經三世。力征經營。始征服南印度諸天方教國。奄有五印度。顧是時蒙兀爾帝國已萌衰徵。明毅宗崇禎六年。西歷紀元一六三三年。亞瑪那加國故地。有麻刺他 (Maharatta) 人倡亂。爲後此顛覆蒙古朝之張本。

第十一章 後高麗之衰亡與後朝鮮之建國

第一節 後高麗中葉以後對元室之關係

一、忠烈忠宣之父子不和。後高麗自忠烈王在位。尙元世祖公主。拜征東行省左丞相。屢與元連兵伐日本。不克。元世祖至元二十四年。諸王納延作亂。世祖自將討平之。其餘黨哈丹侵入高麗。破鐵嶺。在江原咸鏡二道之間陷揚根。京畿道王避兵奔江華島。求救於元。元遣那蠻歹大王及薛闡干等討哈丹。與高麗連兵擊破之。哈丹遁走。已而元世祖崩。征東計劃中止。忠烈王遣使於元。爲世子諶。元公主所生請婚。元成宗以皇兄晉王噶瑪拉舊作甘麻刺元世祖長孫太子精吉木長子女布達實哩。舊作寶塔實憐公主妻之。王及王妃世子入朝於元。獻成宗太后。與晉王、白馬各八十一匹。以極莊嚴之式。行親迎禮。王歸國後。王妃旋逝。王世子受巫蠱之嫌。東宮宦官宮婢坐死者數十人。由是父子之間。漸成嫌隙。王鬱鬱不樂。遂請於元。傳位世子。是爲忠宣王。忠宣王卽位後。更改舊章。不遵朝命。元廷不悅。成宗大德二年。召忠宣王入朝。命忠烈王復位。是時忠烈王年漸高。性格漸改。狎暱羣小。耽於宴樂。不憂政事。元使哈散還自高麗。具奏其事。朝議復設征東行省。命闊里吉思爲平章政事以佐之。闊里吉思至鎮。招權納賄。予奪任情。高麗人民不悅。尋以事黜。是時忠宣王羈留燕京。

充宿衛。僉人吳祁、石天補、宋璘等。乘間離間王父子。左中贊洪子藩等起兵清君側。執吳祁。送於元。王仍不悛。阻忠宣王歸國。又欲使布達實哩公主改嫁瑞興侯璵。元使刑部尙書塔察兒來諭旨。塔察兒遂囚宋璘等。王入朝於元。寓居忠宣王府。適值元成宗崩。忠宣王與皇姪阿裕爾巴里巴特喇舊作愛育黎拔力八達合謀立武宗。以功封瀋陽王。阿裕爾里巴特喇奉詔遷王於慶壽寺。誅瑞興侯璵及羣小。悉罷王之親信大臣。而以忠宣王之人代之。王拱手不能制。次年。元武宗至大元年。忠烈王三十四年。王歸國。旋殂。忠宣王亦歸國嗣位。更名璋。王久居元廷。有才略。熟諳朝廷掌故。習於蒙古風俗。元廷頗信任之。與聞政事。卽位以後。仍時常往來於燕京。元武宗崩。仁宗卽位。詔王歸國。王不悅。傳位於王子叢。是爲忠肅王。立姪延安君暉爲其世子。身留燕京。元廷不許。加上王之尊號。遣歸國。王歸國後。耽於逸樂。開萬僧會。飯百八萬僧。自作功德十餘條。命百官上箋稱賀。尋復入朝燕京。構萬卷堂於王府。召李齊賢住府。招致文人學士。閤復、姚燧、趙孟頫、虞集等。考究書史。以自娛樂。

二、蒙古文化輸入朝鮮之影響。當是時。高麗爲元保護國。往來頻繁。元之文化。逐漸輸入半島。白頤正嘗留學於元。治程朱之學。歸國後傳於李齊賢、朴忠佐等。禹倬精於程氏易傳。教授生徒以宋儒性理。忠肅王嘗遣博士柳衍赴江南。購經籍一萬八百卷。元仁宗亦以宋秘閣藏書四千三百七十一冊下賜。於是高麗文化。蒸蒸日上。高麗舊制。王族結婚。限於近親。其中若光宗之大穆后、德宗之敬成后、文宗之仁平后等。皆以土之

姊妹冊爲皇后。對外諱爲異姓。實則同胞。至忠宣王在位。始奉元廷旨。擇名門十五家。與王室通婚姻。禁止宗親擅娶同姓。忠烈王妃爲元世祖之女。實生忠宣王。忠宣王妃爲晉王噶瑪拉女。實生忠肅王。自此以後。代代皆娶元室公主爲妃。其由名門選入者。只爲妾媵。王妃挾母家勢力。欺凌王室。王不敢較。蒙古風俗輸入宮廷。自王以下。多辮髮襲胡服。王子命名。多用蒙古語。羣臣百姓。爭相摹倣。蒙古文字與元代之通俗漢文。流行於朝鮮半島。有風靡全國之概。高麗舊制。宮廷不用刑人。有幼而爲狗傷其勢者。供使役於宮廷。忠宣王妃愛之。獻於元廷。頗受恩寵。人皆歆慕。爭自宮以求進。其後高麗刑人。給事元宮掖。擅威福者甚多。若伯顏禿古思方臣祐。李大順。高龍普等。其尤著者也。伯顏禿古思事元仁宗於藩邸。佞險多不法。忠宣王深嫉之。禿古思知之。欲中傷王。仁宗遇王厚。不得其便。仁宗崩。英宗卽位。特們德爾舊作鐵木迭兒用事。禿古思屢譖王。特們德爾遂詔以學佛爲名。流王於吐蕃撒思吉。地名在西藏崔誠之。李齊賢等。百方請願。始詔量移王於朶思麻。亦在西藏留吐蕃四年。至泰定帝卽位。始遇赦而歸。殂於燕京王府。

三、柳清臣之譖。當忠宣王之羈留吐蕃也。忠肅王入朝於元。以贊成事權漢功等。自上王以來。招權納賄。奏請流竄遠島。漢功等怨王。上書於元。謀廢王立藩王朶柳清臣等復上書。請立征東行省。罷高麗國號。比內地。元廷不許。清臣復譖王於元廷。奏王旨。嚙暗啞。不親政事。元使平章政事買驢來觀察。買驢知其誣。爲王辯白。由是其譖不行。王憂讒畏譏。獨居深殿。常鬱鬱不樂。元文宗至順元年。忠肅王十七年傳位於世子禎。是爲忠惠王。

忠惠王卽位後。耽於遊畋。不親政事。在位一年餘。元廷廢之。命忠肅王復位。忠肅王復位後。親信嬖幸。不恤國事。在位八年。以元順帝至元五年殂。忠惠王復位。

四、曹頤之亂。先是忠惠王爲世子時。入朝於元。與元丞相雅克特穆爾舊作燕善。太保巴延舊作伯顏。惡雅克特

穆爾弄權。遇王無禮。雅克特穆爾卒。巴延當國。適值忠肅王薨。忠惠王遣使元廷。求襲位。巴延留王使不遣。

政丞曹頤作亂。舉兵圍王宮。敗死。國內頗騷擾。元遣斷事官頭麟。逮王還燕京訊問。巴延陰黨曹頤。會巴延以

罪誅。王事得白。歸國嗣位。王荒淫暴虐。信任羣小。或上書元廷。請立征東行省以安百姓。元廷以頒郊赦之

詔爲名。遣大卿朶赤使高麗。王朝服郊迎。朶赤急縛王。以一馬載之。馳歸燕京。以檻車流之揭陽。縣名今屬廣行

至岳陽。縣名今屬湖南而殂。國人無哀之者。王子忠穆王听。忠定王眡。皆以幼冲。相繼嗣位。母后專政。外戚擅

權。朝政日亂。忠定王狂惑無道。元廷廢之。而立忠惠王之母弟顥。是爲恭愍王。

第二節 後高麗末年對元室之關係

一、印璫之西征。當是時。元政日衰。豪傑蜂起。中原鼎沸。順帝至正十四年。恭愍王三年。右丞相託克託舊作脫脫討羣

盜。張士誠於高郵。今江蘇高郵縣。恭愍王命政丞柳濯。康悌臣等。率師二千人從征。顧王之本心。頗不願服從

元室。朝臣奇輟。盧頤。權謙之徒。皆以聯姻帝室故。挾元之威。陵轢本國。至正十六年。恭愍王五年。遂謀叛。事覺。王收

捕輟等。悉誅之。廢征東行省理問所。停元年號。復舊官制。以印璫姜仲卿爲西北面兵馬使。柳仁雨爲東北面

兵馬使。分道北伐。

先是後高麗元宗在位。都統領崔坦等。據西京五十餘城附蒙古。世祖受之。改西京爲東寧府。割慈悲嶺爲界。於是蒙古勢力範圍。擴張至咸鏡平安二道。忠烈王時代。元罷東寧府。遷其治所於遼陽。還附西北諸城於高麗。以鴨綠江爲界。至是印璫等引兵渡鴨綠江。破婆娑府。今九連城在安東縣附近柳仁雨破雙城。今吉林雙城縣伊板嶺。印摩以南八州五鎮皆下。自高宗以來。九十九年間沒入蒙古之地。至是皆恢復。元廷使斷事官撒迪罕來詰責王殺印璫以自解。顧對於占領之地。則以恢復舊疆爲辭。不肯還附。

二、關先生之入寇。當是時。元勢益衰。流賊蜂起。蹂躪河南北諸郡。及內蒙古諸部。擾及遼東。兵鋒所及。後高麗北部亦被其禍。先是至正十一年。潁州人劉福通起兵作亂。奉韓林兒爲主。略取河南南部。稱宋帝。號紅巾賊。至正十七年。使其將關先生破頭潘。沙劉等寇晉冀。今山西陽曲縣十八年六月。陷遼州。遂大掠塞外諸郡。是年十二月。破上都。焚宮闕。次年。恭愍王八年使其將毛居敬渡鴨綠江。破義州。靜州。進陷西京。西北面元帥安祐上將軍李芳實等擊卻之。至正二十一年。恭愍王十年關先生復偕潘誠沙劉等。合衆十餘萬。大舉南下。破岳嶺。印慈嶺之柵。長驅而進。形勢危急。王避亂南下。奉太后出開京。奔福州。慶尙北道安東郡遂趨尙州。慶尙北道關先生兵破開京。大肆屠掠。進陷原州。江原道總兵官鄭世雲。督諸將安祐。李芳實。金得培等圍開京。大破賊兵。斬關先生沙劉等。收復開京。平章金鏞妬世雲及安祐功。矯詔使安祐殺世雲。復歸罪於安祐及芳實得培。并殺之。王不知其奸。下教罪

狀安祐等。人民嗟怨。

三、崔濡金鋪之亂。

元史作崔特穆爾

得罪奔元。諂事丞相綽思戩。

舊作憐思監

宦者布木布哈。

舊作朴不花

以金鋪

爲內應。謀廢王。立忠宣王庶子德興君。

元史作塔斯穆爾舊作塔思帖木兒

至正十三年。

恭愍王十二年

王由尙州還京。次於城南興

王寺之行宮。金鋪遣其黨圍行宮。謀大逆。宦者安都赤代王死。王僅以身免。會密直使崔瑩副使禹碑率兵至。

討賊。平之。王不悟金鋪之奸。猶欲赦其罪。大護軍林堅味固請。乃誅之。

當是時。元廷已立德興君爲王。使崔濡奉之。率兵萬人。渡鴨綠江。攻義州。王使崔瑩安遇慶等。擊破之。已而綽

思戩布木布哈相繼以罪竄逐。元廷知王無罪。復王位。執崔濡送於王。誅之。自是以後。元廷益衰。至正二十八

年。

恭愍王十七年

明兵克燕京。元順帝北走。高麗始得免蒙古之壓制。

第三節 洪倫之弑逆 辛禍之襲位

恭愍王初卽位時。頗勵精圖治。其後王妃魯國公主以難產殂。王哀慟喪志。委政於妖僧辛旽。誅竄勳賢。大興土木。人民嗟怨。又憂無子。使洪倫韓安等。與後宮諸妃嬪通以求嗣。已而宦者崔萬生密奏「益妃王氏與洪倫通有娠。」王大喜。欲殺倫以滅口。并欲殺萬生。萬生大懼。其夜與倫等密謀。乘王大醉而弑之。時明太祖洪武七年。恭愍王二十三年也。

先是王委政辛旽。深信任之。屢幸其家。旽嘗私婢般若。有娠。屬伴僧能祐送之母家。生男。名之曰牟尼奴。能祐

收養於己家。數月而死。舊祐恐眈見責。竊取他人之子。貌相類者以代之。經一年餘。眈收養於家。般若亦不知其非己子。王無嗣子。常戲求之。一日。王微行至眈家。眈指其兒曰。『願爲殿下養子。以嗣王後。』王笑而不答。然心默許之。其後眈跋扈日甚。恐王不平。遂謀大逆。事洩。被誅。王召牟尼奴入宮。養於明德太后。恭愍王之母洪氏屬守門下侍中李仁任。欲立爲太子。以太后不從。未果。已而賜牟尼奴名禡。封江寧府院大君。命政堂文學白文寶傳之。稱爲故宮人韓氏所出。至是王被弑。太后率禡入內。召宰相發喪舉哀。議立新君。太后及侍中慶復興欲立宗親。李仁任欲立禡。議論不決。永寧君瑜密直王安德等。希仁任旨。請立禡。禡遂卽位。時年十歲。

第四節 後高麗末年對明室之關係

當是時。元順帝北狩。次於開平。今內蒙古捕魚兒海近傍明太祖兵入燕京。統一中國。卽皇帝位。恭愍王與元絕。

修好於明。順帝卽位。以庫庫特穆爾舊作撒廓帖木兒爲相。居和林。明太祖洪武十一年。辛禡四年昭宗崩。子特古

斯特穆爾舊作脫古思帖木兒卽位。保守外蒙古。與明室構兵。史稱之曰北元。

恭愍王之被弑也。或謂李仁任曰。『國君不以壽終。宰相當其罪。明帝若問先王死因。公將何辭以對。不如修好於元。』仁任然之。適值明使禮部主事林密。華牧大使蔡斌。至高麗。高麗遣同知密直司事金義。護送馬五百匹。隨使者入貢。仁任乃遣安師琦。密諭金義。殺明使於開州站。又與百官連名。上書北元中書省。請修好如故。左代言林樸。典校令朴尙衷。典儀副令鄭道傳等。不肯署名。已而北元遣使報聘。李仁任池菴慶福興等。

議遣使迎之三司左尹金九容、典理總郎李崇仁及鄭道傳等。上書力爭。復與仁任等怒。流道傳於會津。羅全
道羅成均大司成鄭夢周、判典校寺朴尙衷亦上書力爭。獻納李簷正言全伯英等復上疏。彈劾仁任、肅等。仁
任怒。下簷伯英獄。盡竄之遠方。一時名士凡反對仁任者皆被逐。明太祖洪武十年。元昭宗宣光七年
遣使冊封王爲開府儀同三司、征東行省左丞相、高麗國王。自是以後。復用北元年號。尋遣使與北元密商。欲
連兵攻明之定遼衛。明遼東治所
初、明使之被殺也。鄭夢周、朴尙衷請速遣使如明。告哀修好。李仁任從之。使判宗簿寺崔源如明告喪。且請諡
及承襲。已而夢周尙衷相繼竄逐。朝臣主張聯北元者衆。乃遣李之富如定遼衛。陽以修好爲名。陰窺明之邊
備。至是與北元密謀。欲聯兵侵定遼衛。以朝議多動搖。未果。次年。辛武十四年三月。復遣使入朝於明。請諡
及承襲。明太祖賜以手書。責問殺使者之罪。且命如先王約。納歲貢。始允其請。王遣使如遼東。謝殺使臣之罪。
願以明所要索歲幣之數太鉅。未能如約。自後年年遣使入貢。多被謝絕。洪武十七年。辛武十七年遣鄭夢周入朝
於明。賀聖節。且請諡及承襲。夢周奏對稱旨。明廷允之。越二年。復遣夢周入朝於明。始得減輕歲貢之數。其後
有自遼東逃來者。告於都堂。謂明帝將求處女、秀才、宦官及牛馬於高麗。都堂大以爲戚。
當是時。高麗竭全國力以事明。猶不能滿其意。屢以難題相責備。門下侍中崔瑩大憤慨。主張用武力解決。願
猶遣鄭夢周、趙琳等相繼入朝於明。至遼東。皆不得入而還。未幾。鐵嶺衛問題復起。先是有元時代。鐵嶺以

北隸中國。東隸高麗。至是明廷主張鐵嶺以北以東之地皆隸中國。洪武二十一年。辛禡十四年明遼東都司渡鴨綠江。張榜謂「鐵嶺以北以東以西之地。舊爲開原所管。凡居留其地之軍人漢人女真韃靼高麗人等。皆應屬於遼東」云云。麗廷大戚。崔瑩乃倡議。攻定遼衛以制明。羣臣皆難之。王不聽。

第五節 後高麗末年對日本之關係

一、倭寇之屠掠。是時日本內亂踵作。南北朝對峙。戰爭無已。鎮西流民招集徒黨。屢侵掠高麗及中國沿海。明史統名之曰倭寇。恭愍王之時。其禍最劇。幾乎無歲不有。至正二十六年。恭愍王十五年日本後村前典儀天皇正平二十一年令金逸持元中書省牒至日本。請行禁止。日本大將軍足利義詮。答以「九州海賊所爲。日廷不與聞。」不報。自是以後。倭寇益盛。

辛禡之初卽位也。倭人藤原經光率衆來降。居之順天。在全羅南道燕岐。在忠清南道官給資糧。已而麗廷畏其跋扈。命全羅道元帥金先致誘誅之。謀洩。經光率其黨浮海而遁。自此以後。倭人大怒。每一入寇。焚掠極慘。屠戮及於嬰孩。全羅楊廣。今京畿道慶尙等道濱海州郡。皆被其害。每歲入寇。至多或至數十次。每次屠掠之區域及人民。大小衆寡不定。大抵批瑕蹈虛。乘釁而入。人自爲戰。無統一之元帥。以屠掠爲目的。不主張攻城略地。不占據土地。今日所得者。明日或棄之。遇偏師則戰。遇大兵則遁。其行逕頗似明末流寇及今之馬賊。不過流寇及馬賊。俱以馬爲搬運機關。倭寇則以船爲搬運機關耳。後高麗兵弱將寡。屢戰屢北。東西南三面沿海州郡。大遭屠

掠有應接不暇之勢。判三司事崔瑩請自將出征。王以其老難之。瑩固請行。乃詔以瑩爲大將。督諸將討倭。戰比有功。倭寇航海而遁。凱後高麗無備之處。復乘隙侵掠。其勢愈熾。麗廷無奈。乃倡議遷都內地。未果。後遣判典客寺事羅興儒、安吉祥、前大司成鄭夢周等。前後出使日本。要求禁止倭寇。顯是時日本內部。方南北分裂。疲於戰爭。無暇出兵。代爲征討。麗廷以羸兵弱卒。當慄悍勁疾出沒無常之虜。疲於奔命。洪武十三年。辛禡年朝議以李成桂爲楊廣全羅慶尙道都巡察使。督邊安烈、王福命、禹仁烈等討倭。大破之於荒山。在今全羅北道雲峯郡洪武十六年。辛禡九年海道元帥鄭地復破之於南海縣。慶尙道倭寇北竄。侵掠江原咸鏡等道。江原道體覆使鄭承可、前政堂南佐時、咸鏡道元帥沈德符、洪徽等。相繼敗北。東方騷然。洪武十八年。辛禡十一年麗廷以李成桂爲東北面都元帥。擊倭寇。大破之。倭人復南竄。侵掠慶尙全羅等道。鄭地上書。請自將海軍攻對馬、壹歧、兩島。以斷倭寇後路。不果行。

二、李仁任池齋之專擅。當是時。後高麗內部日益腐敗。軍政不修。元帥之數甚多。號令不一。將校怯懦。無國家觀念。兵卒羸弱。多烏合之衆。倭寇東西蹂躪。如入無人之境。僅崔瑩鄭地李成桂等。能力拒之。然從根本上蕩平。一時不能作到。辛禡年幼卽位。李仁任池齋林堅味等輔政。競以聲色導之。日漸習於奢侈。明德太后殂後。辛禡六年事宮廷無復忌憚。日以遊畋爲事。出入里巷。虜掠民家婦女。淫虐無所不至。左司議白君寧、守侍中崔瑩等。屢諫不聽。李仁任挾援立之功。與池齋專擅威福。賣官鬻爵。賄賂公行。附和者拔擢。反對者貶黜。崔瑩

雖爲宰相。在外之時尚多。慶復與清潔自守。不能有所作爲。於是大權悉歸仁任。齋二人互相比附。狼狽爲奸。晚更有隙。仁任以誹謗朝政爲口實。流竄齋黨。與齋懼。謀奉王殺仁任。謀洩。林堅味執齋。下巡軍獄。并其黨金允升等二十餘人皆伏誅。堅味與廉興邦黨於仁任。專國政。王與崔瑩及李成桂密謀。下興邦於巡軍獄。捕堅味。誅之。免仁任官。安置京山府。慶尙北道星州逮捕其黨羽及宗族下獄。拷掠極慘。皆死於獄中。李成桂力請從寬。不必株連。崔瑩不聽。

三、財政之困難。當是時。後高麗久隸蒙古。每年朝覲餽遺。爲額至鉅。元廷誅求無厭。財力逐漸不支。權臣橫奪民田。以圖私利。跨州連郡。標山川爲界限。募農民或令原有地主耕種。每年收租稅。或至再三。又往往有同一田地。而所有主至兩三人。各自派人徵稅。又無一定額數。民困於誅求。無處投訴。公田之額。逐漸減少。政府人民。俱陷於窮境。沿海州郡。屢遭倭寇焚掠。耕種愆期。收穫失宜。不能不免除租稅。漕運不通。地方米穀。不能以時輸入京師。國庫空竭。百官薪俸。不能以時給。加以內供軍旅。外奉明廷。需款甚多。不得不增加惡稅以求足數。財政紊亂。達於其極。時局如此。非有英明果斷之主。不足以圖補救。辛禡昏弱。羣臣泄沓。僅有一崔瑩。差可謂錚錚佼佼。顧猶剛愎自是。挑釁大敵。大勢如此。後高麗之運命。概可知矣。

第六節 李成桂之篡

當是時。鐵嶺問題已起。崔瑩主張用武力解決。辛禡從之。以瑩爲八道都統使。留京師。曹敏修、李成桂、爲左右

軍都統使督諸軍攻遼東諸軍既渡鴨綠江成桂與諸將謀率師復回力陳不可開釁大邦請黜崔瑩王不聽成桂與諸將圍開京執瑩流之高峯縣今京畿道交河郡廢王遷之江華島時明太祖洪武二十一年後高麗辛禑十四年西曆紀元一三八八年也

辛禑既廢曹敏修與李仁任有舊倡議立仁任外兄李琳女謹妃李氏所生之子昌時年九歲李成桂欲專權嗾諫官彈劾敏修以兵力廢之免其官流竄遠方禁錮仁任子孫殺崔瑩還廢王辛禑於驪興今京畿道驪州辛禑憂憤密謀殺成桂成桂遷之江陵復與羣臣謀奉定妃恭愍王妃安氏教廢昌放之江華島迎神宗之遠孫定昌君瑤入即位是爲恭讓王廢曹敏修爲庶人殺辛禑父子時明太祖洪武二十二年後高麗辛禑十五年西曆紀元一三八九年也

當是時後高麗朋黨之禍最劇羣臣各有黨羽互相排擊上疏論時弊議政治者甚多大抵假公濟私陽以糾彈爲名陰行排擠之實獄禍蔓延將相大臣或流或殺者不可勝計王本爲權臣所擁立毫無權勢拱手仰成李成桂專國政創立三軍都總制府統中外之軍政以裴克廉爲中軍總制使趙浚爲左軍總制使鄭道傳爲右軍總制使主兵柄自爲都總制使以總其成於是大權皆歸成桂之手其黨鄭道傳南閭趙浚尹紹宗等密謀推戴守門下侍中鄭夢周以忠義自詡密謀誅成桂謀洩被殺王室忠臣偃長壽李茂禹玄寶等數十人皆被竄逐守門下侍中裴克廉等奉定妃教廢王遷於原州江原道迎李成桂人即位是爲後朝鮮太祖後高麗亡

時明太祖洪武二十五年。後高麗恭讓王四年。後朝鮮太祖元年。西曆紀元一三九二年也。後高麗自建國至是。凡傳王氏三十二王、四百四十二年、辛氏二王、十五年、共四百五十七年而亡。朝鮮半島主權。自此入於李氏。

第十三章 安南陳氏之衰亡與黎氏之建國

第一節 安南之盛世

安南陳氏。自太宗日暕建國以後。歷聖宗光暘。仁宗吟。英宗烜。累世皆英主。內政修明。元世祖屢遣大兵攻之。不克。英宗時。文化大爲進步。對於元室。表面上雖稱臣納貢。然內政絕不受其干涉。元仁宗皇慶二年。所部人再犯廣西邊。頗焚掠。詔俟其使至。諭飭之。延祐元年。西曆紀元一三一四年英宗傳位於子翳。是爲明宗。疑卽元史自是及至治之末。疆場寧謐。貢獻不絕。元明宗天曆二年。西曆紀元一三二九年明宗傳位於子旺。是爲憲宗。疑卽元史日順帝至正元年。西曆紀元一三三五年憲宗殂。弟昀立。是爲裕宗。疑卽明史會元亡明興。詔使招諭。元太祖洪武二年。西曆紀元一三六九年裕宗遣使來貢。詔封爲安南王。冊使至。裕宗已殂。兄昱養子楊日禮立。日禮僂人楊姜子裕宗無嗣其妃迎立日禮卽明史之陳受詔封。次年。明宗第三子昀。卽明史廢日禮而自立。是爲藝宗。遣使入貢。朝廷見署表非日燿名。詰得其

實。詔卻之。藝宗復朝貢謝罪，並請封。乃命以前王印視事。五年西歷紀元一三七二年，藝宗讓位於弟燾。即明史之陳七年叔明自稱年老，乞命弟燾攝政。從之。燾使請貢期，詔三年一貢。十年西歷紀元一三七七年，燾侵占城，敗沒弟煒，代立。萬國史綱目謂其子覲立，第考其後記事多疎略，不及明史之詳晰，故從明史。

第二節 黎季犛之篡

煒即位後，與廣西思明土官互訴侵犯。朝廷移檄數責，懼謝罪。其國相黎季犛故經略使黎竊柄，二十一年西歷紀元一三八八年，廢煒，弑之。立藝宗子日焜主國事。仍假煒名入貢。朝廷不知而納之。越數年始覺，詔絕其使。季犛懼，數入貢，乃受之。二十八年，明龍州土司叛，遣將討之。諭季犛先後輸米凡三萬石餉軍。次年，季犛告前王叔明之計。朝廷諭季犛還所侵思明總管府屬五縣地，執不從。明惠帝建文元年西歷紀元一三九九年，季犛弑日焜，立其子顯。又弑顯，立其弟寅。方在襁褓中，復弑之。大殺陳氏宗族而自立，更姓名爲胡一元，名其子蒼曰胡查。自謂出舜裔。胡公後，國號大虞，尋自稱太上皇，傳位查。朝廷不知也。成祖既立，遣官以即位往諭。查自署權理安南國事，遣使來貢，詭言陳氏嗣絕，已爲衆所推，乞賜封爵。遂詔封查。查遣使謝恩，然帝其國中自若。思明所屬數州鎮，爲所侵奪，詔令退還，不聽。占城亦訴其侵掠，詔令修好。查陽奉命，侵掠如故。且授印章，逼爲屬。又邀奪朝廷賜物，成祖惡之。方遣官切責，而安南舊臣裴伯耆詣闕告難，語極忠憤。帝得奏感動，命所司周以衣食。會老撾送陳天平燾子，日焜弟至，請兵復讐。詞尤哀摯，帝益感動，始悔封查之誤。遣使詰責，令具篡殺之實以聞。查復遣

使謝罪。請迎天平歸。奉爲主。時雲南寧遠州復訴吞侵奪七寨。掠其壻女。查許退還寧遠及前思明地。帝不虞其詐。許之。永樂四年。以兵納天平。至片站。在今法領越南諒山府雞陵關南查伏兵邀殺天平。帝大怒。決計討之。遣西平侯沐晟。新城侯張輔。帥十八將軍分道進。輔出廣西。晟出雲南。大破安南兵。次年。擒季犛及查。檻送京師。安南平。時永樂五年。西曆紀元一四〇七年也。

第三節 簡定與陳季擴之亂


安南旣平。朝廷求陳氏後不得。乃置交趾布政使司。設府十七。直隸州五。衛十二。以刑部尙書黃福掌交趾布政使司事。次年。輔等班師。上交趾地圖。東西一千七百里。南北二千八百里。人民五百二十萬。時朝廷所遣官吏。務以寬厚輯新造。而蠻人初被征服。數相驚恐。安南藝宗次子簡明史所謂陳氏故官簡簡定者是爲簡定帝先降。將遣詣京。復逸去。與化州土酋等謀恢復。遂建國號曰大越。出沒又安化州山中。大軍還。張輔與晟協剿。簡簡明史所謂陳氏故官自稱上皇。立陳季擴。本蠻人說言陳氏後爲帝。輔進師討破之。獲簡。惟季擴遁去。帝召輔還。留晟討季擴。大敗之。季擴乞降。帝命爲交趾布政使。不受。剽掠如故。詔遣輔會晟討之。交人苦中國拘束。又數爲吏卒擾。往往起附賊。旋服旋叛。輔至。申軍令。斬逆節度者以徇。將士惕息。無敢不用命者。連大敗敵。破其象陣。進抵其巢。禽磔亂黨。季擴走老撾。追破其三關。在老撾東南以交趾接界遂縛季擴及其孥。送京師。斬之。交趾復平。十三年。輔班師還。旋復出鎮。討平餘寇。輔凡四至交趾。規畫甚備。交人所畏惟輔。十四年。召輔還。

第四節 大越黎氏之建國

張輔還京以後。詔豐城侯李彬代鎮交趾。會中官馬騏以採辦至。大索境內珠寶。人情擾亂。桀黠者鼓煽之。大軍甫還。即並起爲寇。彬發兵討平之。俄樂交趾舊縣屬清化府巡檢黎利者。故安南清華州藍山人。初事陳氏爲金吾將軍。見其主懦弱。知國將亂。晦迹習輜略。延智士招流民。大兵南征。迎降。授巡檢。常怏怏不樂。十六年。利與其黨復乘機作亂。縱兵四掠。參政侯保馮貴戰死。成祖以賊久未平。十八年。命將助討。後羣寇悉破滅。惟利竄老撾。檄其酋發所部兵捕之。不獲。仁宗卽位。召黃福還。賊益劇。鎮守中官請授利清化知府。從之。利得敕。仍無降意。寇掠不已。宣宗宣德元年。遣成山侯王通安遠侯柳升相繼討之。通兵敗績。陰許利和。升師次倒馬坡。在雞陵關南復遇伏死。諸軍盡沒。通益懼。更昭利和。教以詭立陳暲爲陳氏後。以暲表至。遽與盟。引兵還。宣宗省表。心知其詐。欲藉此息兵。張輔力主進討。自期以一年擒賊。吏部尙書蹇義等贊之。而大學士楊士奇等知帝厭兵。力言許和便。遂赦利罪。罷兵。悉召官吏軍民北還。得還者八萬六千餘人。其爲利所獲及拘留者不計其數。三年。四歷紀元一四二八年利遂稱帝。國號大越。是爲大越太祖。建東西二都。分十三道。旋詭言暲物故。屢乞封。六年。詔命利權署國事。自是安南內屬。世執藩臣禮。置百官。設學校。以經義詩賦二科取士。彬彬有華風焉。

安南陳氏世系表 傳十四世一百八十年爲明所滅

- (一) 太宗日暉 在位三十三年 (二) 聖宗光昂 二十一年 (三) 仁宗昤 十四年 (四) 英宗烱 二十一年



第十四章 占城之衰亡與安南之分裂

第一節 黎氏之初政

安南黎氏自太祖開國。稱大越皇帝。明宣宗宣德八年。西歷紀元一四三三年。殂。子元龍明史作麟立。是爲太宗。明英宗正統元年。詔封爲安南國王。太宗在位九年。以正統七年。西歷紀元一四四二年。殂。子邦基明史作濬立。是爲仁宗。在位十七年。以明英宗天順三年。西歷紀元一四五九年。爲庶兄諒山王琮所弑。琮自立。浸老撾宣慰使司。敗歸。宗室黎壽域等討殺琮。奉太宗弟四子灝原名思誠卽位。是爲聖宗。聖宗英明。有武略。安南故與占城接壤。世仇。遂乘占城之衰。大舉攻克之。尋降老撾。大啓疆宇。

第二節 占城之興亡

占城自昔與真臘接境。世爲仇敵。時相戰爭。及安南來攻。真臘亦乘釁進侵其境。占城南北受敵。勢力日衰。先是宋孝宗時。占城以舟師襲真臘。迫其都。寧宗時。真臘大舉兵伐占城以復仇。虜其王。屠其民。占城遂亡。其地悉歸真臘。因心真臘曰占臘。有元初年。占城復獨立。元世祖建占城爲行省。其王不從。世祖遣兵攻破之。終不能有其地。明太祖洪武初年。占城王阿答阿遣使入貢。詔封爲占城國王。洪武二十三年。西歷紀元一三九〇年。

大臣開勝弑王自立。次年入貢。太祖惡其悖逆。卻之。成祖永樂元年。西歷紀元一四〇三年其王占巴的賴奉金葉朝貢。且告安南侵掠。請降敕戒諭。成祖許之。嗣後朝貢不絕。有明中葉。尸耐人槃羅茶悅。弑其王貴田而奪其國。傳弟茶全。爲人淫暴。人民怨叛。茶全求援於明。入侵安南。安南聖宗自將攻破占城。執茶全。殺之。遂據其地。改爲交南州。占城亡。時明憲宗成化七年。西歷紀元一四七一年也尋立前王孫齋亞麻弗庵爲王。以國南邊地與之。自是以後。民物蕭條。夷爲安南保護國矣。

第三節 莫登庸之亂

聖宗在位三十八年。以明孝宗宏治十一年。西歷紀元一四九八年一殂。子憲宗暉立。在位七年殂。子肅宗濬立。在位一年殂。弟威穆帝瑋。明史作諡立。在位五年。國內亂。外戚阮种用事。以明武宗正德四年。暹瑋自殺。國人黎廣等討殺种。立聖宗之孫澄。明史作暹是爲襄翼帝。帝多行不義。國人惡之。在位八年。以正德十一年。爲部將鄭爲鏞所弑。迎立聖宗曾孫椅。明史作諡是爲昭宗。昭宗寵幸莫登庸。任爲大將。莫登庸者。宜陽古齊人。幼以漁爲業。及長。有勇力。歷仕黎氏三朝。位至太師。封安興王。陰結朋黨。謀篡弑。昭宗卽位以後第七年。明世宗嘉靖元年。西歷紀元一五二二年登庸作亂。夜率兵圍王宮。昭宗聞警。微服間行。出奔清華。登庸立王弟椿。明史作懋是爲恭帝。在位五年。登庸弑之而自立。黎氏中絕。時明世宗嘉靖六年。西歷紀元一五二七年也昭宗之走清華也。其舊臣不服莫氏者。各據險阻。爲之聲援。登庸自將攻清華。昭宗走老撾。嘉靖九年。西歷紀元一五二九年

年三。曼憤而殂。衆復立其子寧。號曰世孫。是爲莊宗。有兵三千人。登庸屢攻之。不能克。莊宗結國人爲內應。自將討登庸。大破之。登庸走海陽。莊宗歸國。起鄭綏爲大將。攻海陽。登庸堅守不下。別選兵萬人。間行襲國都。莊宗錯愕。復奔清華。鄭綏兵潰。莊宗復奔老撾。遣使問道告難於明。世宗命咸寧侯仇鸞爲征夷副將軍。充總兵官。兵部尚書毛伯溫參贊軍務。往征之。大兵至桂邊。登庸懼。請降。詣鎮南關大營。稽首謝罪。請奉正朔。修職貢。詔降安南爲都統使司。以登庸爲都統使。分其部下十三路爲十三宣撫司。各設宣撫司正佐職官。襲替黜陟。俱聽登庸總理。通隸廣西布政使司。歲頒正朔。三歲一貢。於是安南北部中部入於莫氏。而安南南部清華、義安、順化、廣安四道。仍奉莊宗爲君主。不受莫氏節制。時明世宗嘉靖二十年。西曆紀元一五四一年也。

第十五章 緬甸暹羅之對峙

第一節 緬甸之坐大

暹國自宋以來。始謂之緬。(Mien)國於伊拉瓦底(Irawadi)江上流。都蒲甘(Pagan)後併阿羅漢(Ara-kan)白古。(Pegu)勢漸盛。元世祖征之。緬王降。後改爲土司。明時爲緬甸宣慰使。都阿瓦(Ava)與老撾諸土司并隸雲南。明世宗嘉靖初年。孟養木邦酋攻殺緬甸酋莽紀歲。分有其地。紀歲子瑞體南奔洞吾。瑞體

勇武有英略。時南洋之航路已開。葡萄牙人之自印度至者日夥。瑞體備之爲近衛兵。尋以計侵據大古刺。即白古遂復緬舊。又北併木邦所分之孟密宣撫司。進掠孟養。東侵車里老撾八百之境。隆慶中。木邦酋附於緬。而孟密所分之蠻莫宜附司亦附焉。萬曆七年。緬盡據孟養地。十一年。復據木邦地。遂倔強於西南。瑞體死。子應裏嗣。漸侵入雲南邊內諸土司。又爲貝葉書與中國。自稱西南金樓白象王。十二年。入寇。窺永昌騰越諸處。陷順寧。時迤西諸部皆叛。以兵助緬。進逼姚關。在甸灣土州北接順寧界勢甚盛。朝廷遣騰衝遊擊劉綎巡撫都御史陳用賓先後擊破之。由是不敢內犯。惟雄長諸部如故。

古刺者。明永樂初內附之夷部也。又名擺古。其地西南瀕海。東接暹羅。成祖置大古刺宣慰司。與底馬撒、靖定、平緬、木邦、孟養、緬甸、八百、車里、老撾九宣慰司。並稱西南十慰。其隔在緬甸之南。去中國最遠者。惟古刺與底馬撒。在古刺東南寶馬來海峽西北隅地後底馬撒爲緬甸所滅。惟古刺強盛。世與緬敵。嘉靖中。爲莽瑞體所併。尋復自立。隆慶中。瑞體又求婚於暹羅。不得。慚怒。大發兵攻破其國。國王自縊。虜其世子及明所賜印以歸。自是暹羅亦爲緬甸所制。

第二節 暹羅之勃興

暹羅者。故隋唐時代赤土國。後分爲暹與羅斛二國。元時暹常入貢。及順帝至元十年。羅斛強。其王波羅吉貝(Thra Rama Thibodi)併有暹地。遂稱暹羅斛國。子孫相承。都湄南河濱之猶地亞(Ajuthra)是爲暹羅。

第一王朝。洪武二年。詔使招諭。四年。其王參列昭毘牙遣使表貢。尋國人以王懦而不武。推其伯父參列寶毘邪哩囉哆囉祿主國事。入貢益勤。且獻本國地圖。其世子蘇門邦王昭祿羣膺亦遣使上箋於皇太子。貢方物。十年。昭祿羣膺承父命來朝。太祖喜。命官齎詔及印賜之。文曰暹羅王之印。並賜世子衣幣及道里費。自是其國遵朝命。始稱暹羅。比年一貢。或一年兩貢。英宗正統以後。或數年一貢云。後爲緬甸所擊破。即明史所謂其是王次子李羅那里(Thra Naret)嗣位。奉表請印。予之。嗣王勵志復仇。明神宗萬曆間。敵兵復至。王整兵奮擊。大破之。殺其子。餘衆宵遁。暹羅由是雄於海上。移兵攻破真臘。降其王。從此歲歲用兵。遂霸諸國。緬爲暹羅所困。勢頓衰。然近緬諸部。仍服屬之。終明世不能復。二十年。日本破朝鮮。暹羅請潛師直擣日本。牽其後。兵部尙書石星議從之。粵督蕭彥持不可。乃已。厥後奉貢不替。其國周千里。俗勁悍。習水戰。王瑣里人。官分十等。自王庶民。事皆決於婦。婦人志最實。出男子上國。有三寶廟。祀明中官鄭和云。

第十六章 豐臣秀吉西侵以前日本內政之變化

元世祖東征之役。直接雖無結果。而間接所得之結果有二。其一則日本以小敵大。得意外之效果。於是志得意滿。藐視中國與高麗。其無業遊民。相率以侵略鄰國爲事。是爲倭寇之起因。其二則北條氏竭全國之兵力。

財力。以防禦西海。相持至數十年。日本經濟界大受影響。政府人民俱陷於窮地。怨謗之中心點。萃於幕府。志士乘之。以尊王討幕爲名。羣起攻擊北條氏。是爲北條氏衰亡之遠因。倭寇之事蹟。俟下章述之。茲先述北條氏衰亡事蹟。

第一節 皇室兩統之迭立

北條氏自時政以來。利用大將軍爲傀儡。盜弄國柄。天皇孤立於上。拱手仰成。諸大臣多不平。激而成承久之亂。自此以後。大權皆入於幕府。皇室等於贅旒。北條氏猶以爲未足。乃利用持明院大覺寺兩統之爭。創爲迭立之說。使之互相牽掣。以減殺其對幕府之實力。自此以後。皇室之廢立。皆仰北條氏鼻息。冠履之倒置如此。可哀也已。茲述其事蹟如左。

先是四條天皇殂。無嗣。攝政藤原道家欲立其外孫忠成。執權北條泰時。以忠成爲順德上皇子。順德與聞承久之亂。不許。而立土御門上皇第四皇子邦仁。是爲後嵯峨天皇。北條氏專國政。帝拱手仰成而已。在位四年。以宋理宗淳祐六年。西歷紀元一二四六年傳位於皇子久仁。是爲後深草天皇。後深草在位十三年。以宋理宗開慶元年。西歷紀元一二五九年傳位於皇弟恆仁。是爲龜山天皇。

後嵯峨上皇在院中聽政二十六年。臨終。遺詔龜山系世世承大統。而以長講堂領一百八十所。授後深草系。爲子孫湯沐邑。後深草上皇不平。龜山在位十五年。以宋度宗咸淳十年。西歷紀元一二七四年傳位於皇子世仁。是爲

後宇多天皇。龜山自爲上皇。在院中聽政。後深草益不平。乃私以己意。訴於鎌倉幕府執權北條時宗。時宗乃倡議。立後深草皇子熙仁爲後宇多太子。

後宇多多在位十三年。以元世祖至元二十四年。西歷紀元一八七七年傳位於熙仁。是爲伏見天皇。立皇子胤仁爲太子。

龜山上皇不平。後伏見在位十一年。以元成宗大德三年。西歷紀元一六九九年傳位於胤仁。是爲後伏見天皇。後宇多

上皇益不平。遣使鎌倉。責備執權違背先帝遺詔。時北條時宗已卒。子貞時襲職。乃倡議後深草龜山兩統。各

以十年爲限。更迭爲帝。後伏見在位三年。以元成宗大德五年。西歷紀元一三〇一年傳位於後宇多長子邦治。是爲後

二條天皇。在位六年。以元武宗至大元年。西歷紀元一三〇八年殂。伏見第二皇子富仁卽位。是爲花園天皇。在位十一

年。以元仁宗延祐五年。傳位於後宇多第二皇子尊治。是爲後醍醐天皇。

是時兩統代立。世稱後深草系爲持明院統。龜山系爲大覺寺統。持明院統襲位之時。兼領長講堂領。私產極

爲豐富。大覺寺統遜位之後。私產絕無。生活頗爲困難。大覺寺統不平。執權貞時操縱於其間。利用兩統之競

爭。以鞏固幕府之勢力。貞時卒。子高時襲位。年幼不能蒞政。家臣長崎圓喜、秋田時顯、協心輔佐之。內政粗理。

高時長而暴戾。耽於遊畋。喜聲色。圓喜之子高資乘機蠱惑之。專擅威福。尋高時以病罷聽政。以族人守時代

爲執權。適值陸奧酋長安藤季長與族人爭權。訴於幕府。高資雙方取賄賂。而不爲之辨曲直。武人憤怒解體。

各處酋長多叛北條氏。一世英雄楠木正成、新田義貞之徒。遂乘釁起兵。興復帝室矣。

第二節 建武之中興與北條氏之顛覆

北條氏祖護持明院統。創爲兩統迭立之說。使皇室互相牽掣。自以爲無患矣。而意外所得之結果。則大覺寺統多不平。激而成建武之難是也。茲述其事蹟如左。

後醍醐以壯年卽位。天資英邁。常慨然於皇室之衰。有恢復先烈之志。見北條氏政亂。以爲有機可乘。親政以後。置記錄所。親聽訴訟。又使中納言日野資朝右少辨藤原俊基等。微行赴畿內及東國西國。視察地利風俗。且招致勤王之武士。旣而事露。北條高時怒。流資朝於佐渡。幽俊基於鎌倉。遂議廢立。後醍醐作誓書以自明。僅乃得免。

後醍醐之初卽位也。立後二條皇子邦良爲太子。邦良卒後。後醍醐欲立皇子護良。高時不聽。而立後伏見皇子量仁。後醍醐怒。以護良爲延歷寺座主。稱大塔宮。以與僧人聯絡。召僧圓觀文觀等人禁中。咒詛高時。謀洩。高時捕圓觀等下獄。流之遠方。復謀廢立。元文宗至順二年後醍醐元弘元年四月八月。舉兵犯闕。後醍醐奔奈良。復奔笠置。山名在奈良西北高時立量仁爲帝。是爲光嚴天皇。復遣兵陷笠置。次年元弘二年遷後醍醐於隱岐。是時楠木正成起兵河內。今大阪府北部倡義討北條氏。皇子護良走大和。以皇子令徵天下兵勤王。於是四方勤王之師蜂起。次年元弘三年春。後醍醐由隱岐偷渡海。奔伯耆。今山陰道鳥取縣南部伯耆人名和長年奉後醍醐幸船上。在伯起義兵。下詔諸國徵兵討北條氏。北條氏部將足利高氏來降。與播磨今山陽道兵庫縣南部守將赤松則村聯兵攻

京都破六波羅府。誅北條氏黨與。源氏後裔新田義貞起兵上野。今羣馬縣率其族人攻入鎌倉。北條高時戰敗。舉族自殺。最後之將軍守邦。後深草皇孫久明親王子薙髮爲僧。北條氏亡。時元順帝元統元年。日本後醍醐天皇元弘三年。西曆紀元一三三三年也。鎌倉幕府自源賴朝開國至是。凡一百五十餘年而亡。大權復歸於皇室。史稱爲建武中興時代。

第三節 足利尊氏之背叛與南北朝之分立

一、後醍醐還京後之設施。鎌倉幕府平後。後醍醐還京。廢光嚴。罷黜其用事大臣。沒收北條氏財產。設雜訴決斷所。置評定員。以裁決土地訴訟。置武者所。以新田氏爲頭人。掌宿衛兵。外官任公卿時。則稱國司。任武士時。則稱守護。國司兼掌軍政。守護兼掌民政。以參議北畠顯家爲陸奥。今青森縣守。奉皇子義良。出鎮陸奥。出羽。今秋田縣守。以皇子成良爲上野太守。出鎮鎌倉。足利高氏之弟直義爲相模。今神奈川縣守。以輔之。皇子尊良出鎮太宰府。大友貞宗、少貳賴向、島津貞久等。分屯豐後。今大分縣南部筑前。今福岡縣北部薩摩。今鹿兒島縣西部等地以輔之。凡所設施。俱以統一爲目的。而以文武不分途爲方法。顧當時大權下移已久。至是初出於朝廷。無貴無賤。皆集於京師。出文書證券。求所領之安堵。紛爭不已。諸將士驕橫。無功者貪賞。橫奪朝臣封邑以爲己領。朝廷不能制。舉國騷擾。北條氏之遺族。與持明院統黨之公卿。號召不平之徒。嘯集於郡國。姦雄足利高氏乘之。竊據鎌倉以叛帝室。王師敗績。天皇出狩。持明院統與之聯合。復據尊位。於是南北分離。戰禍復起矣。

二、足利尊氏之叛。初、源爲義之被殺也。其從弟義重義家之子徙居上野今縣之新田郡。稱新田氏。義重之弟義康居下野今縣之足利莊。稱足利氏。足利氏與北條氏爲姻戚。北條執權時代。足利氏頗有勢力。新田氏雖源氏嫡系。勢力反在其下。足利高氏自以門閥名望。俱在北條氏之右。不願久居其下。見北條高時政令紊亂。陰欲圖之。適四方勤王兵起。兩六波羅府來乞援。高時遣高氏率兵救之。高氏乘釁。遂倒戈破六波羅府。事定之後。論功行賞。授正三位。任參議。留居京師。仍賜名曰尊氏。命其弟直義出鎮鎌倉。尊氏自以身爲源氏系統。希望自爲征夷大將軍。恢復幕府舊業。時皇子護良爲征夷大將軍。留居京師。有威望。尊氏嫉之。新田義貞功高。主兵柄。亦爲尊氏所嫉。護良與義貞亦知尊氏飛揚跋扈。有不臣之志。陰欲圖之。元順帝元統二年後醍醐元年。護良密下令。徵諸國兵。尊氏知將不利於己。結帝寵姬藤原氏。譖護良謀反。後醍醐怒。執護良。幽之鎌倉。命足利直義監守之。時北條高時之子時行。以恢復祖業爲名。舉兵反於信濃今長野縣。將攻鎌倉。直義不能拒。遂殺護良。棄鎌倉。劫皇子成良西走。朝廷聞警。議派大將出征。尊氏請行。且謂「關東道路遼遠。軍中之事。一一仰救哉。恐將士不用力。願假征夷大將軍號。充關東八國管領。便宜行事。」上不許。而拜尊氏爲征東將軍。充八國管領。尊氏快快。不辭而行。武人之不平者多從之。與直義合兵。擊敗時行。平定關東。遂據鎌倉。自稱征夷大將軍。遣其將上杉憲房襲據上野。奪義貞之根據地。上知尊氏有異志。詔尊氏還京。尊氏辭不奉詔。次年建武二年十月。遂以誅新田義貞爲名。舉兵反。朝廷聞警。下詔削尊氏官。以皇子尊良爲東國管領。新田義貞

副之。大發兵討尊氏。義貞率水師由海道進。擊敗尊氏偏師。尊良率陸師由山路進。爲尊氏所敗。諸將多降。官軍潰。義貞收散卒。扼山路以拒尊氏。尊氏遣部將分赴諸道。號召不平之徒。舉兵抗帝室。山陰山陽南海之豪族多蜂起以應賊軍。後醍醐大驚。急召義貞還救京師。尊氏遂尾官軍而西上。次年。後醍醐元年。正月。陷京師。後醍醐奔延歷寺。陸奥守北畠顯家舉兵勤王。與新田義貞楠木正成名和長年等。連兵破尊氏。復京師。迎天皇還御。尊氏與直義奔九州。大友貞宗少貳賴向等叛降於尊氏。尊氏之勢復振。是年五月。率兵東上。尊氏由水路直義由陸路。分道犯京師。詔楠木正成拒戰於湊川。以衆寡不敵。力戰而死。新田義貞亦敗於兵庫。京師復陷。後醍醐復奔延歷寺。尊氏再入京師。立光嚴廢帝之弟豐仁爲主。是爲光明天皇。執後醍醐。尊爲上皇。幽之花山院。復倡兩統迭立之議。立皇子成良爲光明之皇太子。以安上皇心。後醍醐不平。陽與委蛇。陰圖脫走。是年十二月。脫身奔吉野。諸將楠木正行正成之子和田正朝等來迎。遂復位。自此以後。日本分爲兩國。吉野稱南朝。京都稱北朝。日從事於戰爭。三島之間復騷然矣。

第四節 室町幕府之統一與南朝恢復策之失敗

自來昇平之世尙文。劇亂之世尙武。日本自平氏專政以後。大權移於武人者已久。源氏繼之。開府鎌倉。集全國之權於幕府。而以武人掌之。當時地方諸侯。皆源氏附屬品。知有幕府。不知有朝廷。武人自成一系。對於皇室感情異常冷淡。政治上不容朝廷大臣有活動之餘地。建武中興以後。幕府大權。驟然移於朝廷。皇族貴戚

乘時得位。公卿大臣驟操政柄。政治上之經驗不足。一時措施。未能盡善。二百年來專擅威福之武人。由政治界退避三舍。其中大多數不無缺望。楠木正成。新田義貞之徒。雖以忠勇爲皇室所倚賴。而不甚爲武人系所附和。姦雄足利尊氏。因人心不平。倡議恢復幕府。自爲首領。操縱武人系。以抵抗皇室。名分上雖逆。事勢上反順。楠木新田。一世英雄。以之倒幕府。雖有餘。以之抗足利。則不足。建武中興事業。遂如曇花一現。轉瞬即逝。自以後。政權復入於武人之手。皇室聲靈不振者垂六百年。直至明治初年。政權始復歸於皇室。然不旋踵而立憲。皇室尊嚴雖如故。而實權則有今昔不同之感矣。嗚呼。百年之寇。全國之柄。得之艱難。失之造次。可勝歎哉。茲述其事蹟如左。

一、新田義貞之戰沒。

初。足利尊氏之二次陷京師也。新田義貞奉皇太子恆良及其弟尊良走越前。今福井縣尊

氏使其將足利高經攻之。義貞使其子義顯奉恆良尊良守金崎城。

在敦賀郡金崎之岬頭

而自收兵於杣山。以圖恢復。

次年。

元順帝至元三年後醍醐延元二年

三月。城陷。尊良及義顯自殺。恆良被執。送京師。與其弟成良皆爲尊氏所殺。次年閏七

月。義貞收散兵。攻高經於越前。足羽兵敗。自殺。於是新田氏之勢衰。次年。

元順帝至元五年後醍醐延元四年

義貞收散兵。攻高經於越前。足羽兵敗。自殺。於是新田氏之勢衰。次年。

太子義良卽位。是爲後村上天皇。

二、南朝之恢復策。

初。後醍醐之走吉野也。以皇子宗良爲征東將軍。前大納言北畠親房

顯家父

副之。赴伊勢。

今三重縣

以招徠東國。皇子懷良爲征西將軍。菊池武重及其弟武敏副之。經略九州。郡國豪傑不服足利氏者。多

割據土地。遙應官軍。足利尊氏使其子義詮鎮鎌倉。以上杉謙信爲執權以佐之。經略東國。陸奧守北畠顯家。引兵攻義詮。大破之。遂復鎌倉。進破尊氏將高師泰師。冬兵於美濃之青野原。遂入伊勢。轉戰至大和。尊氏大舉兵攻之。顯家兵敗。走河內。轉戰至和泉。今大阪府南部之堺浦。死之。朝廷以顯家之弟顯信爲鎮守府將軍。與其父親房出鎮常陸。今茨城縣經略東國。屢破足利氏兵。尊氏使其將高師冬大舉兵攻之。親房苦戰堅守六年。卒以衆寡不敵。爲師冬所破。走還吉野。於是北畠氏之勢亦衰。惟楠木氏之勢猶盛。楠木正行及其弟正儀等。率其宗兵。守護吉野行宮。足利氏部將細川顯時。山名時氏等。屢攻之。皆爲正行所敗。元順帝至正八年。後村上正平三年尊氏使其將高師直師泰等。大舉兵攻河內。以絕楠木氏之根據地。正行及弟正時。率宗兵拒戰於四條畷。大破賊兵。卒以衆寡不敵。力戰而死。於是楠木氏之勢亦不振。師直進逼吉野。燒行宮。後村上奔穴太。在吉野東南南朝之勢頓衰。適值足利氏兄弟不和。時起內訌。南朝乘隙。進兵恢復。復得延數十年之運命。亦幸事也。三、足利氏之內訌。初、足利尊氏之舉兵也。弟直義之功多。尊氏自爲征夷大將軍。委政於直義。設政所於直義邸。裁決內外庶政。威權甚重。尊氏之將高師直有寵。屢立戰功。頗專恣。直義惡之。使其養子直冬。尊氏之爲庶長子爲中國。山陰山陽二道總稱探題。謀內外相援。以去師直。師直聞警。大懼。舉兵圍大將軍府。尊氏與之和。罷直義政柄。召義詮於謙倉。使代直義。又命中國將士攻直冬。直冬遂舉兵叛尊氏。元順帝至正十年。後村上正平五年師直及其弟師泰。將奉尊氏以討直冬。謀先殺直義。直義懼。走降南朝。後村上使將兵攻京師。足利氏之將多降於直義。尊氏

懼。與直義和。殺師直師泰以謝。直義復降於北朝。尊氏仍使執國政。而內情不相善。直義不自安。走越前。遂赴鎌倉。舉兵叛尊氏。尊氏欲自將攻之。以京都空虛。恐南朝來襲。乃遣使乞降於南朝。請天皇還幸。後村上陽許之。尊氏留義詮居守。自引兵東下。擊直義。破斬之。時北朝光明天皇已傳位於太子興仁。是爲崇光天皇。後村上進次男山在今京都市東使大將楠木正儀襲京都。義詮敗走。復收散兵襲男山。後村上兵敗。還賀名生即穴執崇光及其太子直仁以歸。北朝無主。義詮乃立光嚴之子彌仁。是爲後光嚴天皇。

又越七年。至正十八年。正平十三年。尊氏卒。義詮襲職。其將細川清氏與佐木道譽爭權。走降南朝。屢攻京都。道譽又與足利高經不和。譖之於義詮。請發兵討之。足利氏內訌時常不絕。南朝藉以延長運命。屢乘足利氏內亂。攻京都。又利用降將兵力。破北朝兵。其勢稍振。九州之菊池氏。奉懷良親王爲帥。屢破足利黨少貳大友等兵。而東方之新田氏。北畠氏。勢力俱不振。勤王黨遂漸解體。

元順帝至正二十七年。後村上正平二十二年。義詮卒。子義滿襲職。年幼不能親政。家臣細川賴之爲管領以佐之。賴之忠於義滿。盡心調和諸將。次年。後村上殂。子寬成卽位。是爲長慶天皇。楠木正儀與其宗人不和。降於北朝。南朝之勢愈衰。

長慶在位五年。以明太祖洪武六年。傳位於皇弟熙成。是爲後龜山天皇。足利義滿年長。聰明有度量。諸將敬憚。襲職之初。以今川貞世爲九州探題。經略西海。破菊池氏兵。復遣山名氏清經略畿內。破南朝兵。南朝之勢

愈良。義滿乘機遣使與南朝議和。復倡兩統迭立之說。後龜山不得已。許之。是時北朝之後光嚴已退位。其子後醍醐。孫後小松。相繼在位。義滿迎後龜山還京。以禪讓式。授神器於後小松。而尊後龜山爲上皇。南朝亡。時明太祖洪武二十五年。後龜山元中九年。後小松明德三年。西曆紀元一三九二年也。日本自南北朝分立。南朝傳四代。北朝傳五代。凡五十七年而合併。三島復歸於一統。自是以後。足利氏開府室町。總持國柄者幾二百年。史稱之曰室町幕府時代。

第五節 室町幕府之衰亡與羣雄之割據

足利氏以臣叛君。在歷代幕府中最爲背逆。其部將及其子弟尤而效之。稱兵作亂。習爲故常。故叛逆之流行。爲足利氏一代特色。室町幕府之瓦解。此其最大原因。足利氏在職凡十五代二百餘年。日疲其兵力財力。以消弭內亂。而卒無補於大局。蓋上有好者。下必有甚焉。非強制力所能挽回也。茲述其事蹟如左。

一、足利義滿之驕奢。初、足利尊氏之在職也。弟直義、子直冬、部將高師直、師泰、相繼稱兵。義詮時代。部將細川清氏、佐佐木道譽、足利高經。復相繼起內訌。足利氏統一事業。因而延宕者數十年。義滿在職。從弟鎌倉管領足利氏滿尊氏第二子基氏子復謀作亂。義滿以遊富士山爲名。自將親軍至駿河今靜岡縣北部。以沮其謀。部將山名氏清有戰功。據有山陰山陽道十一國。舉兵作亂。義滿擊破之。削其十國以封諸將。於是諸將皆畏服。南北統一以後。義滿逐漸驕縱。明太祖洪武二十六年。後小松明德四年傳職於子義持。自爲太政大臣。開府室町。設三管領以

掌內政。設四職以掌軍政。其餘諸職。多仿鎌倉幕府故事。晚年辭職。削髮爲僧。法名道義。遊行比叡山。仿天皇巡幸之制。好土木。多置別莊。亭臺池館。無一不華麗。民力爲之彫弊。明惠帝建文元年。後小松應永六年部將大內義弘。據和泉之堺浦以叛。諸將多應之。義滿擊斬義弘。事僅得已。明成祖永樂六年。義滿卒。義持親政。未幾復有鎌倉之亂。

二、鎌倉之亂。初、足利尊氏之開府室町也。以次子基氏爲關東管領。開府鎌倉。部將上杉憲顯佐之。總統重兵。以爲東方藩屏。基氏卒。子氏滿嗣。憲顯之子能憲。猶子朝宗。佐之。氏滿有異志。大將軍義滿知其謀。自將東巡以沮之。氏滿乃已。氏滿卒。子滿兼嗣。大內義弘之叛。滿兼遙與之通謀。議東西進兵。夾攻京都。義滿以足利莊賜之事。僅得已。滿兼卒。子持氏襲職。部將上杉氏憲。朝宗子與上杉憲基。憲顯曾孫爭權不睦。持氏陰袒憲基。氏憲不平。永樂十五年。應永十四年舉兵作亂。襲破持氏。將軍義持遣兵討殺氏憲。而仍用其子。持氏不平。永樂二十一年。義持傳職於子義量。越二年。義量卒。義持復親政。又越三年。義持卒。管領畠山滿家等。迎立義持之弟僧義圓。改名義教。持氏謀襲位。不得。心不平。陰謀舉兵犯京師。執事上杉憲實力諫。持氏怒。欲殺之。憲實走上野。義教以上杉氏憲子持房爲大將。率師東下。大破持氏兵。殺持氏。持氏二子安王春王走日光山。復圖恢復。關東諸將蜂起應之。義教使上杉清方擊破其兵。捕斬安王春王。基氏之統絕。上杉氏專總東國之政。

三、小倉宮之舉義。初、南北朝之合併也。有兩統迭立之約。其後後龜山上皇皇子卒不得立。後小松皇子躬

仁。僅十二歲而受禪。是爲稱光天皇。稱光在位十五年而殂。無子。將軍義教復迎立崇光曾孫彥仁。是爲後花園天皇。南朝之遺臣多憤懣不平。奉後龜山第二皇子小倉宮謀恢復。不克而死。未幾。復有赤松氏之亂。

四、嘉吉之變。

初、赤松則村有大功於幕府。尊氏封以攝津播磨皆在今兵庫縣。因幡今鳥取縣。美作今岡山縣。備前今岡山縣。

山縣東北部。

五國子孫世襲。至是則村之曾孫滿祐與其從子貞村爭權。義教袒護貞村。滿祐怒。謀殺義教。明英宗

正統六年。

後花園嘉吉元年。

饗義教於己邸。酒酣而殺之。遂據播磨以叛。幕府管領細川持之等。立義教之子義勝。年

僅八歲。遣兵討滿祐。斬之。赤松氏亡。史稱之曰嘉吉之變。

五、關東兩管領之傾軋。義勝在職二年而夭。弟義政襲職。年甫八歲。管領畠山持國輔政。鎌倉自持氏死後。

關東無主。國人猶思慕持氏。明英宗正統十四年。

後花園寶德元年。

越後守護上杉房定。請於幕府。奉持氏遺子成氏

爲關東管領。鎮鎌倉。上杉憲實不自安。棄官爲僧。幕府使其少子憲忠襲職。與上杉顯房同爲關東執事。輔政。

部將長尾景仲、太田資清用事。結城成朝里見義實有怨於上杉氏。成氏寵任之。憲忠不自安。景仲遂勸憲忠

廢成氏而自立。憲忠不聽。明景帝景泰四年。

後花園享德二年。

景仲資清作亂。襲成氏。成氏敗走江之島。幕府下令和

解之。次年。成氏用義實議。殺憲忠。將軍義政怒。命駿河守護今川範忠討成氏。成氏敗走古河。武藏

今東京府及埼玉縣。

相模今神奈川縣。上總下總俱今千葉縣。諸將皆附之。義政以澀川義鏡爲關東探題。大發兵討成氏。義鏡以關東無主。

請於幕府。奉義政弟政知爲關東管領。時鎌倉已罹兵燹。乃徙居伊豆之堀越。以與古河抗。自此以後。關東大

亂。諸將各據城邑。日以攻伐爲事。

六、應仁之亂。義政在職日久。耽於宴樂。夫人藤原富子貪婪好貨。賄賂公行。家臣植黨擅權。政局愈亂。明英

宗天順八年。正後五年。花園寬後花園傳位於皇子成仁。是爲後土御門天皇。義政亦立其弟義視爲家督相續人。府幕

以細川勝元爲其執事。輔政。次年。富子生子義尚。囑於山名持豐。使立爲主。持豐欲與勝元爭權。許之。明

憲宗成化三年。後土御門應仁元年勝元下令徵兵諸國。謀攻持豐。來會者十六萬人。持豐亦宣布勝元罪狀。下令徵兵

諸國。來會者十一萬人。兩軍戰於京都城內。縱火焚燒市街。大內及公卿第宅府庫名刹大社。悉爲灰燼。歷代

書籍寶物。皆付焚如。持豐迎義政至其軍。奉以爲主。勝元亦劫天皇上皇幸其營。以抵制之。兩軍混戰。前後十

一年。京都名城化爲焦土。史稱之曰應仁之亂。已而持豐勝元和繼卒。義視走美濃。諸將始各罷兵歸國。自

此以後。幕府威嚴掃地。諸國之守護地頭。各自乘機擴張領土。抑留租賦。以從事於爭戰。室町幕府。漸呈瓦解

之勢矣。

義政晚年日益奢侈。國用窮乏。明憲宗成化九年。後土御門應仁五年讓職於子義尚。義尚幼而好學。有撥亂之志。未成

功而卒。無子。義政與義視和立其子義植爲後。襲將軍職。管領畠山政長細川政元。勝元子等輔政。政長與其從

子義豐構兵。義植左袒政長。政元怒。迎政知子義澄於伊豆。立以爲將軍。攻義植。破之。義植走越前。政長自殺。

自此以後。政權入於政元之手。義澄充位而已。

七、室町幕府之末路。當是時、政權下移已久。御料地之租稅多不能以時納。皇室貧困。不能自給。公卿領地多被武人橫奪。幕府猶照常徵收其租稅。貴族多窮於衣食。流落四方作寓公。後土御門在位二十六年。以明孝宗弘治十三年殂。費用不給。無力營大葬禮。後柏原天皇卽位。亦無力行卽位禮。幕府亦因內亂。地方租稅不能上供。無力資助。宮中府中俱陷於困地。前將軍義植舉兵入近江。今滋賀縣謀復職。爲義澄所敗。走周防。今山口縣依守護大內義興。義興奉義植入京師。廢義澄。義植復職。以義興爲管領。輔政十一年。政平訟理。朝廷粗安。已而義興就國。細川高國輔政。義植與之有隙。走淡路。高國迎義澄之子義晴。立爲將軍。已而高國爲其宗人晴元所殺。晴元自專國政。與其家臣三好範長相攻。義晴助晴元討範長。不克。憂憤而卒。子義暉襲職。與範長構和。晴元棄官爲僧。範長代秉國政。已而範長有病。其臣松永久秀用事。於是室町幕府主權由足利氏移於細川氏。又由細川氏移於三好氏。復由三好氏移於松永久氏。家臣與家主代興。有每况愈下之勢。時局如此。幕府威嚴掃地以盡。草野英雄乘時並起。割據土地。互相吞併。日本全國復化爲羣雄角逐之場矣。

第六節 織田氏之勃興與豐臣氏之一統

已而織田氏勃興。近畿各國漸入於織田氏。織田氏者。室町幕府管領斯波氏之家臣。舊居尾張。今愛知縣南部信秀之時。斯波氏衰。遂代有其國。信秀之子信長。英武有大略。年十六嗣父位。明世宗嘉靖三十九年。正親町永祿三年駿河今靜岡縣北部守護今川義元與三河今愛知縣北部守護德川家康聯兵來侵。信長大破其兵於桶峽。斬義元。與家康和。

遂乘釁取美濃。今岐阜縣東部威震諸國。

信長父子素有勤王之志。正親町天皇密賜以詔書。使平定全國之亂。信長大喜。乃用結婚政策。與近江今滋賀縣

國主淺井長政、甲斐今山梨縣國主武田晴信。連合。密謀上洛。嘉靖四十四年。永祿八年松永久秀弑將軍義暉。而立


其從弟義榮。義暉弟義昭走近江。信長迎義昭為主。率師入京都。時義榮已卒。松永久秀以下諸將皆降。遂定

攝津。今兵庫縣東北部河內今大阪府北部伊勢。今三重縣義昭忌信長威名。謀去之。信長怒。遂義昭。室町幕府亡。時明神宗萬曆

元年。日本正親町天正元年。西曆紀元一五七三年也。室町幕府自足利曾氏創業。凡傳十五代。二百三十五

年而亡。中央政權入於織田氏。

足利氏世系表




足利將軍略譜

尊氏 初名高氏
 認等持院
 義詮 寶徳院
 義滿 稱北山殿
 庶死院
 義持 義量榮後重就職
 勝定院

第三編 近古史

在職二十五年 年五十四
 在職十年 年三十八
 在職二十七年 年五十一
 在職二十九年 年四十二

執事 高師直、仁木賴章、
 執事 細川清氏、斯波義將、
 管領 細川賴之、賴元、斯波義將、義重、畠山基國、
 管領 斯波義重、義淳、畠山滿家、細川滿元、



義量 長得院

在職三年年十九

義持執政中

義教 初名義圓又名義宣
普廣院

在職十四年年四十八

管領 畠山滿家、斯波義淳、細川持之、

義勝 廣雲院

在職二年年十

管領 細川持之、畠山持國、

義政 稱東山殿慈照院
義尚薨後再就職

在職三十一年年五十六

管領 畠山持國、政長、細川勝元、政元、斯波義廉、

義尙 初名義熙
常德院

在職十六年年二十五

義政執政中

義植 初名義村義尹
惠林院義澄罷後再就職

在職十八年年五十八

管領 畠山政長、大內義興、

義澄 初名義通
法住院

在職十六年年三十二

管領 細川政元、多多良義興、細川澄元、

義晴 萬松院

在職二十五年年四十

管領 細川高國、細川晴元、

義暉 初名義藤
光源院

在職十六年年三十三

執政 三好長慶

義榮

在職一年年三十一

執政 松永久秀

義昭 初名覺慶
靈陽院

在職五年年六十一

執政 織田信長

信長既廢義昭。遂起兵併吞越前今福井縣近江阿波今四國德島縣等國。時叡山僧徒暴橫。擅養軍人。時與諸侯聯合。抵抗政府。信長遣兵勦平之。焚叡山。僧徒皆死。近畿略定。朝廷進信長從二位右大臣兼右大將。築城於近江。以爲根據地。拱衛京都。已復略定東海東山北陸三道南部。及山陰山陽南海三道北部諸國。約有日本全國之

半。是爲織田氏全盛時代。

足利義昭之被逐也。走備後。

今廣島縣北部

依毛利輝元。時毛利氏富強甲於中國。信長使其將羽柴秀吉鎮播磨。

今兵

庫縣東南部

經略中國。以圖毛利氏。尋復自將南征。追出京都。宿於本能寺。部將明智光秀作亂。襲本能寺。信長及

其長子信忠皆自殺。時明神宗萬曆十年。日本正親町天正十年。西曆紀元一五八二年也。

是時羽柴秀吉圍高松城。與毛利氏相持甚急。聞警。急與毛利氏和。兼程回京都。與信長三子信孝。部將丹羽長秀、池田信輝等。連兵討光秀。誅之。立信忠長子秀信爲信長後。年甫三歲。使信長次子信雄佐之。信孝欲自立。秀吉不聽。信孝怒。乃與信長故將瀧川一益、柴田勝家等謀。連兵攻秀吉。秀吉奉信雄擊破其兵。殺信孝。勝家自殺。一益降。織田氏舊將無敢抗顏行者。秀吉乃築大阪城爲根據地。自專國政。威權反出秀信上。信雄不悅。與德川家康連兵攻之。戰於長久手。秀吉兵不利。乃與信雄家康和。復招降南海諸國。還京都。自爲內大臣。充關白。尋進太政大臣。賜姓豐臣氏。進兵經略九州諸部。皆下之。西南皆平。復征關東及奧羽諸部。皆下之。移德川家康於江戶。鎮守關東八州。東北皆平。乃議進兵經略朝鮮。

第十七章 倭寇與朝鮮之役

中國外患。古來皆在西北方。周之戎狄。漢之羌胡。晉之五胡。唐之突厥回紇吐蕃。宋之遼金西夏。明之韃靼瓦剌。舉凡直接足以爲禍於中國者。大抵皆西北民族。而東南民族不與焉。蓋中國西北皆陸地。東南皆海洋。上古交通機關未發達時。陸上之交通難。海上之交通難。東南民族之不足爲我患者。亦天然力有以限制之。非人力真能預防也。隋唐之交。中國與日本曾起國際交涉。衝突之結果。中國戰勝。日人遠避。是非惟唐初兵力足以懾服達人。抑以日本正當帝政末年。持盈保泰。一切取保守主義。不願撓大國之怒之所致也。平源競爭時代。日本武人擅權。民風不變。漸趨重侵略主義。然競爭之中心點。皆在日本內地。對於中國。未遑計及。至北條氏末年。元世祖東征之役起。中國以獅子搏兔而不勝。日本以螳臂當車而不敗。於是日人自尊之念。與輕我之心。同時勃發。釀成三百年倭寇之患。倭寇二字。爲日本出身之英雄。或大盜。侵略中國及朝鮮沿海地方者之總名稱。故廣義之倭寇。則新羅時代之神功皇后。有明中葉之豐臣秀吉。中日戰爭時代之明治天皇。皆可包納於其中。狹義之倭寇。則皆日本無賴游民之所爲。不必一定含有政治上多大意味也。由來倭寇之起源地。在日本九州及山陰山陽二道。其根據地在壹歧、對馬、兩島。其侵略所及地方。北自朝鮮八道。遼東山東兩半島。及直隸之渤海灣沿岸起。南至江蘇、浙江、福建、廣東、及安南之沿岸止。其發生時代。在有元初年。後高麗末年。即日本北條氏執權時代。其終止時代。在有明中葉。後朝鮮初年。即日本豐臣氏當國時代。前後繼續三百餘年。蹂躪十數行省。爲中國朝鮮一大患。後高麗之衰亡。實間接受其影響。至豐臣秀吉當國。遂大舉兵

西侵。幾乎併吞朝鮮。明室竭全國之力以抵禦之。幸而秀吉逝世。日人罷兵。朝鮮僅存。而中國實力已暴露於天下。遂起滿洲覬覦之漸。然則明室之亡。雖謂發軔於朝鮮之役可也。茲述其事蹟如左。

第一節 倭寇之猖獗

自元世祖用兵日本。日本禁不與中國通商。海舶往來。皆好利細民。久之流爲海寇。後五十餘年。日本分南北兩朝。互相構兵。及南朝敗。其遺臣越海掠高麗沿岸。時謂之倭寇。九州諸邊民漸附和之。其勢轉盛。高麗屢遣使日本乞禁。亦自嚴海防。然其侵掠仍不已。

明初。倭屢寇瀕海州縣。洪武三年。太祖遣使往諭其王良懷。實卽南朝之征西將軍良親王。良懷遣僧奉表入貢。未幾。寇掠

如故。帝遣使責讓之。良懷不奉詔。已又遣僧祖來奉表稱臣。且貢方物。帝甚嘉之。念其俗佞佛。可以西方教

誘也。遣僧祖闡等至。爲其國演教。國人頗崇奉之。而良懷傲慢無禮。拘之二年。始放還。洪武七年。遣總兵官

吳禎等。總江陰四衛軍出海。至琉球大洋。獲倭兵船。獻俘京師。二十年。復命信國公湯和築瀕海城防倭。尋足

利義滿統一南北朝。承苦兵之後。瀕海諸侯國咸欲通商中國及朝鮮。以救財政之困難。緣是與朝鮮國交頗

密。倭寇遂止。惠帝建文二年。義滿遣使入貢。自稱日本國王源道義。永樂元年。始達。成祖厚禮之。二年。對馬

壹歧諸島賊掠濱海居民。因諭義滿捕之。三年。義滿發兵盡殲其衆。繫其魁二十人以獻。且修貢。成祖益嘉與。

遣使賜以九章冕服。及錢鈔錦綺加等。而還其人令自治。使者至寧波。盡置其人於甌。蒸殺之。四年。又遣使

齋牧褒嘉厚賚。封其國山爲壽安鎮國之山。御製碑文立其上。六年。其子義持遣使來告哀。朝廷再遣使祭。賜義滿諡曰恭獻。封義持日本國王。時海上復以倭警告。朝廷諭義持勦捕。義持遣使謝恩。尋獻所獲海寇。朝廷遣使報聘。義持不禮焉。自是以後。倭寇愈熾。其後義教當國。復稱臣奉貢。顧寇掠仍不絕。未幾。足利氏衰。倭寇復出沒黃海及東海間。日本政府與明廷及朝鮮之交通中斷。而其邊陲之諸侯。咸各自通於明廷。領信符勘合。盛營貿易。沿海諸省勢豪。與貴官相結。屢給日本商民。購物不給值。商民怨懟。自世宗嘉靖二十六年以後。復結隊侵掠沿海諸省。其國無賴。來者日衆。奸民之缺望者。復往投之。勢益猖獗。揚子江下流流域諸府州。積受其患。朝廷屢遣右副都御史朱紳、王忬、兵部尙書張經、戶部侍郎楊宜等。督江浙福建等省兵討之。倭人南北馳驟。勝則豕突。敗則鼠竄。官軍疲於奔命。而卒無成效。四十二年。倭寇以全力侵掠福建沿海。總兵官俞大猷、副總兵戚繼光等。擊破之於平海衛。今福建莆田縣。患始寢息。然餘寇猶據臺灣。時時出沒海上。閩廣一帶巨寇蜚賊。無不引倭爲援。屢犯浙閩粵東。至神宗萬曆中。仍不已。其所以猖獗之原因如左。

第一、日本自南北分裂以後。人民習於戰爭。邊境流氓。時常以侵略鄰國爲事。日本政府。政令不出於一途。故取締極難。且亦不以取締爲務。及南朝亡後。南朝武士。不願臣服足利氏。相率流爲倭寇。故倭寇之勢日盛。

第二、自元世祖東征失敗以後。日人藐視中國之心頓生。至於高麗。更卑之爲無足道。自負心與欺人心同。

時勃發。故日以侵略爲事。

第三、日本人借通商爲口實。與中國及朝鮮競錙銖。顧通商之利雖厚。不若虜掠之利尤厚。故一面通商。一面虜掠。爲利心所驅使。日從事於倭寇。

第二節 後朝鮮初年之內政

一、太祖之家禍。後朝鮮自太祖篡位以後。用鄭道傳議。盡殺後高麗王室子孫。遣使通好於明。明太祖命仍古號曰朝鮮。故稱之曰後朝鮮。復遣使修好於日本。請求禁止倭寇。日本大將軍足利義滿。優禮使者遣歸。而不爲之禁止。太祖明決寬厚。善容衆議。卽位之初。舉賢良。求直言。定科舉考課之法。遷都漢陽。建孔廟。又命鄭道傳等撰經國元典、續典。太祖有子八人。芳雨、芳果、芳毅、芳幹、芳遠、芳衍、皆元妃韓氏出。芳蕃、芳碩、繼室康氏出。宰相裴克廉、鄭道傳、南閭等逢迎康氏意。請立芳碩爲世子。忌諸王子年長。謀去之。芳遠豪邁勇敢。有威名。佐太祖成大業。有功。尤爲道傳等所忌。太祖寢疾。道傳等入宮。召諸王子。謀殺之。芳遠以兵入宮。誅道傳、閭。并殺芳蕃、芳碩。立芳果爲太子。太祖在位七年。以明太祖洪武三十一年。傳位於芳果。是爲定宗。定宗卽位。尊太祖爲上王。知中樞朴苞。討鄭道傳。有大功而賞不及。不悅。陰勸芳幹舉兵殺芳遠。芳遠復攻朴苞。殺之。流芳幹於遠方。定宗爲人謹直仁儉。以芳遠有大功。不願久居人下。兄弟之情。重久違之。在位二年。以明惠帝建文二年。傳位於芳遠。芳遠卽位。是爲太宗。

二、太宗世宗之治。太宗初年。內政修明。焚讖緯之書。下奴婢解放之令。禁止佛教。適活版術由中國輸入。故印刷業發達。文化頗進步。太宗在位十八年。以明成祖永樂十六年。傳位於第三子禔。是爲世宗。太宗猶以上下名義預政。屢興冤獄。屠戮大臣。失政頗多。

永樂二十年。世宗四年太宗殂。世宗始親政。寬厚恭儉。早朝晏退。敦睦九族。優禮儒臣。御經筵。講經史。盛暑祁寒不懈。三十年如一日。性勤敏好學。讀書過目不忘。以故人材輩出。國內太平。後朝鮮國基牢固。實始於此時。自太祖時。已建成均館。使貴戚子弟就學。又興寶文閣。以整理書籍。至是復設集賢館。聚文人學士。從事編纂。故文化日盛。復怒倭寇跋扈。遣李從茂率舟師五百艘。攻宗貞茂於對馬島。以絕倭寇後路。遇颶風。無功而還。失亡頗多。世宗乃遣使修好於足利義持。復與對馬島主宗氏和。與以貿易勘合章。許其通商。於是倭寇之禍稍息。適值瓦剌猖獗。屢侵明室北鄙。英宗親征。兵潰於土木。爲敵所虜。遼東屬下之建州衛。亦爲女真所陷。朝鮮北部被兵。世宗遣將北伐。爲明室應援。戰比有功。明廷嘉之。世宗在位三十二年。以明景帝景泰元年殂。世子珣卽位。是爲文宗。

三、世祖之篡。文宗在位二年而殂。世子弘暉卽位。是爲端宗。年甫十二歲。領議政皇甫仁、右議政金宗瑞等輔政。王叔父首陽大君瑅作亂。殺仁等。自爲領議政。專國。端宗在位三年。以景泰六年。爲瑅所篡。瑅自立。是爲世祖。

世祖以篡逆得國。失德頗多。顧天性豪邁。長於射御。深諳兵法。置五衛都總府。以改良軍政。前會寧府使李施愛以吉州叛。咸興以北州郡。爭殺守令以應之。聲勢浩大。世祖遣將討平之。李滿住據建州衛以叛。明復遣兵代明討平之。武功赫然。復留心政治。慎刑獄。改官制。暇則講學論道。文化異常發達。世祖在位十三年。殂。子晁卽位。是爲睿宗。在位一年。殂。兄子世祖長子卽位。是爲成宗。

四、成宗之治。成宗天性聰明好學。經史百家。星曆鐘律。無一不通。射御書畫亦極其妙。留心風化。重治民之官。親耕藉田。王妃親蠶。屢幸大學。作尊經閣。設養賢庫。開弘文館。搜求遺籍。優禮儒臣。容納直言。以故士風丕變。半島英俊輩出。境內稱治。王之晚年。爲政失之過寬。法令稍弛。賄賂之風漸行。又自以爲太平已久。日與宗室諸侯燕樂。人民漸流於奢侈。王在位二十五年。以明孝宗弘治七年。殂。長子愷立。是爲燕山君。

五、燕山君之虐。燕山君淫虐不好學。前後兩次。以微嫌大殺儒臣。史稱之曰戊午之禍。甲子之禍。賢臣斥逐殆盡。內豎金子猿等用事。設妓樂於諸道。以備巡幸之用。又置採青使。採紅駿使等官。徵求美女良馬。廢成均館。撤移祖廟。以爲遊戲之所。罷弘文館。司諫院。廢經筵。設司僕寺。掌樂院。以供娛樂。在位十一年。淫虐無所不至。明武宗正德元年。前吏曹參判成希顔。知中樞朴文宗。吏判柳順汀等密謀。以太妃尹氏之教。廢王。遷之喬桐島。在江華島西北迎王弟晉城大君懌卽位。是爲中宗。

六、中宗之弊政。中宗革前代弊政。設賢良科。登庸人材。頒給學田。振興文學。王親耕。妃親蠶。崇節儉。謹祭祀。

定上下之禮。改衣服之制。稱爲中興之主。顧王性柔懦。易受蒙蔽。卽位之初。以微嫌廢妃慎氏。卽位以後十四年。信禮曹判書南袞都總管沈貞之纔。殺太司憲趙光祖。竄逐領議政鄭光弼以下賢臣數十人。史稱之曰己卯之禍。中年以後。佞臣沈貞、李沆、金克愐用事。時人稱爲辛卯三奸。已而克愐死。貞沆誅。佞臣金安老、許沆、蔡無擇用事。屢興大獄。時人稱爲丁酉三凶。王之晚年。參判尹安仁說文定王后尹氏。請於王。誅三凶。王大悔悟。召還流人。登庸遺逸。在位三十九年。以明世宗嘉靖二十三年殂。長子皓卽位。是爲仁宗。

七、尹元衡之專橫。仁宗在位八月而殂。弟暉卽位。是爲明宗。年甫十二歲。母文定王后尹氏垂簾聽政。后弟尹元衡當國。是爲外戚用事之始。仁宗之母章敬王后尹氏之弟尹任。與元衡不相善。各結朋黨。互相傾軋。時人稱曰大尹小尹。已而元衡與其黨譖尹任有異志。流之遠方。賜死。諸王名士連坐者百餘人。王心知其冤而不能救。元衡專國二十餘年。至文定王后薨。始免官。放歸田里。明宗在位二十二年。以明穆宗隆慶元年殂。領議政李浚慶奉王妃沈氏之教。迎立王弟德興君昭中宗第七子卽位。是爲宣祖。

第三節 後朝鮮初年之外患

一、野人。宣祖卽位以後。追復尹任等官。流竄尹元衡黨與。登庸李混、李弼。講學論治。輿論翕然。顧綱紀久弛。一時未易振作。加以太祖以武人得國。不願大將主兵柄。利用偃武修文政策。以爲長治久安之計。世宗以後。文學日益發達。武力日益廢弛。全國中上流社會。競趨於行政一途。釀成排擠之風。演出朋黨之禍。國力日益

疲弊。外患遂乘虛而入。當時外患。南有倭寇。北有野人。野人者。建州衛人。女真遺族。卽前清發祥之舊部落也。先是成宗十年。鮮廷奉明命往征之。無攻而還。自此以後。野人時常寇邊。歷中宗、明宗。禍患時常不絕。宣祖初年。野人酋長尼陽介。出沒六鎮。王假以官祿招徠之。明神宗萬曆十一年。宣祖十六年尼陽介怒邊將禮薄。復犯邊。陷慶源府。鮮廷大發兵征之。時昇平日久。士民不習兵革。聞出征。皆痛哭。軍心惶惑。已而穩城府使申砬率兵赴援。擊野人。大破之。進渡豆滿江。掩襲其部落而還。野人之禍稍息。然寇掠仍不絕。

二、倭寇。倭寇自世宗以後。其禍漸稀。其後見朝鮮武力廢弛。遂復乘勢侵掠。自燕山君末年。始擾全羅道。殺守令。奪貢船。王遣使至對馬。要求宗氏禁止之。宗氏不能制。明武宗正德五年。中宗五年釜山僉使李友曾。以罪

鞭居留釜山之對馬島人。居留之倭戶大怒。引宗氏兵入寇。陷釜山。殺李友曾。大掠薺浦。在洛東江口熊川。在釜山西北

萊山。在釜山西北而還。鮮廷遣兵追之。不及。自此以後。對馬島人時常入寇。東南騷然。足利義植、義昭在職時代。兩次遣

使如朝鮮。議照舊通商。鮮廷鑒於前禍。不敢許。四國九州豪族。陰爲倭寇應援。其勢轉盛。東亞沿岸一帶。無不

被其禍。朝鮮尤甚。宣祖在位日久。漸沈溺酒色。李弼沒後。朝無直臣。當局者惟事逢迎。仁嬪金氏寵冠後宮。

言無不從。領議政李山海與金氏之兄公諒結表裏用事。民心解體。思亂者衆。或走遼東。或投日本。適值豐臣

秀吉勃興。統一三島。聞朝鮮國政亂。以爲有機可乘。遂大舉兵西伐。釀成中日兩國之衝突。自此以後。後朝鮮

之勢日衰。日本之勢日盛矣。

第四節 豐臣秀吉西侵之役

先是織田信長當國。秀吉曾建議伐朝鮮。欲取道朝鮮。以侵中國。時日本內地。戎馬倥傯。尚未遑也。信長卒後。秀吉當國。遣宗義智使朝鮮。促其入貢。且使爲伐明之嚮導。不從。又脅琉球使供糧。琉球懼。報之明廷。明廷下詔諮問朝鮮。朝鮮惟辨嚮導之誣。尙不知其謀已。明神宗萬曆二十年。宣祖二十五年。秀吉大起兵侵朝鮮。師凡十三萬七千餘人。水師九千餘人。以加藤清正、小西行長爲先鋒。將舟師數百艘。由對馬島渡海。破釜山。乘勝長驅。行長一軍。自慶尙涉忠清。直逼京畿。渡臨津江。清正一軍。自慶尙貫京畿江原。直抵咸鏡北道。時朝鮮承平日久。兵不習戰。日兵猝至。望風奔潰。宣祖棄王城。奔平壤。令次子瑋攝國事。已復走義州。願內屬。時日兵已入王京。八道幾盡沒。旦暮且渡鴨綠江。請援之使。絡繹於道。朝廷以朝鮮爲國藩蔽。在所必爭。出師援之。而日兵業抵平壤。朝鮮君臣益急。出避愛州。遊擊史儒等帥師至平壤。戰死。副總兵祖承訓統兵渡鴨綠江赴援。兵敗。僅以身免。中朝震動。乃詔兵部右侍郎宋應昌。經略備倭軍務。李如松爲大將軍。充防海禦倭總兵官。提督東征軍務。先後率兵數萬援朝鮮。兵部尙書石星計無所出。議遣人偵敵。於是嘉興人沈惟敬應募。入日軍議和。行長在平壤。與惟敬約。期十五日待報。如松兵渡江。會朝鮮降人爲日軍耳目者。爲本國所縛。以故行長不知大軍至。如松以諸軍急薄平壤。遂克其城。行長渡大同江遁。已而李如柏如松弟復開城。風今京畿道。所失四道並復。大軍既連勝。有輕敵心。朝鮮人有以「敵已棄王京遁」告者。如松信之。將輕騎趨碧蹄館。在漢城西。猝遇日將小

早川隆景立花宗茂等大隊圍之數重。幾不免。大軍喪失甚多。乃退駐開城。於是封貢議復起。二十二年。秀吉遣小西如安本行長之侍史有寵冒姓爲飛騨守明史作小西飛以其自署小西飛騨守故入朝。定封貢議。二十四年。朝命楊方亨等充封使。偕惟敬往。日兵退守釜山。明使詣伏見。晤秀吉。冊文不當意。秀吉怒。逐使者。下令復發兵。以小早川秀秋爲帥。督清正行長等。再犯朝鮮。抵釜山。列砦聯艦。爲久據計。惟敬狡譎。售欺中日。弊中朝鮮。中外交惡之。逮問。尋伏誅。和議乃絕。日軍進入全羅。破南原。據全州。犯慶尙。偪王京。二十六年。大兵圍清正於蔚山。秀秋等分道赴援。與清正等內外合擊。經略楊鎬狼狽先奔。諸軍無主。大潰。日軍斬獲甚衆。其後諸將分道進擊。輒不利。會秀吉卒。遣令罷兵。釜山軍先引回。清正等亦各收軍入海。諸將追擊之。互戰各有勝負。日軍卒敗。脫歸。宣祖始還京。明廷仍留兵戍之。後三年。乃盡撤。時明神宗萬曆二十六年。日本後陽成慶長三年。後朝鮮宣祖三十一年。西曆紀元一五九八年也。自軍興至此。凡七年。明喪師數十萬。糜餉數百萬。中國與朝鮮迄無勝算。日本亦困甚。至秀吉卒。禍始熄。

第十八章 明代之東西交通

明代之東西交通。約分爲兩時期。明之初年。國力充盈。屢遣使臣經略南洋。一時馬來半島南洋羣島諸國皆

來入貢。是爲東力西漸時代。及明晚年。國勢衰微。無力對外。西洋諸國。新發見好望角。西葡荷英接踵東下。經略殖民地與通商埠。於是中國印度日本及南洋羣島。無一不有西人足跡。是爲西力東漸時代。茲述其事蹟如左。

第一節 鄭和之遠征

先是成祖卽位。疑惠帝亡命海外。屢命中官輩蹤跡之。銜命異域者。紛紛四出。如使烏斯藏者有候顯。使爪哇、蘇門答臘者有馬彬。使暹羅者有李興。使滿刺加、柯枝、巴爾部之可陳諸國者有尹慶。而其中以鄭和爲尤著。和以永樂三年。多齎金帛。造大船凡六十有二。帥海軍三萬七千餘人。由蘇州劉家港。汎海至福建。達占城。以次徧歷南洋。明史原作西洋諸國。宣威德。頒詔給賜。不服則以兵懾之。諸國咸聽命。及和還朝。皆遣使隨入朝貢。成祖大喜。未幾。復命和往。徧賚諸國。由是來朝者益衆。和先後凡七奉使。三擒番王。初使擒舊港酋陳祖義舊港故三佛齊國也再使擒錫蘭國王亞列苦奈兒及其妻子。最後蘇門答臘王子勳業之盛。爲古來宦官所未有。而諸番利中國貨物。益經營互市。蘇幹利謀殺其王并欲殺和。和率兵討擒之。往來不絕。故當時有三保太監下西洋之說。後至宣德初元。棄交趾。中國兵威雖稍詘。遠夷朝貢多不至。而南洋之交通如故。奉命海表者。莫不盛稱和以誇示外番云。

梁任公飲冰室全集。有祖國航海大家鄭和傳一篇。推測鄭和經歷之事蹟頗詳。茲節錄於左。以供參考。鄭和。雲南人。世所稱三保太監者也。初事明成祖於燕邸。從起兵有功。累擢太監。成祖之在位。當西紀千四

百三年至千四百二十四年。正葡萄牙王子亨利獎勵航海時代。亨利生一三九四年卒一四六三年而西史所稱新紀元之過渡也。成祖以雄才大略。承高帝之後。天下初定。國力大充。乃思揚威德於域外。此其與漢孝武唐太宗之時代正相類。成祖既北定韃靼。耀兵於烏梁海以西。西闢烏斯藏。以法號羈縻其酋。南戡越南。夷爲郡縣。陸運之盛。幾追漢唐。乃更進而樹威於海國。鄭和之業。其主動者。實絕世英主明成祖其人也。舊史稱成祖疑惠帝亡海外。欲蹤跡之。且欲耀兵異域。示中國富強。於是有命和航海之舉。但其動機安屬。勿具論。吾徵諸史文。於鄭君首途之前。有深當注意者二事。

一曰。其目的在通歐西也。本傳云。命和及其儕王景弘等通使西洋。又云。俗傳三保太監下西洋。爲明初盛事。據此則此行本志。非南渡而西征也。蓋自馬哥孛羅入仕以來。歐人讀其書而知中國有文明。始汲汲謀東航。此印度新航路之所由發見也。彼此皆未克達最終之目的地。而今日東西通道之鍵鑰。實胎孕於是。

二曰。航海利器之發達也。本傳云。造大舶。修四十四丈。廣十八丈者六十二。容士卒二萬七千八百餘人。吾讀此文。而歎我大國民之氣魄。洵非他族所能幾也。考現在世界最大商船。稱美國大北公司之一「彌奈梭達」。今年始開航日本議和全權小村氏乘之以赴美者也長六百三十英尺。廣七十三英尺。全世界色然驚之。謂大莫與京矣。英尺當我工部尺九寸八五七七。明尺當今工部尺。尺有一寸一二。然則鄭和所乘船。其袤殆與彌奈梭達等。

其幅則倍彼有餘。以今日之美國。僅能造如彌奈梭達者二。以當時之中國。幾能造彌奈梭達者六十二。雖曰專制君主有萬能力。而國民氣象之偉大。亦真不可思議矣。其時蒸氣機關。未經發明。乃能運用如此龐碩之艤。凌越萬里。則駕駛術亦必有過人者。

哥倫布航海凡四次。伋頓廓航海凡五次。而鄭和航海則七次。今表其年代。

(首途時)

(迴航時)

(西紀)

(所歷地)

第一次 永樂三年六月 永樂五年九月 一四〇五……七年

起蘇州經福建逾占城達三佛齊

第二次 永樂六年九月 永樂九年六月 一四〇八……一一年

至印度錫蘭島

第三次 永樂十年十一月 永樂十三年七月 一四一二……一五年

歷蘇門答臘滿刺加等十九國

第四次 永樂十四年冬 永樂十七年七月 一四一三……一九年

第五次 永樂十九年春 永樂二十年八月 一四二一……二二年

第六次 永樂二十三年正月 永樂二十三年 月 一四二四……年

第七次 宣德五年六月 宣德八年七月 一四三〇……三三年 至忽魯謨斯等十七國

據右表所示。則鄭和爲海上生活者垂三十年。殆無歲不在驚濤駭浪之中。其間稍自息肩者。則成祖崩殂後六年間耳。迨宣宗中葉。復舉壯圖。闢地最遠。而和亦既老矣。其經略海外之事實。史文闕如。不能具詳。但

紀其俘三佛齊王。錫蘭王。定蘇門答臘之亂。其武功之偉。可見一斑。又史言自和死後。凡將命海表者。莫不盛稱和以誇外番。此則張博望之在西域。何以加諸。其時紀行之作有二書。

(一) 瀛涯勝覽 馬歡著 永樂十四年出版 紀載十九國

(二) 星槎勝覽 費信著 正統元年出版 紀載四十國

馬費二氏皆回教徒。以能解阿剌伯語言。被命爲通譯。故紀行文皆成於其手。馬著出版先。故國名少而紀載較詳。費著出版後。故國名多而紀載微簡。今參考兩書。釋以今地。以稽當時聲威之所被焉。

(一) 馬來半島以東諸國 凡十五

(二) 滿刺加諸國 凡四

(三) 蘇門答臘諸國 凡七

(四) 印度諸國 凡六

(五) 阿剌伯諸國 凡五

(六) 阿非利加諸國 凡三

(一) 馬來半島以東諸國

(1) 占城。(Champa or Champa) 漢林邑地。唐時或稱占不勞。改稱占婆。今越南下交趾部西貢市所在地。其時爲一獨立國。不屬交趾。

(2) 靈山。星槎所記云。與占城山地連接。其地今難確指。西人腓立氏謂今之伽南港。(Can-nauh) 格蘭尼威氏謂爲今之那的里加山。(Nuitrocan) 未知孰是。要之在下交趾也。

(3) 真臘。(Cambodia) 今之柬埔寨。爲法蘭西保護國者也。當時其國領有暹羅之一部分。西與我雲南接壤。

(4) 崑崙。(Pulo Candore) 下交趾極南之一島。如我國之有瓊州島。然至今越南人仍呼爲崑崙山。西人則稱蒲盧康得羅。蓋馬哥孛羅紀行之舊名云。馬來語之蒲盧。卽 Island (島) 之義也。今法人往往竄越國事犯於此。

(5) 賓童龍國。(Cope Padaron) 今柬埔寨海岸之一岬角也。

(6) 暹羅國。(Siam) 自明。

(7) 彭坑。(Panang) 星槎云。在暹羅之西。卽今馬來半島之南端。瀕東海岸與新加坡接壤者也。

(8) 東西竺。(Singapore) 明史外國傳。柔佛條下去。「柔佛近彭亨。永樂中。鄭和遍歷西洋。無柔佛名。或言和曾經東西竺山。今此山正在其地。疑卽東西竺。」今案柔佛卽今之新加坡。在馬來半島之

極南端。當時名以東西竺者。殆猶哥倫布命北美新地爲西印度羣島歟。

(9) 龍牙門。(Strait of Lingga) 馬來半島與蘇門答臘島中間之一小島。在海峽間。今大學堂審定地圖所稱龍加島者是也。

(10) 交爛山。(Billiton Island) 大學地圖所稱比利敦島者也。在爪哇海中。位蘇門答臘島與婆羅洲之交。元時史弼征爪哇。曾駐兵焉。

(11) 假馬里丁。(Carimata Island) 大學堂地圖所稱卡里馬塔羣島是也。在婆羅洲之西南。與蘇門答臘相對。元史史弼傳有假里馬答其位置正如星槎所記星槎之馬里可決爲里馬之譌

(12) 麻逸凍。(Pulo Bintang) 星槎記在交爛山之西南洋海中。其地今難確指。格蘭尼威氏以巽他羣島中之邊丹當之。今從焉。

(13) 瓜哇。(Java) 自明。

(14) 重迦羅。(Madura) 大學堂地圖所稱馬都拉島者是也。在爪哇海中。與蘇拉巴雅港相對。

(15) 吉里地悶。其地今難確指。星槎云。在重迦羅之東。產檀香。按佛理嶼一名檀香嶼。(Sandalwood) 或當屬此地。其地在瓜哇海與班達海之間也。

(二) 滿刺加諸國。

(1) 滿刺加國 (Malacca) 今官書或稱麻刺甲。爲英屬地。在馬來半島南端西岸。

(2) 亞魯 (Aru Islands) 大學堂地圖譯爲亞羅。在蘇門答臘島北岸。臨滿刺加海峽。

(3) 九州山 (Pulo Sambihon) 滿刺加海峽中九島嶼。九州之名。乃譯義而非譯音。馬來語之 Pulo 此云島也。其 Sambihon 此云九也。

(三) 蘇門答臘諸國。

(1) 舊港亦名淳淋邦 (Palembang) 明史稱三佛齊。六朝時稱干陀利。今荷屬蘇門答臘島之東北部。一大都會。大學堂地圖所譯爲巴鄰旁者是也。

(2) 蘇門答臘國 (Sumatra) 今以爲全島總名。但據瀛涯星槎所記。則僅爲其島西部之專名。卽今之亞珍 (Achin) 一隅之地也。

(3) 南淳里 (Lambri) 其地今難確指。馬哥孛羅紀行有廉淳里國者。當卽其地。蓋蘇門答臘島之西北部。亞珍之西鄰也。Lambri 譯南。蓋廈門音。

(4) 那孤兒、一名花面王國 其地今難確指。殆亞珍之一部。

(5) 黎氏 其地今難確指。殆亞珍之一部。

(6) 龍涎嶼 (Pulo Way) 距亞珍東北十三里。一小島也。

(7) 翠藍嶼 (Andaman Island) 大學堂地圖所稱安達曼羣島是也。由馬來半島航印度。此其中站。今爲印度屬地。隸英版圖。瀛涯記其地在大海中。山有三四。星槎記在龍嶼西北五晝夜程。其必爲安達無疑。翠藍者。狀風景以命名。非譯音也。

(四) 印度諸國。

(1) 榜葛刺 (Bengal) 卽通行官書所譯之孟加拉。今印度首府加拉吉大所在地也。

(2) 柯枝 (Cochin) 大學堂地圖作可陳。此譯柯者。廈門音也。其地在印度半島之西南端。臨阿刺伯海。

(3) 大小葛蘭 (Quilon) 大學堂地圖作固蘭。星槎記其地與都樵欄相近。都樵欄卽 Tortivanderum 亦印度第二等都會也。

(4) 古里國 (Calicut) 瀛涯記其位置云。西瀕海。南距柯枝國。北距狼奴兒國。遠東七百里許距坎巴夷。案柯枝卽可陳。坎巴夷卽 Cambay。大學堂地圖譯康木拜。然則其地必今之哥里卡德。孟買省瀕海一小都會也。

(5) 錫蘭 (Ceylon) 印度南端之大島。古稱獅子國。今西航必經之地。

(6) 溜山洋國 (Maldivé Island) 大學堂地圖譯爲麻代父羣島。錫蘭島西偏南之多數珊瑚島也。

瀛涯言有八大溜。星槎言有三萬八千小溜。其爲無數小嶼甚明。與馬哥孛羅紀行麻代父條下記事正同。

(五)阿剌伯諸國。

(1) 佐香兒星槎祖法兒瀛涯(Djeffer) 阿剌伯海南岸一市。

(2) 阿丹國 (Aden) 舊譯雅典。亦譯亞丁。阿剌伯最南端一半島。西航必經之要津也。今爲英屬地。屬印度孟買省行政區域。

(3) 忽魯謨斯 (Hormuz or Ormuz) 波斯灣內三大島之一。今爲波斯領土。

(4) 天方 (Arabia or Mecca) 卽阿剌伯。亦名麥加。

(5) 刺撒 其地今難確指。蓋在米梭必達米亞附近。

(六)阿非利加沿岸諸國。

(1) 木骨都束 (Magedexa or Magadoxo) 大學堂地圖所譯馬加多朔者是也。在阿非利加東海岸。臨印度洋。

(2) 卜刺哇 (Prawa) 大學堂地圖譯巴拉瓦。在木骨都束迤南。

(3) 竹步 (Juba) 大學堂地圖譯周巴。在卜刺哇迤南。

以上所列凡四十國。皆見於瀛涯勝覽星槎勝覽者。今略推定其航路線如下。

(一) 航中國南海。至印度支那半島之南端。西貢

(二) 航暹羅灣。即曼谷。今暹羅之東岸。至曼谷。

(三) 航暹羅灣西岸。循馬來半島。南下至新加坡。

(四) 繞航蘇門答臘島一周。

(五) 繞航爪哇羣島一周。

(六) 航孟加拉灣。經安達曼羣島。至東印度。加拉吉大

(七) 循孟加拉灣東岸。南航至錫蘭。繞錫蘭島一周。

(八) 循阿剌伯海東岸。北航至西印度。孟買

(九) 由孟買循波斯灣東岸。北航至泰格里士河河口。今土屬小亞細亞

(十) 循波斯灣西岸。南航復沿阿剌伯海西岸一周。至亞丁。

(十一) 越亞丁灣。循紅海東岸。北航至麥加。

(十二) 循紅海西岸。南航出亞丁灣。復循阿非利加東部海岸。南航經摩森比克海峽。亦作莫三鼻給海峽掠馬達加斯加島之南端迴航。

此鄭和航路之大略也。據上所列。似詳於西而略於東。其足跡未及馬來西亞羣島之半。而瓜哇海以東。未嘗至焉。然考明史外國傳雞籠條下。言「鄭和惡其人。家貽一銅鈴。」是臺灣島和所曾履也。又文萊條下。言「鄭和往使。有閩人從焉。因留居。後人因據其國而王之。」是婆羅洲和所曾履也。西洋朝貢典錄。稱「呂宋於永樂八年。隨中官鄭和來朝。」是非力賓(Philippine Is.)羣島亦和所曾履也。瀛涯星槎皆不能記載者。殆馬費二氏。皆以能操阿刺伯語。從事通譯。其在馬來半島以西。爲阿刺伯語通行地。故二氏能紀之。其以東則無取於二子之載筆歟。準此以談。則亞細亞之海岸線。和所經行者。十而八九焉。嘻。盛哉。

第二節 歐力之東漸

自蒙古跨有歐亞以後。東西交通滋繁。黑海沿岸。克里米。君士坦丁。等地。皆爲重要商埠。有元末年。阿多曼帝國興。握黑海鎖鑰。欲往東洋者。須別覓新航路。加以蒙古朝東遊諸海客。競談中國與印度之富饒。及日本之多金寶。歐人聞之。多爲之神往。及羅盤針創行。適當黑闇時代之終。歐人脫千餘年之壓制。冒險敢爲。氣霸一世。乃相攜以薄遊東洋。就中以國境傳海。人習操舟。先諸國著鞭者。聿推葡西荷英四國。

一、葡萄牙。值明成宏年間。葡王約翰(John)二世在位。盛獎航業。憲宗成化二十二年。西歷紀元一四八六年葡人地亞士(Bartholomen Diwz)始達阿非利加洲南端。越大浪山(Cabo Tormentos)更名爲好望角(Cape of Good Hope)弘治十年。西歷紀元一四九七年約翰一世殂。子以馬弩利(Emmanual)二世嗣立。次年。其臣達伽瑪

(Vasco da Gama) 遂繞好望角。踰印度洋。抵南印度之馬拉巴爾。達伽瑪歸報。十三年。復遣伽布拉耳 (Cabrera) 等繼往。始闢殖民地於印度之加爾各答 (Calicut) 與可陳 (Cochin)。武宗正德五年。西歷紀元一五一〇年 遂取印度西海岸之臥亞 (Goa) 爲根據地。進略東岸及錫蘭島。尋復據麻刺甲及爪哇。自明成祖遣鄭和經略南洋以後。中國人多往經商於彼者。與葡人漸相習。因之葡人益東進。九年。初航中國海。後三年。達廣東。尋詣寧波、廈門等處互市。世宗嘉靖四十二年。西歷紀元一五六三年 租借廣東之澳門。即阿瑪港 爲根據地。同時赴日本肥前平戶。假館通市。自伽布拉耳東來之歲。至有明末年。凡一百數十年間。東洋商權。幾全爲葡人所壟斷。

二、西班牙。方葡人之覓路於非洲之南也。西人亦同時分道揚鑣。覓路於美洲之右。明孝宗宏治五年。西歷紀元一四九二年 哥倫布 (Columbus) 意大利之熱那亞人。西王后所遣尋新地者。 始探獲新大陸。十二年。一四九九年 亞美利哥 (Amerigo Vespucci) 意大利之佛羅梭薩人。西王后所遣尋新地者。 始探獲新大陸。十二年。一四九九年 麥折倫 (Magellan) 葡人仕。 遂具舟自巴八年。一五一五年 西人拜耳布 (Balboa) 始望見太平洋。十四年。一五一五年 麥折倫 (Magellan) 葡人仕。 遂具舟自巴西 (Brazil) 首途。循南美東岸而南。渡一海峽。以己名名之。即今麥折倫峽。 益西進。汎大洋。喜其風平浪靜。名之曰太平洋。是爲太平洋得名之由來。實爲海客一周地球之始。神宗萬曆八年。一五八〇年 西王菲力賓二世兼王葡國。益振興商務。先是西人於世宗嘉靖四十四年。一五五六年 已據菲力賓羣島。建馬尼刺 (Manila) 埠。至是遂遣使來聘於明。請與互市。先至之葡商問之。迄不得當。去之日本平戶。受慶通市。然商埠之在馬尼刺者。與華人

貿易亦頗盛云。

三、荷蘭。荷故爲西班牙屬國。嗣因宗教之爭。以明世宗嘉靖四十五年。西歷紀元一五六六年一起兵畔之。神宗萬曆七

年。一五七九年遂獨立建國。二十四年。一五九六年始航東洋。抵蘇門答刺及爪哇之馬都拉。爪哇以火嶽山爲界。左曰馬都拉右曰卡里門

而歸。後卒闢諸島爲商埠。漸攘西葡英殖民地。殺逐其人。創建東印度公司。(Dutch Privileged East India Company)

資本合股凡二千一百五十三羅卜三十年。一六〇二年得其政府報可。於好望角、麥折倫祿、築砦駐

兵。握商權及內治外交權。四十七年。一六一九年建巴達維亞。(Batavia)府於爪哇爲根據地。熹宗天啓四年。一六二四年

復據臺灣。對日本及印度羣島盛行互市。復先後遣使詣中國求通商。爲葡人所尼不諧。已而據澎湖。犯

海澄。巡撫南居益擊卻之。遁還臺灣。毅宗崇禎十三年。一六四〇年復掠葡屬摩鹿加島。(Molucca)清世祖順治

八年。一六五一年闢殖民地於好望角。十五年。取錫蘭。十七年。又取西里伯島。皆葡屬也。已而臺灣爲明延平王鄭

成功所克。荷人走還爪哇。聖祖康熙年間。朝廷大發兵攻鄭氏。荷人以夾板船助之。有功。遂特許其通商於廣

東。時日本港禁甚嚴。自崇禎十年日本基督教徒據肥前原城五市獨荷人以不傳基督教故。仍許互市於長崎。於

是葡人之東洋商權。悉爲荷所奪。

四、英吉利。英人以明神宗萬曆七年。西歷紀元一五七九年始航印度。二十八年。一六〇六年創設東印度公司於倫敦。合股

凡百二十五萬鎊次年。遂航海抵蘇門答臘、爪哇、摩鹿加諸島。自是漸與荷葡競。多闢商埠於南洋羣島。及大陸沿

岸印度、暹羅之地。四十一年。一六三一年至日本平戶營商。崇禎八年。一六三五年抵中國澳門。乞互市。粵東官吏已許之。入葡人讒。復中變。礮擊其船。英人怒。與戰勝之。奪礮砦。尋還其所獲。竟得請。已而明亡。中國亂。不及與外人締約。葡人復頻擠之。故英人在中國數十年。商業無起色。卽在日本貿易。亦爲荷人所妨。不得大盛。惟於印度。勢漸增長。陵二國上。

第三節 耶教之輸入

商船來者旣夥。基督教之福音。亦隨以俱來。基督教自元亡驟衰。規復之者頗不乏人。時歐洲新舊兩教之爭方烈。舊教徒爲新教徒所挫。欲取償於東洋。就中堅忍不撓者。爲基修伊特(Jesuit)派之教徒。相繼東渡。自明孝宗宏治十三年。西歷紀元一五〇〇年始隨葡人至印度。世宗嘉靖十八年。一五三九年葡人據臥亞。傳播浸盛。其中尤著者。爲基督教會東洋布教總長賽威爾(Xavier)以嘉靖二十一年。一五四二年蒞臥亞。後六年。赴日本平戶。留四年。在京都、及周防、豐後、等地傳教。嘉靖三十年。一五五一年還臥亞。次年。航中國。道卒。衛利尼亞、羅支亞、利瑪竇(Matho Ricci)等繼之。

利瑪竇以明神宗萬曆八年。一五八〇年至中國廣東。留肇慶府。日著僧衣。學華語。教化士人。及羅支亞以傳教事歸報。利遂從廣州。經南昌。詣南京。以儒服謁留都士大夫。士大夫咸重其人。萬曆二十九年。利留中國已二十一載。與龐迪我(Lidacus de Pantaja)偕入北京。因宦官進方物。神宗館餼之。士大夫如徐光啓、李之藻輩。

皆好其說。且爲潤色其文詞。利與徐李譯著幾何原本、職方外紀等書。泰西科學傳入中國自此始。三十八年。

一六一〇年 利卒於京邸。其生平宣教。一徇中國舊俗。故信從者衆。北京各處咸建會堂。

四十四年。一六一六年 神宗以廷臣言。下逐客令。禁宣教。徐光啓上書爭之。天啓四年。一六二四年 遂弛禁。時龐迪我、熊

三拔、(Sabba Thims de Uris) 龍華民、(Nicolaus Langobardi) 陽瑪諾、(Emmanuel Junior) 諸

傳教師。皆在北京。德國人湯若望 (Joannes Adam Schall von Bell) 亦至。耶教益入人心。諸傳教師多

通天文曆法。能駁正欽天監之誤。而與天行脗合。朝廷遂以傳教師兼任欽天監事。復命鑄造火器。蓋中國非

重其教。特珍其科學。然彼傳教亦緣是少所阻害。有明末年。中國信教徒至數千人。上而宮禁。明永歷帝皇太后及太子皆奉

教其將亡也。皇太后介龍馬。宮寺。十四宗室。十四達官。四十皆與焉。有清勃興。湯若望又爲世祖所信任。仍職

欽天監。繼湯後者爲南懷仁。亦爲聖祖所眷。故天文、算法、火器、測量、諸術。至是一新。凡以上諸西儒。皆基修伊

特派教徒也。

明皇太后致羅馬教皇詔書

大明寧聖慈肅皇太后烈納。(Helena) 致諭於因諾會爵。(Innocent X 1644-1655)

代天主耶穌在世總師、公教皇王、聖父座前。竊念烈納本中國女子。忝處皇宮。惟知閭中之禮。未諳域外之教。

賴有

耶穌會士瞿紗微。(Adreas Xavier)在我皇朝。敷揚聖教。傳聞自外。予始知之。遂爾信心。敬領聖洗。使

皇太后瑪利亞。(Maria)

中宮皇后亞納。(Anna)及

皇太子當定。(Constantinus)并請入教領聖洗。三年於茲矣。雖知瀝血披誠。未獲涓埃答報。每思恭詣

聖父向

天主前。憐我等罪人去世時。特賜罪罰全赦。更望

聖父。與聖而公一教之會。代求

天主保祐我國中興太平。俾我

大明第十八代帝、

太祖第十二世孫、

主君等悉知敬

真主耶穌。更冀

聖父多遣

耶穌會士來。廣傳

聖教。如斯諸事。俱惟憐念。種種眷慕。非口取宜。今有

耶穌會士卜彌格。(Michael Boym) 知我中國事情。即今回國致言我之差

聖父前。彼能詳述鄙意也。俟太平之時。即遣使官來到

聖伯多祿。(St. Pietro) 聖保祿。(St. Paolo) 臺前致儀行禮。伏望

聖慈鑒茲愚悃。特諭。

永曆四年十月十一日(清世祖順治七年西曆紀元一六五〇年)。

明龐天壽上羅馬教皇書

大明欽命總督粵閩恢剿聯絡水陸軍務、提調漢土官兵、兼理財催餉、便宜行事、仍總督勇衛營、兼掌御馬監印、司禮監掌印太監、龐亞基樓契利斯當。(Achilleus Christao) 膝伏 因諾曾爵、

代天主耶穌在世、總師公教、真主、聖父座前、切念、亞基樓、職列禁近、謬司兵戎、寡昧失學、罪過多端、昔在北都、

幸遇

耶穌會士開導愚懵、勸勉入教、恭頌

聖水。始知

聖教之學。蘊妙洪深。夙夜潛修。信心崇奉。二十餘年。罔敢少怠。獲蒙

天主庇佑。報答無繇。每思躬詣

聖座。瞻禮

聖容。詎意邦家多故。王事靡盬。弗克遂所願懷。深用悚仄。但罪人一念之誠。爲國難未靖。特煩

耶穌會士卜彌格。歸航泰西。來代告

教皇聖父。在於

聖伯多祿。聖保祿座前。兼於普天下聖教公會。仰求

天主慈炤。我大明。保祐國家。立際昇平。俾我

聖天子乃

大明第十八代帝、

太祖第十二世孫、

主臣欽崇

天主耶穌。則我中華全福也。當今

寧靜慈肅皇太后、聖名烈納。

昭聖皇太后、聖名瑪利亞。

中宮皇后、聖名亞納。

皇太子、聖名當定。虔心信奉

聖教。並有諭言致

聖座前。不以宣之矣。及愚罪人。懇祈

聖父。念我去世之時。賜罪罰全赦。多令

耶穌會士來我

中國。教化一切世人。悔悟敬奉

聖教。不致虛度塵劫。仰邀

大造。實無窮矣。肅此少布愚悃。伏維

慈鑒。不宣。

永曆四年歲次庚寅陽月弦日書

慎

餘

第四節 明世海外殖民事業

西曆紀元一千五六百年之交。全歐沿岸諸民族。各以航海業相競。哥倫布發見西印度羣島。亞美利哥發見美洲。達伽瑪沿非洲西岸。逾好望角。達印度。發見歐亞兩洲新航路。麥折倫沿南美洲東岸。發見麥折倫海峽。橫渡太平洋。抵非力賓羣島。遂繞地球一周。當西人興高采烈。眉飛色舞。搜獲新殖民地。探險新航路時。我亞東大帝國沿海民族之草莽英雄。已有先西人着鞭。開闢殖民地於南洋羣島者。茲述其事蹟如左。

一、三佛齊國王梁道明。王廣東南海人也。三佛齊在蘇門答臘島之南端。與瓜哇島西端相接。今爲荷蘭屬地。自梁武帝天監、唐昭宗天祐、宋太宗太平興國年間。屢通中國。明太祖洪武中葉。瓜哇來侵。舊王朝亡。國大亂。時閩粵人旅於佛者已千數。王乃號召部勒之。保國之北境。與瓜哇相拒。瓜哇終不能有也。不十年。閩粵軍民泛海從之者數萬人。永樂三年。明成祖以行人譚勝受與王同邑。命偕千戶楊信等齎勅招之。王乃與其臣鄭伯可入朝。貢方物。有陳祖義者。亦粵人。本海盜。王撫之。使爲舊港頭目。而祖義盜行未改。鄭和從好望角迴航歸國。祖義謀要之事洩被戮。自此與上國絕。據明史

二、三佛齊國王張璉。王廣東饒平人也。本劇盜。明世宗嘉靖末。作亂。蹂躪廣東江西福建三省。勢極猖獗。合三省會剿。調兵二十餘萬。凡三年。乃平之。官軍報捷。謂已獲渠魁就戮。神宗萬曆五年。有商人詣舊港者。問其王。則璉也。蓋敗後潛逸。復以力據有此國云。舊港卽三佛齊。瓜哇滅佛時。更此名。故外致者兩稱之。自梁王距張王凡百餘年。張氏果取諸梁氏歟。抑梁張之間。更有他姓歟。不可考也。據明史及明通鑑

三、婆羅國王某。王福建人。佚其姓名。明萬曆間。始王此地。卽今之婆羅洲也。或言鄭和使婆羅。有閩人從之。因留居焉。後嗣遂據有其國。有金印一。篆文上作獸形。言永樂朝所賜。民間嫁娶。必請此印印背上以爲榮。後佛郎機舉兵來擊。王率國人走入山谷中。放藥水流出。毒殺其人無算。王得返國。佛郎機遂犯呂宋。據明史案此所謂

佛郎機者實西班牙明史誤也

四、瓜哇順塔國王某。王廣東人。佚其姓名。國於瓜哇島北端之海濱。有地方三百餘里。最饒富。中華及諸藩商舶輻輳焉。永樂九年。自遣使貢方物。據明史